




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.677







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.677




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.677





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.677




1.6. 677



















MARCI VELSERI  
RERVM BOICARVM  
LIBRI QVINQVE.

*Historiam à gentis origine, ad Carolum M. complexi.*



AVGVSTAE VINDELICORVM,

*Ad insigne pinus.*

*Cum privilegio Caesaris perp.*

ANNO MDCII.





# PRINCIPES BOICI,

*Qui quauē siue apud Boios, siue externos dominati sunt :  
tum plerique qui hos, siue sanguine siue affinitate, attige-  
runt. Intermixtis qui Boijs exteri imperarunt. Vtrobique  
interdum coniecturis indultū, quarum rationes explicatae.*

## Libro primo.

SIGOVESVS. *pagina* 7.

BRENNVS. 13.

ATES & GALATVS. 21.

BRITOMARVS. 34.

GARGENVS. 35.

MATALVS, *siue* MAGILVS. 40.

CHRIXVS. 41.

DVCARIVS. 43.

COROLAMVS. 55.

DORVLACVS. 57.

BOIORIX, CVM DVOBVS FRATRIBVS. 58.

## Libro secundo.

*Quibus T. B. additum, Tolisto-Boios spectant. Quibus M.  
Marcomanos, sub quorum nomine Boij aliquādiu  
latuerunt.*

THESSALONVS, *siue* THESSALORVS. 70.

)( 12

To-



- T. B. TOLISTVS, *sive* TOLISTO. 71.  
 T. B. ORTIAGON. 75.  
 T. B. CHIOMARA, *Ortiagontis uxor*. 78.  
 T. B. PAEDOPOLITES, *Ortiagontis filius*. 79.  
 T. B. SINATVS & SINORIX. 80.  
 T. B. CAMMA, *Sinati uxor*. 80.  
 CLONDICVS. 83.  
 BOIORIX. 87.  
 T. B. DEIOTARVS. 88.  
 T. B. BOGO-DIATORVS. 89.  
 T. B. ADO-BOGION. 89.  
 CRIXVS. 90.  
 T. B. DEIOTARVS, *Deiotari filius*. 101.  
 T. B. STRATONICA, *Deiotari maioris uxor*. 101.  
 T. B. TARCUNDARIVS CASTOR, *Deiotari maioris gener*. 101.  
 T. B. CASTOR, *Tarcundarij filius, Deiotari maioris ex filia ne-*  
*pos*. 101.  
 T. B. BROGITARVS, *Deiotari maioris alter gener*. 105.  
 T. B. CASTOR, *Dubium an idem cum superiore*. 106.  
 T. B. AMYNTAS. 106.  
 T. B. M. LOLLIVS. 106.  
 T. B. BOAMVNDVS & INGRAMVS. 106.  
 CRITASIRVS. 108.  
 M. MAROBODVVS. 108.  
 M. CATVALDA. 119.  
 M. IVBILLIVS. 120.  
 MARICVS. 121.  
 M. TVDRVVS. 121.  
 T. AVRELIVS FVLVVS BOIONIVS ANTONINVS PIVS. 122  
 M. AV.

- M. AVRELIVS BOIONIVS ANTONINVS. 122.  
 FVLVIVS BOIVS. 126.  
 M. SALONIA PIPARA. 126.  
 M. ATTALVS, *Saloniæ pater*. 126.  
 ADALGERVS. 128.  
 M. FRITIGIL. 132.  
 KREINHILDIS, *Boiorum reguli filia, Attile uxor*. 135.

### Libro tertio.

*Quibus B. P. additum, Boicæ principatum tenuere. Quibus  
 L. R. Langobardorum Reges ex Boijs fuere.*

- B. P. THEODO, AGILOLFINGORVM PRIMVS. 147.  
 B. P. VTILO, &  
 THEODO VACARVS, *Theodonis primi filij*. 160. 184.  
 B. P. THEODIBALDVS, *Theodonis Vacari filius*. 183.  
 B. P. GARIBALDVS, *Alienus ab Agilolfinga familia, ut vide-  
 tur*. 188.  
 THEODELINDA, *Garibaldi filia, Autharis uxor*. 192.  
 GVNDALDVS, *Garibaldi filius*. 193.  
 GRIMOALDVS, *Garibaldi filius*. 193.  
 B. P. THASSILO, *Theodibaldi filius*. 194.  
 GAILA, *Gisulfi filia, Principis Boiorum uxor. Incertum an  
 Garibaldi secundi*. 208.  
 B. P. GARIBALDVS SECVNDVS, *Thassilonis filius*. 208.  
 GVNDOBERTVS, *Gundoaldi filius*. 209.

)( 3 Libro



# EPISCOPI.

## IVVAVIAE, *sive* SALIS- BVRGI.

Rupertus.	211
Vitalis.	219
Ansolagus.	274
Sauolus.	274
Ezius.	274
Flobargisus.	274
Ioannes. idem Aquila ab Al- cuino appellatus.	274
Virgilius.	304
Bertricus.	327
Arno.	327

## LAVREACI.

Laurentius.	175
Ierardus.	175
Eutherius.	175
Maximilianus.	175
Quirinus.	175
Constantius.	179
Theodorus.	180
Philo.	219
Viuilus <i>sive</i> Viuilo. idem	
Adda.	272. 274

## REGINOVRGI.

Lupus.	212
Emmerammus.	228
Ratharius.	268
Garibaldus.	274
Simpertus.	308

## BATAVIS.

Valentinus	179. 260
Erchenfridus.	219
Bruno.	221
POST HAEC LAVREACENSIS ET BATAVENSIS SEDES COALVERE.	
Sidonius.	305
Antelmus.	308
Vifericus.	308
Valdericus.	320

FRI-

## FRISINGAE.

SABIONAE IN BRI-  
XENTIBVS.

<i>Corbinianus.</i>	256	<i>Cassianus.</i>	178
<i>Erimbertus.</i>	274	<i>Ingenuinus.</i>	196
<i>Iosephus.</i>	308	<i>Constantius.</i>	308
<i>Aribo. idem Heres &amp; Cy-</i>		<i>Praconius. siue Procopius.</i>	308
<i>rinus.</i>	308	<i>Constantius.</i>	308
<i>Atto.</i>	326	<i>Vrsus.</i>	308
		<i>Pigencius.</i>	308
		<i>Proiechus.</i>	308
		<i>Maturninus.</i>	308
		<i>Marcellus.</i>	308
		<i>Valerianus.</i>	308
		<i>Agnellus.</i>	308
		<i>Anribanus.</i>	308
		<i>Antonius.</i>	308
		<i>Laurentius.</i>	308
		<i>Ioannes.</i>	308
		<i>Alimus.</i>	308

## NVENPVRI.

*Manno.* 308

## TIBVRNIAE, siue

## TIGVRINAE.

*Paulinus.* 179

## EISTADII.

*Vilibaldus.* 282

*Gerochus.* 326

X 5 AR-



# ARGUMENTA.

## Libro primo.

**G**entis origo. Nomen. Insignia. Transitus in Italiam, & res ibi potissimum, per annos circiter quadringentos, gesta.

## Libro secundo.

**R**es in reliqua Europa, & Asia, ante constitutum in Boica principatum, à Boijs gesta. Bauaria nomen unde natum, & eius ad Boios analogia.

## Libro tertio.

**P**incipatus à Theodone in Boica constitutus, anno post Christum natum DVIII. Boicae descriptio: quique eam populi ante Boios habuerint. Res gesta ad annum usque DCXVI..

## Libro quarto.

**R**eligio Christiana, Ruperto docente, recepta. Res in Boica, & à Boijs in Italia gesta ad annum DCXXX.

## Libro quinto.

**R**eliquum historiae ad annum DCCLXXVIII. Thassilo cum Theodone filio à Carolo Magno exauctoratus.

P.H. 09934


VI

MARCI VELSERI

PERUMBOLARUM

LIBRI CINQUE





MARCI VELSERI vii - 1  
RERVM  
BOICARVM

LIBRI QVINQVE,  
AD MAXIMILIANVM

BOIORVM DVCEM.

Liber primus.

**P**letatis tuæ in patriam fuit, Serenissime Princeps, uniuerſam Boiorum gentem, quæ ſiue iam nunc eſt, ſiue poſthac ſequetur, ſed & quæ præteritis annis unquam uſquam extitit, ab omni antiquitate, beneficiendo velle demereri. Quod viuſ atq; præſentibus repræſentare, promptum & procliue, religione, prudentia, iuſtitia, æquitate, clementia, virtutibus regijs alijs, quarum fructus deinceps ad poſteros permanaturi ſunt, cum memorabili nominis tui commendatione. Sed quâ maiores, morte dudum functos, poſſint attingere, via nulla retrò eſt; niſi quod hoſce, in beatis etiam nunc ſedibus, ubi æternum æuum felices agitant, te talem tantumq;

A genu-



genuisse, lætari existimandum. Ceteroqui ad illos priuatim, unum beneficij genus pertinet, quod nemo unquā bonus contempsit, nominis, rerumq; gestarum famam, diuturni temporis vetustate languescentem, atque intermorientem, ex situ & tenebris, in vitæ quodammodo lucem & splendorem reuocare. Serio enim, mortuorum vita, in viuorum memoriâ posita, memoria, sine litterarum monumentis, obscura & caduca est. Historiam itaque scribi voluisti: isti primùm fini, posterum inde exemplo, documento, Boici generis bono uniuersè. Piè hoc. Illud prudenter, cum sub imperio tuo degerent homines eruditionis laude florentes, magna etiam exterorum quorundam fama esset, antetulisse ceteris, & legisse præ omnibus, scriptorem ex amica & fœderata potissimum ciuitate, qui maleuolentiæ, & inuidiæ, & adulationis causas, procul haberet. Veritatis hæc nimirum fiducia, virtutis conscientia est, narratori nullis affectibus obnoxio, res tuas tractandas credere. Nam nos sanè liberum pectus afferimus, nec inania scientes captaturi, nec rectè cuiusquam facta volentes pressuri, nec quæ secus euenere, ut in longo temporis curriculo multa utrimque accidere necesse est, parsuri prodere, publicè interesse rati, fugienda sequenda iuxta notescere. Ceterum non sustineamus affirmare dubia, non item subducere, quæ vero accepimus similia. Magnitudinem oneris aspectu æstimauimus, versatum

fatum libratumq; deinde, sensim multò magis: superiorum annorum scriptores Boici, feramus si non subleuant, nisi verò aggrauant etiam, quamquam nullius labores obtrectamus, res in confesso est: humeros tamen non subduximus, sed tuo freti maximè iudicio, memoriæ populi amici, belli pacisq; artibus incluti, pro virili parte lubentes consulimus.

**I**N Europæ diuisione, veteres multò maximam partem Celtarum populis tribuisse comperio. Regionem ad ambas Rheni ripas, quod Dio scripsit, Dio lib. 39. tum hinc omnem quæ postea Gallia & Hispania fuit, Gades usque, uti Ephorus, inde porrò quicquid Eph. apud Strab. lib. 4. terrarum ad Scythas iacet. Celtiberiæ & Celto-scythiæ clara utrimque nomina, rei fidem ad posteros propagarunt. Extremas etiam sub Septentrione oras, Celtas tenuisse, ex Hipparcho paret; hic so- Hipp. ap. Strab. lib. 2. lem æstiuas noctes perpetes in Celtica lucere memorat, quod, præterquam si qui ad ipsum prope cæli cardinem colunt, nulli hominum generi potest contingere. Admiraculi speciem in fabulam auxit Eudoxus Rhodius, esse gentem circa Celticam, quæ Eud. ap. Apollon. lib. 24. noctu videat, interdiu non videat. Sed Celtica appellationis fama, vetustate hebetata, de ceteris est obscurior: in Gallia, & quæ, nomine serò mutato, nunc Germania est, diutius tenuit. Ultra tamen

A 2 Rhe



Cæsar de bel.  
Gall. lib. 3.

Genes. c. 10,

Ioan. Gor. Be-  
can.

Etymol. u. Κελ-  
τα.

Rhenum arctata paulatim, accisis postmodum magis magisq; finibus, in ultima demum Gallia hæsit, partem eius complexa circiter tertiam. Nec est vocabulum Celtico vetustius, aut omninò aliud, quo Germanos Græci Latiniq; homines, ante inuentum Germaniæ nomen, uniuersè appellarint, cum priuata Celticarum gentium supersint. Nam quod sacrarum litterarum interpretes fere consentiunt, Ascenczem, natum Gomero Iapheti filio, cui Noë pater, imperium hac extendisse, uniuersæ genti nomen fecisse, & Hebræi ex vetustissima antiquitate hodieq; usurpant, reliquorum populorum linguæ nunquam sequutæ sunt. Scio Cimmerios & Cim-bros nuper in hac causa suffragatorem inuenisse, qui eos non Germanis tantum & Gallis, sed innumera-bilibus præterea gentibus, Aborigines ausus est asse-rere, secundis multorum sententijs, qui nouitatis u-bique amor est. At præiudicatæ opiniones eualu-ere, nec Cimmeriæ tenebræ ullis ingenij & littera-rum luminibus satis potuere dispelli. Ego Celtas, qua longissimæ ætatis memoriam respicio, Galliam & Germaniam complexos reperio. Et præposteram ambitionem interpretor, Germanorum Gallorūq; principatum hac illac trahentium, quando uterque populus uno nomine olim census, iisdem origini-bus ortus censendus est. Græcos auctores ha-beo (quos penes tam vetustæ tamq; incertæ rei fides erit) conditorē fuisse Celtum, filium siue Herculis

ex

ex Celtô, aut Celtine, aut Sterope, siue Polyphemus ex Galatea: Timagenes, simpliciter regem dixit. Parthen. ar. at. c. 30. Etymol. in Celtica. Appian. Illyr. Timag. ap. Ammian. Marcell. lib. 15. Tac. de mor. German. Sanè Herculem apud se egisse, Germani credi volere, auctor Tacitus. Qui patria tamen sequutus carmina, originem Manno, filio Tuistonis, Dei terra editi, tribuere maluit. Nos hoc genus narrationes, quo merentur loco, seponimus, operam ijs ad aliquam veri speciem conformandis, non lufuri. Iosephus Moysæ historiarum interpres non malus, Ios. antiq. lib. 1. c. 11. Aschanaxem retulit (Ascenezem appellauimus) condidisse Aschanaxas, siue Rhegines: eo nomine si Rheni accolae respexit, ut videri hominibus eruditis intelligo, iam Aschanaxes Celtarum generatim sit conditor, siquidem Galli & Germani Rhenum æquè accolunt.

Celticam autem vocem, Cæsar indigenam esse Cæf. bel. Gall. lib. 1. pronuntiauit: inde tot eius notationes atque explanationes, haud ita dudum exortæ sunt, quot hominibus otio iuxta & ingenio abutentibus, vacauit excogitare. Earum ut una aliqua vera sit, fieri fortasse potest, ut certa & comperta nobis habeatur, fieri, quantum video, vix potest, itaque cogitatò prætereo. Porro Celtarum gentes, quod pro terrarum spatio necesse, fuere multiplices. Neque nunc facile explicatu sit, quam quæque regionis oram, utram saltem Rheni ripam, primum occupauerit: nam nullis reliquis domesticis litteris, obscurum, atque incertum adeò est, si quid hîc exteræ suppeditant.



Pol. lib. 1.

Tac. de mor.  
Germ.Sim. ap. Plut.  
Romulo.

Bona fide Polybius, quæ à Narbone ad Tanaim in Septentriones vergunt, illa etiam tum ætate inexplorata fuisse omnia, somniorum loco quorundam de ijs dicta, scripta, habenda monuit. Id quam vellem sibi certi, huius & superioris memoriæ, scriptores, persuaderi passi, historias quæ dudum perire, duxissent perditas, iam illi nimium quantum operæ, quod inanibus coniecturis excogitandis exornandisq; posuere, potuissent compendi facere, lectores simul incredibili tædio, molestæ & absurdæ lectionis, ut meus saltem sensus est, leuare. Taciti sententia, hominis rerum nostrarum apprimè callentis, sua se verisimilitudine approbat, antiquitus utriusque partis populos, ut quisque eualuerat, occupasse permutasseq; sedes, promiscuas adhuc, & nulla regnorum potentia diuisas; quantulum obstaret enim Rheni alueus, pari maximè utriusque tunc temporis ripæ libertate? Itaque, non, si alicuius aliquando gentis sedes, ultra citraue Rhenum, videbimur idoneis testibus posse constituere, consequetur ideò, primas illas fuisse & perpetuas, ab usque ultima origine: quandoquidem multas retrò migrationum vicissitudines latere, verisimile admodum, sed memoriæ, infiniti prope temporis diuturnitas, velum obduxit.

Celtarum Boij habiti, gens ampla & valida. Nomen Tarquinio prisco Romæ regnante, in Italia primum auditum est. Vetus poeta Simylus, Romulo olim

olim Rege, Capitolium à Tarpeia Boijs & Celtis  
proditum significat,

Ἡ δ' ἀγχοῦ Ταρπηΐα παρὰ Καπιτώλιον ἀπὸ

Ναίουσα, Ρώμης ἐπλεῖσται χολέης.

Κελτῶν ἡ σέξασα γαμήλια λέκτρα θυέας,

Σκηπτούχων πατέρων ὅκ' ἐφύλαξε δόμους.

Et paullo post,

Τῶ δ' οὐτ' ἀρ' Βοίοί τε καὶ ἔθνεα μυρία Κελτῶν

Χηράμφοι, ρείθρων ἐντὸς ἔθεντο Πάδου.

Ὅπλα δ' ἔπι περ βαλόντες δρεμανέων διπλὸ χειρῶν,

Κούρη ἔπι συγερῇ, κόσμον ἔθεντο φόνου.

Sed palam falsus, illa quippe Sabinis prodidit.

Tarquinij regno, primus Bellouesus, plerisque Gal-

liæ populos, Elitouius inde Cenomanorum, ma-

num in Italiam duxit. Sequuti Boij & Lingones, in-

certum quibus profecti sedibus, & quo duce; ex

Celtica venisse conuenit. A Boijs quæ Laus Pom-

peia postea dicta, condita; & Pado traiecto, Etruscis

atque Vmbris pulsus, magnus agri modus, & urbes

opulentæ per plures, intra Apenninum infessæ sunt.

Etruria media Italia, ad utrumque tunc littus porre-

cta, cum sapientiæ studio, atque religionis opinio-

ne, tum ingentibus terra mariq; claruit opibus; &

verò populum, cui Etrusci loco cesserint, animis ma-

nibusq; valuisse oportet. Belloueso SIGOVESVS

frater fuit, impigri ambo iuuenes, Ambigati sorore

geniti (Ambigatus Celtico Rex erat) auunculi con-

filio

Liv. lib. 5.

Plin. lib. 3. c. 17.

SIGOVESVS.



Iustinus lib. 24.

filio, prægrauantem domo multitudinem, hominum trecenta omninò millia, ductis colonijs exonerare aggressi, cum alteri Italia obuénisset, Hercynij saltus huic sortitò dati sunt. Quæ Sigouesum gentes sequutæ, à Liuiò, omnis huius historiæ scriptore, non est proditum, nec enim suscepti operis argumentum eò pertingebat: De Belloueso proditum, maximas peditum equitumq; copias, ex Biturigibus, Aruernis, Senonibus, Aeduis, Ambarris, Carnutibus, Aulercis coactas, Italiæ intulisse. Procliue verò coniecturam ducere, fratrem, cui aspera Hercyniæ peterentur, neque pauciores numero, & æquè bello bonos ac strenuos, sub signis habuisse, quod Ambigati voluntate, utrique, quantum hominum vellet, licuerit legere. Tectosages nimirum potissimum, & Heluetios, & Boios: quando ex omnibus Galliæ populis, hæc ad Hercyniam nomina claruere, extra syluam Tectosages & Heluetij, Boij intra, quâ mediâ Germaniâ, magnum terrarum tractum, perpetua vasti nemoris corona, in orbem cingit. Tum Boiohemo nomen regioni ex re inditum: prioris appellationis, si qua fuit, vestigium omne deperiit, isthæc postea, quantumuis mutatis cultoribus, manet. Bellouesus autem & Sigouesus, expeditionem, annos circiter sexcentos totos ante Christum natum, susceperunt. Initia siquidem Prisci Regis, cui illi æquales, hunc numerum superant, vitæ exitus non assequitur. Atque ea antiquissima est

Cæs. de bel.  
Gall. lib. 1.  
Tacit. de mor.  
Germ.  
Strabo ex Pos.  
sid. lib. 7.

Omnes chronol.

ANN. ANTI  
CHR. NAT.  
DC.

est Boiorum memoria, certis litterarum monumētis consignata. Multis prius sæculis conditos, vires paullatim, ut habentur res mortalium, extulisse crediderim, quæ reſeratis hinc Italiae alpibus, Hercynij inde saltus latebris, fortissimis utrimque nationibus pulsīs, duobus imperijs felici audaciâ, una tempeſtate conſtituendis, potuerint ſufficere. Verum enimuerò hæc ſcriptorum ſilentio preſſa iacent. Quin nec illud promptum explicare, quibus Boij ea ætate in Gallia ſinibus uſi, & nūm hos continenter tenuerint, an prioribus alijs aliquando expeditionibus alicunde proſecti, illuc immigrarint. Quod Iulius multis poſt ſæculorum curriculis, Boiorum aliquos in Aeduorum conſinio collocauit, id de quo quærimus, longo interuallo non attingit, & ea ſanè manus ex Germania in Gallias retrò redierat.

Cæſ. bel. Gall.  
lib. i.

Memorare poſſim, qui auctores Boios, magnis emenſis terrarum ſpatijs, iter ex Armenia uſque tenuiſſe aſſerunt. Sed ij neque quem ſequantur, neque quod tantæ, & tam vetuſtæ rei teſtimonium laudent, idoneum ullum nominant, neque eorum de reliquo oratio, quo quidem modo ab ipſis concepta eſt, veri faciem, probabilemquæ ſpeciem obtinet. Quamquam enim, Noëticum alueum, humani generis diuino conſilio ſeruatores, poſt uniuerſi orbis eluuiem, in Armenia montibus conſe-

Vitus Arenpek.  
And. Monachus  
manuſcr. alijs  
paſſim.

Genſ. c. 8.

diſſe, inde mortales omnes effuſos eſſe, conuenit:

B Ex

ANN. ANTI  
CHR. NAT.  
D C.



Ex quo fit, non hoc tantum, quod isti de Boijs ponunt, sed quicquid præterea hominum, ubi ubi terrarum degit, ex Armenia prodijisse: Atque si antiquissimæ populorum profectioes, terra & pedibus, non mari & classe, susceptæ sunt, quod planum existimo atq; expeditum, consuetarium, Germaniam ante Galliam & Hispaniam, hominum paruisse cultui, quippe quæ ex Armenia huc proficiscentibus occurrat prior: Quamquam inquam hæc testata sint, res tamen eò redit, ut si semel approbetur, Boicum nomen tam vetustam antiquitatem attingere, reliqua ordine consequantur, & ex Armenia originem trahere, & in Germania prius quam in Gallia auditum esse: sin rursus priscae adeò memoriæ indicium certum nullum extat, nam nullum proferri video, tam fieri potest, Boiorum gentem, hisce demum regionibus, habitata iam Germania & Gallia, siue coniunctim Celticâ verius, quam antea in Armenia fuisse conditam. Quod dum fidei & pudori consultum imus, in medio relinquimus, Boios uniuersè Celticam gentem appellasse satis habentes, nam hoc tutò & rectè poterat. Cordi nobis geographorum ratio, quorum tabulæ, extremum terræ marisq; limbum, ignotæ oræ nomine præscribunt, tantò pudentius, quam si incomperta & irreperta, pro certis exploratisq; afferant.

De nominis notatione, eadem mihi mens. Et si fidenti alicui coniectori, non prorsus inane videri queat,



queat, quod memini legere, neque antehac obser-  
 uatum esse, admirationem habet, Boiaros an Boie-  
 ros, quæ Germanis puta Boiorum appellatio, ista e-  
 tiamnum ætate, apud Moschos, qui ad Armeniam  
 in orientem vergunt, claritudinis & nobilitatis ad-  
 huc haberi vocabulum, quippe quod amplissimo  
 gentis ordini tribuatur. Abobus qui duxere, Bœ-  
 otico inuento, aut Bauaro aliquo, siue Boioario, qui  
 ex Armenia venientium princeps fuerit, næ illi op-  
 pidò ineptiunt. Nisi Brutum Armeniæ & Chaldææ  
 regem, & Archelaum, & filiam principis de Griffis,  
 & Hectorem, & Ionnam, & Simpilionem cum Sa-  
 landra Aegyptia, Bauari maiores, ferre possumus.  
 Insciti item illi qui Boium Herculis filium fuisse  
 narrant, fratrem Norici, Hunni & Heluetij, natu  
 minimum, Rhomum tunc Galliæ imperantem, re-  
 gnum inter malè concordēs diuississe. Iam quid  
 eos producam, nisi ut rideantur profectò, qui Boios  
 in Iobabo Iectanis filio, Heber nepote, quærunt !  
 Heber autem Salem patrem, Arphaxad, Semo Noc  
 filio natum, auum vocauit. Saltem Iobus nuga-  
 turis in mentem venisset, ut quo se iactarent homi-  
 nes harioli haberent, excogitato nomine, cuius to-  
 tidem litteræ traiectæ, Boium exprimunt. Pro-  
 babiliores fortasse aliquantò alteri, acutiores equi-  
 dem, certiores nihilò, Boger, unde Boier & Boij  
 prodierint, dictos dixere, qui arcubus pugnarent,  
 quod Bogen patria lingua arcus sit. Ab imperan-

Herberstein  
Possen-Heiden-  
stein. alij.

Manuscripti  
obscuri.  
Meminit Aren-  
pek.

Manuscriptorū  
quorundam in-  
eptiæ variæ.

Bec, Hermath. do alij & ab offerendo, Boi nomen traxere bifariam. Inuenti denique, qui Auarum appellatione huc abuterentur, nam Bauaros ex Boijs & Auaribus coijſſe exiſtimant. At Bauarorum appellationem recentem, à Baioarijs fluxiſſe, Boioarios nomen Boijs debere, erit cum docebimus. Nunc ad ea quæ certorum auctorum teſtimonijs comperta, redeo.

Pol. lib. 2.

Occupatis ergo uberrimis Italiae campis, victores Galli, ſiue illi Celtæ, ( Polybius utrumque nomen promiſcuè tribuit ) regionem partiuntur. Boijs, quorum centum & duodecim tribus erant, locus inter Padum, Apenninum & Ariminum obtigit, Ananibus Aegonibus & Senonibus proximus. Ibi omnes pagatim & vicatim habitare, nec ſalutem moribus, ſed virtuti concedere, cetera rudes incultiq; in herbarum toris cubare, ferina veſci, non artibus, non apparatus paullò humaniori indulgere, duas tantum res indiſtriæ proſequi, viros ſcires, militarem diſciplinam, & agrorum cultum, nullas priores pecoribus & auro diuitias ducere, quod hæ domini nimirum peregrè etiam comitentur. Amicitias & clientelas magna ambitione parare, multo ſtudio tueri, neque id temere & nullo conſilio, qui plurimis clientibus ſtipatus, Deuotos, Soldurios, Ambactos & Comites, Cæſar atque Tacitus variè appellant, unus reliquos potens percellere, omnibus terrori eſſe; nam incredibilis iſtius ordinis in patronos affectus, quorum ne dum vitæ & ſaluti, ſed etiam

Cæſ. de bel.  
Gall. lib. 3. & 6.  
Tac. de mor.  
German.

ANN. ANTE  
CHR. NAT.  
CCCCXIV.

CCCCXCIIX  
BRENNVS.



etiam famæ, propriam posthabere, sacramentum erat, superstitem verò principi ex acie decedere, probrosum in omnem vitam reliquam, nec fere reperi-  
tus, qui eo interfecto cuius se amicitia deuouisset, mori recusaret, illum defendere, tueri, sua quoque fortia facta gloriæ eius assignare, hoc demum in prima commendatione positum.

Cum eiusmodi institutis Boij Celtæq; ceteri, in Italia uiuerent, & vicinorum plerique siue metu agerent obnoxij, siue vi & armis ad exitium & vastitatem euerterentur, anno quo Veij à Camillo capti, qui fuit antequam Christus nasceretur trecentessimus nonagesimus quartus, & illo prorsus die, Melpum, opulentia præcipuum in Transpadanâ oppidum, ab Insubribus, Boijs & Senonibus deletum est, uti Cornelius Nepos re-  
tulit.

Sexennio non toto interiecto, Galli (tum Clusium BRENNŌ duce obsidebant) Fabiorum iniuria accensi, qui cum legati venissent, se palam pro hostibus gesserant, relicto Clusio, Romam recto itinere petierunt, fusoq; & fugato ad Alliam obuio exercitu, urbem propemodum vacuam & desertam nacti, inflammant, reliquias Romani sanguinis, & spem imperij, quod terrarum inde orbem tam latè complexum tenuit, Capitolinæ arcis angustijs conclusas circumfidentes, ad desperationem ferri adegere, proq; vita & libertate auro coëgere cernere.

Fama Senones vulgo sequitur, an ad Boios aliqua pertineat, Liuius dubium fecit, est enim ambigens,

B 3 num

ANN. ANTE  
CHR. NAT.  
CCCXCIV.

CCCXXCIIX.

BRENNVS.

Nepos ap. Plin.  
lib. 3. c. 17.  
Rom. historie  
scriptores pas-  
sim.

Liui. lib. 5. Plin.  
lib. 3. c. 15. Stra-  
bo lib. 5. alij.



Pol. lib. 2.

Str. lib. 4.

App. Celico,  
Βοιοὶ καὶ περὶ τῶν  
ἐν τῇ Σηλευδίδει  
τοῦ.

Sil. lib. 4.

num Senones soli venerint, num à reliquis omnibus Cifalpinorum Gallorum populis adiuti. Sed adiutos venisse à plerisque, vero propius. Nam siue Etruscum, siue Romanum bellum, præ Melpino quî potuère contemnere? cum Melpino Insubrum & Boiorum auxilia asciuerint; deinde Polybius, accuratus inter primos, & religiosus, & vetustus auctor, Ananes, Boios, Aegones atque Senones, hoc loci & temporis coniunxit, quas nobilissimis Celtarum in Italia gentibus accensuit: Strabo Boios, Insubres & Senones, maximas appellauit: ferocissimorum elogium Boij, eximiè ab Appiano tulere, quamquam homo Græcus, militarem virtutem asperiore paullò vocabulo perstrinxit. Scriptor belli Punici medij poeta Silius, Chrixum Boiorum ducem, Brenni stirpe superbientem memorat,

*Boiorum ante alias, Chrixo duce, mobilis ala,  
Arietat in primos, obicit quæ immania membra.  
Ipse tumens, at aui Brenni se stirpe ferebat  
Chrixus, & in titulos Capitolia capta trahebat,  
Tarpeio quæ iugo, demens, & vertice sacro  
Pensantes aurum Celtas umbone ferebat.  
Colla viri fuluo radiabant lactea torque,  
Auro virgata vestes, manicæ quæ rigebant  
Ex auro, & simili vibrabat crista metallo.*

Quæ si ad historiæ fidem scripta sunt, ut pleraque Silij, Boios Romæ capiendæ non interfuisse tantum, sed præfuisse quoque oportet, qui ducem dederint.

Certè

Certè Virgilius, cui nullum temerè verbum excidit, Virg. Aen. 5.  
 Gallos Capitolij obseffores, eodem corporis cul-  
 tusq; habitu, quo Silius Boium hunc descripsit,

*Aurea caesaries ollis, atque aurea vestis,*

*Virgatis lucent sagulis, tum lactea colla*

*Auro innectuntur.-----*

Siue gentis morem sequutus, siue tabulam anti-  
 quam pictam aliquam, utrumque potuit. At virga-  
 ta sagula quæ sint, læuè explicauit grammaticus in-  
 terpres. Versicoloria appellauere Tacitus & Sido-  
 nius. Barbarus, inferioris æui scriptor, Gallos illis  
 ad Caroli ætatem usque, usos esse ostendit. Ex Di-  
 odoro paret, fuisse in tessellatam prope speciem, in-  
 terstincta, & coloribus variegata, ut si quem retium  
 plagas & maculas, pictis tabellis, explere, & solidare  
 delectet, funiculi decussati virgarum vicem sint, sic  
 futurarum viæ in segmentatis vestimentis istis, quas  
 si auratæ lineæ ad ornatum clauderent, omne enim  
 Gallicum nomen auro apprimè delectabatur, vestes  
 auro virgatæ dictæ, quod de Chrixo Silius scripsit.  
 Ab arcolarum autem hoc modo, vetustissima Boi-  
 corum insignium pars, cæruleo & candido alterna-  
 ta, perparum abit, quadris modicè in rhombos ni-  
 mirum compressis, cuius generis virgato sagulo, mi-  
 les Thoracomachus, in prisco de rebus bellicis li-  
 bro, ornatus visitur. Atque ego compertum habeo,  
 pleraque insignia quorum meri colores, ex militari  
 primò habitu manasse, seu quod hætenus eodem  
 recidit,

Seruius.  
 Tacit. hist. lib. 2.  
 Sid. lib. 4. ep. 20.  
 Barb. Scriptor  
 Sangallens. de  
 vita Caroli M.  
 sub finem lib. 1.  
 Diod. lib. 5. c. 9.

Liber qui Noti-  
 tiæ utriusque  
 imperij subiun-  
 ctus.



Herod. Eut.

Tac. de mor.  
Germ.Tac. Annal.  
lib. 2.

Pol. lib. 1.

Suet. lib. c. 3.

recidit, in militum saga migrasse ex clypeis. Eant si qui fabulam de Psammetichi panibus probare adhuc possunt, commento vix poetis decorè usurpando. Rhombos plerique ter septenos obseruauere, alij aliter constituere: in causas eius numeri, uti colorum itidem naturam & præstantiam, atque inde significatum, subtilius inquirere, vereor frustra fieri, etiam si antiqua est numerorum superstitio, & benigna otiosis hæc omnis ad differendum materia. Tenuit apud Germanos mos deinde perpetuo, Tacitus genti uniuersim tribuit, scuta lectissimis coloribus distincta, præcipuum cultum credere, in quæ etiam sensum scribit, Germanorum scuta viminum textus esse, vel tenues & fucatas colore tabulas.

Galli Româ post septem menses profecti, causæ variè iactatæ sunt; siue pestilentia abactos & fame, siue Romani exercitus superuentu pulsos; siue patriæ denique charitate reuocatos, quam Veneti, per eorum absentiam occasionem nacti, popularentur, icto cum Romanis fœdere, urbe relicta, domum rediisse incolumes. Quod Polybio accredimus. Camilli victoria, & extorta hostibus præda, nec Romæ fidem inuenit, Drusus quippe demum, qui Drauso cæso primus cognomen reperit, Proprætor aurum Capitolinum ex Gallia retulisse dictus, multis post annis, quod, si Camillus in re præsentī recepit, fieri quī potuit? Atque hoc semel exemplo, quam proni scriptores, res suorum tollere, hostium pre-



premere (verè falsò, famæ securi plerique, iuxta habent) qua vetustatis præsertim licentia, audendi animos adijcit.

Gallos inde domestica dissidia exercuere; quod enim Italicorum felicitas & potentia, permagnam apud in alpinos haberet inuidiam, in gente irritabili & bellicosa, sæpe ad cædes deuentum est. A quibus cum primùm quies, arma in Romanos iterum versa, repetitis sæpe adeò vicibus, & tanta virtutis obstinatione, ut Romani, cetera fidentes virum, & inuicti animorum, adusque extrema Reipublicæ tempora præ se habuerint, alia omnia virtuti suæ prona, gloria belli Gallos ante se esse, cum quibus non de gloria, sed pro salute certaretur, & quantumuis victores plerisque ijs bellis, timorem adeò non posuere, ut eum, peculiari propemodum tumultus nomine, quo in nullo præterea externo hoste usi sunt, fateri neutiquam verecundum duxerint, quo & sacerdotum vacationes, & priuilegia cessare voluere, unde metus magnitudinem æstimes. Nam Cæsar, acer in primis, & nulli gratiæ obnoxius in hac causa iudex, Gallos virtute belli, omnibus gentibus prælatos, scriptum reliquit. Quarum Celticarum Gallicarumque gentium, quæ præcipua tunc extiterint ad laudem facinora, raris litteris consignatum reperire est, & absurdi proinde conatus, Boica diuinando singillatim prosequi velle atque eruere. Cum tamen magnam eorum partem ad Boios spectasse,

Pol. lib. 1.

Sallust. Catilin.  
& Iugurth.

Fest. u. tumultuari. Cic. Phil. 8

Cæsar. de bel. Gall. lib. 5.

C

ctasse,

ctasse, ut ut rerum & temporum definitione incom-  
perta; pro comperto exploratoq; sit. Nos quæ in  
eam aut alteram partem obseruauimus, deinceps  
exsequemur.

Liu. lib. 7. Eu-  
trop. lib. 2. O-  
ros. lib. 3. c. 6.  
Frontin. lib. 2.  
c. 4.

Appian, Celci-  
co.

Memorabilis habita inter primas Gallorum ex-  
peditio, anno ante Christum natum ttecentesimo  
quingagesimo sexto, Caijs Fabio & Plauto Cofs.  
quam Boiorum ductu & auspicijs motam Appia-  
nus scripsit. Hic cum Preneste venissent, porrò pro-  
gressi circa Pæstum confederant. Romæ C. Sulpiti-  
us Peticus Dictator dictus, M. Valerium magistrum  
equitum cooptrauit, & robore militum ex duobus  
consularibus exercitibus lecto, in aduersos duxit.  
Bellum trahere Sulpitio consilium erat, quando  
nulla res cogeret se fortunæ tradere, hoste neque  
commeatu instructo, neque munimentis firmo, ijs  
præterea animis corporibusq;, nam hæc de Celtis  
omnibus Romanos habebat opinio, quorum quia  
in impetu tota vis esset, ea exigua interiecta mora,  
sponte languesceret. Sed militum ardore & ferocia  
impulsus, in aciem tamen descendit. Vbi, cum suis  
plus animorum quam virium esse cerneret, hostem  
insidijs captare aggressus, agasones mulis impositos,  
& armis ornatos, aliquot intermistis equitibus,  
clam in proximos montes iubet succedere, ibi se syl-  
uis occulere, quousque conferto iam prælio, signū  
mouendi ostendendiq; daret. Atque pugnā ad  
montium radices commissa, primi Romanorum,  
emissis

ANNI ANTI  
CHR. NAT.  
CCCLVI



emissis pilis subsedere, donec secundi, tertij & quartum mitterent, quibus itidem post iactum subsidentibus, Boiorum eo inuento tela ab illis vitata sunt, postquam verò postremi misissent, iam omnes simul coorti, clamore sublato, in hostes agmine facto irruere occuparunt. Boij contra, dextrum Romanorum cornu acriter inuadere, nec sustineri poterant, ni præsens Dictator, cohortando increpandoq; suos confirmasset; præcipuè pudorem valuisse memorant, ne ullum periculi genus defugere videretur miles, qui certamen paullo ante tam auidè concupisset, impressione itaque rursus factâ, Boica acies turbari, & inclinari adeo cœperat, cum se vanus è monte terror, accepto signo ostendit, specie, ut hostium castra petere crederetur, quo metu pugnâ omisâ, effusa passim ad castra fuga sequuta est. Illic quoniam magister equitum præuerterat, fugientes ad montes sylvasq; versi, victori se eripere nequiuerunt, ab agasibus quippe excepti, & atrox admodum ubique cædes, in sylua maximè edita, ut Appianus omnem illum Boiorum exercitum, tunc deletum prodiderit. Sulpitius triumphans urbem ingressus, magnum auripondus ex spolijs conflatum, laxo quadrato septum, in Capitolio dedicauit. Bella postmodum Gallica, interposita etiam aliquando triginta annorum pace, complura sequuta sunt, non uno fortunæ tenore: quæ sciens prætereo, quando Boicū illis nomen nullus scriptorū intexuit.

Polyb. lib. 11

C 2 Anno

Liv. epit. 12. O-  
ro lib. 3. c. 22.

Ex Pol. lib. 1. ut  
pleraque etiam  
sequeantur.

Anno demum ante Christum natum ducentesi-  
mo octuagesimo secundo, cum Galli Romanos, sub  
Arretinis ferè mœnibus, magna pugna vicissent, qua  
L. Cæcilius, siue Prætor siue Consul occubuit, Tri-  
buni præterea septem, viri nobiles multi, & militum  
cæsa fuere tredecim millia. Postero, P. Corne-  
lio Dolabella, Cn. Domitio Coss. Romani instau-  
rato exercitu, irâ, quam ignominia pudor acueret,  
accensi, in Gallorum fines progressi, Senones habu-  
ere obuios, quos collatis rursus signis, versâ retrò  
belli alea, fœda adeò strage castigauere, ut si qui  
præliis superfuere, patrijs eiekti sedibus, regionem  
victori vacuam reliquerint. Romana colonia in ur-  
bem Senonum principem deducta est, ea Senæ Gal-  
licæ nomen retinuit. Boijs, quod exemplum ad se  
pertinere existimarent, magnam ea res curam inie-  
cit, prope enim Senones colentes, satis intellige-  
bant, unâ Gallici nominis gente excisâ, Romanis  
aduersus reliquas auctos animos, odia non imminu-  
ta esse. Occupandum ergo rati, coactis quam ma-  
ximis potuere copijs & Etruscis ascitis socijs, quibus  
perpetuæ item in communem hostem inimicitia-  
rum causæ supererant, Romanis ad Vadimonis la-  
cum occurrerunt, mox congressi, summam rerum  
unius certaminis pugnae inclinandam commiserunt.  
Festinatae expeditionis & præcipitis consilij, sera,  
quæ solet, pœnitentia comes fuit, multis Etruscorû  
cæsis, Boijs plerisque omnibus. Neque fracti

eo

ANN. ANT.  
CHR. NAT.  
CCXXCII.

ANN. AN.  
CHR. N.  
CCXXC.

CCXXCI.

ATES ET  
GALATVS.



NN. ANTE  
HR. NAT.  
CCXXCII.

ANN. ANTE  
CHR. N.  
CCXXC.

LIBER PRIMVS.

21

eo successu Boiorum spiritus, sequenti anno, C. Fabricio, Q. Aemilio Coss. collectis iterum viribus, & omni iuuentute quæ arma ferre poterat excitâ, Romanis se se finibus denuo intulere, conatu ingenti, euentu magis etiam funesto, dum bellum maiore animo quam consilio gestum eunt, internecione prope deleti, missis legatis, pacem temerè turbatam, inuitis animis repetere coacti sunt.

Quæ per multos postea annos tenuit, non antea irrita, quam ijs qui priorum bellorum fortunam præsentis spectauerant, morte extinctis, exorta temeraria iuuenum factio, rerum omnium rudis, diuturnæ pacis luxu corrupta, uti fit, aduersa quæ experiendo nondum didicerat, nec euenire posse crederet, ergo præsentia fastidire, rebus nouis delectari, earum occasiones quærere, atque ultrò moliri, facilè irritari, & leues quasque ex Romanis causas, quoquo modo in calumniam trahere. Principum erant hoc genus consilia, plebe neque volente, neque omninò sciente. Illi clam suos, externis potissimum fidere, & transalpina popularium auxilia confirmandis augendisq; domesticis opibus, euocare. Quæ Ariminum usque processerant, Romanam iam tunc coloniam, ante annos xxx. victis Picentibus deductam, cum Italici, multitudine perterriti, & vicinitate periculi admoniti, sumptis armis, A T E M & G A-

ATES ET  
GALATVS.

L A T V M, Reges ipsi suos, rei tantę priuatim auctores, occiderunt, nouos inde hospites aggressi, mutuâ se

Perottus Poly-  
bij interpret hęc  
nomina omisit.

C 3 cum

cum illis eade confecerunt. Pulcherrimum visum Romanis spectaculum, maximi belli metu, nullo suo periculo, sola hostium opera defungi; nam ad primum eius motus nuntium, habito delectu exercitum eduxerant, quem populari Boiorum conflictu audito, domum statim reuocauerunt. Et hæc quidem contigere anno post pacem initam fere quadragesimo quinto, quem ducentesium trigessimum sextum fuisse reperio ante quam Christus nasceretur, Ti. Sempronio Graccho, & P. Valerio Falto Cofs. Valerium illo anno bis cum Gallis congressum, primò aduersa fortuna usum, postea victorem extitisse, Zonaras & Orosius scripsere, verum si Polybio fides, ea certamina ad Boios nihil pertinuerint oportet.

Atque hinc operæ pretium monere, Arem & Galatum, antiquissimos Boiorum reges esse, quorum post Sigouelum, & si fortè Brennum, certæ auctoritatis memoria extet; quo magis Boicorum scriptorum negligentia piget, à quibus cum isti præteriti, tum quos præterea ex Polybio, Liuius, Silio, postea memorabimus, tot alijs contra, impudenter confictis nominibus substitutis, quando proximus ab imperitia ad temeritatem & fabulas flexus est.

Biennio interiecto, C. Licinio Varo P. Cornelio Lentulo Cofs. Zonaras auctor est, Gallos multitudine fretos, quam maximam coëgerant, in spem venisse, Romanos terrore percussos, desponsis ultro animis,

AN. ANTI  
CHR. N.  
CCXXXV

CCXXXIV

AN. ANTI  
CHR. N.  
CCXXX



animis, nec tentatis armis postulata facturos. Missa ea fiducia legatis, Ariminensem agrum à Consulibus repetiere, colonos illa urbe, quam sui iuris esse, iniuriâ à Romanis occupatam detineri dicerent, iusserunt cedere. Consules ancipiti cura suspensi, nec importunæ legationi concedere, nec irritam ausi aspernari, quod exiguas circa se copias haberent, & subitum bellum formidarent, extrahendo tempori ad Senatum reiecere, pactis inducijs, dum legati irent redirent. Hi neutro eorum quæ petebant Romæ impetrato, in castra reuersi, res domesticas interim afflictas, & prope perditas reperere. Plerique enim ex fœderatis, reputatione Romanæ potentiæ, & proinde timore, sententia interim demutata desciuerant, atque in Boios populares ipsos suos, leui ingenio versi, magnum eorum numerum, inopinato aggressu conciderant, quamquam non impunè, multis quippe suorum vicissim desideratis, reliqui se se domum unde venerant, recepere. Boij, sociorum scelere & perfidia in hunc modum deserti, & Romanis proditi atque obiecti, pacem longè durissimis conditionibus, magna agri parte mulctati, inierunt.

Anno ducentesimo trigesimo, M. Aemilio Lepido M. Poblilio Malleolo Cofs. C. Flaminius Tribunus plebis, legem Romæ, patribus quantum uis inuitis, tulit, qua ager Picenus & Gallicus militibus viritim diuidebatur. Ex Piceno Senones ante ali-

quot

Præter Polyb.  
Cic. Lucullo,  
Bruto, 2. de in-  
uent. & Catone.  
Etsi hic Flami-  
nium Q. Fabio  
Max. iterum Cos.  
Tribunum Pleb.  
fuisse scripsit.

AN. ANTI  
CHR. N.  
CCXXXVI

AN. ANTI  
CHR. N.  
CCXXX

CCXXXIV

quot annos eiccti, uti supra ostendimus; Gallicus is fuerit credibile est, quem Varus & Lentulus Boijs proxima pactione abstulerant. Id verò plerisque Gallorum, Boijs in primis, qui Senam coloniam ægrè iam inde ab initio passi, Romanis contermini, iniuriæ proximi agerent, prorsus non ferendum videri. Quid enim? infinitam esse Populi Romani cupiditatem, nullo victoriarum cursu, nec quantumvis prolatis imperij finibus exsaturandam, domos deuictarum gentium, agros, fortunas uniuerfas, sanguinem denique sitire, nec hominum more inimicitias atque bella gerere, qui imperio populos subiungere satis habeant, illum, nisi aut euerfis aut deletis, & stirpitus excisis ijs quos subiunxerit, nunquam conquiescere. Eundem maturè obuiam latius in dies serpenti incendio, & quoniam periculi metus ad omnes pertineat, communi consilio coniunctisq; viribus esse restringendum, priusquam proximis quibusque comprehensis, longè dissitos amburere incipiat. Moti his vocibus Insubres, se Boijs socios adiungunt. Quod verò plurimis retrò bellorum experimentis, sciri poterat, qualis quantusque hostis Romanus futurus esset, placuit fœderatorum nomine legatos trans alpes ire, auxilia à Gæfatis petere. Valida ea ad Rhodanum, & insigni fortitudinis opinione gens, virtutem bella gerentibus stipendio prostituere solita, Concolitano & Aneroësti tunc Regibus suberat. Quibus in  
præfens



præfens magnum auri pondus dono missum, in posterum ostentatæ Romanorum opes, tot bellorum prædis cumulata, quæ victores sequerentur: nec dubiam futuram victoriam, Boijs & Insubribus, maximis & florentissimis gentibus auspiciis, anniterentur modo, animos manusq; iungerent, quod cognatos populos, quod aduersus perpetuum Gallici nominis hostem deceat: maiores cogitarent, quandoquidem illis orti essent, qui cæso ad Alliam Romano exercitu, primo impetu urbe nullo labore potiti, eam præda, ferro, flamma vastauerint, post septem menses fastiditam, æstimatis pretio victis, quod pro capitibus soluere, sponte sua reddiderint, ipsi opulentissimis spolijs onusti, in patriam redierint: nihil esse cur non patria nunc sperentur omnia, cessuras profectò, Dijs patrijs bene iuuantibus, hostium insidias & tectos dolos, apertæ Gallorum virtuti. Inflammati legatorum verbis Reges, summa animi contentione cogendis copijs incubuere, ut satis constet, neque maiores, neque florentiores bellóque meliores, ex illis Galliæ partibus unquam prodijisse. Expeditio, siue apparatus magnitudine, siue quod aliud obiectum impedimentum, in aliquot annos dilata est. Per quos Romanos perpetuus eius timor tenuit, emanarant enim pleraque Gallorum consilia, quædam etiam coniectando facile erat assequi. Consules itaque, modo militum habere delectum, modo commeatum conuohere,

D      tela

tela & arma fabricare, alia omnia quæ ad maximum bellum necessaria, expedire, quin exercitum, inani terrore perculsi, aliquando eduxêre, veluti iam præsentibus Gallis, fines mox irrupturis, qui è patria tamen nunquam adhuc mouerant.

M. Aemilio Barbula M. Iunio Pera Cofs. enixius veriti, quod Gallos venundatione multarum rerum, captiuorû præcipuè, pecuniam corrogare animaduiterent, ne quis in posterum homini Gallo, vel aurum vel argentum datum vellet, callido consilio vetuere, nec enim mercenaria Gæsatorum auxilia, interceptâ pecuniâ, motura videbantur.

Anno ducentesimo vigesimo tertio, C. Atilio Regulo L. Aemilio Papo Cofs. bellum tandem, tot annorum spatio utrimque adornatum, exarsit. Gæsatorum Reges, traiectis Alpibus, Boios & Insubres, ad Padum fluvium ex fœdere paratos inueniunt: contracta peditem quinquaginta millia, equitum & essedariorum viginti; nisi numerus in Polybio male corruptus, exiguus scilicet ad id quod paulò ante dictum, fuisse multò maximum, eorum omnium qui ex Transalpina Gallia in Italiam unquam venerint. Veneti & Cenomani, à Romanis per legatos sollicitati, illis auxilio esse maluere, neque cognati sanguinis respectus Cenomanos tenuit. Collectis viginti armatorum millibus, & totidem Umbris atque Sarsinatis ascitis, uterque populus alpes infedit, inde, quæ prima se offerret facultas, impetum in Boicum agrû factu-

ANN. ANT.  
CHR. NAT.  
CCXXVIII.

CCXXIII.



facturus. Quæ res, distractis Gallorum copijs, co-  
acti enim fuere relinquere præsidia, quæ prouinci-  
am à tergo tutarentur, grande expeditioni præpedi-  
mentum attulit. Romani contra quâ cura bellum  
parassent, incredibilis exercitus moles ostendit,  
quanta neque ad eum diem, neque postea, unquam  
in Italia conspecta est: equitum octoginta, peditum  
septingenta, hominum omninò circiter octingenta  
millia fuisse narrant, idq; à Fabio historico traditum,  
qui bello interfuit, frumenti præterea, & omnis ge-  
neris armorum telorumq; vim, tanto parem exerci-  
tui, immensam. At ego Polybium in eam senten-  
tiam accipio, quæ vero videtur propior, immanem  
numerum non ad eos qui arma tulerint, sed qui à  
Romanis descripti, ferre potuerint, esse referendum.  
Neque verò Romam solum imminentis periculi  
metus inuaserat, quem memoria captæ olim urbis,  
& obsessi ab hoc hoste Capitolijs, magnopere auge-  
bat, sed & reliqui Italiæ populi, Celtico nomine ad-  
æquè perterriti, quæ quique poterant certatim con-  
ferebant, tanquam pro aris & focis atque salute ipsi  
sua, non iam pro Romanorum imperio & magnitu-  
dine pugnaturi. Copiæ autem diuisæ trifariam,  
pars in Sardiniam abiit, cum C. Atilio Cos. quod  
prouinciales ibi turbarent, pars cum Aemilio Cos.  
Arimini proximè hostes consedit, ad omnem occa-  
sionem prompta futura & parata, pars denique in E-  
truriam, Prætorē duce missa, quod inde maximè ir-

Plin. lib. 3. c. 20.

Apud Eutrop.  
lib. 3. Orosc. lib.  
4. c. 13.

D 2 ruptio

ANN. ANTI  
CHR. NAT.  
CCXXVIII.

CCXXVIII.

ruptio timebatur. Rata ea coniectura fuit, Galli transceso Apennino in Etruriam delati, agros populati, ingentes latè prædas egere, nemine qui prohibere posset obuiam auso progredi. Placuit ergo porrò tendere, & belli arcem maiorum exemplo, rectà petere; iamq; Clusium venerant, quæ ciuitas tri-  
dui spatio Roma abest, unde Brennus ante annos centum sexaginta quinque, urbem capturus mouerat, cum nuntius affertur, coisse Romanorum per Etruriam præsidia, & infesto agmine à tergo sequi. Eo rumore conuersa subito Gallica acies, omissa in præsens Roma, iter in hostem propinquum flexit, & die ad occasum inclinante, castra iuxtim posuit. Nocte autem ingruente, accensis ad speciem ignibus, & equitatu omni in castris relicto, Fæslas versus clam progressa, loco opportuno subsedit, equites prima luce palam, ut conuenerat subsequuti, Romanos opinione fugæ falsos, in insidias attraxere; ubi ingentibus aliquamdiu animis, dubio Marte, utrimque pugnatum, Celtis tandem, & numero & virtute vincentibus, secunda prælij fortuna fuit, Romanorum cæsa ad sex millia, reliqui sibi fuga cōsuluere. Demiror quos auctores Orosius sequutus prodiderit, certamen prope Arretium commissum, Atilium Cos. cum tribus hominum millibus occisum, octingenta millia in fugam acta fuisse: quæ à Polybij fide, longè apud me potissima, multis modis abscedunt. Fugientium plerique se in tumultum  
recepere,

Lib. 4, c. 13.



recepere, natura munitum, cuius obsidione Celtae tunc abstinere, quod praeterita noctis vigilijs & itinere, atque diei proelio fessi, reliquum temporis curandis corporibus existimarent largiendum, missi tamen equites collem custodire, ut in posterum, nisi deditio sequeretur, obsidionis adhuc consilium maneret integrum. Aemilius Cos. quem Arimini resedisse diximus, cum primum hostes exercitum per Etruriam ducere, & Romae appropinquare audisset, quam maximis potuit itineribus opem suis ferre contendit, & cum pugna iam commissa superuenisset, castra prope Celtas metatus est. Illi qui in collem confugerant, aduentum eius ex crebris nocturnis ignibus coniectantes, receptis aliquantum animis, misere silente nocte perdensa nemorum inermes, quo hostiles excubias fallerent, quo rerum statu degerent nuntiatum. Tum Aemilius trahendis consilijs nullum locum esse, omnia in celeritate posita intelligens, Tribunos primo diluculo peditatum instructum iubet educere, ipse cum equitibus ad verrucam iter tenet. Hostes animaduersis itidem per tenebras ignibus, Consularem exercitum adesse aequè suspicati, coacto concilio quid porro agendum deliberant. Ibi Aneroestes Rex, sententiam omnium assensione comprobata dixit, Videri in praesens certamine abstinendum, neque periculo exponendam praedam, quam multò maximam omnis generis peperissent, quin domum referendam,

D 3 & in

& in tuto collocandam esse, si tum deinde Romanos iterum aggredi placeat, se tantis sarcinis alleuatos, paratiores & expeditiores redituros. Signa itaque ante lucem mota, Galliam retrò versus, secundum Etruscum mare. Aemilius ijs qui in tumultum euaserant receptis, victores quamquam abeuntes, aperto Marte non ausus laceffere, subsequabatur, temporum locorumq; occasiones captans, si quâ vel extremum agmen carpere, vel ex præda aliquid daretur recipere. Interea temporis alterum Cos. C. Atilium contigit ex Sardinia redeuntem Pisas appellere, inde rerum hucusque omnium ignarum, inter cum exercitu Romam tenere. Gallorum pabulatores ad Telamonem obuij, inferi maris promontorium id & portus est, ab eius præcursoribus intercepti, interrogati de prælio indicant, exercitus præterea ecce utrosque instare, citeriorem quidem Gallicum, Romanum pone sequi. Inexpectatus is nuntius, Atilij animum variè affecit, aduersæ quippe pugnae dolore perturbatum, præsens benè gerendæ rei spes recreabat, quod fortuna hostem id loci clausum, duobus Consularibus exercitibus veluti ad lanienam ultrò destinasse videretur. Tribunis ergo aciem mandat instruere, & paullatim progredi, frontem quam maximè locorum spatia patiantur extendere. Ipse conspiciatus collem imminentem viæ, qua Galli procedere necesse habebant, effuso ad eum cursu cum equitatu latus, occupauit. Galli, qui  
Ati-



Atilium ex Sardinia rediisse nescirent, rati Aemilium noctu cum equitibus præcurrisse, & tumultum insedissee, ipsi etiam equites suos, expeditis aliquot peditibus intermixtis, illum deturbatum mittunt; sed ut Atilium adesse ex captiuis intellectum, iam pro re nata consilium capiunt, quod duplici se bello urgeri animaduernerent, ancipitem aciem constituunt, à tergo & fronte eodem simul tempore pugnaturi. Aemilius hoc uno plus Gallis sciebat, collegam Pisas cursum tenere, de eius aduentu nihil dum inaudierat, verum ex ea quæ sub oculis ad collem pugna, promptum erat coniecturam capere, quare equites suis illicò auxilio submittit, ipse cum quadrato legionum agmine mox in hostem pergīt. Ei Galli Gætatos & Insubres auersos retrò, Atilij legionibus Tauriscos & Boios à fronte opponunt, carpenta cum impedimentis longè extra aciem collocant, prædam in propinquo tumulto, relicto quod satis esse crederent præsidio. Atque ea insignis visa Celtici exercitus species, non ad terrorem modo, sed & ad firmitatem ac robur. Insubres & Boij brachati sagatiq; cetera expediti constiterant, Gætati stolidi iactantia feroces, abiectis vestibus, nudi ante ipsam aciem exultabant, vestium inuolucra constringere corpora & implicare rati, locis præsertim asperis. Equitum interim in colle certamen, ingentibus enim animis, irarum speiq; pleni, ante ora trium exercituum concurrebant, eximium præbuit spectaculum.

culum. Ibi Atilius Cos. temere dimicans cecidit, abscissum caput Gallorum Regibus allatum est. Quæ res Romanos adè non fregit, ut acrius con- nixi, Gallos paullò post loco pellerent. Aequa verò campi planitie, in Gallos medios legiones utrimque tendebant, quo maximè memorabile prælium ha- bitum, & difficulter constituas an Galli, an verò Ro- mani potiore conditione pugnaverint; nam Galli obuersis quidem tergis se se mutuò tutabantur, ut cum in hostes pectore omnes æquè ferrentur, nulla cuiquam retrò effugiendi spes superesset, qui confir- mandis animis præcipuus bifrontis aciei usus est: Romanis geminus exercitus, & in medio tanquam indagine conclusi hostes, spiritus addebant, metum obijciebat contra ipse Gallorum ornatus, & incredi- bilis buccinatorum atque tubicinum multitudo, trucibus & horribilibus militum ululatibus, cantuq; adiuta, ut non tubarum clangor, hominumq; modo clamor, sed classicum proximis montium iugis va- stisq; saltibus, à terra matre videretur emissum, ter- ribiles visu in prima acie Gætati, viribus & magnitu- dine præstantes, corpora patrio ritu motantes, cete- ra nudi præter scutum, torquibus & armillis fulge- bant aureis, ea species cum Romanorum animos pauore & stupore perfringeret, cupiditate spolio- rum & spe prædæ simul accendebat. Pugna à sa- gittarijs cœptâ, mox apparuit Gætatos futile consi- lium sequutos, cum interiorem aciem saga protege-  
rent,



rent, isti omnibus passim missilium iactibus inermes essent expositi, quæ grandinis ritu densa cadebant, exiguo quippe immanibus corporibus in Gallico scuto præsidio, itaque turbari primò & fluctuare, plerisque iam vulneratis, deinde cum sagittarios eminus iaculantes assequi non possent, & telorum copia assiduè obruerentur, magna pars salutem desperare, in confertissimos hostes ultrò, furore acta irruere, atque se certæ & destinatæ morti obijcere, reliqui manifestam fugam fractis animis capeßere, & sociorum retrò ordines confundere. Vt Gæfatorû eo prælio ingens ostentatio, usus nullus extiterit. Romani hac velitatione defuncti, sagittarios recipere, & agmine promoti, statariam deinde cominus pugnam cum Insubribus, Boijs, Tauriscis commisere, quorum omnium virtus atque opera enituit, sed virtutem arma destituere, siquidem Gallorum tum scuta tum gladij, ad Romanos comparati, longè erant impares, scuta illis ex cortice aut vimine infirma, Romana ex tabulis, neruo ferroq; munita, gladij inde prælongi ac sine mucronibus, quibus miles cadendo fere frustra fatigaretur, hinc breuitate habiles, mucronibus acutis & validis, punctim crebra & angusta, sed mortifera vulnera inferebant. Ad eum modum multi Gallorum exanimabantur, sed pertinax reliqui in spe mala prælium sustentabant, donec Romani equites ex colle decurrentes, in alterum cornu acerrimam impressionem fecerunt,

Armorum comparatio ex diuersis auctoribus petita.

E qua

qua primùm pulsus Gallicus equitatus, terga vertit, peditatus usque resistens, ita concisus est, ut quem quisque pugnae locum viuis cœpisset, cum etiam mortuus, prostrato corpore tegeret. Interfecta hominum circiter quadraginta millia, capta non pauciora decem millibus, inter captiuos rex Concolitanus inuentus, Anercestes cum paucis fugiens, voluntaria sua suorumq; morte, vinculorum ludibria prauertit. Aemilius Cos. spolia victor legit, Romamq; misit, prædam receptam prioribus dominis dilargitus est. Post illa cum exercitu per Liguriam profectus, Boiorum fines inuasit, atque tantam vastitatem reposuit, ut ingentes populationes vel infinitæ militum cupiditati sufficerent. Paucos dies moratus, Romam reuersus, signa cum torquibus & armillis aureis in Capitolio suspendit, reliqua spolia & captiuos, præ se triumphans egit. Apud Zonaram lego, Aemilium superatis Boijs triumphantem, captiuorum principes armatos in Capitolium perduxisse, acerbo irrisu insolenti voto insultantem, quo se ferebantur obstrinxisse, thoraces nisi in Capitolio non posituros: paullò aliter Florus, iurasse Gallos **BRITOMARO** duce, non prius se baltea soluturos quam Capitolium ascendissent, factum, victos ab Aemilio ibi discinctos esse. Britomari nomen alibi non inuenio, Florum Zonaramq; si coniungas, Boiorum regem fuisse intelligas. Atq; eo quidem rerum successu Gallicus tantus motus repressus,

Flor. lib. 2. c. 4.

BRITOMAR

AN. ANT.  
CHR. N.  
CCXXII.

CCXXI.

ARGENT



pressus, ad nihilum recidit, qui paullò ante urbem præcipuè Romam, tum reliquam Italiam, terrore & tumultu concusserat uniuerfam.

AN. ANTE  
CHR. N.  
CCXXII.

Romanis proinde creuere spiritus, & fiducia addita Gallos agris circa Padum posse eijci. T. Manlio & Q. Fulvio, ambobus Coss. eam prouinciam, anno ducentesimo vigesimo secundo antequam Christus nasceretur, decernunt. Coniunctis uterq; maximis & apparatissimis copijs, in Boios ducunt, sed cum eos pellere maioris operæ & laboris esse coram cernerent, imminutos ad tempus ex præterita calamitate animis, in fidem deditiōemq; recipiunt. Variadeinde fama est, Consules siue traiecto Pado multa millia Insubrum cæcidisse, siue quod Polybius credidit, imbrium & pestilentia magnitudine deterritos, à reliquis Gallis tunc bello persequendis abstinuisse.

Orof. lib. 4. c. 13.

CCXXI.

GARGENVS.

C. Flaminio P. Furio Coss. Boios religio nuperi fœderis, & accisarum virium conscientia, quietos continuit, domi quidem; nam quorum nondum perdomiti spiritus, turbulenta adhuc coquebant consilia, eos foras in Insubriam GARGENI Regis ductu militatum abijisse, Silius indicat, quo loco Flaminij cassidem, Gargeno detractam, describit,

Sil. lib. 5.

*Aere, atque æquorei tergo flauente iuueni,  
Cassus erat munita viro, cui vertice surgens  
Triplex crista, iubas effundit crine Sueuo,  
Scylla super, fracti contorquens pondera remi,*

E 2

Insta-

BRITOMART

*Instabat, senosque canum pandebat hiatus,  
Nobile Gargeni spoliū: quod rege superbus  
Boiorum caeso, capiti illacerabile victor  
Aptarat, pugnāsque decus portabat in omnes.*

Sanē Flaminium rem in Insubria hoc anno gessisse  
constat: sed maximam belli partem Boios fuisse,  
ipsius apud Silium oratio, extra dubium ponit.

*Siccine nos, inquit, Boiorum in bella ruentes  
Spectastis, cum tanta lues, vulgusque tremendum  
Ingrueret, rupesque iterum Tarpeia paueret?  
Quas ego tunc animas, dextrāque corpora fudi,  
Iratā tellure sata, & vix vulnere vitam  
Reddentes imo? iacuerē ingentia membra  
Per campos, magnisque premunt nunc ossibus arua.*

Anno sequenti M. Claudius Marcellus, Cn. Cornelius Scipio Cōs. Insubres aduersis praelijs fatigatos,  
in potestatem redegere. Marcellum aduersus Gallos  
Insubres & Gælatos certasse, omnium scriptorū  
consensus est, uni Cāpitolini lapides, DE. GALLIIS.  
INSUBRIBVS. ET. GERMAN. triumphasse ostendunt:  
unde quod antea à nobis dictum, Celticum & Gallicum  
nomen usurpatum olim promiscuè, in Germanico quoque  
verum esse apparet. Marcellus spolia opima Vir-  
dumaro Gælatorum Regi detracta, legit: Vir-  
dumarum genus à Rheno iactantem, virgatas  
brachas indutum pugnasse, Propertius memorat.

Propert. lib. 4.  
c. penult.

Redactis in ordinem Boijs & Insubribus, longū  
res

ANN. AN  
CHR. NA  
CCXVI.

AN. ANTI  
CHR. N.  
CCXL



ANN. ANTE  
CHR. NAT.  
CCXVI.

res Gallicæ, quæ horum potissimum populorum virtute in Italia viguissent, quieturæ videbantur: cum vix toto exacto quadriennio, P. Cornelio Scipione, T. Sempronio Longo Coss. nouæ irarum causæ exortæ, præsentibene gerendæ rei spe, & præclara in speciem occasione ulciscendi Romanos, quam Boij sibi inexpectatam obuénisse gaudebant, magnopere accensæ sunt. Geminas Romani colonias, Placentiam cis Padum in Boiorum agro, Cremonam ultra, Insubribus coërcendis, reprimendisq; Gallis decreuerant, scriptis duodecim colonorum millibus, C. Lutatio, C. Seruilio, T. Annio Triumuiris, quamquam Triumvirorum nomina ab auctoribus aliter atque aliter prodita. Has perpetuæ seruitutis compedes interpretati Boij, grauius aliquantò quam agrariam Flaminij ante legem acceperere, nullum tandem iniuriarum finem fore rati, ita alias ex alijs oriri, si se Romanorum fidei permiserint, nò vinciendos tamen ideo nectendosq; dedisse, nam hoc manifestò agi, extremum dominantium fastidij gradum esse, mancipia sub vicarijs habere, Colonias huic rei delectas, & ne quid contumeliarum absit, Latinas, erat enim Latina utraque, tam fœdi dedecoris maculam, & Boijs, & Celtis, & viris denique, vel sanguine profectò esse eluendam. Annibal tunc temporis capta excisaq; Sagunto, & traiecto Ibero flumine, iter per Hispaniam & Galliam in Italiam tenebat, Romanos totius Africæ viribus oppu-

Ascon. in Pison.  
Liu. lib. 21. Polyb. lib. 3.

Ex Polybio, Li-  
uio, Silio, alijs.

E 3 gnatu-

AN. ANTE  
CHR. N.  
CCXL

gnaturus. Magna ducis, magna exercitus virtutis fama, Boios defectionem maturare impulit, & sollicitati Insubres, se incundæ protinus societati, promptos paratosq; iuxta responderant, quod optima spe uterque populus duceretur, rem Romanam, & Gallorum, & Carthaginiensium antehac incursum atque illis sæpius inclinatam, coniunctis amborum viribus, aliquando prolapsuram, eueri posse. Romani proxima pactione fœderum obliues à Boijs exegerant, quorum tunc salus, præ indignationis impetu vindictæq; cupiditate, neglecta. Arreptis enim derepente armis, tantum terroris ac tumultus in Placentinum agrum illatum est, ut non agrestis modo multitudo, sed ipsi Triumuii, qui ad agrum assignandum venerant, diffusi nouæ coloniae mœnibus, Mutinam confugerint. Habent quidam annales, legatos ad exoptulandum missos, à Boijs violatos, ceteri in Triumuiros agrum metantes, factum esse impetum. Mutina confestim obsidione cincta, quæ cum diutius traheretur, simulari cœptum de pace agi, euocatiq; à Gallorum principibus Triumuii, per colloquij speciem comprehensi sunt. Romani queri, non ius modo gentium, sed & fidem quæ in id tempus data esset, violatam, Galli negare eos se, nisi redditis obsidibus, dimissuros. Cum delegatis rescisset L. Manlius Prætor, Mutinamq; & præsidium in periculo esse intelligeret, ira accensus, effulo agmine obsessis subsidium ferre accelerat.

Id



Id quamprimùm Boijs nunciatum, insidias in silua quæ circa viam erat collocant, in eas Manlius, inexploratò profectus, præcipitatus, plurimis suorum desideratis, ægrè in apertos campos emerfit: ibi cõmuniter castris, quamquam accisis rebus, militum animi refecti, quod hostem oppugnatione abstinere cernerent. Iter deinde de integro cœptum, per patentia primùm loca, ubi siluæ rursus intratæ, Boij à tergo iterum apparuere, tum postremos adorti, cum magna trepidatione ac pauore omnium, octingentos ex Romanis occiderunt, sex signa ademere. Finis cædis fuit, ut ex saltu inuio atque impedito euasum, inde Romani per aperta præcipiti fuga Tanetum, vicum propinquum Pado, contendere, ubi à Boijs circumfessi, se munimento ad tempus, commeatibusq; fluminis, & Brixianorum Gallorum auxilio, aduersus crescentem indies multitudinem hostium, tutabantur. Romam tumultu perlato, Senatus, veritus ne Manlius diuturna obsidione periclitaretur, C. Atilium Prætorem cum una legione Romana, & quinque millibus sociorum, delectu nouo à Cof. conscriptis, auxilium ferre iubet: qui sine ullo certamine Tanetum peruenit, Boij enim eo non expectato, abcefferant. Annibal interea superato Rhodano, incertus utrum quod cœperat iter, rectâ in Italiam intenderet, an cum Scipione consule, cuius sub oculis coram exercitus, manus confereret, Boiorum legatos, regulumq;

M A-

Perottus Poly-  
bij interpres  
Magili nomen  
omisit.

MATALVM, ut nomen à Liuiο scriptum est, Polybius <sup>MATALVS</sup> Magilum appellat, tempore obuios habuit, qui se duces itinerum, socios periculi professi, Italiam integro bello, nusquam ante libatis viribus, aggredi persualere. Postquam sententia stetit pergere ire, aduocata concione legatos producit, ad multitudinem itidem verba iubet facere, illi per interpretem eadem consilia ferre, ad transitum alpium hortari insistent, se ceterosq; Galliaē populos auxilio futuros polliceri, sine metu esse iter his ducibus, ut ut asperum, certè non inextsuperabile, commeatum præterea affatim promittunt, & uberes Italiaē campos, quibus statim ab Alpibus potituri essent, ostentant. Subsequutus Matalum legatosq; Annibal, exercitum viæ difficultate & Alpium nomine consternatum, oratione confirmat, argumento inter prima usus, ne inuias crederent, quas illi ipsi quos cernerent legati, non pennis sublimē elati, sed pedibus essent transgressi, nec maiores quidem eorum indigenas, sed aduenas Italiaē cultores, ingentibus sæpè agminibus cum liberis ac coniugibus, migrantium modo, tutò transiisse. Incitatus exemplo & adhortationibus miles, in potestate fuit. Alpes decimo quinto die, difficili hominum iumentorumq; labore, magno utrorumque desiderio numero, superatae sunt. Annibal prima castra ad Alpium radices, in Taurinis metatus, refecto exercitu, in Insubres mouit. P. Cornelius Scipio, ut se delusum



sum à Pæno, & ad Rhodani ripas nequicquam destitutum vidit, misso in Hispaniam Cn. fratre, cum optima copiarum parte, ipse admodum paucis comitatus, Italiam defensus mari repetijt. Pisis exscensione facta, per Etruriam mouit, & accepto tirone, quo Prætores Manlius & Atilius aduersus Boios usi, maximis itineribus ad Padum contendit, hostem omnia imparatum, priusquam se ex via colligeret, aggressurus. Inter Padum & Ticinum uterque exercitus in conspectum venit, congressis, victoria à Carthaginienſi stetit. Eo se prælio Annibali Boiorum virtus, CHRIXO duce probauit, neque illi ferocius ad Rhodanum loquuti, quam fortius ad Ticinum pugnasse visi, tanta animorum vi, quod à Silio poeta proditum, ut reliquæ aciei ne certandi quidem spatium relinquerent.

CHRIXVS.

*Nec locus est Tyrijs belli, pugnaeue, sed omnem*

*Celticus impleuit campum furor: irrita nulli*

*Spicula torquentur, statque omne in corpore ferrum.*

Siue ea ambitio fortitudinis & audaciæ, aduersus novos hospites, siue ira furorq; in Romanos fuit. Sed longum sit omnes Silij versus exscribere: paucos istos non pigebit, quibus Chrixus Scipioni Romanam captam obijcit,

*Nemone incensa, captaeque superfuit urbi,*

*Vt tibi quas Brenni populus ferremus in arma*

*Narraret dextras?-----*

Et verò regerit Scipio,

F

----Ferre

-----*Ferre hoc umbris, proauoque memento,  
Quam procul occumbas Tarpeia à sede, tibi que  
Haud licitum sacri Capitolia cernere montis.*

Quæ Chrixum Brenni propinquitatem, quod supra diximus, attigisse, idq; per illa tempora clarum exploratumq; habitum, profectò ostendunt: neque nos Brennú Boijs tralatitio illo more vindicare, quo pleræque & Germaniæ & Galliæ, & Britannia quoque gentes solent. Chrixus multorum cæde insignis, à Scipione hasta eminus confixus, occisus est. Tum demum populares se recipere, reliquos in laudis & victoriæ consortium admittere. Annibalẽ, traiccto Pado cedentes hostes insequentem, Boiorũ iterum legatio adiit, & quo magis rata promissa crederet, Triumuiros Romanos, Mutinæ interceptos, victos tradidit, erant ij Consularis unus, Quæstorij duo. Pœnus collaudata egregia voluntate, data acceptaq; fide, fœdus icit, ceterum Triumuiros remisit, reciperent per eos sanè obsides suos Boij, sibi satis iurisiurandi sanctitate, religione numinum confirmata, & spectata gentis beneuolentia cautum esse. Boiorũ exemplum reliqui Gallici nominis in Italia populi sequuti, se se Carthaginiesibus, præter unos Cenomanos, omnes adiunxerunt. Indecum altero Consule Sempronio ad Trebiam, eadem quâ ad Ticinũ fortunâ, pugnatum est. Proximus annus Cn. Seruilius & Cn. Flaminium II. Consules habuit, tertia Romanorum ad Trasumenum clade, Flaminij

AN. ANTI  
CHR. N.  
CCXV.



nij temeritate contracta, celebris. Ominosum euentu æstimari potuit, nam omina ex euentu coniungi, quam contra verius est, quod Flaminius prius quam pugna committeretur, Boios à se olim victos ferociter gloriatus, tremendum vulgus, animis & corporibus iuxta ingentibus, Tarpeia etiam iterum rupi horribile appellauit, oratione quam paullò ante ex Silio attulimus: DUCARIVS. DUCARIVS quippe Boius, Flaminium armis & manu insignem tota acie volitantem conspiciatus, facie quoque noscitans, ad populares suos conuersus, hic hic est Boiorum terror Consul exclamat, qui legiones nostras cecidit, patres ante se victos triumphans egit, iam ego hanc victimam Dis patrijs ultoribus, & peremptorum fœdè ciuium manibus deuoueo, subditisq; calcari- bus equo, per confertissimam hostium turbam impetum facit, atque obruncato prius armigero, qui se infesto venienti obiecerat, Flaminium lancea transfixit, spoliare cupientem, triarij obiectis clypeis arcuere. Eo haud dubiè momento victoria stetit, nulla inde pugna, diuersis dissipatisq; Romanis, effusa in omnes partes fuga sequuta. Sed Insubrem Ducarium Liuius appellat. Credo quod ante sex annos Insubribus cum Gargeno auxilio venerit, ubi Flaminium nosse potuit. Silius disertè Boium dixit,

*Aduolat ora ferus, mentemq; Ducarius acri*

*Nomen erat gentile viro, fusisq; catervis*

*Boiorum quondam patrijs, antiqua gerebat*

F 2

Vul-

AN. ANTI  
CHR. N.  
CCXV.

*Vulnera barbarica mentis, noscensque superbi  
Victoris vultus. ———*

Consulem autem à Ducario transfixum, ex Liuiio est, Silius incertis telorum iactibus obrutū scripsit. Traiumentum Cannæ excepere, exitiabile prope rei Romanæ vulnus. Tum L. Postumius Albinus & Ti. Sempronius Gracchus consules designati. Verum Postumius antequam iniret, cum Galliam prouinciam Prætor obtineret, à Boijs cum exercitu occisus est, callido excogitato consilio, quod fidem difficilè inueniat, nisi Romani ipsi scriptores proderent. Sylua vasta erat, Litana nomine, qua Romanus exercitus transiturus, eius dextra læuaq; circa viam arbores, Boij ita inciderant, ut exigua parte sustentatæ, donec impellerentur immotæ starent, leui momento impulsæ corruerent. Legiones duas habebat Postumius, sociorum tantum ut viginti quinque armatorum millia conficeret, eæ copiæ ubi saltum intrauere, Boij syluæ oras circumfidentes, extremas arborum succisarum protrudunt, illa alia aliam cadendo impellunt, itaque propagata ancipiti strage, arma, viros, equos obruunt, ut vix decem homines effugerint, nam cum plerique exanimati essent arborum truncis, fragmentisq; ramorum, ceteram quoque multitudinem Boij, inopinato malo trepidam, occasione usi trucidarunt, pauci è tanto numero capti, qui pontem fluminis, ab hostibus antea obsessum, petentes, interclusi sunt. Postumi-

us

ANN. ANT.  
CHR. NAT.  
CCXIV.

Polyb. Liui. Zonaras, Frontin. lib. I. c. 6.



us omni vi obnixus ne caperetur, pugnando occubuit, spolia corporis caputq; præcisum, Boij ouantes, templo quod sanctissimum habebant intulere, & purgato capite, caluam patrio more auro celaucere, sacri vasis vicem quo solemnibus libarent, & poculi, sacerdoti ac templi antistitibus. Atrox visum Romanis in mortuum hostem ludibrium, & barbaræ feritatis facinus, qui superioribus tamen annis, per religionis & ipsi speciem, Gallos in foro boario viuos defoderant, adeò de aliorum quam suis quisque moribus inclementius arbitratur. Præda Boijs haud minor quàm victoria fuit, quamquam magnâ animalium partem strages syluæ oppresserat, ceteræ tamen res, quod fuga nihil dissipasset, strata per omnem iacentis agminis ordinem inuenta sunt. Romæ autem tanta nuntium trepidatio sequuta, ut Senatus, qui Cannensi ruinæ non succubuerat, ad hanc calamitatem animos, secundioris fortunæ desperatione, prope submitteret, populus per dies multos clausis tabernis, veluti nocturna solitudine, ferale iustitium ageret, donec Aediles aperiri tabernas, & publicæ mœstitiæ faciem urbi demi iussere, Ti. Sempronius Senatum, oratione consolatus, erexit. De bello aduersus Carthaginienes continuâdo agitatam, Gallicum siue Boicum, quamquâ stimulantem ira, dilatatum est, quod Pœno Italiam armis vastante, multorum dissimulandæ iniuriæ, gentis propinquæ & validæ animi amplius irritandi non viderentur.

Plut. Marcello,  
& quæst. Rom.  
Oros. Zonaras.

F 3 Anno

Liu. lib. 27.

Anno belli undecimo, C. Seruilius (filius C. Seruili, qui Triumvir agrarius in Placentinae coloniae deductione captus) cum Tribunus plebis Romae fuisset, Aedilis plebeius factus est, plerisque negantibus, iure aut Tribunum plebis fuisse, aut Aedilem esse, quod patrem, quem occisum à Boijs circa Mutinam, opinio per decem annos fuerat, viuere, atque in hostium potestate esse, satis constabat.

AN. ANTE  
CHR. N.  
CCVII.

Anno duodecimo, Asdrubal Annibalis frater cum maximis copijs in Italiam venit, & Placentia in Boiorum gratiam frustra tentata, ad Senam Gallicam à Claudio Nerone & Liuiio Salinatore Consulibus, cum exercitu deletus est. Eo praelio, uti & per reliquam Punici belli historiam, multa est apud scriptores Gallorum generatim mentio, facili negotio ad Boios priuatim plerumque deriuanda, sed anticipibus coniecturis certam fidem adiungere, ego nemini sum auctor. Illud manifestam interpretationem habet, cum caeso Asdrubale, victoria, non iam unius alicuius praelij, sed totius belli, à Pœnis ad Romanos, etiam Annibalis confessione inclinaret, itaque se se occasio priores iniurias ulciscendi aperiret, eoque iussus esset Q. Manlius Thurinus Praetor, L. Veturio Philone, Q. Cæcilio Merello Consulibus, agros Gallorum, qui Asdrubalem sub eius aduentu iuuissent, populari, eâ procella Boios præcipuè fuisse inuolutos; quippe cum se Annibali non in Italia, ut alij plerique, adiunxerint; sed eo veniendi fuerint auctores,

CCV.

ANN. ANTE  
CHR. N.  
CCI.

CIC.

Liu. lib. 28.

CCIV.



auctores, quam cupidè fratrem subsidio subeuntem exceperint, ne coniectura quidem indiget. Ad Boios & Insubres quoque illud pertinet, quod Liuius scripsit, Placentinorum & Cremonensium legatos, questos Romæ ijs Consulibus, agrum suum ab accolis Gallis, incurfari ac vastari, magnamque partem colonorum dilapsam esse, & in frequentes se urbes, agrum vastum ac desertum habere. Placentiam enim Boij, alteram Insubres accolebant, Manlio Prætori mandatum, ut colonias ab hoste tueretur.

ANN. ANTE  
CHR. N.  
CCL.

Anno post Annibalis in Italiam aduentum decimo quinto, C. Seruilius Consul, patrem C. Seruili-  
um, & C. Lutatium patrum, ex Boiorum demum seruitute liberatos, Romam reduxit, qua id verò occasione, quibusque conditionibus, à nemine proditum inuenio, neque quis tertij Triumuii agrarij T. Annij, fuerit exitus. Annibal secundum hæc in Africam, Carthaginiensium iussu reuertit. Bien-  
nio post, Punicum bellum, omnium quæ populus Romanus unquam gessit, in omnem partem maxime memorabile, pace finitum est. Eodem anno P. Aelius Pætus Consul, cum audisset à Boijs incur-  
siones in agros sociorum factas, duabus legionibus subitarijs, tumultus eius causa scriptis, & additis ad eas quatuor cohortibus de exercitu suo, C. Appium sociorum præfectum, per Umbriam Boiorum agrum iussit inuadere, ipse eodem aperto itinere per montes duxit. Appius Boiorum fines ingressus, primo popu-

Liu. lib. 30.

Liu. lib. 31.

CCV.

CIC.

CCIV.

populationes satis prosperè ac tutò fecit, delecto deinde ad castrum Mutilum idoneo loco, ad demetèda frumenta (iam enim maturæ erant segetes) profectus, neque explorato circa, nec stationibus satis firmis, quæ armatæ inermes atque operi intentos tutarentur, positis, improvise hostium impetu cum frumentatoribus est circumventus, inde pavor fugaq; etiam armatos cœpit. Ad septem millia hominum palata per segetes, sunt cæsa, inter quos ipse C. Appius Præfectus, ceteri in castra metu compulsi, inde sine certo duce, consensu militari proxima nocte, relicta magna parte rerum suarum ad Consulem per saltus prope inuios profugere. Consul magno suorum malo, Boiorum fines populatus, Romam redijt.

Liv. Orof. Zonar.

Ceterum pacatis Carthaginiensibus, superfuere ex magno bello reliquiæ, & restincti incendiij quodammodo scintillæ; substiterat in Liguria Pœnus Amilcar quidam, incertum ex Asdrubalis an Magonis exercitu, eo duce proximo anno Insubres, Cenomani & Boij, parati sequi omnem quæ Romanis adversa esset novitatis auram, excitis Sallyis Iluatibusq;, & ceteris Ligusticis populis, Placentiam inuaserunt, & direpta urbe, ac per iram magna ex parte incensa, vix duobus millibus hominum inter incendia ruinasq; relictis, traiecto Pado ad Cremonā diripiendam pergunt. Vicinæ urbis audita clades, spatium colonis dedit ad claudendas portas, præsidiaq;

ANN. ANT.  
CHR. NAT.  
CXCVIII



diaq; per muros disponenda, ut obsiderentur tamen prius quam expugnarentur, nuntiosq; ad Prætorem mitterent. L. Furius Purpureo, prouinciæ Galliæ Prætor præerat, cetero exercitu ex Senatusconsulto dimisso, præter quinque millia sociorum ac Latini nominis, cum ijs copijs in proxima regione prouinciæ circa Ariminum substiterat. Is tum Senatui Romanam scripsit, duarum coloniarum, quæ velut claustra ad cohibendos Gallicos tumultus oppositæ, ingentem illam tempestatem Punici belli subterfugissent, alteram captam ac direptam ab hostibus, alteram oppugnari, nec in exercitu suo satis præsidij colonis laborantibus fore, nisi quinque millia socium quadraginta hostium millibus, tot enim in armis esse, trucidanda velit obijcere, & tanta sua clade iam inflatos excidio coloniarum Romanarum augere animos. Litteris in Senatu recitatis, non contemnenda res visa, iussus C. Aurelius Consul exercitum, cui in Etruriam ad conueniendum diem iam edixerat, Arimini eadem die adesse iubere, & aut ipse ad opprimendum tumultum Gallicum proficisceretur, aut L. Furio Prætori scriberet, cum ad eum legiones ex Etruria venissent, proficisceretur ipse ad coloniam obsidione liberandam. Legati item in Africam ad Carthaginienses missi, Amilcarem ciuem eorum, excito ad arma contra Populum Romanum Gallorum, Insubrum, Cenomanorum, Boiorum, Ligurumq; exercitu, bellum contra fœdus facere,

G            cum,

ANN. ANT.  
CHR. NAT.  
CXCIII

eum, si pax placeret, reuocandum & dedendum esse. Responsum à Carthaginienſibus, nihil ſe de Amilcare ultra facere poſſe, quam ut exilio eum mulctarent, bonaq; eius publicarent. Traducto verò cōſulari exercitu ex Etruria Ariminum, quinque millia ſociorum ex Gallia in Etruriam tranſierunt. Itaque L. Furius magnis itineribus ab Arimino aduerſus Boios & reliquos fœderatos populos, Cremonam adhuc obſidentes, proſectus, caſtra mille quingentorum paſſuum interuallo ab ijs poſuit. Creditum Gallos opprimi potuiſſe, ſi protinus de via ad caſtra oppugnanda duxiſſet, palati enim vagabantur per agros, nullo ſatis firmo relicto præſidio, ſed laſſitudini militum timuit, quod raptim ductum erat agmen. Galli clamore ſuorum ex agris reuocati, omiſſa præda, quæ in manibus erat, caſtra repetiuerunt, & poſtero die in aciem progreſſi, nec Romanus moram pugnandi fecit, ſed vix ſpatium inſtruendi fuit, eo curſu Galli in prælium venerunt. Primo Galli omni multitudine in unum locum connixi, obruere atque obterere ſe ſe dextram Romanam alam, quæ ex ſocijs erat ſub M. Furio, ſperarunt poſſe: ubi id parum procedebat, circumuenire à cornibus & amplecti aciem, quod multitudine ſuperantibus facilè videbatur, conati ſunt. Id ubi vidit Prætor Romanus, ut & ipſe dilataret aciem, duas legiones ex ſubſidijs, dextra læuaq;, alæ quæ in prima acie pugnabat circundare M. Cæcilio Legato mandat, ipſe



ipse ædes Ioui duas vouet, si eo die hostes fudisset, quæ re dubia & ancipiti Romanorum religio: L. Valerio item Legato imperat, ut altera parte duarum legionum equites, altera sociorum equitatum in cornua hostium emittat, nec circumuenire eos aciem patiatur, simul & ipse, ut extenuatam mediam aciem Gallorum diductis cornibus vidit, signa inferre confertos milites, & perrumpere ordines iubet, ita cornua ab equitibus, & medij à pedite pulsi, ac repente, cum omni parte cæde ingenti sternerentur, Galli terga vertere, fugaq; effusa castra repetierunt; fugientes persequutus eques, mox & legiones insequuta, in castra impetum fecerunt. Magna ea strages, nec Romanis incruenta fuit, Boiorum sociorumq; minus sex millia inde effugerunt, cæsa & capta supra quinque & triginta millia, cum signis militaribus septuaginta, carpentis Gallicis multa præda oneratis, plus ducentis. Amilcar dux Pœnus, & tres imperatores nobiles Gallorum cecidere, nomina non extant. Ad duo millia captiuorum Placentinorum liberata. Romanorum sociorumq; circiter duo millia desiderata, plurimi dextræ alæ, in quam primo impetu ingens vis hostium illata est. Consul Aurelius, confecto iam bello, quod difficilimum appellauit Orosius, in prouinciam venit, & Oros lib. 4. c. 20. indignatus Prætorem se absente rem gessisse, in agrum hostium legiones induxit, populandoq; cum præda maiore quam gloria, bellum gessit. Romæ sup-

G 2      plica-

plicatio per triduum fuit, L. Furio triumphus decretus, is trecenta viginti millia æris, argenti centum septuaginta millia pondo, in ærarium tulit, neque spolia prælata, neque milites sequuti, quos penes se retinuerat Consul. Zonaras auctor est, fœderatos legatos de pace misisse, quæ Liguribus data sit, Gallos nihil impetrasse, neque Amilcarem illo anno occubuisse, quo duce postea Galli multas Romanis clades intulerint, & Placentiam sequenti demum anno fuisse oppugnatam; verum ego Liuij fidem sequi malo. Sequenti Cn. Bæbius Tamphilus Prætor, temere Gallorum Insuorum fines ingressus, prope cum toto exercitu circumuentus, supra sex millia & sexcentos milites amisit. Sex. inde Aelius Pætus Consul, cum duos in prouincia exercitus sub se subq; C. Aelio Præto habere, nihil tamen memorabile aduersus Gallos gessit, totum prope annum Cremonensibus Placentinisq; cogendis redire in colonias, unde belli casibus dissipati erant, consumpsit.

Liuij lib. 32.

Zonaras.

Galli lentitudine animati, spiritus tollebant, nec mediocria agitare, sed ad veterem maiorum fortunam aspirare visi, Romanis curam addidere, ut ambos contra illos consules, C. Cornelium Cethegum, L. Minutium Ruffum mitterent. Cornelius recta ad Insuorum via, qui assumptis Cenomanis in armis erant, profectus est; L. Minutius ad inferum mare flexit iter, Genuamq; exercitu adducto, ab Liguribus

ANN. ANT.  
CHR. NAT.  
CXCVII

CXCVI

CXCV



bus bellum orsus, breui plerisque eorum ciuitatibus atque oppidis potitus est. Et iam omnia cis Padum, præter Gallorum Boios, Iluates Ligurum, sub ditione erant, quindecim oppidis, hominum viginti millium deditis. Inde in agrum Boiorum legiones ductæ. Boiorum exercitus, haud ita multò ante Pado traiecto, iunxerat se Insubribus & Cenomanis, quod acceperant Consules coniunctis legionibus rem gesturos, ut & ipsi collati in unum firmarent vires. Posteaquam fama accidit alterum consulem Boiorum agros urere, seditio extemplo orta, postulare Boij ut laborantibus opem uniuerſi ferrent, Insubres negare se sociorum causa sua deserturos, ita diuisæ copiæ, Boijs in agrum suum tutandum profectis, Insubres cum Cenomanis super amnis Mincij ripas confederunt. Ibi Insubres Cenomanorū perfidia proditi, magna pugna à Cornelio Consule victi sunt. Amilcarem Pœnum imperatorem, qui belli causa fuisset, quemq; ante triennium cecidisse, Liuium secuti scripsimus, tunc demum viuum in Romanorum potestatem venisse, quidam auctores habent. Minutius primo effusis populationibus peragrauerat fines Boiorum, deinde ut relictis Insubribus ad sua tuenda receperunt se se, castris se tenuit, acie cum illis dimicandum ratus. Nec Boij detrectassent pugnam, ni fama allata victos Insubres, animos fregisset. Itaque relicto duce & castris, dissipati per vicos, sua ut quique defenderent, rationē

G 3 belli

NN. ANTI  
HR. NAU  
CXCVI

CXCVI

CXCVI

Liu. lib. 33.

Liu. lib. 32.

Liu. lib. 33.

belli Consuli mutarunt: omissa enim spe per unam dimicationem rei decernendæ, rursus populari agros, urere tecta, vicosq; expugnare cœpit, oppidorum aliquot & vicorum, in tempus simulatas sine ullo pignore deditiones extorsit, magno interim etiam militum numero amisso, inter quos T. Iuuentius, & Cnæus Labconis frater militum tribuni, cum multis alijs viris fortibus, ciuibus ac socijs, aduersa pugna ceciderunt. Inde Ligustini Iluates, ut Insubres acie victos, Boios territos audiuere, ita ut spem certaminis tentare non auderent, in potestatem veniunt. Romæ ob res prosperè gestas supplicatio quadridui decreta est. Cornelius de Insubribus Cenomanisq; in urbe, Minutius de Liguribus & Boijs, iniussu Senatus & populi, in monte Albano triumphauit. Sed Minutij Triumphus ut loco, ita fama rerum gestarum, & quod sumptum non erogatum ex ærario omnes sciebant, inhonoratior fuit, signis carpentisq; & spolijs alterum ferme æquauit, pecuniæ etiam prope par summa fuit, æris translata ducenta & quinquaginta quatuor millia, argenti bigati quinquaginta tria millia & ducenti, septuageni æris militibus diuisi, duplex equiti, triplex centurioni.

Proximus annus L. Furium Purpureonem, quem Prætorem cum Gallis pugnasse diximus, & M. Claudium Marcellum Consules habuit, uterque contra Gallos profectus est. Marcellum Boiorum fines ingref-

COROLA-  
MVS.ANN. ANT.  
CHR. NAT.  
CXCIV.



ingressum, fatigato per diem totum milite via faci-  
enda, castra in tumulo quodam ponentem, CORO-  
LAMVS regulus Boiorum, cum magna manu ador-  
tus, ad tria millia hominum occidit, & illustres ali-  
quot viri in illo tumultuario prælio ceciderunt, in-  
ter quos præfecti socium T. Sempronius Gracchus,  
M. Iunius Syllanus, & tribuni militum de legione  
secunda A. Ogulnius & P. Claudius. Castra tamen  
à Romanis permunita retentaq; cum Boijs à prospe-  
ra pugna nequicquam oppugnassent. Statiuis de-  
inde eisdem per dies aliquot se Marcellus tenuit,  
dum & saucios curaret, & tanto terrore animos mi-  
litum reficeret. Boijs ad moræ tædium minimè pati-  
entes, in castella sua vicosq; dilapsi sunt. Marcel-  
lus inde emissus, Pado confestim traiecto, aduersus  
Insubres & Comenses rem feliciter gessit. Quam-  
quam inter scriptores ambigitur, utrum in Boios  
prius an Insubres exercitum duxerit, aduersasq; pro-  
spere res oblitterauerint, an victoria trans Padum  
parra, deformata sit clade in Boijs accepta. Sub  
hæc tam varia fortuna gesta, L. Furius Purpureo al-  
ter Consul, per Vmbriam in Boios venit. Iam castro  
Mutilo appropinquabat, cum veritus ne interclu-  
deretur simul à Boijs Liguribusq; eadem via qua ad-  
duxerat reduxit, & magno circuitu per aperta eaque  
tuta loca ad collegam peruenit. Dein iunctis exer-  
citibus, primum Boiorum agrum, usque ad Felsi-  
nam oppidum, populantes peragrauerunt. Ad  
Boio-

Raph. Volat.  
comment. lib.  
4, P. Marfus in  
8 lib. Silij, &  
recentiores alij  
plerique.

Liui. lib. 33;

Boiorum decus pertineat, quod Felsinam Bononiæ appellationem à Boijs traxisse sunt qui scripserint, nā coniecturā qua situs, qua fluuius ibi Rheni nomine, iuuat. Sed nobis vera præ speciosis sint; Bononia appellata cum hæc urbs, tum alię alibi terrarum, Latina origine, à benè ominantibus colonis, uti Placētia, Pollentia, Valentia, Florentia, Beneuentum, & eius generis pleręque. Felsina tamen, Bononiæ nomen undecunque habeat, Boiorum fuit. Eam tunc, ceteraq; castella, & Boios ferè omnes, præter iuuentutem quæ in armis erat (in deuias syluas recesserat) in deditiōem venisse Liuius auctor est. In Ligures deinde traductus exercitus. Boij obnoxiam pacem auersi, & negligentius coactum agmen Romanorum, quia ipsi procul abesse viderentur, improviso aggressuros ferati, per occultos saltus sequuti sunt, quos non adepti, Padō repente nauibus traiecto, Læuos Lebuosq; cum peruastrassent, redeuntes inde extremo Ligurum fine, cum agresti præda in agmen Romanum incidunt. Celerius prælium acriusq; commissum, quam si tempore locoq; ad certamen destinatis, præparatis animis concurrissent. Boius qui laceffitum venerat, Romanorum ferocia perterritus, pulsus est. Ibi quantam vim ad stimulandos animos ira haberet apparuit, nam ita cædis magis quàm victoriæ auidi pugnarunt Romani, ut vix nuntium cladis Boijs reliquerint. Marcellus de Insubribus Comensibusq; triumphauit; Purpleoni

AN. ANT.  
CHR. N.  
CXCIIL.

CXCII.

DORVLACVS.



pureoni collegæ Boiorum triumphî spem reliquit, quia ipsi propriè aduersa pugna in Boijs euenerat, collegæ secunda. Apud Orosium lego, Marcel- Orof. lib. 4. c. 20;  
lum in Etruria à Boijs oppressum, magnam partem exercitus amisisse, quod ad Corolami victoriam referendum, alterum postea Consulem Furium auxilio accessisse, itaque ambos uniuersam Boiorum gentem igni ferroq; vastantes, ad exitium propemodum usque deleuisse.

AN. ANT.  
CHR. N.  
CXCIIL.

M. Porcio Catone, L. Valerio Flacco Coss. fractis Liu. lib. 33;  
proximo anno quadamtenus Insubrum & Boiorum animis, uni Valerio Consuli Gallia prouincia decreta est. Is per æstatem cum Boiorum exercitu propter Liu. lib. 34;  
Litanam siluam, quæ L. Postumij Consulî clade, Boiorum victoria, ante annos xx nobilitata fuerat, signis collatis secundo prælio conflixit. Octo milia Boiorum cæsa traduntur, ceteri omîssis in præfens armis, quæ proxima quaque occasione reprehenderent, in vicos suos atque agros dilapsi. Valerius reliquum æstatis quieta prouincia, circa Padum Placentiæ & Cremonæ exercitum habuit, restituens quæ in ijs oppidis bello diruta fuerant. P. Cornelio Scipione Africano II. T. Sempronio Longo Consulibus, ambobus rursus Gallia prouincia decreta est. Eo anno L. Valerius Flaccus Procos. circa Mediolanum cum Insubribus & Boijs, qui DORVLACO duce, ad concitandos Insubres Padum transgressi erant, signis collatis depugnauit, decem  
H eorum

CXCII.

DORVLACVS.

eorum millia caesa sunt. Sempronius postmodum Consul in prouinciam profectus, in Boiorum etiam agrum legiones duxit. BOIORIX tum regulus eorum, cum duobus fratribus, tota gente concitata ad rebellandum, castra idoneis locis posuit, ut apparet dimicatu-  
 ret, si Romani fines intrassent. Consul ubi quantae copiae, quanta fiducia esset Boio sensit, nuntium ad collegam mittit, ut si videretur ei maturaret venire, se tergiuersando rem in eius aduentum extracturum. Quae causa Sempronio cunctandi, eadem Boijs, praeterquam quod cunctatio hostium animos faciebat, rei maturandae erat, ut priusquam coniungerentur consulum copiae, rem transigerent. Per biduum tamen nihil aliud, quam steterunt parati ad pugnam, si quis contra egrederetur, tertio subire ad vallum, castraque ab omni simul parte aggressi sunt. Consul Romanus ex tempore arma capere milites iussit, armatos paulisper continuit, ut & fiduciam hosti augeret, & disponderet copias, quibus quaeque portis erumperent. Duae legiones duabus principalibus portis utrimque signa efferre iussae, sed in ipso exitu ita conferti obstitere Boij, ut clauderent viam. Diu in angustiis pugnatum est, nec dextris magis gladiisque res gerebatur, quam scutis corporibusque; ipsis obnixa urgebant, Romani ut signa foras efferrent, Boij ut aut ipsi in castra penetrarent, aut exire Romanos prohiberent, nec ante in hanc aut illam partem moueri acies potuerunt, quam

BOIORIX  
 CVM DVORUM  
 FRATRIBUS.



quam L. Victorius primi pili centurio, & C. Atinius Tr. mil. quartæ hic, ille secundæ legionis, signa adempta signiferis in Boios iecerunt, dum repetunt enixe signum, priores secundani se porta ciecerunt. Iam hi extra vallum pugnabant, quarta legione in porta adhuc hærente, cum alius tumultus à diuersa parte castrorum est exortus, in portam Quæstoriam siue decumanam irruerant Boij, resistentesq; pertinacius occiderant, L. Postumium Quæstorem, cui Tympano fuit cognomen, & M. Attinium, & P. Sempronium Præfectos sociûm, & ducentos ferme milites. Capta ab ea parte castra Romana erant, donec cohors extraordinaria missa à Consule, ad tuendam Quæstoriam portam, eos qui intra vallum erant partim occidit, partim castris expulit, & irruentibus obstitit. Eodem ferè tempore & quarta legio cum duabus extraordinarijs cohortibus porta erupit. Ita simul tria proelia circa castra locis distantibus erant, clamoresq; dissoni, ad incertos suorum euentus, à præsentī certamine animos pugnantium auertebant: Usque ad meridiem æquis viribus, ac prope pari spe pugnatum est, labor & æstus, & sitis inter hæc intolerantia, cum decedere pugna coëgisset, in paucos restantes impetum fecerunt Romani, fusosq; in castra compulerunt. Signum inde receptui à Sempronio datum est, ad quod maior pars receperunt se se, pars certaminis studio, & spe potiundi castris Boicis, perstitit ad vallum, quorum pau-

H 2 citate

D I O R I X  
M D V O  
S F R A  
R I E V S.

citare contempta, Boij uniuerſi ex caſtris erumpunt, fuſi Romani, quæ imperio Conſulis noluerunt, ſuo pauore ac terrore caſtra repetunt. Ita varia hinc atque illinc, nunc victoria nunc fuga eo die fuit, Romani tamen ſcriptores Boiorum xi millia, Romanorum v millia occiſa fuiſſe prodidere. Sanè Boij in intima finium ſe ſe receperunt, Sempronius Placentiam legiones duxit. Africanum alij cum Sempronio coniuncto exercitu, Boiorum Ligurumq; agros populatum iſſe, quoad progredi ſilvæ paludeſq; paſſæ ſint, ſcribunt, alij nulla memorabili re geſta, Romanam rediſſe. Et Aſiaticum, Africanum fratrem, cum Boiorum gente, viginti millibus interfectis, conflixiſſe, habent manuſcripti quidam codices, cuius libelli qui de viris illuſtribus conceptus eſt. At verò, cum nec temporis nec loci rationem aſcribāt, & multò plurima exempla eius ipſius libri ijs verbis careant, fit ut germana ab auctore eſſe, fidem non impetrent.

Annotauit Frid.  
Sylburgius.

Liu, lib. 35.

L. Cornelio Merula, Q. Minutio Thermo Coſs. Cornelius Galliam prouinciam ſortitus, per extremos Ligurum fines exercitum in agrum Boiorum duxit. Boij, quanquam in aciem prodeunte eo, pugnam detrectare, Romanos ipſorum artibus, neque feliciter, neque cautè ſatis, petere, Romani ubi nemo obuiam exiret, diſcurrere. Sed diripi ſua impune, quàm tuendo certamen conſerere Boij malebāt, ut contemptum & incuriam ea ratione Romano augerent,

ANN. ANTI  
CHR. NAT.  
CXCI



gerent, per quæ occasionem secundiori pugnae sperabant. Postquam omnia ferro ignique satis euastata erant, Consul agro Boico excessit, & ad Mutinam agmine incauto, ut inter pacatos ducebat. Boij ubi egressum è finibus suis sensere, sequuti silenti agmine, locum insidijs quærentes, nocte prægressi castra Romanorum, saltum insederunt, qua Consuli prætereundum erat. Id cum parum occultè fecissent, Consul, qui multa nocte solitus erat mouere castra, ne nox terrorem in tumultuario prælio augeret, lucem expectauit, & cum luce moueret, tamen turmam equitum exploratum misit. Posteaquam relatum est, quantæ copiae, & in quo loco essent, totius agminis sarcinas, multa præda graues, in medium conijci iussit, & triarios vallum circumijcere, cetero exercitu instructo ad Boios accessit. Idem & Boij fecerunt, ubi apertas esse insidias, & recto ac iusto prælio dimicandum viderunt. Hora diei secunda ferme concursus est, sinistra sociorum equitum ala & extraordinarij prima in acie pugnabant, præerant duo consulares legati, M. Marcellus & T. Sempronius prioris anni consul. Cornelius nunc ad prima signa erat, nunc legiones continebat in subsidijs, ne certaminis studio prius procurrerent quàm datum signum esset, equites earum extra aciem in locum patentem L. & P. Minutios Trib. milit. educere iussit, inde cum signum dedisset, impetum ex aperto facerent. Hæc agenti, nuntius à Sempronio venit,

H 3 non

IN. ANTI  
IR. NAT.  
CXCH

non sustinere extraordinarios impetum Boiorum, casos permultos esse, & qui supersint, partim labore, partim metu remisisse ardorem pugnae, legionem alteram ex duabus, si videretur submitteret, priusquam ignominia acciperetur. Secunda legio missa est, & extraordinarij recepti, tum redintegrata est pugna, cum & recens miles, & frequens ordinibus legio successisset, & sinistra ala ex praelio subducta est, dextera in primam aciem subiit. Sol ingenti ardore torrebat, nullius rei aequè atque aestus impatentia corpora Boiorum, densis tamen ordinibus, vigentibus animis, in spe bona, nunc alij in alios, nunc in scuta incumbentes, impetum Romanorum sustinebant. Quod ubi animaduertit Consul, ad perturbandos eorum ordines C. Liuium Salinatorem, qui praerat alarijs equitibus, quàm concitatissimos equos immittere iubet, & legionarios equites in subsidij esse. Hæc equestris procella, confudit & turbauit, deinde dissipauit aciem Boicam, non tamen ut effusa fuga terga daret, obstabant duces, hastilibus cedentes terga trepidantium, & redire in ordines cogentes, sed inter equitantes alarij non patiebantur. Consul ut fluctuantem, & in fugam inclinatam animaduertit, obtestabatur milites, paullulum adniterentur, victoriam in manibus esse, dum perturbatos & trepidantes viderent, instarent, si restitui ordines suissent, integro rursus eos praelio, & dubio dimicatuos, simul inferre vexillarios iussit signa,

ANN. ANT.  
CHR. N.  
EXC.



signa, itaque omnes connixi, tandem auerterunt Boios. Postquam terga dabant, & in fugam passim effundebantur, tum ad persequendos eos legionarij equites immissi. Quatuordecim millia Boiorum eo die cæsa sunt, viui capti mille nonaginta duo, equites ducenti viginti unus, tres duces, signa militaria ducenta duodecim, carpenta sexaginta tria. Nec Romanis victoria paruo stetit, supra quinque millia militum, ipsorum aut sociorum, sunt amissa, centuriones tres & viginti, præfecti socium quatuor, & M. Genutius & M. Martius Trib. militum secundæ legionis. Cornelio Cos. triumphus negatus est, quod fortuna populi Romani & militum virtute, non sua ipsius opera & consilio vicisse, sua verò potissimum culpa magnum militum numerum amisisse, hostem qui deleri poterat, è manibus emisisse crederetur, eo quod laborantibus subsidia tardius submissa, & equitibus legionarijs signum serò datum, nec fugientes persequi licuerit.

ANN. ANT.  
CHR. N.  
CXC.

Quam Boiorum ea pugna res affligerit, sequens annus aperuit, quo L. Quinctius Flamininus, Cn. Domitius Ahenobarbus fuere Cos. cum unus per Ligures, alter ab Arimino in Boios venisset, & duobus diuersis agminibus agrum latè peruassent, illos tamen quiescentes non excitarunt, quin etiam primo equites eorum pauci cum præfectis, deinde senatus uniuersus cum liberis, postremò, in quibus aut fortuna aliqua aut dignitas erat (summa omniū mille

Liu. lib. 39. Alij  
paullo aliter,  
sed fides habenda  
Liuio, qui  
Catonem sequitur.

mille quingenti) se se transfugio Romanis credere, quam armati vim repellere maluerunt. Flagitium interea crudelitate & libidine fœdum atque immane, à Quintio perpetratum est, quod censoriam M. Catonis notam post nouem inde annos meruit. Philippum Pœnum puerum à se admatum, ab Roma in prouinciam, spe ingentium donorum perduxerat: is per lasciuiam cum cauillaretur, exprobrare Quintio persæpe solitus, quod sub ipsum spectaculum gladiatorum abductus ab Roma esset, ut obsequium amatori iactaret. Forte epulantibus illis, cum iam vino incaluisset, nuntiatum in conuiuium, nobilem Boium cum liberis transfugam venisse, cōuenire Consulem velle, ut ab eo fidem præfens acciperet. Introductus in tabernaculum, per interpretem alloqui Consulem cœpit, inter cuius sermonē, Quintius puero, Vis tu, inquit, quoniam gladiatorum spectaculum reliquisti, iam hunc Gallum morientem aspicere? Et cum is vix dum serio annuisset, ad nutum pueri Quintius, stricto gladio, qui super caput pendeat, loquenti Boio caput primum percussit, deinde fugienti, fidemq; Pop. Rom. atque eorum qui aderant imploranti, latus transfodit. Atrox haud dubiè, & barbarum facinus, animos Boiorum, ad omnem iam pacis patientiam compositos, auertit. Itaque P. Cornelio Nasica, M. Acilio Glabrione Coss. bellum, quanta ante eam diem maxima contentione recrudit, exitu neque pro æquitate

Liu. lib. 36

AN. ANTI  
CHR. N.  
CXIG.



æquitate causſæ, neque pro Boiorum virtute, ſed pro una omnium gentium victoris populi fortuna. Naſicæ demandatum eſt, qui legionibus in hoſtilemagrum inductis, Boios obuioſ, ſignis collatis, ingenti victoria ſuperauit. Antias Valerius retulit, duo de triginta millia Boiorum cæſa, capta tria millia & quadringentos, ſigna militaria centum viginti quatuor, equos mille ducentos triginta, carpenta ducenta quadraginta ſeptem, ex Romanis mille quadringentos octoginta quatuor cecidiſſe. Naſica, in hanc fere ſententiam, oratione quam pro triumpho habuit, plus partem dimidiam ex quinquaginta millibus hoſtium cæſam, neque cum tot millibus Boiorum quenquam ante ſe imperatorem pugnauiſſe, multa millia capta, ſenes puerosq; ſuperreſſe, dixit. Caſtra etiam in Romanorum poteſtatem venere. Boij tot continentibus cladibus attriti, nullis reliquis quas victori obijcerent viribus, ſe poſt aduerſam pugnam coacti extemplo dedere, imperatis obſidibus, dimidia fere agri parte mulctati ſunt, quo ſi vellet Pop. Rom. colonias poſſet mittere. In triumpho, Gallicis carpentis arma ſignaꝑ; & ſpolia omnis generis tranſuecta, & vaſa ænea Gallica, & cum captiuis nobilibus, equorum captorum quoque greges traducti, aurei torques **translati** mille quadringenti ſeptuaginta, ad hæc auri pondo ducenta quadraginta quinque, argenti infecti factiq; in Gallicis vaſis, non infabrè more gentis factis, duo  
I mil.

AN. ANTI  
CHR. N.  
CXIG.

millia trecenta quadraginta pondo, bigatorum nummorum ducenta triginta quatuor, militibus qui currum secuti sunt, diuisi triceni viceni quini asses, duplex centurioni, triplex equiti. Plautus, Latinorum poetarum festiuissimus, siue Nasicae triumphum, siue superiora bella Boica spectans, Capteiuicis comœdiâ Stalagnum Boium seruum induxit, & in ambiguo Boia nomine iocatus est. Gnaeus scilicet popularis artifex, animos afficere & delectare validius, ea quæ in presenti usu & quodammodo conspectu sunt, itaque fabulis suis non tantum Boios, sed & Pœnos, & Reges Philippum, Attalum, atque Antiochum, aliaq; eius temporis aspersit.

Liu, lib. 37.

L. Cornelio Scipione, C. Lælio Consulibus, Lælio Gallia prouincia decreta. Placentinorum & Cremonensium legati in senatu questi inopiam colonorum, alijs belli casibus, alijs morbo absumptis, quosdam, quod & antea contigerat, tædio accolarum Gallorum reliquisse colonias, supplementum impetrare. Lælius Consul ex Gallia Romam reuersus, non solum colonos in id supplementum scripsit, sed ut nouæ coloniae duæ in agrum qui Boniorum fuisset deducerentur, retulit, atque eo auctore senatus censuit. Anno proxime sequenti imperium cum exercitu in Gallia prorogatum. Ante diem tertium calendas Ianuarias Bononiam Latina colonia deducta est, deduxerunt L. Valerius Flaccus, M. Atilius Serranus, L. Valerius Tappus, Triumui, CLXXXVII

ANN. ANT.  
CHR. NAT.  
CLXXXVI

ANN. ANT.  
CHR. NAT.  
CLXXXVII



umui, tria millia hominum sunt deducta, equitibus septuagena iugera, ceteris colonis quinquagena sunt data, ager captus de Gallis Boijs fuerat, Galli Tuscos expulerant, uti à nobis suis locis memoratum, Boici nomen tenuit, etiam postquam in Romanorum potestatem venit, quod Sextus Pompeius ex Verrio Flacco retulit. Bononiam, olim Felsinam, Etruriæ quondam principem, Plinius appellat.

Sext. Pomp. ii.  
Boicus ager.

Lib. 3. c. 154

ANN. ANTE  
CHR. NAT.  
CLXXXVI.

M. Valerio Messalla, C. Liuius Salinator Coss. Boij, cum Romana arma annos supra ducentos ab urbe capta exercuissent, multis prælijs victores, pluribus fortasse victi, bello demum inferiores, quæ omnium populorum aduersus Romanos fortuna fuit, anno circiter quadringentesimo postquam in Italiam commigrarunt, ea excefferunt. Siue sponte id ipsi sua, qui ea carere mallent, quam obnoxiam pacem, reliquarum Italicarum gentium exemplo, atque seruitutem fœderis specie colere: siue, quæ Strabonis sententia, vi pulsi. Iulius Obsequens sine prælio eiectiones esse scripsit: Boios Gallorum nomine complexus, nec enim ceteræ Gallicæ gentes Italiam tum reliquere. Sed utrouis modo res gesta, est ad gloriam eximium, & nescio an exempli unici, aut tam constantem in uniuersa gente fuisse libertatis respectum, aut populum Romanum, tantis iam tunc opibus, ut maximi quique Reges, & florentissimæ orbis terrarum ciuitates, obsequium certatim deferrent. Italiæ sibi tamen nunquam satis certam

Strabo lib. 5.

Cuius rei vel illud argumentum est, quod sequentibus statim Coss. Gallia prouincia M. Furio Prætori decreta Liu. lib. 38.

I 2 & fi-

ANN. ANTE  
CHR. NAT.  
CLXXXVII.

CLXXXVII.

& fixam possessionem destinasse, quamdiu Boius cis alpes consisteret. Notæ hæc & expertæ fortitudinis confessio. Cuius à nobis hoc omni libro documenta prodita, sed ea haud dubiè pauciora & exiliora quam pro re, quod nullis domesticis monumentis adiuti, testimonia à Romanis, propalam hostibus, & à Græcis, qui Romanis vixere obnoxij, habuimus necesse emendicare. Mutina post hæc & Parma, coloniæ ciuium Romanorum, in reliquum agri Boici sunt deductæ, bina millia hominum octona iugera Parmæ, quina Mutinæ acceperunt, M. Acmilio Lepido, T. Ebutio Caro, L. Quintio Crispino triumuiris.

Liu. lib. 39.

MAR-



MARCI VELSERI

63

RERVM

BOICARVM

LIBER SECVNDVS.



Etate qua Boios in Italiam transgressos diximus, Hercyniam ab ijs quoque syluam infessam, supra demonstratum est. Lib. 1. pag. 8.  
Hæc Eratostheni & Græcis fere ceteris Cæs. lib. 6. de bel. Gall.  
Orciniæ nomine cognita, incredibili tunc temporis magnitudine erat & vastitate. Cæsari tanto post proditum, latitudinem nouem dierum iter patere, longitudinem incompertam esse, cum ad sexaginta dierum iter quidam processerint, neque tamen ad eius exitum adierint, certè oriri ab Heluetiorum & Nemetum & Rauracorum finibus, rectaq; fluminis Danubij regione pertingere ad fines Dacorum & Anartium, hinc se flectere sinistrorsus, diuersis à flumine regionibus, multarumq; gentium fines propter magnitudinem attingere. Boij in medio saltu ad Albis fontes, loco aperto, uberes agros, mansuro Boiohemi nomine tenuere. Elati inde successibus, porrò per syluam pergentes, plurium populorum armis confociatis imperium protendere. Iustin. lib. 24. Nam quod Trogus memorat, ex trecentis ho-

I 3 minum

minum millibus, quæ Galli, veluti ver sacrum, ad sedes nouas quærendas misere, partem in Italia confedisse, quæ urbem postea Romam captam incendit partem Illyricos sinus penetrasse, quæ in Illyricum venit, illa fuerit oportet, cui Liuius Hercynios in Germania saltus, Sigoueso imperatore, destinatos scripsit, unde traiecto Danubio breuissimus est in Illyricum transitus. Hanc auibis ducibus iter fecisse creditum, perq; barbarorum strages in terram Pannoniam peruenisse. Principes Boij, monumentum in aduersa ripa, ad ipsum statim Danubij traiectum posuere, Boiodurum, qua Oenus Vindelicos & Noricos interfluit, Germaniæ magnæ obiectos utrosque: magnus præterea circa agri modus, à Vindelicorum quippe finibus ad Pannoniam, Norici longitudine fulus, genti attributus est, quem ob eas quæ postea rerum varietates consequutæ, Boiorum deserta Strabo & Plinius appellauere. Domandis Pannonijs varia cum finitimis populis bella à Gallis gesta, per multos annos, & resederit forte an Boici nominis vestigium in Bijs, Pannoniæ populo, aut Boeis, ut Latini quidam Ptolemæi codices præferunt, quos ex Boijs Græcorum natos, manifestum. Tandem perpetuis animati victorijs, diuisis agminibus, alij Macedoniam, Belgio aut Bolgio aliquo duce, Thraces & Triballos alij, sub Cerethio, reliqui multò maxima manus, Græciam sub Brenno & Achorio & Emmano & Thessaloro, aut **THESSALONO**, **omn**  
**omnia**

Ptolem. Notit.  
tin. Anton.

Strabo lib. 7:  
Plin. lib. 3. c. 24.

Editio Rom. an.  
1478.

Iustin. lib. 24:  
Pausan. lib. 10:

TOLISTVS,  
sive  
TOLISTO.

THESSA-  
LONO.



omnia ferro proterendo, petiere. Brennum Prau-  
sum natione fuisse Strabo auctor est, reliquorum pa-  
tria silentio dissimulata: sed Thessaloni nomen, si-  
quidem cum Thassilone idem est, gentile Boicum  
inde scias, quod hoc plerique Boiorum principes  
usi, neque ulli quod constet, præterea. Bellum va-  
riè gestum. In Macedonia Ptolemæus Ceraunus  
captus occidit: Thraciæ expeditionis memoria nul-  
la superest: Brenni exercitum Delphos aggressum,  
Græci narrant, sacrilegij pœnas luisse, per omnia hu-  
manæ patientiæ exempla. Interim satis constitit, si  
Brennus Thessaloni & Emanii consilio usus, hostes  
imparatos aggredi maturasset, serum Apollinis &  
sororum fuisse futurum auxilium. Delphica au-  
tem clades annos centum totos post Romam ca-  
ptam contigit, quod tum Polybius indicat, tum a-  
liis ostendere procliue est; ut admodum absurdè  
fenserint, qui cum Camillo istum ipsum Brennum  
composuere. Sed magna vis hominum, vigin-  
ti admodum millia, priusquam Brennus Græciæ so-  
lum contingeret, seditione in Dardanis orta, à reli-  
quo exercitu abruperant, & secessione facta, in  
Thraciam auerterant. Ij Tolistobogij, Trocmi &  
Tectofages fuere: Lomnorijs & Lutarijs reguli me-  
morantur, ut hic, quantum existimare licet, Tecto-  
fages, ille Trocmos duxerit: primis, TOLISTVM an  
TOLISTONEM præfuisse, non dubia habentur in-  
dicia. Tolistobogiorum enim, longum contortu-  
plica-

Pol. lib. 2.

Liu. lib. 38.

TOLISTVS,  
sive  
TOLISTO.

HESSA  
ONY

Strabo lib. 12.  
& 4.

App. Syriac.

Schol. ad 38.  
lib. Liuij.

Pol. lib. 5.

plicatumq; nomen, à ducis appellatione tractum, Strabo scriptum reliquit. Idem cum prodiderit, nullos in tota Gallia, citra ultrae alpes, Tolistobogios populos reperiri, unde Asiatici originem duxisse credendi sint, quam tamen hinc manifestè traxerint, facile fuit intelligere, primores syllabas ad ducem priuatim pertinere, reliquas populum respicere, Bogiorum nimirum & Boiorum tam nullo discrimine, ut unam eam eandem gentem esse, ne monendum quidem videatur. Non longè Appianus atque Stephanus abeunt, qui Tolistobios vocauerunt, aut Ptolemæus, qui Tolistobogos, ut Stephanus tamen Tolistobogios ab Eratosthene dictos annotauerit. Sed quando nulla, in asserendo eximio gentis ornamento, auxilia spernanda, grauissimum testimonium, quantumuis nuperi scriptoris, non præteribimus. Carolus Sigonius, homo nostræ ætatis in primis certus & diligens, obseruauit veteres manuscriptos codices, quibus ille optimis usus, & quorum præcipua debet esse auctoritas, Tolistobogiorum vocabulum, totidem prorsus litteris planè & explicatè exaratum præferre. Nos Boios & Tectosages conterminos ad Hercyniam coluisse, superiori libro ostendimus, quam simul proficiscendi, & copias coniungendi occasionem fuisse, credibile. Polybius, circa paludem Lychnidiam in Illyrico, Boiorum, ad ipsam prope Dardaniam meminit, quos reliquias eorum qui longius progressi, gentile nomen,



nomen, ascita ducis appellatione adauxerunt, existimamus. Quamquam vernacula alia vocabuli origo excogitari poterat: cum enim Doll siue Toll ferocem, & prope furentem, Tollist & Tolliste, ferocissimum atque ferocissimos significet, me verum scribere sermonis periti sciunt, quantum abest ut ferocissimi Celtarum Boij, quod ex Appiano su- Lib. i. pag. 14. praattulimus, Tollisto-Boij, & paullò inde mollius, Tolisto-Boij fuerint appellati? Confido coniecturam amatores reperire posse: quæ nobis tamen calida, illa altera, Strabonis fulta testimonio, visa potior. Sed utrouis modo, ad Boios profectò pertinent, nihilo minus quam aut Ostro-Gothi aut Veso-Gothi, quamuis compositis etiam nominibus, Gothi censentur.

Tolisto-Boij ergo, ceteriq; fæderati populi, cum resistantibus pugnando, pacem petentibus stipendium imponendo, cum Byzantium peruenissent, aliquamdiu oram Propontidis vectigalem habendo, regionis eius urbes obtinuerunt. Neque satis scio, quod toto propemodum itinere ab Hercinijs nemoribus in Asiam, Boici nominis vestigia per intervalla sparsa esse videam, an Boion in Taurica Cher- Exat apud Ptol. soneo oppidum, ad hanc quoque memoriam pertinere interpreter, scio in ea peninsula hodieq; gen- Ex Aug. Busbeq. epist. 4. legat. Turc. tem vivere, quæ sermone, moribus, ore denique ipsò & corporis habitu, originem Germanicam referat, quæq; etiam nunc arcum Bogam nominet.

K

Inde

Hegesap. Strab.  
lib. 13.

Plin. lib. 5. c. 32.

Cic. orat. pro  
Deiot.  
Memnonis fra-  
gmenta in Pho-  
tij bibliotheca  
extant.

An. 1190.

Strab. lib. 12.

Inde audientes quanta Asiae ubertas esset, eo trans-  
miserunt, Ilium primò, nudatam mœnibus urbem,  
mox iterum deferendam tenuerunt, ut Hegesianax  
auctor. Non plus ex viginti millibus hominum  
quam decem armata erant, tantum tamen terroris  
omnibus quæ cis Taurum colunt gentibus iniece-  
runt, ut quas adissent, quasq; non adissent, pariter  
ultimæ, propinquis, imperio parerent. Postremò,  
cum tres essent populi principes, minores enim plu-  
res Plinius enumerat, in totidem partes, qua cuique  
Asia vectigalis esset, diuiserunt, Tolisto-Boij Aco-  
lida atque Ioniam sortiti sunt. Horum urbes à Pto-  
lemæo referuntur Germa, Pessinus Vindia, Andrus,  
Vegistum, Tolasta vicus, ducis credo Tolisti monu-  
mentum: à Strabone Blucium additur, quod Cicero  
Luceium appellauit, & Peium, à Memnone Tabia.  
Ambigo an eo quidquam faciat, fidem enim ut im-  
petrare possit vereor, quod Asiatica Friderici Ahe-  
nobarbi expeditione, populos repertos esse aiunt  
prope Armeniam, qui sermone Boico uterentur.  
Regio uniuersim ad Sangarium & Halym fluuios,  
Galatia, & Gallogræcia dicta. Reipublicæ ratio  
fuit fere eiusmodi, ut singulis gentibus in quatuor  
quodammodo tribus distinctis, omnes simul duo-  
decim tribus constituerent, quarum præfecti & iu-  
dices leuiores causas deciderent, de cæde ad com-  
mune concilium ccc. virorum, quod Drynæmeti  
cogebatur, referrent. Galatici verò nominis  
terror

ORTIAGON.



terror indies adeò increfcebat, multitudine etiam magna sobole aucta, ut Syriæ ad postremum Reges stipendium dare non abnuerent. Sequutis inde temporibus varia fortuna, sæpe vincentium, sed & interdum victorum fuit.

Tolisto-Boios quod propriè spectet, unum apud Memnonem, qui Tolostobogios appellat, reperio, Zeilæ Bithyno Nicomedis filio, paternum regnum repetenti, esse opitulatos, neque quidquam præterea: quousque transgressis in Asiam Romanis, & superato Antiocho, tum Tolisto-Boij tum Tro- Liu. lib. 38.  
cni atque Tectofages, à Cn. Manlio Vulsone Con-  
sule, quod auxilia Regi præstitisse dicerentur, bello  
petiti sunt. Erant tunc trium populorum reguli,

ORTIAGON.

ORTIAGON & Combolomarus & Gaulotus. Or-  
tiagon præ ceteris liberalitate & rei militaris peritia  
inclytus, consilia de Galatarum principatu in se u- Suid. u. Ortiagon.  
num transferendo, cui ingenita animi altitudine, &  
longa exercitatione paresset, agitare creditus. Eo  
duce Tolisto-Boiorum ciuitas Olympum montē  
cæpit, conuectis omnibus quæ ad usum quamuis  
longi temporis sufficerent: tædio se fatigaturos Ro-  
manos censebant, nam neque ausuros per tam ardua  
atque iniqua loca subire, & si conarentur, vel parua  
manu prohiberi ac deturbari posse, nec quietos in  
radicibus gelidorum montium sedentes, frigus aut  
inopiam laturus. Et cum ipsa altitudo locorum eos  
tutaretur, fossam quoque & alia munimenta verti-

K 2 - cibus

cibus ijs quos infederant circumiecere, minima apparatus missilium telorum cura fuit, quæ postea negligentia male vertit, quod saxa affatim præbituram asperitatem ipsam locorum credebant. Manlius contra, qui pugnam non cominus, sed procul locis oppugnandis futuram præceperat animo, ingentem vim pilorum, velitarium hastarum, sagittarum glandisq; & modicorum lapidum qui funda mitti possent, parauerat. Subeuntibus itaque montem Romanis, & procurentibus ad aditum prohibendum Tolisto-Boijs, missilibus ex interuallo loci prælium commissum est, primò par, Boios loco adiuuante, Romanos varietate & copia telorum, procedente inde certamine nihil æqui erat, scuta longa, sed ad amplitudinem corporum parum ampla tegebant Boios, nec iam tela alia habebant præter gladios, quorum eminus nullus usus, cum manum hostis nõ confereret, ceterum rudibus nec præparatis saxis, ut cuique temerè ad manus venissent, inconditè utebantur, sagittis ex aduerso, glande, iaculis incauti ab omni parte configebantur, nec quid agerent, ira & perturbatione obcæcatis animis cernebant, quod iniquissimo pugnae genere essent comprehensi, nam quemadmodum cominus, ubi inuicem pati & inferre vulnera licet, Romanis non cessuri videbantur, ita cum ex occulto & procul leuibus telis vulnerarentur, nec hostis quem ulciscerentur copiam sui faceret, & iam pauci superessent, castra in vertice montis



tis sita repetere coacti sunt, quæ pauoris & tumultus plena reperere, ut ubi fœminæ pueriq; & alia imbecillis turba permista esset. Neque Manlius cunctatus, legiones eo duxit, Boij ne parum se munimenta sua tegerent, armati pro vallo constiterant, obruti deinde omni iterum telorum genere, cum quo plures ac densiores erant, eo minus vani quidquam teli intercideret, mox intra vallum compelluntur, stationibus tantum firmis ad ipsos aditus portarum relictis. In multitudinem compulsam in castra, vis ingens missilium telorum continenter conijciebatur, & vulnerari multos, clamor permistus mulierum atque puerorum ploratibus significabat. Etiam qui portas stationibus clauferant, scutis pilis transfixis, plerique inter se conferti hærebant, nec diutius impetum Romanorum sustinuerunt. Priusquam verò ij patentibus iam portis castra irrumperent, Tolisto-Boiorum fuga è castris in omnes partes facta est, per vias per inuia, perq; præcipitia saxa, qua quemque fors aut impetus tulit, itaque plerique præcipientes per vastam altitudinem prolapsi, inter vepres & rupes exanimati sunt. multi in equites, qui ad radices montis se continuerant incidentes, cæsi aut capti. De interfectorum numero immodica est tradentium diuersitas, Quadrigarius, qui bis in Olympo pugnatum auctor, ad quadraginta millia hominum cæsa scripsit, Antias, largus alioquin in augendo, non plus decem millia, captiuorum quadraginta millia

K 3      fũere,

fuere, quod Quadrigarium fallere potuit, quia Boij  
omnis generis ætatisq; turbam secum traxerant, de-  
migrantium magis quam in bellum proficiscentiũ  
modo. Ortiagon Rex ipse gentis euasit.

Præter Liu. Plut.  
de clar. mul. Flo-  
rus. Etrauct. de  
vuis illustr.

CHI- CHIOMARA

OMARA uxor, miræ pulchritudinis fœmina, in ho-  
stium potestate fuit. Custodiæ centurio præerat, li-  
bidinosus iuxta atque auarus, is primò eius animum  
tentauit, quem cum abhorrentem à voluntario stu-  
pro videret, corpori quod seruum fortuna erat, vim  
fecit. Deinde ad leniendam indignitatem iniuriæ,  
spem redditus ad suos mulieri facit, & ne eam quidem  
ut amans gratuitam, certo auri pondere pactus; ne  
quem conscium suorum haberet, ipsi permittit, ut  
quem vellet, unum ex captiuis, nuntium ad suos  
mitteret, locum prope flumen constituit, quo duo,  
ne plus, necessarij captiuæ cum auro venirent nocte  
insequenti, ad eam accipiendam. Forte Chiomara  
seruus inter captiuos eiusdem custodiæ erat, hunc  
nuntium primis tenebris extra stationes centurio e-  
ducit. Nocte insequenti, & duo necessarij mulieris  
ad constitutum locum, & centurio cum captiua ve-  
nit. Cumq; Chiomara dato auro, quod summam  
talenti Attici expleuit, tanti enim pepigerat, libera-  
ta esset, patria lingua suis, stringerent ferrum, & cen-  
turiõnem ipsam tum amplectentem valedicentẽq;,  
occiderent imperauit. Iugulati præcisum caput in-  
uolutum veste, ad virum Ortiagontem domum tu-  
lit. Quem priusquam complecteretur, caput ante  
pedes

PAEDOPOLIS.



pedes abiecit, mirantiq; facinus haud quaquam muliebri, & exclamanti, O coniunx, præclara res fides est! suspicabatur centurioni fidem de pretio non seruata, ideò casum esse: Omnino, illa inquit, hoc verò pulchrius, unum te marite in terris viuere, qui corporis mei habueris copiam, inde iniuriam centurionis, & ultionem violatæ per vim pudicitiae, viro confessa est, & reliquæ vitæ sanctitate ac gravitate, huius matronalis facinoris decus ad ultimum conseruauit. Polybius se cum ea Sardibus collocutum, animi magnitudinem & prudentiam admiratum scripsit. Vtrâquere haud dubiè Romanæ pudicitiae princeps Lucretiâ Boia tanto interuallo superior, quanto & castitate vicit, captiua probrum vi passa, liberam infamiae metui sponte succumbentē. Ortiagonti PAEDOPOLITES filius fuit.

Suidas.

Proxima & germana pudicitiae laus, coniugalis amoris fides est, cuius eximium alterum in Galatarū gente specimen editum, cum omnibus priscaeui heroidum exemplis contendere non verear: Tolisto-Boiorum proprium esse, neque pro vano, neque pro comperto posuerim, sed Plutarchus cum Chiomare & Stratonice Tolisto-Boicarum mulierum memoria coniunxit: neque qua temporis circumscriptione definiam satis scio; ut isto tamen loco narrem, nihil aberraturus sum, quando is qui patrum memoria inter poetas Italos princeps habitus, sola egregij facinoris magnitudine adductus, pulchrum existimauit

Areost. cant. 37.  
Drusillæ nomine.

Plur. de clar,  
mul.

mauit carminibus in nobili poëmate celebrare.

SINATVS & SINORIX gentis principes, potentia <sup>SINATVS</sup>  
incltyti, ijdem se sanguinis coniunctione attingebāt. <sup>SINORIX</sup>

Horum Sinato uxor erat, quam virginem duxerat,  
CAMMA nomine, cum forma & ætatis flore spe- <sup>CAMMA</sup>  
ctanda, tum ob robur animi & virtutis indolem,  
multo etiam magis, præcipua maritum charitate  
complectens. Venerationem augebat Dianæ sacer-  
dotium, visebatur in obsequio Deæ, cuius cultui  
Galatæ inprimis dediti, sacerdos ipsa, inter pompas  
& sacrificia, ornatu religioni numinis & splendori  
principalis fortunæ conuenienti. Cammam depe-  
riuit Sinorix; nequicquam, satis sciebat, siue vim si-  
ue blanditias viuo marito paraturus, quod ergo pro-  
ximum, Sinatum dolo aggressus, necat. Statim à ma-  
riti morte, ne lugendi quidem relicto spatio, impo-  
tens amator uxorem ambit, sceleris confessione ad  
amoris commendationem impudenter usus, se Si-  
nato nulla alia re inferiorem, amore etiam superio-  
rem petiorem venire, qui cognati hominis sangui-  
nem nuptiarum spe, nullis præterea inimicitiarum  
caussis impulsus, non horruerit fundere Camma  
mariti casum nec abiectè ferre, nec muliebriter la-  
mentari, sed magno & erecto animo vindictæ in-  
tenta esse, assiduas Sinorigis preces neque præfractè  
aspernari, neque planè admittere; donec in speciem  
ijs amicorumq; consilij victa, assensit, veniret, nu-  
ptias in templo, teste Dea, cuius illa antistita, auspi-  
cetur.



SINATY  
SINORIX  
CAMMA

caretur. Sinorix confestim affuit, blandè exceptus ad aram ductus est. Ibi cum Camma Deæ ex patera libasset, partem hausit, reliquum Sinorigi ebibendum propinauit, erat autem plena mulsi veneno mista. Quamprimùm bibisse vidit, claro sublato ciulatu, Deam procidens supplex adorat, & Tete, exclamat, sanctum & præsens mihi numen, te Diana testor, huius me diei causa vitam à Sinati morte traxisse, acerbam utique & ærurnosam, nisi qua me vindictæ spes solata sustentauit, cuius nunc pleno voto potens, ad charissimos mariti manes, læta & exultans descendo: Ad Sinorigem simul conuersa, Tu verò teterrime, scelere omnes mortales vincens, age fac, tui tibi iam pro nuptialibus tædis & geniali thalamo, funereas faces & tumultum, te dignam coniugij pompam apparent. Ille tristissima verba accepit attonitus, & cum vim veneni se in omnes corporis partes insinuare perentisceret, currum conscendit, ut agitatione malum vel vinceret vel reijceret, cum frustra utrumque esset, eo relicto, ante proximum solis occasum in lectulo mortuus iacuit. Camma per totam noctem oblectata, cum Sinorigem vita functum audiisset, circa solis exortum, hilaris & gratulabundæ similis expirauit.

Nec infra mulierum virtutem viri. Tolisto-Bo-Flor, lib. 2. c. 17.  
ios & Tectosages captiuos (post Tolisto-Boios, Tectosages victi & Trocmi) miraculo fuisse proditum, adeò catenas etiam moribus & ore tentauere, suffo-  
L candas

candas fauces inuicem præbuere, omnia præ seruitute toleranda, pro libertate decora existimantes. Romani quantumuis victores, pacem fortissimis gentibus non durissimis legibus dederunt, morem vagandi cum armis finirent, agrorum suorum se terminis continerent, tributum aliquid nomine penderent; postremum enim caput, ex sacra Machabæorum historia eruimus; ea Iudæos Galaticâ victoriâ magnitudinem Romanæ potentiæ æstimasse indicat.

Machab. lib. 1.  
c. 8.

Pag. 67.

Quo ipso tempore Boij Italia excessere, si quidem anno post Messallæ & Salinatoris Consulatum, quibus Consulibus eos excessisse ostendimus; Manlius de Gallis Asiaticis triumphauit.

Strabo lib. 5.

Pag. 70.

Italici autem Boij, ut unde deflexit redeat narratio, trans alpes in Tauriscos abiere, ad Istrum flumē, Norici tractu confidentes, quo aliam ex Germania magna Boicam coloniam, multo ante immigrasse, initio libri dictum est. Tauriscorum, quod inter pauca admirandum, nomen interijt, nominis interpretatio in alia lingua mansit, Stiri sunt, ut ut mutatis aliquantum finibus, quod plerisque omnibus populis accidit, Stieri Germanis Tauri.

Hic cognatas utrimque ab una Boiorum stirpe gentes, breui coaluisse, & coniunctis inter se animis armorumque viribus, veterem aduersus vicinos virtutis atque potentiæ existimationem asseruisse, credendū. Quod constat, anno postremo belli Persici, priusquam Christus nasceretur centesimo sexagesimo quinto,

ANN. ANTI  
CHR. NAT.  
CLXXII

CLXXII  
878.

CLXXII



quinto, valida & expedita Gallorum manus ab Istro Liu. lib. 46.  
 profecta, Macedonibus auxilio venit; quam Boi-  
 cam fuisse, incertum Tauriscam an Dardanam, ut  
 nullius certi scriptoris testimonium euincat, re per-  
 suademur, & temporis atque locorum ratione, ne-  
 que non validis in Romanos irarum causis, qua ve-  
 teri multiplici, qua recenti grauissima offensione ex-  
 asperatis, tum eo demum multo maximè, quod Li-  
 uius quem sequimur, Gallos generatim pro Boijs  
 frequens soleat usurpare. Venere CLONDI-  
 culo duce decem millia equitum, par numerus pe-  
 ditum, & ipsorum iungentium cursum equis, & in-  
 uicem prolapsorum equitum vacuos equos ad pu-  
 gnam capientium. Hi pacti erant, eques denos præ-  
 sentes aureos, pedes quinos, dux mille. Venientibus  
 Perseus profectus obuiam, ex castris quæ ad Enipe-  
 um habebat, cum dimidia copiarum parte, denun-  
 tiare per vicos urbesq; quæ viæ propinquæ sunt cœ-  
 pit, ut commeatus expedirent, frumenti, vini, pec-  
 corum ut copia esset. Ipse equos phalerasq; & sagu-  
 la, donum principibus ferre, & parum auri quod in-  
 ter paucos diuideret, multitudinem credens trahi  
 spe posse. Ad Almanam urbem peruenit, & in ripa  
 fluminis Axij posuit castra. Circa Desudabam in  
 Medica, quæ Thraciæ regio est, exercitus Gallorum  
 confederat, mercedem pactam opperiens. Eo Per-  
 seus Antigonum mittit, ex purpuratis unum, qui  
 iuberet multitudinem Gallorum ad Bylazora Pæo-  
 niæ

L 2

ANN. ANT.  
CHR. NAT.  
CLXXX

CLONDI-  
CULO

CLXX

niæ locum castra mouere, principes ad se venire frequentes, septuaginta millia ab Axio flumine & castris Persei aberant. Hæc mandata ad eos cum pertulisset Antigonus, adiecissetq; quanta per viam Regis curâ omnium rerum copia multitudini præparata foret, quibusq; muneribus vestis, argenti equorumq; principes aduenientes excepturus esset, homines rudiores quam qui istis artibus fallerentur, de his quidem se coram cognituros respondent, illud quod præsens pepigissent interrogant, ecquid aurum quod in singulos pedites equitesq; diuidendū esset secum adduxisset. Cum ad id nihil responderetur, Clondicus, Abi, renuntia ergo Regi inquit, nisi aurum obsidesq; acceperint, nusquam inde Gallos longius vestigium moturos. Hæc relata Perseo cum essent, aduocato consilio, cum quid omnes suafuri essent appareret, ipse pecuniæ quam regni melior custos, institit de perfidia & feritate Gallorum differere, multorum iam ante cladibus expertum, periculosum esse tantam multitudinem in Macedoniam accipere, ne grauiores eos socios habeant quam hostes Romanos, à quibus sibi unis tunc cauendum, quinque millia equitum sat esse, quibus & uti ad bellum possent, & quorum multitudinem ipsi non timerent. Apparebat omnibus non multitudinem, sed multitudinis mercedem timere: verum cum quod usus posceret suadere consulenti nemo auderet, qui primus ad dominantium perniciem gra-



gradus est, remittitur Antigonus nuntiatum, quinque millium equitum opera tantum uti Regem, cōtemnere multitudinem aliam. Quod ubi Galli audiuerunt, ceterorum quidem fremitus fuit, indignantium se frustra excitos sedibus suis, Clondicus rursus interrogat, Ecquid ipsis quinque millibus quod cōuenerat numeraret: Cum aduersus id quoque misceri ambages cerneret, inuiolato fallaci nuntio (tanta animi moderatio, iurisq; gentium publici respectus fuit, quod Antigonus vix sperauerat posse contingere) retro ad Istrum, perpopulatus Thraciam qua vicina erat viæ, redijt. Perseus præfenti auxilio, illiberali malignæ tenacitatis vitio nudatus, quo subnixus Romanos vel vinceret, vel profectò sustineret, hostibus prædæ, alijs documento fuit, blandas Regum assentatrices, periuria & avaritiam, certas regnorum pestes esse.

Boij, qui in Hercynia interea sylua, regione Boiohemi nomine, restiterunt, eorum obscuram & inter mortuam fere historiam esse oportet, quod ab Romanis & Græcis magnis terrarum tractibus distiti, procul egerint, eæ verò, nec aliæ in Europa tunc gentes, litteras aut habuerint, aut ad nostram ætatem propagauerint, neque sine litterarum monumentis ulla usquam certa diuturnaq; esse queat memoria. Vnum Posidonium mirari habeo, unde hauserit quod in litteras ab eo relatum, ad Boiorum gloriam eximium est, Cimbro, homines prædones

Posid. apud  
Strab. lib. 7.

L 3 &

& vagos, in Hercyniam siluam delatos, fortiter à Boijs repulſos eſſe. Inde Iſtrum & Scordiſcos & Teuriſtas ac Tauriſcos petuiſſe, tum Heluetios, auri per ea tempora diuitem, ceterum pacatum populum. Heluetiorum Tigurinos Tugenosq; præſertim, ſplendore Cimbricæ copię perpetuis bellis partæ perſtriſtis oculis, ſe ſe proſciſcentibus in Italiam adiunxiſſe, ubi à Romanis internecione cæſi omnes fuerint. Difficile temporum rationem in tantis tenebris omninò conſtituere, procliui interim coniectura, rem inter Boios & Cimbros multis prius annis geſtam eſſe, quam Cimbri in Italiam vel etiam Galliam venerint, interiectis quippe Scordiſcorum & Teuriſtarum atque Tauriſcorum bellis. Venere autem in Galliam tranſcenſo Rheno Cimbri, armorum millia trecenta, mulierum & infantium multo maior adhuc numerus, C. Cæcilio Metello, Cn. Papirio Carbone Coſs. multis inde Romanorum cladibus nobiles, inter quas longè eminent Cn. Mallius Conſul, Q. Seruilius Cæpio Proconſul victi fugatiq; & binis caſtris exuti, cæſis octoginta Romanorum ſociorumq; ſexaginta calorum ac lixarum millibus, decem ex omni omninò exercitu hominibus reliquis. Alliam & Cannas ea dies vicerit, ad cuius nuntium omnis Italia metu contremuit, qui ſine Mario fuiſſet, in exitium verterat. Marius quartum & quintum Conſul, victores magna ſtrage caſtigauit, rem Romanam inclinatam erexit. Cimbros

Vell. lib. 2. Tac.  
de mor. Germā.  
Obſequēs, Flor.  
Orof. & alij.  
1 lut. Mario.

ANN. ANTI  
CHR. NAT.  
CXL

CIII

C. 16

BOIORIX



brorum ibi virtutem, versa iam fortuna, mulieres, ingentibus animis nec credenda fortitudine æmulatæ, fusa acie victisq; maritis se certamini accinxerunt, & obiectis undique plaustris atque carpentis, altæ desuper quasi è turribus, lanceis contisq; pugnauerunt. Egregiam pugnam speciosa mors sequuta, cum desperatis demum rebus, missa ad Marium legatione, libertatem ac sacerdotium ausæ sperare, neutrum impetrassent, suffocatis passim elisisq; infantibus, aut mutuis concidère vulneribus, aut vinculo è crinibus facto, ab arboribus iugisq; plaustrorum pependerunt. Tantus ergo à Boio hostis, integer adhuc, nec ullis bellorum aduersis fractus, pulsus abiit. Quod quantum fuerit, & in quam magna tunc temporis laude positum, Belgarum exemplo, Cæsaris docemur testimonio. Est quippe apud hunc, omni Gallia à Cimbris & Teutonibus vexata, solos eos Belgas intra fines suos ingredi prohibuisse, quare factum esse, ut præ ceteris etiam Gallis Belgæ post illa auctoritatem sibi atque spiritus in re militari sumerent. An Boiorum aliqui Cimbros sponte ipsi sua, eodem quo Heluctij consilio, & veterum præterea sedum desiderio, in Italiam migrantes sequuti fuerint, quod in gente magna & bellicosa fieri potuit, interdum ambigo, sanè inter Cimbros BOIORIGEM tunc Regem egisse, qui Marium die & loco præstituto ad pugnam vocauerit, idoneum auctorem Plutarchum habeo, eum in acie cecidisse

Cæs. lib. 2. de bello Gall.

Plut. Mario.

Oro-

ANN. ANTI  
CHR. NAT.  
CXL

CIII.

BOIORIGEM

C. 16

Oros. lib. 5, c. 16. Orosum, neque ambiciosius Boijs Boiorix, quam Teutonibus Teutobocchus transcribatur.

Elapsis aliquot annis, bellum à Pop. Rom. in Mithridatem Ponti Regem decretum, Lucijs primum Sulla, inde Murena & Lucullo ducibus, gestum est. P. quoque circa illa tempora Seruilius Isauros domuit. Neque utroque bello, tum ceteris in Asia gentibus, tum Galatarum populis otiosis spectatoribus esse licuit; DEIOTARVS maximè Tolisto-Boius Te-trarcha (alius à Deiotaro Paphlagone, qui vel tunc, vel non multo post, Philadelphi cognomine vixit) virtute & fide erga Romanos constanti, egregium se socium, suarum copiarum strenuum ducem præbuit, atque omnibus quos diximus Imperatoribus operam voluntatemq; ita probauit, ut ab ijs Romam reuersis, ampliter & magnificè in Senatu fuerit laudatus. Sub Lucullo Eumachum Mithridatis præfectum, Phrygiam incursantem, magna clade repressit. Cn. Pompeium Luculli successorem postmodum adeò demeruit, ut is eum pulcherrimo elogio, unum in toto orbe terrarum ex animo amicum vereq; beneuolum, unum fidelem Pop. Rom. iudicatum, ornauerit, bello confecto, Trocmos & Gadilonitidem, qua ad Pharnaciam & Trapezuntem pertinet, & Colchos ad minorem Armeniam, atque Armeniam eam denique ipsam, paternæ ditioni adiecerit, Regemq; appellarit. Ille tantis prouincijs auctus, regni caput veterem sedem Tolisto-Boios esse voluit,

Plut. Appian.  
Luij epit. alij.

Strabo lib. 12.

Strabo, Plut.  
Dio.

Cic. Phil. 11.

Appian. Mithri-  
cat.

Cic. loco cit.

Cic. de Diuin.  
Strabo lib. 12.  
Eutrop. lib. 6.

ANN. ANTI  
CHR. NATI  
LXXXVI  
LXXII  
LXXII

BOGO-DI  
TORVS

ADO-BO  
ON

DEIOTARVS

LXXII

LXXII



voluit, regia Luceij constituta, Peij Gaza recondi-  
ta: neque latius alio tempore à Boijs in Asia regna-  
tum est. Strabo.

BOGO-DIATORI præterea cuiusdam Galatæ, Strabo lib. 14.  
quem Pompeius Mithridatio urbe donauerit, &  
ADO-BOGIONIS ex tetrarcharum stirpe, Strabo lib. 13;

meminit: de quorum, deq; Deiotari nominis origi-  
ne, quæ verosimilia existimo, sic afferam, ut iudici-  
um & fidem in medio, apud me unum esse nolim.

Quamquam interpretationem Græcam Diatorus  
palam, Deiotarus obscurius, aptè uterque ad belli-  
cæ fortitudinis laudem recipiat, mihi tamen ex Ga-  
latarum Diethero nati ambo videbantur, appella-  
tione à Græcis paullatim, uti fit, ad aliquem sui ser-  
monis sensum modicè inflexa. Dietum & Diethe-  
rum autem antiquissimum Boiorum nomen esse,  
sequenti libro demonstrabitur, in quo mutando  
corrumpendoq; variè scriptorum imperitia lusit,  
nam & Deudorix Sicamber Bætoritis filius, quem à  
Germanico in triumpho ductum Strabo scripsit, Strab. lib. 7.  
Diethericus popularibus suis fuit, haud dubium ex  
hoc fonte. Itaque primores Bogo-Diatori syllabas  
ad Boios pertinere, tam mihi liquet, quam Tolisto-  
Boiorum & Ado-Bogionis postremas, nec quidquā  
utrimque interest, nisi quod qui Tolisto-Boiorum  
exemplo Diethero-Boius, is versā præposterè vice,  
Boio-Dietherus est appellatus. Iam Ado Germani-  
cum non Græcum esse, nemo in controuersiam ad-  
ducet.

M Mithri-

Plerique Rom.  
hist. scriptores.

Oros. lib. 5. c. 24.

Lib. 1. pag. 41.

Cæs. lib. 1. bel.  
Gall.  
Plut. Crasso.

Mithridatico bello Spartacium in Italia, gladiatorium idem atque seruile, ætate compar, Spartaco & CRIXO & Oenomao ducibus gestum, Thrace CRIXVS  
illo, his Gallis, uti distinxit Orosius. Crixum aduerso prælio à Gellio Consule oppressum, collega Spartacus inferijs trecentorum captiuorum munerauit. Quod ego hîc non ascriberem, nisi Silium Chrixi nomine inter Boica usum esse iam supra meminisse-  
mus; & verò Orosius, tum Gallos tum Germanos, inter Spartaci auxilia retulit, Cæsar seruilem tumultum Germanis non dubiè tribuit, Plutarchus, Germanos à Gellio cæsos esse disertè scripsit. Quod si cui hæc humilis videtur atque obscura, nec pro cetera fortissimi populi maiestate narratio, Primùm, nos vera non speciosa scribere professi, deinde, seruitus atque libertas, fortunæ sunt nomina, ad laudem aut ignominiam nihil pertinent, & si fidum Plutarchi testimonium, nam nihil erat cur in seruorum gratiam falleret, hos nullum ob flagitium, sola emptoris iniquitate in gladiatorium Lentuli ludum, quo effracto profugerunt, datos esse, multa prudentiæ & fortitudinis exempla edidisse, inter quæ insigne unum, quod cæsis memorabili pugna duodecim illorum millibus atque trecentis, duotantum à tergo vulnerati reperti, reliqui omnes versis in hostes frontibus & pugnaverint & ceciderint, quid sit cur non virtutem fortunæ succubuisse fateamur, hos quantumuis seruos & victos, præ Romanis  
nis



nis & dominis & victoribus, veris pretijs æstime-  
mus? Cato huic bello miles claritudinem attulit: Plut. Catonē  
qui inde in Macedoniam, atque porrò Asiam profe-  
ctus, ibi paterno Deiotari Regis hospitio usus est.  
Deiotarus declinui iam ætate, cum ei liberos suos at-  
que omnem familiam commendaret, ut munera  
quæ Regio more offerebat, vel ipse acciperet, vel su-  
orum quenquam accipere pateretur, omni conatu  
enixus, impetrare nunquam potuit.

Iuxta hæc Boij, Hercynia iterum egressi, traiecto Cæs. lib. 1. bel-  
Gall.  
Danubio in Noricum, cui Voccio Rex præerat,  
venere, auxilio nimirum popularibus, qui id loci  
dudum confederant. Ibi Norciam oppugnarunt,  
incertum quo euentu, ut habentur pleraque in tam  
caliginosa vetustate. Plinius urbem interiisse, sub Plin. lib. 3. c. 19.  
Vespasianis scripsit, sed an Boiorum ista oppugnati-  
one, verius conijcere, quam constituere possumus.  
Norcia Tauriscorum fuit, auri lauacris ferrarijsq; se- Strabo lib. 5.  
cturis nobilis, Taurisci in Norico, eò antiquissimus  
scriptor Homerus, æs Noropium cognominat, Hom. Iliad lib.  
2. & 11.  
Eustath. & Di-  
dymus ῥαίονες  
explicant per  
λαίονες ὁ σπλε-  
didum, ut sit  
compositū ex  
ῥαί priuandi par-  
ticula & ὁ σπ-  
lus, vel ὁ σπ- vi-  
sus.  
quod aliouersus scimus traxisse grammaticos, sed  
disertè Clemens Alexandrinus, Noropes ait, qui po-  
stea Norici appellati sint, æs elaborasse, & ferrum  
primos purgasse. Nunc, quoniam Norici fre-  
quens deinceps mentio accidet, neque ijdem eius  
semper fuere fines, semel dicendum, regionem quo  
Romanis modo usurpata est, dirimi septentriones  
versus à Germania magna Danubio, in meridiem I-

M 2 talia

talix alpihus committi, ad occidentem solem qua Ratiā & Vindeliciam spectat, flumen Oenum, ad orientem qua Pannoniam, Cerium montem limites acceperē. Magnum terrarum tractum esse, multorum olim populorum sedem, ingenti rerum vicissitudine exercitum. Nomen à Noreia urbe fluxisse verosimile, sed plerisque domesticis scriptoribus Norix an Noricus, Herculis filius fecisse creditus, cui quam externarum litterarum monumentis fidem austruam non inuenio, neque omnino huius soni vocabulum inter fabulas, præterquam quod Theodotius aliquis scripsit, Noracem quinto Mercurio ex Oschyra nymphe Pyrenæi filia natum, Tartesso in Sardiniam venisse, ubi cum Sardum Herculis filium insulam indigitasse reperisset, ipse conditam à se urbem Noram dixerit; at hæc narratio nimium quantum ab illa altera dissidet.

Arēpekus, Trithemius, alij.

Theodont. citatur à Boccaccio geneal. lib. 7. c. 37. fabulæ etiam Solin. meminit c. 10.

Cæs. lib. 1. de bel. Gall.

Boijs domum reuersis, cum L. Pisone, A. Gabiniō Coss. Heluetij regionis suæ angustias caussati, rectis domi incensis, nouas per Galliam sedes instituisse querere, & aliarum gentium auxilia ei finisciscerent, Boiorum valida manus, capitum admodum triginta duo millia, quorum quarta pars arma ferret, sese illis coniunxerunt, & ut nuper Danubio, sic nunc Rheno traiecto, Galliam, veterem ut multorum habet opinio patriam, postliminio repetiuerunt. Vbi ad Rhodani ripam peruentum, eos Cæsar, qui tunc Gallias Pop. Rom. nomine prouinciam

ANN. ANTI  
CHR. NAT.  
LVII



ciam obtinebat, progressu arcuit. Hac spe deiecti, in Sequanos flectunt, perq; eorum fines, Santones petitori, datis inter se obsidibus sine maleficio & iniuria transeunt; Aeduos & Ambarros & Allobrogos, qui trans Rhodanum vicos possessionesq; habebat, ubi primum attigere, populantur. Ii cum se suaq; defendere non possent, legatos ad Cæsarem mittunt, auxilium rogatum. Cæsar ad Ararim flumen, quod per fines Aeduorum & Sequanorum in Rhodanum influit, hostes ratibus ac lintribus iunctis transeuntes nactus, cum tres iam copiarum partes transduxissent, quartam partem reliquam, quæ ex Heluetijs pagus Tigurinus fuit, multa nocte cum tribus legionibus è castris profectus, impeditam & inopinantem aggressus, fere concidit. Inde pontem in Arare faciendum curat, ut reliquas copias consequi possit, atque exercitum traducit. Helvetij socij; populi repentino aduentu commoti, legatos de pace mittunt, quibus re infecta reuersis, proximum deinde prælium Romanis, equitatu pulso, aduersum fuit. Compluribus interiectis diebus, prope Bibracte, maximum & copiosissimum Aeduorum oppidum, iterum pugnatum est. Cæsar copias suas in collem subduxerat, equitatumq; qui Heluetiorum impetum sustineret miserat, ipse interim in colle medio triplicem aciem legionum quatuor veteranorum instruxit, ita ut supra se in summo iugo duas legiones, quas in Gallia citeriore nuper con-

M 3 scri-

ANN. ANTI  
CHR. NAT.  
LVL

scripserat, & omnia auxilia collocaret, ac totum montem hominibus compleret, sarcinas in unum locum conferri, & cum ab his qui in superiore acie constiterant, muniri iussit. Helvetij cum omnibus suis carris sequuti, impedimenta in unum locum contulerunt, ipsi confertissima acie, reiecto Romano equitatu, phalange facta, sub primam Cæsarianam aciem successerunt. Cæsar primum suo, deinde omnium equis è conspectu remotis, ut æquato periculo spem fugæ tolleret, cohortatus suos, prælium commisit. Romani è loco superiore missis pilis, subeuntem hostium phalangem perfregerunt, ea disiecta, gladijs districtis in eos impetum fecerunt. Helvetijs magno ad pugnam erat impedimento & loci iniquitas, & quod pluribus eorum scutis uno ictu pilorum transfixis & colligatis, cum ferrum se inflexisset, neque euellere, neque sinistra impedita satis commodè pugnare poterant, ut multi diu iactato brachio, præoptarent scutum manu emittere, & nudo corpore pugnare: tandem vulneribus fessi, & pedem referre, & quod mons suberat circiter mille passuum, eo se recipere cœperunt. Capto monte, & succedentibus Romanis, Boij & Tulingi, qui hominum millibus circiter quindecim agmen Helveticum claudabant, & nouissimis præsidio erant, ex itinere Romanos latere aperta aggressi, circumuenerunt: id conspicati Helvetij, qui in montem se receperant, erectis animis rursus instare, & prælium redin-



redintegrare cœperunt. Romani conuersa signa bipartitò intulerunt, prima ac secunda acies ut Heluetijs iam victis ac summotis resisteret, tertia ut venientes Boios atque Tulingos exciperet. Ita ancipiti prælio diu atque acriter pugnatum est: cum Romanorum impetus diutius sustineri non posset, Heluetij se ut cœperant in montem receperunt, Boij & Tulingi ad impedimenta & carros suos se contulerunt. Illud præcipuum virtutis atque fortitudinis argumentum in Heluetijs ceterisq; fœderatis gentibus fuit, quod toto prælio, cum ab hora diei septima ad vesperam pugnatum esset, quenquam eorum auersum videre nemo potuit. Ad multam noctem, etiam ad impedimenta pugnatum est, propterea quod pro vallo carros obiecerant, & è loco superiore in Romanos venientes tela conijciebant, & nonnulli inter carros rotasq; mazaras ac tragulas subijciebant, Romanosq; vulnerabant. Diu cum esset pugnatum, Romani impedimentis castrisq; tandem potiti sunt. Et quamquam magna cædes exitit, ex eo tamen prælio circiter millia hominum centum triginta superfuerunt, eaq; tota nocte continenter ierunt, nullam partem noctis itinere intermisso, in fines Lingonum die quarto peruenerunt, cum Romani & propter vulnera militum, & propter sepulturam occisorum triduum morati, eos sequi non potuissent. Cæsar ad Lingones litteras nuntiosq; misit, nec eos frumento, nec alia re iuuarent, si iuuissent,

uissent, se eodem loco illos quo Heluetios habiturum. Ipse triduo intermisso, cum omnibus copijs eos sequi cœpit. Heluetij omnium rerum inopia adducti, legatos de deditioe ad eum miserunt. Cæsar præter pagum Vrbigenum, hominum circiter sex millia, qui noctu effugere tentauerant, reliquos omnes, obsidibus armis perfugis traditis, in deditioem accepit. Heluetios, Tulingos, Latobrigos, sociorum ea populorum nomina, in fines suos unde erant profecti reuerti, oppida vicosq; quos incendebant restituere iussit, ne in eam regionem, si vacare contingeret, Germani traiecto Rheno transirent, & finitimi Romanorum prouinciæ Allobrogibusq; essent.

Cæf. lib. 7. de  
bel. Gall.

Cæf. lib. 1. & 6.  
de bel. Gall.

Vnis Boijs eximium ab hoste testimonium obtigit: quod egregia erant fama, & proximo bello virtute cogniti, in finibus petentium Aeduorum collocati, Gergobinam & Boiam urbes habuere, Aedui datis agris in parem iuris libertatisq; conditionem atque ipsi erant receperunt. Erant olim totius Galliæ factiones duæ, harum alterius principatum tenebant Aedui, alterius Aruerni atque Sequani. Aeduos fratres consanguineosq; Romani sæpenumero appellauerant, soliti quippe has blanditias, seruitio siue parando siue velando, nuperæ gentium patientiæ prætexere. Cum de potentatu utrimque multos annos magnopere contenderetur, factum uti ab Aruernis Sequanisq; Germani mercede accerferentur.

Cum



Cum his Aedui semel atque iterum armis congressi,  
 magnam calamitatem pulsi acceperant, omnem Senatum, omnem equitatum amiserant. Quibus prælijs calamitatibusq; fracti, in Sequanorum, & proinde Germanorum ditionem coacti fuerant concedere. Sequanos mox satias Germanorum cœpit, quod Ariouisti Regis, nihilo in se æquiora mitioraq;, quam in hostes ipsos Aeduos imperia experirentur. Alienatos animos amborum populorum defectio sequuta est, Cæsaris maximè auctoritate & pollicitationibus confirmata. Aedui quod se ingenti bello illigassent, occasionem rati, fœderis qua diximus specie, Boiorum sibi præsidium adiunxerunt. Atque id deinde memorabile, cum Aeduorum nomen dudum interciderit, hospitum adhuc Boiorum, illustre usque adeò superesse ijs locis (siquidem Gallicarum rerum scriptores Borbonios inde haberi fere consentiunt) ut Regium totius Galliæ decus in Boicis, siue quod isti idem esserentur, Borbonijs regulis hodieq; resideat. Boios præterea in extrema Aquitania reperio, ad Garumnam flumen sitos, quos poeta Christianus antiquus Paullinus, piceos Paul. epist. 3. cognominat, ob vim nimirum picis quam excoquant; vestigium periti regionis, homines eruditi, Vinet. & Scal. in Aufon. restare affirmant. Sed quâ casuum varietate eo peruenierint, mihi constare non potest, nam ut isto Heluetico bello, nec verosimile est, nec propemodum fieri potuit; tantum suspicari habeo, cum P. Crassus

N                      Cæsa-

Libellus pro-  
vinc.Scal. in Aufon.  
lib. 2. c. 7.Cæs. lib. 7. de  
bel. Gall.

Cæsaris Legatus, tertio post victos Heluetios anno, omnes propè Aquitanix populos ad deditiōem coegerit, eo bello Boicorum auxilijs usum, præsidia collocasse, quæ sequutis temporibus in gentem excreuerint. Boiates etiam in Nouempopulana populus, aut cum Boijs idem fuerit, aut originis saltem eiusdem, unde Baionæ nomen manasse credunt, quasi Boionam dicas, quod per me quidem in ambiguo, fides coniecturæ apud auctores erit.

Quadriennio interiecto, pleræque Galliarum gentes, Pop. Rom. imperium conatæ excutere, defecere, bello Vercingentorigem Aruernum legere ducem. Is Gergobinam Boiorum oppidum in Aeduorum finibus, sub hyemis fere exitum oppugnare instituit. Quæ res Cæsari magnam difficultatem ad consilium capiendum afferebat, si reliquam partem hyemis legiones in hybernis contineret, ne Boijs expugnatis, cuncta Gallia deficeret, quod nullum in eo amicis præsidium videretur esse positum, sin maturius ex hybernis educeret, ne ab re frumentaria, difficili subuectione, laboraret. Præstare visum omnes difficultates perpeti, quam tanta contumelia accepta, omnium suorum voluntates alienare. Itaque cohortatus Aeduos de supportando comæatu, præmittit ad Boios, qui de suo aduentu doceant, hortenturq; ut in fide maneat, atque hostium impetum magno animo sustineant, ipse cum exercitu subsequitur. Aduentus Gergobinæ salutis fuit,



fuit, nam ubi Vercingetorix Cæsarem adesse cognovit, oppugnatione dimissa obuiam profectus est. Ab altera Boiorum urbe Boia (nisi certè Cæsariani commentarij, ex quibus ista haurimus, in hoc nomine corrupti, quod non nemo suspicatur) vici atque ædificia quoquo versus, quousque Romani pabulandi causa adire posse videbantur, Vercingetorigis hortatu sunt incensa. Romani Boiorum deinceps opera aliquamdiu fideli usi sunt, eo tenuiori tamen, quod cum frumentarijs subuectionibus præcipuè indigerent, Boij noua illis regionibus, indeoq; infirma gens, tractandis armis promptior, quam colendo agro aptior, nondum facultatibus uterentur quæ, tanto præsertim exercitui, alendo sufficerent. Verum maximis Galliarum sequutis motibus, factum ut Boij tandem pluriùm auctoritati cederent, seq; ijs adiungerent, qui patrium libertatis decus, atque vetustam bellicæ fortitudinis laudem, speciosa rebus nouis nomina prætexentes, Pop. Rom. imperium armis ibant imminutum. Contulere ei rei Boij una cum Rauracis, nam utrorumque ratio simul habita, hominum triginta milia, ceteræ quæ coniurauerant gentes, ad portionem quæque virium. Sed bello non diutissimè tracto, Vercingetorigis deditione Gallis manifesta iterum seruitutis confessio expressa est.

M. Crasso interea temporis, cum magna exercitus parte in Asia à Parthis deleta, graue vulnus Pop.

N 2 Rom.

Fulu. Virgilius ab  
hoste legit, pro  
à Boia.

ANN. ANT.  
CHR. NAT.  
LIV.

Plut. Crasso, Ap-  
pian. Parth. 1.

Cic. 1. & 2. de  
Divin. Val. lib.  
1. c. 4.

Cic. lib. 15. epist.  
fam. epist. ad  
Catonem.

Cic. lib. 5. ad Ar-  
tic. saepe.

Rom. accepit. Vbi scitum est quod narrant, profi-  
ciscienti ad expeditionem Crasso, & Deiotarum To-  
listo-Boium, quod summa prope senectute nouam  
urbem conderet cauillanti, ô Rex, duodecima de-  
mum hora ædificare incipis ! falsè à Deiotaro rela-  
tum esse, Nec tu quidem, quantum video Impera-  
tor, valde matutinus contra Parthos proficisceris, e-  
rat enim natus Crassus hæc loquens annos supra sex-  
aginta, & plus aliquanto vultu præ se ferebat; neque  
irritum omen cecidit, siue Deiotarus belli exitum,  
auspicia sequutus coniecit, mirè enim eam discipli-  
nam coluit, ita ut nihil unquam nisi auspiciatò gesse-  
rit, persæpe etiam reuerterit ex itinere, cum iam pro-  
gressus esset multorum dierum viam, semel aquilæ  
volatu admonitus, se ab eius tecti usu abstinuerit,  
quod nocte insequenti ruina solo æquatum est, siue  
verosimilius, quando auspicia vanitatis manifesta,  
Parthorum hinc vim, inde Crassi imperitiam & te-  
meritatem æstimasse.

Anno à Cæsaris de Vercingetorige victoria, post  
Crassi cladem biennio, Cicero Proconsul in Cilici-  
am cum imperio venit, rebusq; prosperè gestis, Im-  
perator appellatus est. Ibi Deiotarus in castris ha-  
buit, cuius benevolentiam & fidem erga Romanos  
singularem, tum præstantem magnitudinem & ani-  
mi & consilij, ornatissimis verbis sæpe commenda-  
uit, tantiq; fecit, ut Cicerones apud eum, suum fra-  
trisq; filium seponeret, credo quod Deiotarus litte-  
rarum

DEIOTARVS  
FILIVS.

STRATONICA  
DEIOTARI  
MAIORIS  
Vxor.

ANN. ANTI  
CHR. NAT.  
IL

ANN. ANTE  
CHR. NAT.  
XLVII.

TARCVNDA-  
RIVSCASTOR.

CASTOR  
MINOR.



rarum etiam studijs teneretur, nam à Varrone pro-  
ditum, Diophanem, Magonis Carthaginienſis li-  
bros duodetriginta de re ruſtica, ad ſex redactos, ei  
miſiſſe. Adduxit autem cohortes quadringentari-  
as, ut apud Ciceronem lego triginta, ut legendum  
exiſtimo viginti, equites quadringentos, et ſi is quo-  
que numerus variat; atque cæ mihi legiones viden-  
tur fuiſſe duæ, quas ex commentario belli Alexan-  
drini cognoscimus, habuiſſe Deiotarum ex genere  
ciuium ſuorum, diſciplina atque armatura Romana  
complures annos conſtitutas, cum id ipſum Cicero  
ſignificet. DEIOTARVS filius, cui Artabaſdis  
filia pacta erat, tum Rex à Senatu appellatus eſt,  
quantumuis matre ancilla editus. STRATONICA  
enim patri uxor fuit, quæ cum matrimonium ſuo vi-  
tio ſterile animaduerneret, marito liberos ex qua-  
cunque muliere tollere perſuaſit, conciliata etiam  
elegantis formæ ancilla Electra nomine, cuius filios,  
ſumma charitate complexa, pro ſuis educauit.

Sequuto ciuili inter C. Cæſarem & Cn. Pompeiũ  
bello, Deiotarus, Pompeij legatis atque litteris euo-  
catus, cum Senatus conſentientis auctoritate arma  
ſumpta audiret, auſpicia cum præterea impellerent,  
auxilio ſexcentos equites adduxit, octingentos ge-  
ner TARCVDARIVS CASTOR, & Donilaus de-  
dere, Gallogræciambo. Donilaus una venit, Caſtor  
CASTOREM filium ex Deiotari filia genitum miſit.  
Deiotarus, quamquam exacta iam ætate viribus de-  
fectus,

Var. de re Ruſt.  
lib. 1. c. 1.

Cic. lib. 6. ad  
Attic.

Plut. de Clar.  
mul.

Cic. pro Deiot.

Cic. 1. & 2. de  
diuin.

Cæſ. 3. de bel:  
ciu.

Tarcundarium  
Cæſ. appellat,

Strabo lib. 12.  
Sacocondarium.

De Caſtore De-  
iotari nepote

Cæſ. Cic. Strab.

N 3

DEIOTARVS  
FILIVS.

STRATONICA  
DEIOTARI  
MAIORIS  
UXOR.

N. ANTI  
IR. NAT.  
IL

ANN. ANTI  
CHR. NAT.  
XLVII.

TARCVDA-  
RIVS CASTOR.

CASTOR  
MINOR.

fectus, ut quem à pluribus in equum sublatum, quod in eo hærere posset mirarentur, Pharsalico tamen prælio interfuit, & rebus perditis Pompeium profugientem proximè assequutus, ab eo in nauim cum paucis receptus est. Inde verò in regnum suum abiens, spem infinitam persequi noluit, sed fortunæ obsequutus, Cæsari se applicauit, eumq; bello Alexandrino deinde iuuit. Cn. etiam Domitium Caluinum, cui Cæsar Asiam finitimasq; provincias administrandas tradiderat, cum exercitu tectis & copijs sustentauit. Huic de Pharnace Mithridatis filio questus, qui captato tempore ciuiliū armorum, plerasque paternas ditiones in potestatem reduxerat, orauit ne Armeniam minorem, regnum suum, neue Cappadociam regnum Ariobarzanis, eum possidere vastareq; pateretur, quo malo nisi liberaretur, imperata sibi facere, pecuniamq; promissam Cæsari se non posse persolvere. Motus Domitius, tum præsentī damno, tum quod turpe Pop. Rom. & Cæsari victori, sibiq; infame esse statueret, regna sociorum atque amicorum ab externo occupari, Pharnacem primò per legationes aggreditur, quibus cum parum proficit, manifestum hostem diutius dissimulandum non existimat, ducto igitur aduersus eum exercitu, & commisso ad Nicopolim Armenia minoris oppidum prælio, male omninò acceptus est, altera quippe ex legionibus quas proprias duas habuit, pæne tota amissa, & Deiotarianis etiam  
toti-

Plut. Pomp.

Comment. bel.  
Alex.ANN. ANT.  
CHR. N.  
XLVI

XLVI



totidem magnam partem interfectis. Pharnaces secundo successu elatus, occupato protinus Ponto, omnia saevitiae exempla in ciues Romanos edidit. Caesar ordinata Aegypto, huius rei curam suscipiendam ratus, cum propius Pontum finesq; Gallograeciae accessisset, Deiotarum, depositis Regijs insignibus, non tantum priuato vestitu, sed etiam reorum habitu, supplicem obuiam habuit, orantem, adeo offensus praemeritis, in metum quam spem validius inclinabat, ut sibi ignosceret, quod in ea parte positus terrarum, quae nulla praesidia Caesaris habuisset, exercitibus imperijsq; in Cn. Pompeij castris fuisset, neque enim se iudicem esse debuisse controuersiarum Pop. Rom. sed parere praesentibus imperijs. Contra Caesar, cum plurima sua commemorasset officia, cumq; defensionem eius nullam posse excusationem imprudentiae recipere coarguisset, se tamen concedere dixit id factum superioribus suis beneficijs, veteri hospitio atque amicitiae, dignitati aetatiq; hominis, precibus eorum qui frequentes concurrerant, hospites atque amici Deiotari, ad deprecandum, inter quos M. Brutus ornatissimè & copiosissimè egit, Regioq; vestitu ei restituto, legionem quam disciplina Romana instructa habebat, ex duabus paullo ante commemoratis reliquam, equitatumq; omnem ad bellum gerendum adducere iussit, de controuersijs Tetrarcharum, qui maximam Gallograeciae partem à Deiotaro, praeter leges moresq;

Cic. de clar. orat.  
Plut. Bruto; ver-  
tente & corrigē-  
te Xylandro.

Cic. Phil. 2. de  
diuin. lib. 2. Cō-  
ment. bel. Alex.  
Dio. lib. 41. qui  
quod indicare  
videtur Cæs-  
De-  
iotaro plura tri-  
buisse quam ab-  
stulisse, vereor  
ut verum sit, cer-  
te cum Cic. non  
conuenit.

Cic. Phil. 2.

resq; gentis, teneri querebantur, postea se esse cog-  
niturum ostendit. Victo itaque ad Zelam Pharnace,  
remissisq; domum auxilijs, minorem Armeniam  
Deiotaro ablatam, Ariobarzani dedit, Trocmorum  
Tetrarchiam iam aliquot ab illo annis possessam,  
Mithridati Pergameno iure cognationis adiudica-  
uit, sed Regium tamen nomen tum ipsi reliquit,  
tum filio.

Cuius iacturæ detrimentum, exitiabilis prope-  
modum quæ sequuta est calamitas obliterauit. Ne-  
pos Deiotari Castor, auum insidiarum crimine,  
quas Cæsari parasse diceret, in capitis periculum ar-  
cessiuit: Cum Pharnacis bello Cæsar in castellum  
Luceium venisset, & domum Deiotari hospitis Re-  
gis diuertisset, locum fuisse quendam, in quo fuerint  
ea composita quibus ipsum Deiotarus munere  
constituisset, huc illum ē balneo priusquam accum-  
beret, ducere voluisse, ibi enim fuisse armatos qui  
eum interficerent, in eo ipso loco collocatos: Cæ-  
sarem sua quæ semper usus fortuna, & tunc, & repe-  
ritis postea insidijs, seruatum esse. Additæ crimina-  
tiones alia, & quo aduersarius præcipuè visus confi-  
dere, Regius medicus Phidippus index. Deiotarus  
contra, missis Romam legatis, defendente Cicero-  
ne, oratione quæ omnium manibus teritur, absolu-  
tus quidem est, sed Cæsaris tamen odium & offensi-  
onem meritis, quoad hic vixit nunquam lenire po-  
tuit.

Interfecto, cum legati, si Ciceroni omnia  
credi-

ANN. ANTE  
CHR. NAT.  
XLIII.

DEIOTARVS

ANN. ANTE  
CHR. NAT.  
XL.

XLII.



credimus, vendente Antonio, decretum emissent,  
 quo Cæsar quæ Deiotaro viuis abstulerat mortuus  
 redderet, ipse nihil eo exspectato, sua sponte, simul  
 atque Cæsaris interitum audiuit, & suo Marte, res  
 suas recuperavit. Tum generum Castorem, quæ Phi- Strabo lib. 12.  
 loromæum ab amore Romanorum cognominatū,  
 pleraque litteraria ingenij monumenta posteris re-  
 liquisse Suidas prodidit, quod illo auctore accusatio Suid. u. Castor.  
 instituta, regio more ultus, nam regni arctior quam  
 sanguinis plerumque necessitudo, una cum uxore,  
 filia sua, interfecit: in liberos & aliâs crudelis, quo-  
 rum cum plures haberet, & solum Deiotarum in Plut. de Stoicor.  
repugnant.  
 spem successionis aleret, reliquos filios necare susti-  
 nuit, ne uni regnum aut dubium, aut imminutum  
 relinqueret, Gorbeium, quod genero castellum se-  
 des, diruit, maximam etiam pagi partem vastauit.  
 Brogitarum alterum Deiotari generum, Matris De-  
 orum Pessinunti aliquando P. Clodij concessione sa-  
 cerdotem, Cicero nominat, de quo nobis præterea Cic. de aruspici  
respons.  
 nihil constat. Pessinuntem verò ad Tolisto-Boios  
 pertinuisse supra ostensum. pag 744

Resumentibus ciuilia arma Bruto & Cassio, De-  
 iotarus ab utroque sollicitatus, cum huic negasset, Dio lib. 47.  
 illi in memoriam suscepti apud Cæsarem patrocini  
 assensus, eadem se qua prius fortuna Romanis ite-  
 rum rebus miscuit, Amynta scriba auxiliorum duce Dio lib. 47. 471  
 misso, qui statim à Philippensi pugna ad Antonium  
 transijt, perfidiæ præmium amplas post aliquot an-

O nos

ANN. ANTE  
CHR. NAT.  
XLIII.

BROGITARVS.

ANN. ANTE  
CHR. NAT.  
XL.

XLII.

Strabo lib. 12.  
Dio 48.

Strabo, Dio,  
Rufus,

Arenpeh. Andr.  
Ratispon. Trit-  
hem. alij.

nos in Galatia, Pamphylia atque Lycaonia ditiones  
nactus. Extincto enim Deiotaro, anno ante

Christum natum trigesimo octavo, CASTOR qui-  
dam, dubium an is quem nepotem ex filia paullò an-  
te diximus, successit, credo quod Deiotarus filius  
prior obiisset; Castorē quadriennio post AMYNTAS  
excepit, Antonij beneficio, cui pessimam Actiaco  
bello gratiam retulit, non expectato praelio ad Cæ-  
sarem versus: At nono principatus anno, Antipatro  
Derbæo per insidias cæso, multisq; castellis captis,  
dum in Homonadenses expeditionem parat, Cili-  
cum insidijs uxoris dolo & ipse interceptus, fidei to-  
ties flagitiosè proditæ pœnas luit. Cuius mor-  
te Galatia in provinciæ denique formam ab Augu-  
sto Cæsare redacta, primus Lollius Proprætor datus

est, anno centesimo sexagesimo quarto posteaquàm  
Cn. Manlius Vulso Romana eo primum arma intul-  
lit, cum Galli centum circiter antea annos in Asiam  
transissent; quæ propemodum Galatici, atque adeò  
Tolisto-Boici in ea terrarum parte imperij summa.

Facio non inuitus, si quæ patrijs Boiorum anna-  
libus, ob ignoratas superiorum scriptorum errore,  
rerum temporumq; rationes, inconcinne & obscu-  
rè, atque eo incredibiliter sunt posita, ad germanam  
veri speciem interpretatione reuocare licet, ea verò  
ut reuocem.

BOAMVNDVM & INGRAMVM  
memorant, siue Iulij siue Augusti siue Tiberij ætate,  
nec enim consentiunt, Armenia, cuius provinciæ  
nomen

ANN. ANT.  
CHR. NAT.  
XXXVIII.  
CASTOR, du-  
bium an is  
cum eo quem  
minorem pa-  
tri appellau-  
imus.  
XXXIII.  
AMYNTAS

XIII

LOLLIUS

BOAMVNDVS  
INGRAMVS



nomen nescio quomodo, frequens est in omni prisca Boiorum historia, siue pullos, siue sponte profectos, nam & ea fama variat, viâ progressos illâ qua primus Boici nominis conditor, in has oras venisse, ubi gentem Duces rexerint. Hic ego, quod sociorû populorum auxilia in Romanis castris versari solita, Tolisto-Boij reliquiq; planè Galatæ, maiestate Pop. Rom. comiter conseruata fuerint socij, & in Tolisto-Boiorum potestate Armeni minores, descendo, ut bellorum aliquo, quæ Augustus & Tiberius in Rætia Vindeliciaq; & Norico atque omni Illyrico complura gessere, Tolisto-Boios Principes, adductis popularibus Galatis, mixtimq; Armenis, militare potuisse, mihi patiar persuaderi. Neque disiunctior Armenia quam Parthia, neque Romano nomini hæc illa amicior, Ornospadem tamen Parthû Tac. Annal. lib. 5<sup>o</sup> bello Delmatico Tiberium iuuisse scimus, Pannico, frequenti regio equite cum usum Velleius scripsit, quod ad auxilia fœderatorum Regum nimirum pertinet. Et inferioribus temporibus, Rætorum cohortem Analibæ in Armenia statiuâ habuisse, in Notitia annotatum, ut idem de Armenis in Rætia credere, eo etiam minus absurdum sit. Aut his ergo causis occasionibusq; Boamundus & Ingramus impulsî, iter ex Armenia huc tenuere, aut mihi quidem potiores præterea nullæ suppetunt. Nominum origo ex patrio sermone est, Boamundo ad Bogodiatore quodammodo formam composito. Memini apud

ANN. ANT.  
CHR. NAT.XXXVIII.  
CASTOR, du-  
bium an idem  
cum eo quem  
minorem popu-  
los appellauit  
mos.XXXIII.  
AMYNTAS

XVIII

COLLIT

BOAMUNDUS  
INGRAMUS

Vop. Aureliano. pud Vopiscum legere, Aurelianus longo post hanc ætatem temporum tractu, inter auxilia habuisse cū Hartomundum, Haldegastem, Hildemundum & Cariouiscum, tum Armenos sagittarios sexcentos, quæ mihi certa & præsens visa imago, eorum quæ de Boamundo suspicionibus vestigamus & coniecturis.

Strabo lib. 5. & 7. Armis inter hæc Boij, Tauriscorum in Norico accolæ, cum Dacis contendere, quamquam longè difsi, & medio inter utrosque fluente Danubio : sed

Strabo de Bœrebista narrans, se sui temporis historiam scribere indicat, tum Augustum aduersus Bœrebistæ successorem exercitum misisse. superior belli memoria vetustate excidit. Sub Augusti ætatem, Boiorum regnum ad CRITASIRVM, CRITABIRVM, Dacorum ad Bœrebistam Getam recidit. Bœrebista regio animo complexus spiritus; populum, quem bellorum incommodis atque difficultatibus afflictum acceperat, breui temporis spatio, prudentibus consilijs, & perpetuis militaris disciplinæ exercitijs, adeò erexit, ut finitimis plerisque gentibus imperio subiunctis, iam Romanis timendus, rerum suarum curam inijceret. Gnarus quantas religionis opinio ad continendos animos vires haberet, Cencum sibi præstigiatores hominem adiunxit, qui per Aegyptum vagatus, atque arcana sacra edoctus, secretiora cum Dijs alloquia agitare creditus, parum aberat quin Zamolxidis exemplo, pro Deo coleretur; hunc sibi eorum quæ aggredi pararet auctorem simulans, tam certam suis addiderat fiduciam, ut præsentis numinum ductu omnium sibi rerum latos felicesq; exitus

Iornandes pro Bœrebista Boro-istam, pro Cencio Diceneum habet.

ANN. AP.  
CHR. NA.  
VIII.



exitus pollicerentur. Istro itaque traiecto, Thraciam ad Macedoniam usque & Illyricum perpopulatus, Celticas ibi gentes Thracibus & Illyrijs permittas euastauit, Boios & Tauriscos ita attriuit, ut agrorum vacui atque deserti, vicinis Illyrici populis pascendis pecoribus fuerint contributi, quæ Boiorum inde deserta & solitudo, non semel à nobis commemorata. Neque ego quidquam huius præterea apud veteres scriptores inuenio : nuperos scio quosdam omnia licentius, & proinde fusius tradere, quorum fidem, quod poteram, non damno, quod debeo non sequor, confidentiam & temeritatem impensè miror. Annum Daciæ expeditionis Dio Dio lib. 54. mihi signare visus, quo loco retulit, decreto Romæ factò Iulo Antonio, Q. Fabio Coss. de claudendis Iani portis, pace ubique terrarum parta, Dacorum motibus esse intercessum, qui Danubium frigore constrictum transgressi, prædas ex Romanis provincijs egerint, satis enim credo, victores Romano solo non abstinuisse. Fuit verò is annus ab eo quo Boij ex Italia ad Tauriscos primum venire, centesimus prope octogessimus.

Alia tum in Germania magna calamitas, ipsum gentis iugulum aggressa petijt. Documento, imperiorum vices atque conuersiones, prouiso & constanti supremæ mentis consilio, haudquaquam incertis & fortuitis occasionibus circumagi; quippe quod, ut ijdem fere casus unius gentis diuersas pro-

O 3 pagi-

ANN. ANTE  
CHR. NAT.  
VIII.

pagines, semel atque iterum, nam antea quoque, Boios uno tempore Italia pulsos, & in Asia victos esse obseruauimus, simul complexi affligerent, temere profectò contigisse non existimandum. MA

MAROB  
DVVS.

ROBODVI Regis præcipua ferebatur in Germania auctoritas, qui cum iuuenis Romæ beneficijs ab Augusto affectus vixisset, dominandi artes ita imbibit, ut in patriam reuersus maximo facinori, parando regno, animum priuatus adicerit, aderant tantæ rei conandæ instrumenta, genus nobile, corpus præualens, animus ferox, ingenium rationis capax, supraquam Romani ab homine Germano exspectarent, adeò illi conceperant, trans alpes corpora nasci, quæ sonum ederent, & externum aspectum præferrent, hominum intus mentem non haberent. Maroboduus cum Marcomanos sibi subiecisset, quorumque antiquissima memoria, apud Cæsarem est, expeditione Ariouisti Gallica, tum Lutos, Zumbios, Butones an Gutones, Mugilones, Sibinos, & ex Sueuis Semnones (nunc vestigia gentium deperdita, nomina ægrè superant) principatum inter eas constituit, non tumultuarium neque fortuitum, neque mobilem & ex voluntate parentum constantem, sed certum & stabilem, suis nixum radicibus, regiumque fastigium animo complexus, finitimis omnibus aut bello domitis, aut conditionibus sui iuris factis, ascitis corpori custodibus, & ceteris pæne ad Romanæ maiestatis effigiem conformatis, Romanos

Cæs. lib. 1.  
bel. Gall.



manos vario ingenio, ipsis illorum artibus ita petebat, ut cum metui propiores haberet, bello tamen non laceggeret, at si laceggeretur, superesse sibi vim ac voluntatem resistendi declararet, legati quos mittebat, interdum ut supplicem commendabant, interdum ut pro pari loquebantur, gentibus hominibusq; desciscitibus tutum apud eum erat perfugium, exercitum septuaginta millium peditum, quatuor equitum fecerat, quem assiduis aduersus finitimos bellis exercendo, maiori quam quod habebat operi pręparare videbatur. Illud altissimę prudentię hominis memoratur consilium, cum Romanos traiecto Rheno Germaniam ex illa potissimum parte aggressos, victis Sicambrijs, Vsipectis, Frisijs, Cauchis, Cheruscis, Cattis, ad Visurgim & Albim progredi, se se mox petendum, iam imminuentibus victoribus imparem, nondum confirmatis viribus animaduenteret, ne obnoxius ageret, excita Marcomanorum gente sedibus suis patrijs, eam procul à Romanis auocauit, eò potentiora arma refugiens, ubi sua faceret potentissima. Placuit campos Hercynia sylua incinctos veluti arcem legere, quod inde Germaniam à laua & in fronte, Pannoniam ad dextram, à tergo haberet Noricos, & tamquam in omnes semper venturus, ab omnibus timeretur: nam Pannoniam traiecto Danubio etiam vexasse, Rufus indicat, qui Marcomanos tractu inter Danubium & Drauum pulsos prodidit. Hercyniæ hanc oram  
Boij

Dio lib. 54. Vell.

Boij à Sigouefo inde tenuerant, annos plus minus sexcentos, eos Maroboduus tunc pepulit, pulsus, præcipuam Marcomanis virium virtutisq; gloriam cum sede peperit.

Verum illud ad eam omnem memoriam, Boicamq; inprimis historiam illustrandam, perincommodè accidit, si qui antiquitus scriptores rerum Germanicarum occasione, horum bellorum euenta studio enarranda sumplere, eorum monumenta dudum perijsse, reliquis, qui aut breuitate insignes, vix nos indicio tantum iuuant, aut quorum in diuersum tendens oratio, huc obiter, & aliud fere agens, deflectit. Itaque, quod plerique sæpe nec necessariò, nec probabili causa admisere, nos iudicio & ratione iam nunc isto loco facturos opinor, ut in eas delapsi angustias, coniecturis quadamtenus indulgere, quam subsistere existimemus satius, ea, dabitur opera, quando certæ esse non possunt, nec enim nomen, nec ipsius rei natura patitur, verosimiles habeantur, & certis proximæ. Atque ut ab ijs quæ exploratò primùm constant, iterum exordiamur, Marcomani pepulere sanè Boios, cuius rei fides, Taciti nixæ testimonio, dubia esse non potest: exciuit autem Marcomanos sedibus suis, inq; saltuosa Hercyniæ loca duxit, Maroboduus, quod discretè admodum à Strabone & Velleio scriptum: Maroboduo ergo duce Boij pulsi sunt. Iam Maroboduus, antequam regnaret, Romæ cum Augusto vixisse,

ANN. 4  
CHR. 1  
VII  
VI.



xisse, Strabone auctore diximus : superest, ij rerum  
temporumq; connexiones planissimè peruerterint,  
quibus visum prodere, Iulio in Gallijs agente, Boios  
à Marcomanis eiectos, transq; Danubium pulsos,  
cum Noreiam frustra oppugnassent, errore vago  
tandem ad Heluetios, excidium Galliarum tunc  
meditantes, esse delatos, cuius sententiæ longè ma-  
ximum vitium, non mediocrem reliquæ historiæ  
offundat caliginem, erroremq; multiplicem post se  
trahat, necesse est. Nam ridenda illa altera, non  
confutanda, Tarquinio Prisco Romæ regnante, Bo-  
ios à Marcomanis fugatos in Italiam abiisse. Nos  
Velleium sequuti, ostendimus, Maroboduum ex-  
peditionis consilium, metu Romanorum cœpisse,  
qui traiecto Rheno, per mediam Germaniam vi-  
ctricia arma circumferebant, Druso nimirum & Ti-  
berio vicissim ducibus : sed Drusus post Lollianam  
cladem in Germaniam missus est, ea Domitio & Sci-  
pione Consulibus accidit, se ipso & L. Quinctio  
Consulibus, maximis rebus gestis, fortissimisq; gen-  
tibus debellatis, mortem obiit : Tiberius successor  
datus, proximo anno Rhenum transmisit, quem o-  
mnes Germaniæ partes sic perdomuisse Velleius as-  
serit, ut in formam pæne stipendiariæ prouinciæ re-  
digeret, elogio quantumuis supra verum, imperan-  
tis gratia inflato. Hoc itaque potissimum tempore,  
& postremis quidem duobus annis, quorum altero  
Cassiodorus Germanos inter Albim & Rhenum,  
P Tiberio

Rhen. lib. 1. rer.  
Germanic.

Dio lib. 54

ANN. ANTE  
CHR. NAT.  
VII.

VI.

Tiberio omnes deditos retulit, Marcomanos desperatione resistendi, retrò cessisse, verum sit, cum tentata prioribus frustra fortuna, manus infelicitè cōtulissent; siquidem Orosius, semel p̄ne ad internecionem cæsos, Florus eorum spolijs tumulum in trophæi modum à Druso excultum fuisse memorat. Atque hæc firma & contestata satis sunt. Sed obscura deinde & impedita altera disquisitio consequitur, quo terrarum Boij, Boiohemo pulsi, concesserint; quos pulsos Tacitus perspicuè, non deletos aut excisos scripserit. Nam in omnibus omnium priscorum scriptorum commentarijs, quantum eorum hodie est, huius nihil extat, nec qui res Germanicas postea diligentissimè pertractauere, Strabo, Tacitus, Ptolemæus, Boijs ullum in Germania locum tribuunt. Vt quis Bæmos apud Ptolemæum, aut Buros (Burios appellauit Tacitus) eorum vicem habeat, errer, de utrisque secus est. Bæmi palam à Boiohemo, nec ambigendum, Ptolemæum gentis nomen pro regione posuisse. Buris sonus aliqua suffragatur, nimirum modicè à Boieris, Boiris aut Boiaris diuertens, prioris quippe tantum syllabæ vocalibus litteris mutatis, quæ frequens est & solens demutatio, manentibus consonantibus, apud homines præsertim peregrinos, & linguæ exteræ. Accedit Lutorum cognomen, Buris à Ptolemæo tributum, quod cum Germanis Luti, Liudi, Leuti & Leudi, ut variat dialectos, populos significant, quo sensu



su in vita Caroli, gentes ad Septentriones sitæ, Nor-  
 mani vulgo scriptorum, Nord-leudi sunt & Nort-  
 liudi, non nemini probetur, Boicos populos Boier-  
 -Lutos, & Buros inde Lutos fuisse appellatos. Sed  
 nobis vera pro speciosis. Tacitus Burios sermone  
 cultuq; Sueuos referre, Boios Gallicam gentem esse  
 scripsit; quo tanto interuallo, à prima usque origi-  
 ne disparatos fuisse fateamur oportet. Ceterum,  
 ut eo reuertamur, cum Marcomanorum vis, à se-  
 ptentrione & occidente sole ingruerit, Boios fugi-  
 entes in ortum aut meridiem declinasse necesse est:  
 at neutro bi se tantæ rei asserendæ dant vestigia, quin  
 arcuerit à meridie Danubius, Romanis præsidij  
 prætextus, Rætia & Norico iam tunc prouincijs, or-  
 tum Bœrebista Dacus clausit. Quod si scriptor  
 medijs æui semibarbarus Iornandes, Boiscorum lon-  
 gè gentium, ad paludem Mœotidem meminit, in-  
 ter monstra illa populorum Alipzuros, Alcidzuros,  
 Itamaros, Tuncassos, & Boiscos Boios fuisse, simili-  
 tudini nominis largiri placet, qua scilicet forma Sy-  
 ris & Syrisca, Threcisci & Dacisci, pro Syris Thre-  
 cibus & Dacis ab idoneis auctoribus usurpati sunt,  
 & quo sensu Magidius Boiscus in antiqua inscripti-  
 one legitur, quod neque præfractè negandum exi-  
 stimo, neque admodum fidenter ponendum, pro-  
 fectò sit dubij soli fundamentum, tantis superstru-  
 endis molibus; sed ut largiamur tamen, quis tan-  
 dem nullius testis auctoritatem sequutus, animo ul-

Vita Car. M. scri-  
 pta à monacho  
 S. Eparchi.

Iorn. de regnor.  
 succ.

Syris & Syrisca, Aus. in  
 Eun. Syrisca Co-  
 pa inter Catal.  
 Virg. Threci-  
 scus Capit. Ma-  
 ximin. Daciscus  
 Vopisc. Aurel. &  
 Nor. sub Ducib.  
 Mæc. sec. &  
 Dac. rip.  
 Magid. Boisc.  
 inscript. Grut.  
 pag. 983, n. 10.

trò concipiat, eam coloniam, Boiohemo mille passuum millibus disiunctam, tot interiectis barbaris gentibus, Dacis imprimis, potentia id temporis & odio in nomen Boicum inclytis, à profugis tunc esse positam, verosimilius quam à Galatis & Tolisto-Boijs olim, quos per mensa Europa in Asiam victores multis antea sæculis migrasse, compertum non arbitrarium est? Quamquam me præterea reditus, ab usque Mœotide in has iterum oras, per passuum totidem millia, iuxta atque itus habet sollicitum, & ut ratio excogitetur, Attilam reduxisse, ego excogitatae fabulae fidem non adiunxerim, qui absurdam sententiam exiguo negotio, commoda unius vocabuli interpretatione, vitari, Boios non necessario tanto labore leuari posse videam. Pulsos enim Tacito confirmanti assentior, verum regno & dominatu interpretor, non regione; quomodo si quis, quod non nemo fecit, Langobardos Italia à Francis pulsos narret, nunquam erret, tametsi Langobardi Italia nec excessere, neque sedes omninò mutauere, & ut omnia conueniant, Langobardicae regionis appellatio, regno ad Francos translato, nihilo minus quam Boiohemi apud Marcomanos manserit. Argumenta huius rei duo maximè capio, quorum primum dixi, nullo satis certo monumento euinci, Boios tunc solum vertisse; alterum me aliquanto etiam magis mouet, Boiorum postea nomen à nemine scribentium, per aliquot centum annos



nos, quibus Marcomani rerum potiti sunt, uspiam terrarum liquidò usurpatum esse, (liquidò inquam & explicatè, cum subobscura vestigia certis deinde locis ipsi simus indicaturi) his euerfis, statim iterum emerfisse, ut flumina specubus hausta solent, magnis emensis sub terra spatijs, in apertum redire, aut quæ lacubus miscentur, confusis pleraque aquis nomen ab influxu mox ponunt, receptura, qua castigato rursus alueo maiore ui erumpunt, sic Marcomanus victor, quamdiu rerum potitus est, Boicam famam pressit, & ut in illis aquam fluminis à lacustri, difficulter distinguas, ita nemo pronuntiet, quæ Marcomanicis postea expeditionibus Boiorum priuatim fuerit opera, quando honor ad eos redit, apud quos imperium & auspicia resedere. Nam idem usu veniat, Sabinorum aut Aequorum aut Volscorum historiam meditati scribere, cum Romani orbem terrarum non tam virtute sua, quam sociorum ope vicerint, & verò hi numero plerumque præstiterint, unos tamen Romanos gloria sequitur.

Cn. Cornelio Lentulo, M. Valerio Messallino Coss. extremo anni, omnium gentium expectatio IESVS CHRISTVS, Dei filius, Deus ipse, ex Maria virgine natus est. Ad quem cum annorum hæcenus numeros, uti antemeridianas umbras progrediendo contraxerimus, illos ab eo etiam deinde porrò extendemus. Anno post eum natum octauo, Tiberius Maroboduum duodecim legionum bello

Vel. Tac. An. 2.

P 3 petens,

IESVS CHR-  
ISTVS NASCI-  
TUR.ANN. POST  
CHR. NAT.

VIII

petens, Pannoniæ & Dalmatiæ motibus retractus, pax æquis conditionibus firmata est. Vnde-  
 mo, cæsis ab Arminio ad internecionem Romanis  
 legionibus, Vari ducis capite potitus Maroboduus,  
 Augusto gentilitij tumuli sepultura honorandum  
 misit. Post hæc, constituto firmatoq; diuturni  
 temporis mora regno, & urbe principe, fluxo in fu-  
 turum ominē, à se appellata, cum ad omnes crescen-  
 di occasiones intentus, Germanicum Drusi filium,  
 qui patris exemplo, magnis Germanos affecerat in-  
 commodis, à Tiberio reuocatum in orientem abi-  
 jisse, unum in Germania Arminium Cheruscum e-  
 minere animaduertit, ne veterem virtutis famam  
 fenescere pateretur, eum sibi sumpsit incursum.  
 Ceterum Regis nomen Maroboduus inuisum a-  
 pud populares, Arminium libertatis fauor gratum  
 reddere, huic se ex illius regno Semnones & Lango-  
 bardi adiungere, illi contra Inguiomerus, Arminij  
 patruus, cum magna clientum manu auxilium ferre.  
 Anno post Christum natum decimo nono acie con-  
 gressis, virtus utrimque ducum in æquo amulatione  
 gloriæ accendebatur, neuter aut iactantia sui, aut  
 probis in hostem abstinere. Rarò alias maiore mo-  
 le concursum, neque ambiguo magis euentu, fulsis  
 utrimque dextris cornibus. Expectari rursus pugna,  
 & pares discessisse videri poterant, ni Maroboduus  
 castra in colles subduxisset, id signum perculsi fuit.  
 Inde transfugijs paullatim nudatus, retrò in Mar-  
 comanos

ANN. POST  
 CHR. NAT.  
 XI.

ANN.  
 CHR.  
 X  
 CATV.

XII.



comanos concessit, misitq; legatos ad Tiberium, auxilia nequidquam oraturos: obiectum, non iure Romana arma aduersus Cheruscos inuocare, qui Romanos in eos pugnantes nulla ope iuuisset. Fractus itaque, & occultis præterea insidijs à Tiberio per Drusum filium petitus, qui illiciendis Germanis ad discordias, haud leue decus apud patrem quaerebat, anno sequenti à Catualda regno pulsus est.

CATUALDA. CATUALDA nobilis apud Gotones iuuenis, profugus olim vi Marobodui, tunc dubijs eius rebus ultionem ausus, valida manu Boiohemum ingressus, corruptis ad societatem Marcomanorum primoribus, regiam castellumq; iuxta situm irrumpit. Maroboduus undique deserto, non aliud subsidium quam Romanorum misericordia fuit, transgressus Danubium, qua Noricum præfuit, scripsit Tiberio, non ut profugus aut supplex, sed ex memoria prioris fortunæ, multis nationibus clarissimum quondam Regem ad se vocantibus, Romanam amicitiam prætulisse. Responsum à Tiberio, tutam honoratamq; ei sedem in Italia fore si maneret, sin rebus suis aliud conduceret, abiturum, fide qua venisset. Tiberius apud Senatum disseruit, non Philippum Atheniensibus, non Pyrrhum aut Antiochum Populo Rom. perinde metuendos fuisse, magnitudinem viri, violentiam subiectarum ei gentium, & quam propinquus Italiae hostis, suaq; in destruendo eo consilia efferens. Et Maroboduus in hunc quidem

ANN. POST  
CHR. NAT.  
XI.

ANN. POST  
CHR. NAT.  
XI.

CATUALDA.

XII.



Suet. Tib. c. 37.

Vell. lib. 2.

Tac. Ann. 2. V-  
billium, 12. Iu-  
billium nomi-  
nat.

dem modum per blanditias & promissa extractus, necunquam remissus, per duodeviginti annos Ra-uennæ honoratè habitus, consenuit. Idem haud multò post Catualdam casus excepit, idemq; pulso, Iubillij ductu Hermundurorum opibus, per-fugium, Forum Iulium Gallia Narbonensis colonia exilium fuit.

Anno trigesimo quarto, Iesu Christo cruci pro salute generis humani affixo, Stephano lapidibus obruto, cum Iudæorum principes Christi doctri-nam infensissimis odijs prosequerentur, Christia-nos omnes, præter unos tamen Apostolos, ciuitate Hierosolymis exturbarent, variè ij per prouincias sparsi, propagandæ religioni nauauere operam: pars in Galatiam delati, ecclesias constituerunt, ad quas principum Apostolorum extant epistolæ, nam eo pertinet quod Petrus ad electos aduenas scripsit dis-persionis Ponti, Galatiæ, aliarumq; prouinciarum, & Paulus Galatas, quos in epistola illis inscripta al-loquitur, Hierosolymis quo tempore Christus pas-sus sit, egisse ostendit. Sed & alia habent sacrae litte-ræ testimonia, de Galaticis tunc temporis ecclesijs, quibus conficitur, eas tum à Clemente Pauli disci-pulo, tum ab ipso Paulo esse aditas. Atque hæc prima, & inter primos, Euangelij lux Boios, enim-uerò Asiaticos, illustrauit, Europæis alta per multos adhuc annos caligine demersis.

Gal. 3. Ante  
quorum oculos  
Christus pro-  
scriptus est.  
Act. 18. ad Cor.  
1. 16. ad Tim. 1. 4.

ANN. POST  
CHR. NAT.  
XXXIV.

Apud



ANN. POST  
CHR. NAT.

LIL.

LXXI.

MARICVS.

IVBILLIV

ANN. POST  
CHR. NAT.  
XXXIV.

XXCIII.

TVDRVS.

Apud Marcomanos pulso Catualda, Iubillum vi-  
ctorem regnasse crediderim, quem anno quinquage-

simo secundo superfuisse constat. Septuagesimo primo, cum mortuo Nerone variè fluctuaret respublica, MARICVS quidam ex plebe Boiorum, quos Iulius post Helueticum bellum in Aeduorum finibus collocavit, numinum simulatione arma Romana prouocare ausus. Iamq; assertor Galliarum, & Deus audiens, quod sibi nomen indiderat, concitis octo millibus hominum, proximos pagos trahebat, cum Aeduorum ciuitas electa iuuentute, adiectis à Vitellio cohortibus, fanaticam multitudinem disiecit. Captus prælio Maricus, ac mox feris obiectus, quia non laniebatur, vulgo inuiolabilis creditus, donec spectante Vitellio interfectus est. Domiti-

anus, Titi fratris anno octogesimo tertio successor, Marcomanos, quod nulla ab eis in Dacos impetraret auxilia, bello aggressus, victus inq; fugam coniectus abiit, ut à Dione quidem proditum; nam Statij perridicula est adulatio, Domitiani clementiâ prædicantis,

*Que modo Marcomanos, post horrida bella, vagosque  
Sauromatas, Latio non est dignata triumpho.*

Reges illis porrò ex sua ipsorum gente aliquamdiu, inter quos clarum TVDRIV nomen, neque quidquam præter nomen tamen. Taciti primum ætate externos pati cœpere, quibus vis & potentia ex auctoritate Romana esset, corruptis iam tunc fractisq; patrijs institutis, pecunia magis quam

armis

Tac. An. 12.

Tac. hist. lib. 2.

Dio in excerpt.  
Theod.

Stat. sylu. lib. 3.

armis Romanorum, nam hoc etiam Tacitus, libello quem de Germanorum moribus, anno post Christum natum centesimo edidit, professus est.

ANN. POST  
CHR. NAT.  
C.

Capitol. in vita,  
Eutrop. lib. 8.  
Vict. epit.

Centesimo quadagesimo, mortuo Hadriano, T. Aurelius Fulvus Boionivs Antoninus, Senatus consulto Pius appellatus, imperium adiit. Boionij nomen unde tulerit, à nullo veterum proditum, ipse quodammodo habitus & facies, à Boijs esse indicat, eo credibilius, quod Antonino paternum genus ex Transalpina Gallia, patre Aurelio Fuluo Consule, auo T. Aurelio Fuluo bis consule, cum Boici seminis reliquias in Gallia & mansisse olim, & hodie superesse, supra dixerimus, Fuluum autem aut Fulvium aliquem, post hos amplius centum viginti annos clarum, infra simus memoraturi, quem Vopiscus planissime Boium nominat.

CLX.  
T. AVRELIVS  
FULVVS BOIO-  
NIVS ANTO-  
NIVS PIVS

Vict. in hist.  
Caes. M. Aur.  
& Constantino,  
atque ad eum  
Sylburg.

Pio adoptionis iure M. Aurelius Boionivs Antoninus, orbis terrarum consensu Philosophus cognominatus, successit. Qui cum Boionij appellationem patri fuerit gratificatus, fit ut duo optimi Imperatores, pulcherrimorum cognominum, quæ nullis deuiotarum gentium titulis inuideat, Boijs quadantenus transcribantur. Romæ L. Boionium Olympum, & L. Boionium gentilem in antiquis lapidibus legi scio, de quibus quod præterea afferam, nihil habeo.

CLXIII.

M. AVRELIVS  
BOIONIVS  
ANTONINVS

Grut. inscript.  
pag. 763. n. 10.  
& pag. 861. n. 13.

Imperatore Philosopho, grauissimum bellum, quantum nulla ætas meminerat exarsit, cui nomen

Mar-



Marcomani principes fecere, porro Quadi præterea  
 coniurauerant, Vandali, Sarmatæ, Sueui, haud du-  
 bium Boij, & quos Capitolinus his annumerat, Na-  
 risci, Hermunduri, Latringes, Buri, Victouali, Sosti-  
 bes, Sicobotes, Roxolani, Bastarnæ, Alani, Peucini,  
 Costoboci, omnis pæne denique Germania & Sar-  
 matia, ut nummis qui ad memoriam eius expediti-  
 onis bene multi publicati, Germaniæ & Sarmatiæ  
 victæ nomen uniuersè fuerit impressum, sed in vul-  
 gus, quin & penes scriptores, sola Marcomanorum  
 fama eualuit; quo unos ei Boios concessisse, minus  
 aut incredibile aut mirandum est. Costobocos  
 (Ammianus Marcellinus Costobocas nominat) e-  
 oldem Tolisto-Boios esse, vereor leui coniectura à  
 Sylburgio asscii. Anno centesimo septuagesimo  
 primo, bellum ingenti apparatu cœptum, varia de-  
 inceps in utramque partem fortuna gestum est, nam  
 nos sigillatim prosequi nihil necesse. Inter ipsa ini-  
 tia, incredibilis eius apud Romanos expectatio,  
 tum timor. Imperator undique sacerdotum accire,  
 Romanas peregrinasq; superstitiones implere, eo  
 tandem descendere, ut Alexandro cuidam, impu-  
 dentissimo homini, de oraculo fidem haberet, quod  
 geminos leones Danubio certis ritibus immittenti,  
 victoriam pollicebatur; atque ij quidem immissi, in  
 aduersam ripam enatarunt, Marcomani ignotas fe-  
 ras, canum aut luporum vicem æstimantes, fustibus  
 coercuere, Romanorum, contra quam oraculum

Oros. lib. 7. c. 15.

Amm. lib. 22.

Sylb. in Paus.  
lib. 10.

Lucian. Pseud.

Q 2 spo-

ANN. POST  
CHR. NAT.  
C.CXL.  
T. AVRELIVS  
FVLVVS BOIO-  
NIVS ANTO-  
NINVS PIVSANN. POST  
CHR. NAT.  
CLXXI.CLXXII.  
M. AVRELIVS  
BOIONIVS  
ANTONINVS

spoponderat, nihilo secius ingens cædes, cæsis viginti circiter millibus, sequuta est.

Quinquennio post, hostis superati gloria penes Christianos

Meminere plerique Christi & gent. script. Ex Christi antiquis. Tertull. apol. c. 5. ad Scapul. c. 4. Imp. etiam epist. extat.

Iren. lib. 1. c. 3. Tertull. aduers. Iud. c. 7.

Iust. dial. cum Tryph.

Capitol. Dio.

fuit. Christianorum enim precibus diuinitus impetrata tempestate, in Romanos secunda, hostibus exitiabili, Quadi, qui postremi restiterant, summo prælio, magna accepta clade, superantur. Sed & in Germania illâ ætate, aliquam Euangelij sementem sparsam fuisse, magni auctores, Irenæus & Tertullianus, tradunt. Quod ego de Marcomanis, illustri in primis populo, ad Romanos fines colente, quæ Christianis propagandæ religioni prompta & idonea occasio, vel præcipuè interpretor, à Marcomanis ad Boios deduco. Iustinus utroque vetustior, nullum mortalium genus esse iam tum scripsit, siue Græcorum siue barbarorum, quocumque nomine, Christianæ pietatis exors, sed Germaniæ ille nomen non posuit. Marcus successu lætus, cum Marcomanos parta victoria cogitaret in prouinciam redigere, Auidij Cassij motibus, qui se in oriente Imperatorem appellauerat, reuocatus, pacem dedit, plurimis Marcomanorum in Italiam translatis. Victo Cassio, anno centesimo septuagesimo nono, in Germaniam reuersus, cum Marcomanis, & Hermunduris, & Sarmatis, & Quadis, per tres iterum annos bellum gessit; quod de prouincia prius animo agitauerat, tunc proximè perfecturus fuisse creditus, nisi ingentibus conatibus mors intercessisset.   
Filiū

ANN. POST  
CHR. NAT.  
CLXXVL

ANN.  
CHR.  
CLXX

CCX

CLXXII

CCX



ANN. POST  
CHR. NAT.  
CLXXV

ANN. POST  
CHR. NAT.  
CLXXII

lium Commodum ægrotans ad se vocat, bello infisteret, nec reliquias prope confecti contemneret monet; eo enim Marcomani reciderant, ut neque iam iuuentus tot concisa prælijs, ferendis amplius armis sufficere, neque commeatus ex agris perpetuis populationibus vastatis, posset suppetere. Sed Commodus honesta omnia post voluptates habuit, patre mortuo, ut se quamprimum Romam referre, urbanisq; delitijs vacuus frui posset, pacem Marcomanis postulantis concessit, transfugas & captiuos cum frumenti modo annuo, & armorum militumq; numerum pactus.

Monstro deinde hominis Antonino Elagabalo, bellum post annos circiter quadraginta retentaturo, quod eius perficiendi gloriam Antoninum aliquem, ex veteri responso manere inaudisset, fama obstitit, qua ferebatur M. Aurelius Marcomanos Chaldæorum & magorum opera, secreta carminum deuotione obligasse, ne à Romana amicitia unquam desciscerent: vulgo credo eo trahente victoriam Christianorum precibus impetratam, cum Christianos plerique magorum nomine censerent.

Lamprid.

CLXXII

CCLII

Anno post Christum natum ducentesimo quinquagesimo secundo, cæsis Gallo & Volusiano Imperatoribus, Valerianus cum Gallieno filio imperium tenuit. Quo tempore Marcomani, longissimis in solum Romanum factis excursionibus, & Thessalonica obsessa, ingenti terrore omnem Græciam

Zosim. lib. 2

Q 3 con-

concusserunt. Borani paullò post, neque co-  
minus Gothi, Carpi & Vrugundi, quas gentes Zosi-  
mus ait propter Istrum colere, perpetuis populatio-  
nibus Italiam & Illyricum simul vastauere. Borani  
longius progressi, Asiam traiecto Bosporo adiere, i-  
bi, Pityuntis castello, & maxima opulentissimaq;  
urbe Trapezunte expugnatis, præda latè circum-  
acta, domum regressi sunt. Quod asseuerem non ha-  
beo, tamen Borani Boiorum ad Istrum manus esse  
potuit; nam quos latina fini Boieros supra diximus,  
illi se patriâ Boieren, aut Boiren plurium numero,  
appellant, & à Boranis haud dubiè nullo consonan-  
tium, solo vocalium litterarum sono dissident.  
Quod si Zosimus Scythas appellat, scimus Germa-  
nicas origine Scythicasq; ad Istrum gentes appella-  
tione passim confusas, & omninò mirum, ut Boij  
non fuerint, tam potentis populi nullum alibi su-  
peresse vestigium, neque enim nomen præterea le-  
gere memini.

Vois. Aurel.

Vict. in Cæss. &  
epit. Trebelli.  
nummi,

Anno post Christum natum ducentesimo sexa-  
gesimo primo, FVLVIVS BOIVS Rætici limitis Du-  
cem egit, quem Valerianus Imperator inter amicos  
habuit. Proximo, Valeriano à Persis capto, Gal-  
lien' imperio solus potitus, SALONIAM PIPARAM,  
Marcomanorum Regis, cui ATTALVS nomen fuit,  
filiam uxorem accepit, & perditè adamatam, Augu-  
stam appellauit, socero superioris Pannoniæ partem  
pactione concessit.

Annus

ANN.  
CHR.  
CCL

ANN. POST  
CHR. NAT.  
CCLXI.  
FVLVIVS  
BOIVS.  
CCLXII.  
SALONIA  
PIPARA.  
ATTALVS.



ANN. POST  
CHR. NAT.  
CCLXXI.

LIBER SECVNDVS.

127

Annus ducentessimus septuagesimus primus, Aureli-  
anum Imperatorem habuit: sub quo Marcomani, Vopisc. Aureli-  
ni, Italiam omni denuo malorum genere exercuere.  
Prima prope Mediolanum contracta clades, Aureli-  
ani ipsius errore, quem venientes fecellerant; hanc  
ingens circum populatio, Romæ tanta trepidatio  
sequuta est, ut iam extrema quæque desperatis ani-  
mis timerentur, & aditis Sibyllinis carminibus, pro-  
curata ex eorum præscripto certis locis sacrificia, ne  
hostes ulterius progredierentur; qui restitere sanè  
paullisper, & minutis carptim prælijs ab Aureliano  
concisi sunt, sed ad Placentiam contractis rursus u-  
trimque copijs, summa iterum vi concursum, Mar-  
comani syluis densissimis quibus se condiderant,  
sub vesperam erumpentes, Romanos aggressi, im-  
mensa adeò strage confecerunt, ut is dies maximò  
post homines natos imperio, prope postremus illu-  
xerit. Sed fortuna breui vertit, belli exitus secundū  
Romanos stetit. Vopiscus Marcomanos monstros  
quibusdam, diuinisq; speciebus per sacrificia impli-  
catis, victos scripsit, quod fabulæ opinor propius.  
Subit interim, in reputatione huius narrationis, a-  
nimus admiratio, Romanos omnibus bellis statas  
sollennesq; Deorum cæremonias coluisse sedulò,  
nullo superstitionibus largius indulgisse hoc uno,  
quippe qui in Marcomanos nec damnatis toties ma-  
gorum artibus, neque, quam haud paullò peius o-  
dere, Christiana religione abstinerint, falsi profe-  
cto,

ANN. POST  
CHR. NAT.  
CCLXXI.  
FVLVIUS  
BOIVS.  
CCLXXII.  
SALONIA  
PIPARA.  
ATTALVS.

Atò, etsi sentio ut hoc turgidum & inflatum, sed rem æstimemus, se sibi de hostibus, humanis opibus victoriam non spondere, aduersus quos maiorem humana vim & potiora auxilia asciscerent.

Viñ. in Cæss.

Manuscripti.

Arenpek. lib. 1.  
c. 21.

Aim. lib. 1. c. 10.  
Idac. lib. 3. c. 9.

Sub Diocletiano, qui imperium anno post Christum natum ducentesimo octogesimo quarto iniit, vigesimo inde posuit, Marcomanos quoque cæsos reperio, loci temporisq; ratione non designata. Domestici Boiorum annales, quorum ego fidei, nisi si qua probabili præterea auctoritate subleuantur, in tanta antiquitate, quam vetustissimi eorum scriptores, nulla ex parte potuerunt attingere, timidè assentiri soleo, cum præsertim editos constet, ab hominibus omnis elegantioris doctrinæ rudibus & imperitis, annales hi inquam, ADALGERVM Boijs præfuisse indicant, quo tempore Seuerus apud Romanos imperauerit, & cum Seueri nomine Imperatores plures fuerint, illum designare existimantur, qui à Galerio Maximiano Cæsar appellatus, Italiæq; præfectus, anno post Christum natum trecentesimo septimo, Maxentij iussu, occisus est. Sed operæ sit pretium narrationem totam detexere, quæ fabulæ de Theodorico Gotho apud Aimoinum, aliquâ respondens, habet exemplum prudentiæ, ad omnem vitam utile. Adalgerum qui sub Romanis tunc viueret; an pactione victis à Diocletiano Marcomanis inita, an stipendia inter auxiliares merens, parum comperimus, malim tamen stipendia inter præ-

ANN. POST  
CHR. NAT.  
CCLXXXIV.  
CCCIV.

ADALGERVS.

CCCIV.



præfidia meruisse credere, & habet Notitia, Tribu-  
 num gentis per Rætias deputatæ, Teriolis, gentium  
 autem gentiliumq; nomen per hæc iam tempora,  
 nationibus exteris promiscuè tribuebatur; Adalge-  
 rum ergo memorant, magnorum criminum reum  
 Seuero delatum, accitum, quod capiti timeret, dif-  
 ficulter animum induxisse ut se sisteret, vix tandem,  
 adhibito veteris amici consilio, paruissse. Cæsarem  
 obiecta neganti, grauioris supplicij fecisse quidem  
 gratiam, ceterum luccisis per contumeliam genuum  
 tenuis vestibibus, & coma circumtonsa hominem di-  
 misisse. Eo grauiter commotum, nam omnis Ger-  
 mania capillitio in primis gaudere, amici tamen mo-  
 nitu iram repressisse. Postridie populares, quos co-  
 mites habebat, ad eandem omnes speciem ornatos  
 tonsosq; produxisse. Qua re, cum cultus nouitas  
 hominum in se oculos verteret, & corpora magna &  
 procera eo etiam augeri viderentur, demiranti, caus-  
 samq; quærenti Seuero, respondisse, sic esse Boios,  
 nemini illorum uni fieri iniuriam, quæ uni fiat, o-  
 mnes communem ducere. Domum reuersum, hunc  
 oris vestiumq; habitum subditis lege præscripsisse,  
 quæ fuerit perpetua. Amicum, nam nomen non  
 addunt, obsidis vicem apud Seuerum relictum, po-  
 stea quoque fuisse usui; cum enim Adalgerus à Seue-  
 ro iterum euocatus, rursus consilium peteret, ami-  
 cum nuntio per tectas ambages respondisse, credo  
 quod rectâ & palam parum tutum, fuisse olim hor-  
 R tum

ANN. POST  
 CHR. NAT.  
 CCLXXXIV.  
 CCCIV.

ADALGE-  
 RVS.

CCCVII.



tum à gnauo patrefamilias cultum, oleribus diligenter confitum, quem ceruus forte intromissus, adesis protritissq; passim herbis, vastauerit, hunc primò captum, accisis cauda & auriculis, lasciuiæ pœnas dedisse, neque tanto tamen damno admonitum, commeasse denuo, donec stultitiam morte luerit. Iacentis cor vulpeculam, de proxima sepe procurrentem, clam surripuisse, id cum uxor patremfamilias inter exta frustra quærentem animaduerneret, Tu porrò, subintulisse, mi marite, ceruum credis si cor habuisset, unquam huc fuisse regressurum, unde tam fœdè mulctatus, agrè antea elapsus est? Intellexisse Adalgerum quo pertineret apologus, neque in Cæsaris postea venisse conspectum. Cæsarem indignatum bellum mouisse, sed armis abijisse repullum. Præfectos nominant, Geraldum, Rudolphum & Virentum, quorum ductu Adalgerus Brennum etiam Sueuum, Osinuchum apud Boiohemos Regem, & Hunnos vicerit. Ea re claritudinem Boici nominis omnia peruasisse, quæ Adalgero mortuo iterum retrò lapsa sit, victis Boijs, à Constantino primùm, deinde Iuliano Imperatoribus. Ego quicquid huius, pro certo ponere verear; quamquam exteros auctores habeo, Constantium Constantini filium, & Iulianum cum Quadis congressos esse, neque ferme bellum Quadi sine Marcomanis gesserint, & Marcomanica ad Boios pertinuerint, atque procliuis à Constantio ad Constantinum lapsus sit.

Amm. Marcell.  
& Zosim.

Con-



ANN. POST  
CHR. NAT.  
CCCXXXVII.

CCCLXI.

CCCLXIII.

CCCLXIV.

Constantinus autem mortem obiit anno post Christum natum trecentesimo trigesimo septimo, Constantius trecentesimo sexagesimo primo, sexagesimo inde tertio Iulianus. Id constat, sub Valentiniano & Valente, qui Iulianum non toto interiecto anno sequuti, Marcomanos & Quados unâ, maximis iniurijs irritatos, quod Romana præsidia ultra Danubium in Quadorum iam solo excitarentur, Gabinius Rex, ne quid nouaretur modestè petens, tantum non inter hospitalis mensæ sacra, à Marcelino Valeriæ Duce, per summæ perfidiæ scelus impune necatus esset, fluuio traiecto, omnia ferro & igni populates, incredibili celeritate progressos, tentatâ Sirmio, occupatâ Opitergio, Aquileia obsessâ, agrè asperitate Iuliarum alpium, qua Maricus quidam Primicerius occurrerat, Italiæ aditu fuisse prohibitos.

Ammian. lib. 29.

CCCLXXV.

Valentiniano anno trecentesimo septuagesimo quinto vita defuncto, exitiabile consilium, quo Romanum imperium iam tunc nutans, præcipiti ruina concideret, sub Valente & Gratiano erupit, receptâ cis Danubium innumerabili barbararum gentium multitudine, à Marcomanis & Quadis longissimo terrarum tractu ad Pontum usque, cuius numerum comprehendere illi ipsi qui transuexere, sæpe conati, nunquam potuere, cum diligens nauaretur opera, uti grauitè Ammianus queritur, ne quis euersurus rem Romanam, in aduersa ripa relinqueretur.

Ammian. lib. 31.

R 2 retur.



retur. Patrijs ea pulsa sedibus, agrum per legatos petebat, quietam & innoxiam pace vitam, bello fortem & utilem inter auxilia operam pollicita. Imposuit ignaviae speratum, laborum sumptuumque compendium, & speciosus visus inertibus color, civium sanguini parcere, stipendia lucri facere, bella hostium & periculo, & in utrumque casum damno, conficere, verum res, gliscentibus barbarorum viribus, atque proinde audacia, in Romanorum perniciem, uti dicere institi, per breui vertit, Romanos quos defensum venerant, noui ipsi accolae reliquis exuere agris, urbibus & praesidijs, & totis denique pellere prouincijs.

Paulinus in vita  
Ambrosij.

Anno post Christum natum trecentesimo nonagesimo sexto, quod Ambrosius Mediolani Episcopus insigni sanctimoniae laude floreret, fama uniuersum terrarum orbem peruagata, ad Marcomanos pertigit. Horum Regina tunc FRITIGIL, cum Christianum hominem ex Italia profectum, de eo narrantem audiuisset, insolitae virtutis admiratione capta, Deum cui vir tantus seruiret, sibi colendum statuit, missisque Mediolanensi ecclesiae muneribus, rectae fidei formulam ad quam se componeret, ab Episcopo petijt. Ambrosius copiosa epistola, quae hodie non extat, rescripsit, tum fidei quae petebantur capita prosequutus, tum hortatus Reginam, marito pacem cum Romanis persuaderet, quod illa diligenter curatum, effectum dedit. Sequenti anno, docto-

ANN. POST  
CHR. NAT.  
CCCXCVL

FRITIGIL

CCCXCVL



doctorem suum coram visura, Mediolanum adiit, quo priusquam illa perueniret, is rebus humanis exemptus est. Paulinus Ambrosio à manu, vitæ scriptor, Fritigildis maritum, se se populumq; Romanis tradidisse prodit: credo quod traiecto Danubio, acceptis aliorum exemplo agris, Romanam ripam coluerit, nam id institutæ à Regina Mediolanensi perfectioni est consentiens. Et Illyricum, Illyrico autem attributæ Noricum & Pannonia, in quarum alterutra prouincia Marcomanos collocatos oportuit, ad Ambrosij curam pertinuisse scimus, cum is Auennum Sirmij episcopum initiauerit. Nam Illyricum Galliæ Cisalpinæ stante adhuc republica, lege Vatinia adiectum. Neque absurdum suspicari, Fritigildis populares ex Boiorum potissimum fuisse posteritate, qui in maiorum memoriam, Boiorum rursus deserta, à Vindelicia ad Pannoniam, Romanorum voluntate tenuerint. Nisi quod hæc simpliciter coniectura est, ego coniecturis, præterquam quod sua sponte verisimilitudinis pondus habent, nolim à me auctoritatem accedere. Meruere post illa Marcomani pedibus & equo inter Romana auxilia, pedites in seniores iunioresque tribut, Imperatoris Honorij deinde appellatione honestati, Honoriani Marcomani cognominati sunt. Ad hæc quoque tempora Hieronymi epistola ad Heliodorum scripta pertinet, qua vir sanctus, gentibus Romanum imperium, à viginti & eo amplius annis incur-

Suet. Iul. c. 22.

Notit. Imp. occid. inter auxilia  
Palar. vexillar.  
Comitat, & ali-  
bis

Hieron. epist. 3.  
Viginti et eo am-  
plius anni sunt,  
quod inter Con-  
stantinopolim et  
alpes Iulias quo-



*sidie Romanus  
sanguis effundi-  
tur. Scythiam,  
Thraciam, Ma-  
cedoniam, Dar-  
daniam, Dacia,  
Thessaliam, A-  
chatam, Epiros,  
Dalmatiam, cun-  
ctasq; Pannoni-  
as Gothos, Sar-  
mata, Quados,  
Alanos, Hunni,  
Vandali, Mar-  
comani saepe  
trahunt, rapi-  
unt, &c.  
Ammian. lib. 31.  
Iornandes.  
S. pag. 115.*

incurfantibus, Marcomanos annumerat: siue epi-  
stola data antequam Fritigil ad Christiana sacra  
transijt, siue alia illa fuere Marcomanorum manus;  
quod plerique olim Germaniae populi, pluribus si-  
mul parerent regibus, nominibus forte aliquam  
distincti, quae Romani indiligentes externae histo-  
riae, annotare neglexerint.

Annis iam ante haec Hunni, gens cultu foeda &  
barbara, fera atque immanis, supra suam unde orta  
est Scythiam, imperante Valente, ex Asiatico Maeo-  
tidis littore in Europam transgressi, Boiscis, & cete-  
ris quos supra memorauimus populis, turbinis con-  
festim more correptis, late quaqua versus vagati, in  
regnum breui coaluere magnum et prepotens, quod  
cum multas nationes fortitudinis laude insignes  
presserit, tum reliquis, & Romano inprimis oppu-  
gnando imperio par esse videbatur.

Cum anno  
post Christum natum quadringentesimo quadra-  
gesimo quarto, Attilae & Bledae simul fratrum, qui-  
bus pater Mundzuccus fuit, imperio regerentur,  
Attila confortis impatiens, fratrem dolo necat, &  
regno solus potitus, homo animo vasto & violento,  
horrido corporis habitu, truculenta facie, voce ter-  
ribili, in exitium humani generis natus, certè ei ca-  
stigando ab infesto numine manifestò immissus,  
quod nec ipse dissimulare, efferatae crudelitatis per  
pleramque omnem Europam ferro, flammis, popu-  
lorum maximarumq; ciuitatum subuersionibus,  
tam

*Prosper. in chrō.  
alij.*

ANN. POST  
CHR. NAT.  
CDXLIV.

ANN. POST  
CHR. NAT.  
CDLIV.



tam lugubria vestigia impressit, ut infausti nominis recordatio, in vulgus etiam nunc cum execratione perduret. Numerabantur in subiectis nationibus præter Hunnos, Marcomani, Sueui, Quadi, Heruli, Turcilingi, Gothi, Gepidæ, & Alani, quosq; Sardonius adiungit Rugi, Geloni, Scoti, Burgundiones, Bellonoti, Neuri, Bastarnæ Bructeri, Franci, magnarum ex se virium, & celebratæ potentæ populi, ut fides sit militari carmini, funebri decursione ad mortui cadaver iactato, solum Attilam, inaudito ad eum diem exemplo, possessionem Germanicorum Scythicorumq; regnorum coniunxisse. Vn-

Hist. miscel. lib. 15. Iornand. Sid. paneg. Auiti.

garorum annales KREINHILDE, Boiorum reguli filiam, in magna numerosi coniugij licentia, uxorem fuisse memorant, ex eo matrimonio Aladaricum natum, egregiæ indolis iuuenem, qui Chabam maiorem natu fratrem, regno aggressus deiecit. Mortuo enim Attila, anno post Christum natum quadringentesimo quinquagesimo quarto, ingentes bellorum motus sequuti sunt, cum inter tot filios, quorum incredibilis numerus propior populo, nemo de herciscunda hereditate cogitaret, singuli solidam vellent cernere. Eminuere principes, hinc Chabas, Iornandes Ellacum credo nominat, inde Aladericus, Chabæ fauere Hunni, fratrum maximo, quem pater in eam spem destinasse credebatur, Aladarico, in maternæ originis memoriam, Germanici populi, Rex in primis fama inclytus, annales Detrico

nomen

Vngar. annal. quos sequutus Nicol. Olahus in Attila c. 17.

KREINHILDE

N. POST  
R. NAT.  
XLIV.

ANN. POST  
CHR. NAT.  
CDLIV.

nomen faciunt, ego Ardaricum Gepidam interpreter, quem Iornandes tum gloria, tum viuo Attila fide & auctoritate floruisse scripsit: plerique de Theodorico Gotho, Italiae postmodum victore sensere, praenimis absurdè, qui Attila iam defuncto demum natus sit. Proelium commissum in campis prope Sicambriam, tanto utrimque irarum ardore, & per plures dies pertinacia, ut Danubium caesorum sanguine tinctum, rubuisse annales prodiderint. Neutra acies lata abiit, Aladaricus fortiter pugnans, armatus cecidit, quare suppresso paullisper partis impetu, cum victoria Chabam spectaret, Ardaricus valida rursus facta impressione, suos erexit, Hunnos in manifestam fugam coniecit, perterritosq; egit, ut non prius consisterent, quam se victoris oculis subduxissent. Vngari Chabam effugisse credunt, Iornandes Ellacum, quem ipsum videri diximus, pugna periisse. Hoc habet, fractis eo proelio Ardarici potissimum virtute, Hunnorum viribus, gentes tristi seruitio subditæ, importuno iugo excusso, se in pristinae libertatis splendorem vendicauere.

Auctorem habeo, sed vanitatis manifestum, de quo quæ mea priuatim sententia, alias erit explicatius exponendi occasio, Boiorum populos Schiracios, Hirros, Schiros, Tranos, Salios, Salingos, Stiros, Stiracios, Halios, Buros, regnum Adalogerioni, Hunni Veliphonis filio, tum detulisse, viro forti & prudenti, qui paterna origine Alemanum Hercule  
contin-



contingeret. Verum huius omnino narratio-  
nis, in annalibus paullo vetustioribus, domesticis e-  
tiam, nihil comparet. Et ut conuiueamus ad Her-  
culis Alemanni fabulam, quæ est ista porro tam pra-  
uæ ambitionis species, aggerere tot hæc gentium  
nomina, partim huic nunc maximè fini excogitata,  
certè noua incude formata, cetera à Boijs aliena a-  
dè, ut cum ijs commune habeant prorsus nihil?  
Ne eamus per singula, de Buris dictum, & Tacitum S. pag. 1146  
præ nuperis scriptoribus fidem impetrare æquum  
est: Schiros siue Scyros, & Hyrros, Plinius cum Sat- Plin. lib. 4. c. 13.  
matis & Venedis coniunxit, tum idoneus valde te-  
stis Iornandes, Schiros mortuo Attila volentibus  
Romanis, cum Satagarijs Alanisq; ceteris, in minori  
Scythia & inferiori Mœsia, Candace duce consedis-  
se retulit, quod illum nimirum scisse oportuit, qui auo  
Candacis scriba ortus sit. quid ergo Boicæ historiæ  
inserere attinebat? At Scheirensis inter Boios fa-  
milia floruit; rectè, si quis prius euincat hanc à Schy-  
ris esse, nam de cetero, frigidum soni argumentum,  
quod nullo alio fulcitur tibi sine; nisi si eadem faci-  
litate nobis permittimus, Boios à Bœotia deducere,  
quæ græcis *Βοιωτία* scribitur, aut his etiam ineptiora  
comminiscimur. Adalogerionis nomen, in scita  
affectatione ex Adelgero natum, siue cum eo con-  
fusus est, cuius paullo ante sub Seuero memini-  
mus, siue cum Aladarico Attilæ filio, parum scio;  
Aladericum enim pleræque Germanorum gentes  
S sequu-

sequeutæ sunt. Pergit porrò, Boios hoc Rege  
nunc Gothis ac Sueuis, nunc Hunnis & Rugijs con-  
iunctos, traiecto identidem Danubio, Romanas  
prouincias, quacumque prædæ spes vocaret, esse  
populatos. Orto inter Sueuos & Ostro-Gothos  
abactis pecoribus certamine, Boios Sueuis affuisse,  
Valomarus Gothorum Regem pugna interfectū,  
interfecti fratrem Theodomarum, cum magnitudo  
frigoris hyeme Danubiū glacie constrinxisset, flu-  
mine transmissio, Boijs Sueuisq; quos tunc unum  
Alemanorum nomen comprehenderit, cladem re-  
posuisse. Venedos quoque per ea tempora per Ger-  
maniam interiorem cœpisse inualescere, finitimosq;  
populos, Sueuos & Boios præcipuè, infestasse, qui  
cum Boiohemo pulsi cederent, Zechum & Crocum  
Venedorum Reges, successisse. Boios ad Nariscos  
abijisse, qua isti læuam Danubij ripam in Germania  
magna, Vindeliciam contra prætexunt. Ibi contro-  
uersias cum Francis incidisse, quod Childericus &  
Clodoueus Reges, latè per omnem Galliam, & pro-  
pe Germaniam, rerum potentes, nouos aduenas æ-  
mulos non ferrent, à Clodoueo demum Boios &  
Sueuos, Alemanos uno verbo, cæsis Adalogerione  
& Alarico Regibus, memorabili pugna ad Tolbia-  
cum victos esse. Boios ex eo obnoxium cum Francis  
fœdus icisse, Boij principem ex suo corpore lege-  
rent, Ducis nomine, Francorum Reges auctores fi-  
erent, Boica arma Francis auxilio essent, ijsdem ami-  
cis

ANW. DC  
CHR. N  
CDLXX



cis atque inimicis uterentur, cetera suis legibus uerent. Huius historiae ut quaedam probabilē veri speciem præferunt, ita vana sunt pleraque, & illud perquam inane, quod sibi ratum & confessum sumit, Boios & Sueuos ad Alemanorum nomen utrosque pertinere. Scimus Alemaniae appellatorem Germanis interdum uniuersè tribui, & eo sanè sensu Boios, nihilo minus quam Francos, Saxones, & alios quoscunque Germaniae populos completi, sed qui Boios priuatim & propriè Alemanos vocauerit, quomodo Sueui crebrò usurpati sunt, præterea nemo est, quin contra ab Alemanis tam multi, tam disertè, tam certo limite distinxerunt, ut, nisi si quem de rebus ante oculos positis ambigere delectat, in disquisitionem ultra venire non debuerit. Iornandes in Getica historia, ex qua superioris narrationis anteriorem partem, variè inquinatam, deriuatam esse apparet, Alemanos & Sueuos coniunxit, verum id ad Boios nunquam quidquam pertinet, nihil item auxiliares Schiri, quorum eo loco mentio, ne Germanici quidem nominis populus, neque sese ulla hinc aperit suspicio, Boios cum Gothis per ea tempora armis esse congressos: Boiorum hæcenus meminit, ut prope Sueuos in Germania magna, ad orientem solem, coluisse significet. Quod ipsum eos qui temere confundunt, erroris poterat admonere. Incidit autem Iornandis de Boijs mentio, in annum post Christum natum qua-

Paul. diac. lib. 3. c. 18. *Isle ex Suanorum, hoc est Alemanorum gente oriundus.* Alij passim Sueuos et Alemanos confundunt. Boios vicissim à Sueuis & Alemanis omnes distinguunt. Eginhart. in Caroli M. vita, *Ad Lechum amnem cum maximo venit exercitu. Is fluius Badoarios ab Alemanijs diuidit.*

ANN. POST  
CHR. NAT.  
CDLXXII.

S 2 drin-



dringentesimum septuagesimum secundum, ratione sic inita. Theodericum Italiae Regem, anno à Christo nato quingentesimo vigesimo sexto mortem obiisse comperio, quam cum ætatis septuagesimo secundo obierit, quadringentesimo quinquagesimo quarto natum esse consequitur, atque decimus octauus ætatis, à Iornande eo loco memoratus, numerum à nobis indicatum attingat oportet. Nam hæc intentè & diligenter visum rimari, quod post prisca Romanorum Imperatorum tempora, vetustiore ista usque adhuc neminem repererim, qui Boici nominis liquidò & disertè meminere. Mareomanicum contra, posthac extinctum funditus periit, neque reñatum unquam est; quo probabilior & confirmator superior coniectura, Boios sub Marcomanorum & imperio & nomine delituisse, quibus afflictis iterum emerferint. Porro Iornandes delineaturus Sueuos, quibus Alemanni coniuncti, eos ab oriente Boijs, ab occidente sole Francis, meridie Burgundionibus, septentrione Thuringis claudi scriptum reliquit, eo tanto circuitu, hodieq; trans Danubium Sueuiam, cum proxima Franconia, longè lateq; fusu terrarum spatium, exprimens, quod in alio opere pluribus docuimus. Confectarium itaque, Boios siue Hercyniæ sylvarum campos à Marcomanis infestos, iam olim cognomines, tum adhuc coluisse, siue quod vero opinor propius, illis paulò antecictos, Danubium, quæ infestior

Ret. August.  
Vind. lib. 8.



riorem Rætiae partem & Noricum præterfuit, præ-  
texisse, quæ hodieq; item Transdanubiana Boica est.  
Atque hic exin maximè gradus fuit, ad Romanas  
prouincias, traiecto flumine occupandas. Illud  
dubitationem non habet, Marcomanos sociosq;  
populos, pulsos esse interiore Hercynia, à Sclauis Sar-  
matica gente, quæ ducis Zechi, ut ipsi sibi persua-  
dent, nomine priuatim dicta, nunc appellationem  
retinet: sed temporis ratio in controuersia. Nobis  
probabilis visa, Cromeri accurati scriptoris, multi-  
plex ad Attilæ æuum deriuata ratiocinatio; nisi cre-  
dibilius, Attilâ demum mortuo, cum unius regni  
interitu multa passim noua orirentur, Sarmaticis  
primùm in Germaniam irruptionibus viam patuif-  
se: quod utro modo habuerit, cum alterutro acci-  
disse oporteat, in tam obscura vetustate, neque asse-  
uerauerim, neque in magno posuerim discrimine.  
Nariscos autem initio hunc inter Hercyniam & Da-  
nubium tractum obtinuisse, priusquam Zechi Mar-  
comanis & Boijs, Boij vicissim Nariscis succederent,  
constanter creditum, nos non abnuimus.

Interea subit admirari, cum ab Attilæ morte, la-  
befactata iam dudum Romani imperij maiestas, o-  
mnibus nationibus fuerit ludibrio, quarum quæ-  
que proximis prouincijs totis viribus incubuerint,  
& verò Germanicæ sibi Rætiam & Noricum palam  
diripiendas destinarint, Alemanni præsertim, Rugij,  
Heruli, Thuringi, hæc quippe extant apud Eugippi-  
um,

Crom. rerum  
Polon. lib. 1. c. 9  
ult.

Eugip. in vita S.  
Seuerini



um, qui tunc vixit, nomina, quæ factum ut solis Boijs nihilis locis rei fuerit, quibus illos unius fluminis latitudo arceret, saltem memoria nullis litterarum monumentis consignata celebretur; nam Marcomanorum specie, quorum nec ipsum illis bellis nomen reperias, & interijisse antea diximus, amplius regi non potuere. An credibile Boiohemo nuper cinctos, vagos palantesq; de tuendis quas fors dederat sedibus, magis quam de propagando imperio & gloria, deq; vicinis laceffendis fuisse sollicitos? An fœderis cum Romanis usque eo tenaces, ne iniuriæ quidem paratos atque obnoxios, violare sustinuerunt? Sed & utraque causa coniungi potuit, quod nullus diuturnior inter confines populos fidei custos, quam imbecillitatis utrimque conscientia. An casu euenit, quo fere propendeo, ut cum nihilo ceteris pacatiores, manus non magis continuerint, memoria tamen in tanta scriptorum strage exciderit: nam sine Eugippio esset, de Rugijs, Herulis, Thuringis æquè nesciremus. Et verò barbarosis memorat, non expresso gentis nomine, qui Romanas urbes præsidio fœderati tenuerint, hos Boios fuisse, nihil verat credere, sobolem fortassis illorum, qui Frigildis iussu fluvium transgressi sunt. Ego incerta suspicionum affirmare abstineo.

Sed restant ex narratione quam censendam suscepimus, Francica Boiorum cum Childerico & Clodoveo bella, sequutumq; fœdus: quorum in omni  
anti-

Eugipp. c. 2.

ANN. 1  
CHR. 2  
CDI



ANN. POST  
CHR. NAT.  
CDIC.

antiquitate, nullum impressum vestigium intuenio, tametsi Francis plures quam plerisque populis scriptores, & tanta profectò res scriptione digna erat. Anno post Christum natum quadringentesimo nonagesimo nono Alemanos à Clodoueo victos intuenio, memorabili scilicet pugna, quæ prima apud Francos adaperiendo Christianæ religioni aditui fuit occasio, verum eam Boios ulla ex parte attigisse, nemo veterum prodidit. Gregorius Turonum episcopus, annos non totos quinquaginta post hanc pugnatam natus, Alemanos in fugam versos, Regem eorum interemptum, hoc tantum narrat, eodem sensu Theodericus Gothus, Clodoueo victoriam gratulaturus, Regem cum gentis suæ superbia cecidisse scribit. Ut impensè mirer, nunc demum in mentem cuiquam venisse, Boios & Alemanos, Alaricum Adalogerionemq; Reges miscere, omnia cõgeminare. Non equidem pernegem, Francorum maiestatem, quæ totâ quam latè patet Germania, longè erat maxima, iam tunc, aut etiam antea, certè non multò post, comiter à Boijs conseruatam fuisse, saltem illis qui in Germania magna trans Danubium colerent, nam leges Boicæ argumento sunt, quas Theodericum Regem Clodouei filium tulisse, proœmium ostendit, nec eas ab æquali quicquam accipit. Rei interim originem, nec in tanta annalium penuria eruere atque constituere potui, neque ingenio fingere & excogitare pulchrum putavi,

Greg. lib. 3, c. 99.

Theod. in varijs  
Cass. lib. 2, ep. 41.

In ms. & in edit.  
Paris. Prologus  
legis Boioniorum  
In Heroldi edit.  
Prologus legis  
Salicæ. Verò sic  
habent: Theo-  
dericus Rex Frã-



crem --- iussit  
conserbere legē

Francorum, A-  
lemanorum &  
Baioariorum.

Theodericum  
autem Clodo-

uei F. signari, ex  
ijs quæ sequun-

tur potest intel-  
ligi Quidquid

Theodericus  
Rex, propter Ge-

ntissimam pa-

guntorum cōsue-

tudinem emen-

dare non potuit,

post hac Childe-

bertus Rex in-

choauit, sed Clo-

tarus Rex perse-

cit, Hac omnia

Diagobertus Rex

gloriosiss. per Vi-

ros inlustres Chla-

dio, Chadoindo,

Magno & Agi-

lulfo renouauit.

tani, hoc nimirum etiam, inter ea quorum vetustate memoria periit, incompertum repositurus.

Verum enimuero, præter cetera vulnera, quæ temporis diuturnitas, & scriptorum barbaries, Boica historiæ multa inflixit, fœdissimè in ipsum Boiorum nomen grassata est. In Iornande Boibaros, aut Baiobaros, aut ex veteri libro Baibaros legas. Peruulgatum enim apud Germanos, ut prima & quarta, vasta ambæ vocales, inter se migrent. Itaque Paulus Diaconus etiam promiscuè, Baioariam & Boioariam usurpat, sed ex trita B littera, quod in gentis quoque legibus & verustis diplomatis inuenire est, Metellus poeta inter Boios antiquissimus, Baiaricâ patriam, & Baiaricum solum dixit. Venantius Fortunatus, Boioariam, Baiouariam, Baiuariam, nec enim manuscripti codices satis sibi constant, & apparet B aut V temerè interiectas, à crassiori pronunciatu, quomodo in Romanis aliquando lapidibus, Po-

STERISQ. EVORVM est, aut AEORVM, pro BO-  
RVM. Quin eo deuentum, ut reperirentur qui o-  
mnium ineptissimè, Vvaivvariam nominarent &  
Vvavvariam. Guntherus Ligurino, Baugariam, G-  
nouo exemplo, pari causâ inferta. Auctor vitæ S. V-  
daltrici, & Baioarios, & Bauuarios, & Bauuuarios,  
triplici V, variè habet, unde porrò Bauaria paullatim  
nata. Multiplicis scriptionis varietatem, & ul-  
timarum syllabarum productionem, ex vernacula  
appellatione, Boieris aut Boiaris, tanquam riuos ex  
fonte



fonte duci, manifestum: ijs nimirum præeuntibus,  
 quorum aures & linguæ erant barbaræ, Iornandem  
 Paulumq; & eius præterea classis scriptores intelli-  
 go. Nam aliam etymologiam notationem comminisci, fru-  
 stra sit. Neque hinc obscurum, cum Boij idem Boie-  
 ri Boiariq; essent, quibus gradibus ad Baioaros siue  
 Boioarios & Baioarios, ab his ad Baiouarios atque  
 Bauaros tandem itum. Si qui enim scriptores paullo  
 vetustiores sunt, Boioarios & Baioarios præferunt,  
 Bauariæ nomen posterioribus plenè debemus. Au-  
 daci nimis deflexu, cum à prisco vocabulo, tum à  
 vernacula pronuntiatione, in qua Boiorum vesti-  
 gia, ut ut confusa comparebant, atque adeò compa-  
 rent, quæ in Bauaris prope nulla sunt. Vixit ante  
 annos ab hinc amplius septingentos, post Iornan-  
 dem trecentos circiter, Otfridus monachus, qui  
 Germaniæ sermonem omnium primus litteris tra-  
 ctare aggressus, linguam appellauit scriptu perdiffi-  
 cilem, propter sonum incommodum, & litterarum  
 plerumque congeriem, multis in eam sententiam  
 collectis argumentis: tum vocalium creberrimum,  
 præ eo quod nunc sit, usum fuisse, perpetuum veluti  
 testimonium eius scriptio dicit: quæ meo sensu  
 causa longè planissima, mutata, pro scribentium li-  
 bidine & incitia, orthographiæ. Qui Bauariæ  
 nomen ex Boijs & Auaribus, Auares autem Hunni  
 sunt, composuere, aut alioqui Bauaros cum Auari-  
 bus confundere, næ illi palam nugantur, Scythica  
 -RAM T hæc,

Otfrid. in prol.  
 Euang. ad Luit-  
 bertum Archi-  
 ep. Mogunt.

hæc, illa Celtica gens, & rarò duo aliqui populi æ-  
què pertinacibus odijs sese exercuerunt. Neque  
Paullus Aemilius, grauis alioqui & circumspectus  
scriptor, tam supini erroris veniam meretur. Nos  
difficillimam & impeditissimam operis partem, tan-  
quam in mari scopulos, præteruecti, liberiori porrò  
cursui asuiscemus; sicut tamen vada, quæ complura  
enauganda restant, cauenda meminerimus.

MAR-



MARCI VELSERI

RERVM

BOICARVM

LIBER TERTIVS.

THEODO.



Ost eam rerum conuersionem quæ superiori libro explicata est, primum ex Boijs Theodonem, traiecto Danubio, Romanam prouinciam, principatus specie tenuisse, Boicorum annalium consensus habet: constanter adeò, ut suum expeditioni annum assignent, nulla variationis leuitate. Quod in re magna & antiqua, quæ olim per manus tradi potuit, externis testimonijs confirmari nunc non potest, e- uincendæ veritatis opinioni non nihil est. Neque enim suspicari animum induxerim, tot quantumuis domesticos auctores, eundem errorem de compa- cto errasse, quâ præsertim priuatæ unius gentis me- moriæ publica aliarum monumenta non aduersan- tur.

Qui Theodo Latine scribentibus, Dioto & Dioto populari sermone est, nomine antiquè Cel- tico, quod excellentem virtutem exprimit, qualis heroum prisca temporibus credita. Eo olim pri- mum gentis conditorem usum, Cæsar mihi auctor, qui Gallos se Dite prognatos dicere, scriptum reli-

T 2 quit.

Consensus o-  
mniū qua edito-  
rum qua inedi-  
torum: uno aut  
altero excepto,  
nec rei, nec fidei  
ullius.

Dionem &  
Theodonem  
Arnolfus Co-  
mes promiscuè  
usurpat.  
Diet. pro viro  
forti in l. Heldg.  
buoch.  
Cæf. lib. 6. bel.  
Gall.



Tac. de mor.  
Germ.

Luc. lib. 1. *immi-  
tis placatur san-  
guine dicitur Theu-  
tates,*

Lips. Poliorcet.  
L. 1.

Otfrid. l. 3. c. 13.  
*fremidemo thio-  
se, significat ge-  
tes exterar.*

Garibaldus no-  
bis nunq̃ visus,  
sed ex mss. qui-  
busdā, qui ipsius  
auctoritate ni-  
tūtur, facile fuit  
coniecturam ca-  
pere, hominē es-  
se mirē nugacē,  
ut qui illum au-  
dire potest, ei  
Anniana tota  
cohors, & Huni  
baldi ineptiæ  
fordere non de-  
beant. Primus  
nimirum in Bo-  
ica hist. fabularū  
sementē fecit, q̃  
pluribus postea  
culmis scriptorū  
vanitate frutica-  
uit.

quit. Vnus idem Teuto opinor apud Tacitum, non  
Tuiſto, Deus terra editus, cui gens nomen debet.  
Idem Theutates an Theutanes Lucano. Itaque is  
ipse Tacitus, maximum à Germanis honorem Mer-  
curio haberi credidit, quod Mercurius aliquando  
Theut appellatus sit, uti Plato in Phædro & Philebo  
significat. Sed verò Lipsius, quem inter prima  
sæculi ornamenta non nos uni numeramus, ex ve-  
tusta psalmorum versione observavit, Thiede &  
Thiaddon gentes nationesq; olim uniuersè dictas,  
quod ego in Otfrido quoque reperio. Dic-  
ti sonus in compositis manet, Diethero, Dieterico,  
Dietbaldo, Dietmaro, quos Theodoros, Theoderi-  
cos, Theodibaldos & Theodomaros usurpamus.  
Theodonem sunt qui Adalogerionis filium fuisse  
cum dicant, tam non euincunt, quam aut de Adalo-  
gerione ipso, aut de Herculis in Adalogerione stirpe  
nullam fidem faciunt. Alteri Garibaldo obscuri no-  
minis scriptore freti, longa retrò serie, permultos al-  
ternis fere Theodones & Thassilones, cum prisco  
Ingramo coniungunt, cuius supra illata mentio.  
Nobis in neutram partem liquet, & in tantis tene-  
bris ad scopum frustra collimemus. Illud pro com-  
perto ponere non verear, quibuscuinque parenti-  
bus & maioribus ortum, genere ac nobilitate suæ  
gentis fuisse primum, cum eius rei certa documenta  
habeam. Nam hic sit operæ prætium admonere,  
præcipuæ claritatis familias priscis olim temporibus  
plu-

ANN. P.  
CHR. N.  
DVII



plures apud Boios extitisse, quarum nomina in Boicis legibus perscripta, longitudine temporis corrupta, nunc obscura, interpretationis incertę sunt, eas inter Agilolfingam Ducum seminarium, principem præ omnibus loco eminuisse. De qua Dagobertus Francorum Rex, cum Boicum ius multis post annis corrigeret & digereret, in isthęc verba edixit,

Agilolfingi verò, usque ad Ducem, in quadruplum componuntur, quia summi principes sunt inter vos. Dux verò qui præest in populo, ille semper de genere Agilolfingorum fuit, & debet esse, quia sic Reges antecessores nostri concesserunt eis, qui de genere illorum fidelis erat & prudens, ipsum constituebant Ducem, ad regendum populum illum.

Cum ergo ex Theodonis posteritate multi Francis volentibus Boijs præfuerint, eum ex legis sententia ad Agilolfingos pertinuisse, necesse est.

Anno post Christum natum quingentesimo octavo, Boios superato Danubio Romanam provinciam Theodonis ductu ingressos esse, auctores quos sequor consentiunt, cetera diuersi abeunt. Qui scribendo nos proximè antecessit, & omnium nunc maximè manibus teritur, rem Francorum auspicijs, Clodovei Regis consilio & hortatu, armis gestam scripsit, relatā videlicet Theodonī gratia, ob adductā aduersus Alaricum Gothico bello auxilia. Iuuisse Boios, præter Francos Irino aliquo duce, Abares & Auares, atque Angilos Gifone, Charinos Gifalone

T 3 ducto-

ANN. POST  
CHR. NAT.  
DVIII.

du&toribus, varijs locis minuta sæpe prælia, Boijs  
fere secunda commissa, plerasque urbes citra ultra-  
que Danubium captas; promorant enim Romani  
limitem iam antiquitus trans flumen, & quosdam  
imperio velut sinus adiecerant; captas igitur Pisoni-  
um, Augustam Aciliam, Mocæniæ, Castra vetera,  
tum æstiva, Batauis & Quintanis antea deletis, Au-  
réatum & Cæsaream disiectas, Lycostomam, Cala-  
tinum, Artiliam, habitatoribus metu percussis, ul-  
trò desertas, Eponam, Cænum, & omnium maxi-  
mam Artobrigam expugnatas esse, postremam Au-  
gustam Tiberij, quamquam magnis viribus defen-  
sam, quod eam Romani bello arcem legerint, Boijs  
cessisse. Victoriæ crudeliter exercitam, victores  
sacra prophana iuxta habuisse, cædibus & incendijs  
omnia miscuisse, nullo aut sexus aut ætatis aut digni-  
tatis denique discrimine. Theodonem rebus com-  
positis, cum alias ciuitates instaurasse, tum Augu-  
stam Tiberij inprimis, quam nouo uxoris Regino-  
birgæ nomine appellauerit. Seuerinum, Remedi-  
um, Seruatum Romanos præsides, se se in Noricum  
inq; Vindeliciam alpibus subiectam recepisse, ibi  
oppida, ut quodque opportunum, Pontes Oeni  
præcipuè, præsidio munitionibusq; firmasse. Theo-  
donem dum illos omni prorsus prouincia pellere  
constitutum habet, in ea molitione, quarto anno  
à traiecto Danubio mortem obiisse. Duos ei fuisse  
filios, Theodonem cognominem, qui Magnus ex  
virtute



virtute dictus, & Vtilonem. Vtilonem fratri domestico principatu ultrò cessisse, re & gloria armis peregrè quæsitâ. Nam cum Theodeberto Theoderici Francorum Regis filio (magnum tunc Francorum imperium, præclara fama erat) adversus Danos opitulatum esset, commissâ ad littus Belgicum secunda pugna, & occiso hostium Rege Cochilario, victorem Marchionis Antuerpiensis titulo honestatum, Theoderici sororem uxorem accepisse. Ex eo matrimonio Hugobertum natum, qui Asopertum creavit, Asoperto & Pluthylde Clotarj Regis filia Arnulphum, patrem Arnulphi Episcopi, qui in sanctorum numerum relatus est, Arnulpho Episcopo, priusquam sacris initiaretur, Angisum, Angiso Pipinum, Pipino Carolum Martellum, Martello item Pipinum, primum ex hac gente apud Francos Regem, Pipino denique Regi Carolum Magnum Imperatorem fuisse filium. Quæ ambitiosius vereor quam verius, asserendis Boico sanguini Carolinæ stirpis originibus excogitata, fidem absque antiquis certisq; suffragatoribus, nec mereantur nec invenient. Puerile enim est, quod Palatini Comites in Caroli maioribus numerantur, id de Boijs interpretari. Theodonem Magnum inter populares pro patre regnasse, legatos Anastasij Imperatoris ad eum venisse, tentaturos adolescentis animum, ut quem armis minus possent, callida oratione circumventum Romanis subiungerent, sed irritò conatu domum reuersos esse.

Theo-

Marchionis nomen tam antiquum esse, mihi non constat, saltem hoc sensu. P. Aemil. Marchionatum Antuerpiensem sub Othone demum institutum scripsit l. 3.

Scio recentiores quosdam ab hac sententia non abhorruisse, fidem eius quæ hic notato parum fidam sequutos. Go. rop. orig. l. 1. & 7. Molan. de milit. sacra Ducu Brab. c. 2. Laz. de migrat. gentium, Guicciard. de reb. Belg. Apud antiq. hoc unum reperio, Cochilaticum à Theodeberto casum, nulla Vtilonis memoria. Greg. l. 3. c. 3. Aim. l. 2. c. 2. Ado, Sigeb.



Theodonem reliqua prouincię perrexisse debellare, Pontes Oeni capisse, plerasque urbes euerxisse; Romanos multis praelijs concisos, desperatione rerum suarum actos, in Italiam rediisse, occubuisse tum viros virtute praestantes, Diuum Anianum sacerdotē, & Diuum Marinum Episcopum, dum hic sacris ante aram operatur, mortui cadauer abs quercu pependisse, Seuerinum Praesidem à Volcouino Theodonis signifero casum, Seruatium captum ab ipso Theodone, in crucem actum, Remedium pulsum effugisse, Diuum quoque Vigilium Tridentinorum Episcopum, & Theodorum Laureacensem Archiepiscopum, euerfa urbe interfectos. Theodonem Vindelicia & Norico latè victorem, Eselprunnam ad Athesim regni terminum Italiam versus constituisse, regionem bello captam socijs populis contribuuisse, praefectis qui limites quaqua versus Marchionum nomine tutarentur, Adalgerione nimirum cognato homine ad Athesim, ad Lycum Heroldo, Hirando ad Anasum, ultra Danubium in Nariscis Rudolpho quodam cum filio, ipsum sedem Reginoburgum habuisse, fato functum postquam sex & viginti potestatis annos expleuerit, imperio aquis portionibus inter tres superstites filios diuiso, Theodonem tertium, Vtonem & Theodoualdum.

Ego multiplicis historiae partes, etsi reprehensionibus non uno nomine vehementer opportunas, singillatim nec affirmare nec abrogare necesse habeo,



beo, nisi quid res ipsa subinde, & orationis nostræ deinceps cursus obiter peruertet, quod interdum futurum est. Vnum in præsens moneo, & semel dictum, sæpe postea memoria repeti, semper valere velim, scriptam esse ab homine inuestiganda & excutienda omni vetusta annalium memoria, diligentia nonnullius, conijciendis affirmandisq; quæ sibi quibuscumque vestigijs indagasse visus, audaciæ multæ & præcipitis, fieri itaque potuisse, quod factum esse sit magnopere verisimile, ut aliqua eruerit certis antiquitus litteris consignata, quæ postmodum siue perierunt, siue nostram quidem cognitionem studiosè conquisita effugerunt, fidem neutiquam dubiam meritura, si de primis auctoribus aliquando constet, quod nunc secus est; hæc cum ex paruis, vel cerre ex mediocribus, maxima effecerit, tum plura deinde adiecisse alia, aut ex leuissimorum hominum commentarijs temere hausta, in quibus Garibaldus ille nescio quis, familiam ducat, aut cōiectando recens inuenta, aut ancipiti origine ab omni vetustate, nunc demum libero arbitratu ad res Boicas detorta. Ista enim capita, vera falsis, certa incertis mixta, accuratius prospicienti apparent, ceterum promiscuè & confusè, ut præter ea quorum est manifesta vanitas, quid antiquum quid nouitium, quidq; genuinum aut omninò commentitium sit, nemo satis queat distinguere, nisi illis ipsis monumentis instructus, quæ cum is præ manibus habue-

V      rit,

rit, quod iam non comparent, perijsse suspicor. Sed iudicium in medio: nos, ut ut res habeat, pro pudore & religione, quam operis aggressu recepisse meminimus, non egerimus, si tantarum rerum testem unum, nuperum, fabulositatis non semel compertum, cetera incertum, temere sequamur.

Arenpeki lib. 24  
6. 14

Antiquior Arenpekius, Theodonem anno itidem quingentesimo octauo narrat, nam haecenus unus omnium consensus est, nullis Francorum auxilij subnixum, milliaria tantum popularium cohorte comitatum, venisse in prouinciam, & Romanis vectigal exigentibus superbo responso ludibrio habitis, Imperatorem adijsse; Theodericum Gothum Regem magis credo, rerum in Italia & trans alpes tunc potientem, Anastasij enim Imperatoris nomen, ut temporum ratio congruat, rebus Italicis & transalpinis istis, imperitè inseritur: à quo rasoprimum capite, succisisq; vestibis dimissus, quod aliorum annalium fidem sequuti, ad Adalgerium priori libro retulimus, deinde in amicitiam receptus, egregiaq; inter auxilia nauata opera liberaliter donatus, tum aliquot annorum tributo leuatus sit, quibus decursis, cum tributum per legatos iterum urgeretur, ijq; enixè instarent, ut se Principi praesens sisteret, illum fabellam de ceruo, paullo aliter quam à nobis supra memorata est, subiecisse. Bellum irritatis hinc inde animis sequutum, Theodonem copias Oetingæ contraxisse, quæ Huodinga dicta antiqui-

S. pag. 198.

ANN.  
CHR.  
DX

DXV



tiquitus, & flexo vocabulo, feroci allusione, ad vernaculi sermonis sensum, identidem iactasse, hîc me qui quærît inueniet, porrò conscium quam paucos contra quam multos duceret, ne re cognita suorum animi labascèrent, prælium consultò nullis præ se missis exploratoribus commisisse, perpaucos Boiorum desideratos, ingentem hostium stragem fuisse. Anno post Christum natum quingentesimo vigesimo, Beurnæ in alpibus iterum decertasse, ubi Iustinum Imperatorem cruenta victoria coram vicerit: quod de Iustino equidem perspicuè vanum est. Ex in maiestatem Boici nominis mirificè auctam, Langobardorum Francorumq; populis æquo fœdere sociatis, ad regium fastigium excreuisse. Theodonem annos fere triginta à Danubij traiectu imperasse, supremum diem obiisse quingentesimo trigesimo octauo post Christum natum, Vtone relicto filio, quem & Vdonem, & Odonem, & Vtilonem dicunt, alijsq; præterea litterarum modis variant, ut vix ullius nominis scriptio inconstantius fuerit habita. Atque quod tres ordine Theodones prior numerat, Arenpekius in unum contrahit, & cetera in omnes partes profectò moderatior, nisi quod ne sic quidem satis, patriæ quædam charitati, uti sit, superaveri fidem indulsit. Ingentibus nimirum quos variè uterque narrat motibus, nemo paullò cordatior modo, in consentiente publicorum eius æui scriptorum silentio, fidem adiunxerit. Quid enim?

V 2 Theo-

ANN. POST  
CHR. NAT.  
DXX.

DXXXVIII.



Cassiod. de Rzt.  
l. 1. ep. 1. & l. 7.  
ep. 4. de Nor.  
lib. 3. ep. 50.

Ennod paneg.  
Theoder.

Procop. lib. 1.  
Gothic. Cassiod.  
fastis, Cethæo  
Coff.

Historis passim.

De Imperatori-  
bus nullum cer-  
tius testimoniū,  
quam quod de  
recuperanda Ita-  
lia Theoderico  
vivente nunquā

Theodericus omnis memoriae Regum dignitatis retinentissimus, florentibus maxime Gothorum rebus, ad quos Rætiæ & Noricum pertinuisse, Cassiodorus in epistolis tam certus tamque locuples index est, ut veteris historiae incertam pæne palam profiteantur, qui per ea tempora Romanum his oris imperium, nisi qua sibi id Gothi ascivere, aut pugnantes pro imperio Romanos somniant, Theodericus inquam, Boiorum contemptum & iniurias inultus tulerit? aliquoties pulsatus animum demiserit? pulcherrimas provincias hostili manu occupari siuerit, occupatas pro desertis habuerit? Vanus fuerit oportet Ennodius, cuius extant ad Theodericum verba, Minui æstimas quod non crescit imperium: Varius magnopere & inæquabilis Theodericus ipse, qui alienam Pannoniam siue Gepidis siue Bulgaribus, sola animi ductus magnitudine extorserit, sui contrariis negligens, possessionem iam partam Boijs in Italiae finibus cesserit, tantò ignavius, quo hoc maius dedecus est, quam omnino non parauisse: Visigothos ruentes, submissis in Galliam & Hispaniam usque auxilijs, sustinuerit, Francorum inimicitias nihil veritus eo nomine subire, tantum sub oculis acceptum detrimentum mussitauerit? Inanis fortitudinis opinio, qua hinc Imperatores Constantino- poli, inde Vandalos in Africa Reges continuit, Germanicarum gentium munera & legationes ab usque extremo Oceano exciuit, nostris adhuc hominibus

Vero-



Veronensis cognomine inter Alexandros & Cæsares canitur. Verum præstat, de absurda & incredibili narratione, testibus non credere, qui alio præterea egent testimonio, hoc est, qui rem præsentem, multis postea sæculis nati, comperire non potuerunt, quæ in censenda historicorum fide, prudentissimorum hominum perpetua habetur cautio; quin ea istis tanquam ducibus vestigare, quæ rerum temporumque naturæ & conditionibus apta sint atque consentanea. Interim frontem eorum miraturi, qui eum Boios Alemanorum olim nomine censos asseuerare ausi sint, quam opinionem sub superioris libri fere finem propositam, falsitatis conuicimus, iidem Boios victores fuisse pergunt pertendere, cum Cassiodorus & Ennodius Alemanos à Theoderico superatos esse, palam adeò & explanatè prædicarint, ut istos alterutrius saltem erroris debuèrit puduisse. Sed nos iam nunc superioris narrationis luxuriam castigemus, & ad probabilem veritatis speciem, quâ fieri poterit, temperemus.

Theodonem, quod primum erat, cur in prouinciam venisse narrantibus assentiendum existimem, causa initio explicata est. Reliqua quæ sequuntur pleraque, commodè accepta modo, nihil etiam admodum credere prohibet; Aut milliariam cohortem duxisse, aut vectigalem agrum coluisse, aut Theoderico denique inter auxilia meruisse, ut pacem cultui iuerit, arma delectu, quod vetus scriptor de

cogitarunt, De  
Vandalis Cassi-  
od. in fastis O-  
lybrio Cos. De  
legationibus O-  
ceanicis Cassi-  
od. Variar. l. 5.  
ep. 2.

S. pag. 139.

Cassiod. Var. l.  
12. ep. ult. En-  
nod. Paneg.

Paneg. Constā-  
tino dictus.



Francis, in Gallia à Constantino collocatis, simili re  
Cassiod. Var. l. 1.  
 4. c. 45. l. 1. s. c. II.  
 Paul. continuat.  
 Eutr. l. 16. usurpauit. Heruli & Gepidæ militauere Theoderi-  
 co, quid sit curn non eodem exemplo Boij? cum Pau-  
 lus asserat, omnes Italiam accolentes populos, aut  
 affinitate, aut fœderis pactione ei fuisse coniunctos,  
 haud dubium æquo maiores, obnoxio reliquos; ar-  
 gumento, quam certæ & testatæ vanitatis ea plena  
 sint, quæ de Boiorum aduersus Italos expeditioni-  
 bus & victorijs, splendide, ceterum temere præni-  
 mis, iactantur. Theodo interim & euocari potuit,  
 quo modo cognominem Theudam Præfectum, res  
 nouas in Hispania molientem, sub Theoderici fere  
 mortem in Italiam euocatum fuisse Procopius scri-  
 bit, & certorum annorum tributa illi remitti, in quo  
Cassiod. Var. l. 1.  
 ep. 16. l. 2. ep. 29.  
 30. 38. l. 3. ep. 32.  
 40. l. 4. ep. 26.  
 36. 50. præsertim munificentia genere se Theoderici libe-  
 ralitas sæpe magnificè exeruit, & ea post aliquot an-  
 nos iterum repeti, & exactores durius agentes repel-  
 li, hæc discordia, deinde iurgiorum & armorum at-  
 que tumultus esse occasio, inter quæ cohors Quæ-  
 storia imbelles hominum genus, male mulctari, ali-  
 qui illius ordinis occidi, alij prouincia pelli: fieri so-  
 lent ista talia, & egregie credibilia sunt, de gente mi-  
 litari & feroci, cui in aliena prouincia non æquissi-  
 mis conditionibus agenti, superfuerint tamen ani-  
 mi prisco decori tuendo, ne quid patria libertate nõ  
 dignum in se committeret. Sic Breones per ea tem-  
 pora, cum in Ræticijs quoque præsidijs essent, pla-  
 cet enim testandæ rei, saltem explicandæ & persua-  
 dendæ



denda, propinquo exemplo uti, Maniario nescio  
 cui, reculas suas ui abstulere, quos Cassiodorus gra- Cassiod. l. i. ep.  
 uis sententiæ censura prosequitur, **Militaribus** <sup>11.</sup>  
 officijs assueti, ciuilitatem premere dicuntur armati,  
 & ob hoc iustitiæ parere despiciunt, quoniam ad  
 bella Martia semper intendunt, dum nescio quo pa-  
 cto, assidue dimicantibus difficile est morum custo-  
 dire mensuram. At hos nihilo tamen minus  
 Theoderico subiunctos paruisse, ex eodem Cassio-  
 doro intelligas, ut in tota comprehensione verbum  
 prope nullum sit, quod rerum quadam similitudi-  
 ne, ad Boios non traducas, quin Breon propemo-  
 dum Boius credi poterat, mutato vernaculo voca-  
 bulo litterarum transpositione, in istam faciem, nisi  
 Fortunatus Episcopus, utriusque populi nomen Fortun. l. 4. de  
 vita S. Martini,  
 Si vacat ire sua,  
 neque te Baiona-  
 rius obstat, Qua  
 sicina sedet Bre-  
 onum loca. Edi-  
 tio Calarit. peti-  
 peram habet,  
 Breonum.  
 distinctè in carmine & separatim poluisset. Nec  
 absurdum porro, ut quod de scriptorum eius æui si-  
 lentio, maximis prælijs & insignitis victorijs paullo  
 ante obieccimus, amoliamur, turbas & rixas istius-  
 modi verius, non bella, nec fortasse grauius à Theo-  
 derico vindicatas, nec omninò magnæ rei in com-  
 mune, nullis publicis annalium monumentis consi-  
 gnatas, priuata gentis memoria ad posteros perma-  
 nasse, qui quo omnia maiorum augustiora red-  
 derent, temporum locorumq; descriptiones, & Im-  
 peratorum nomina interiecerint, variosq; ex inge-  
 nio casus ambitiosè affinxerint, pietatis speciem in-  
 terpretati, Boici nominis claritudinem hac com-  
 menda-

commendatione in vulgus augere, quantumvis siue falsa esse scire poterant quæ prodebant, siue vera esse scire non poterant. Pernitiabili inter primos errore, qui non iam singulos homines, sed populos plerisque totos fascinat, bonam famam ex malo mentiendo facinore aucupantes, cum omnia contra sint, & is rerum priscarum splendori pessimè consulat, qui præclaram veritatis lucem fœda fabularum fuligine ausus corrumpere, inanium fidem impetrat quidem ab imperitis, sed prudentioribus quantumvis vera, vix atque difficulter persuadet, auctoritate semel prostituta, ille vicissim rectè, cui tenuis veri strictura, ante crassas nugarum nubes est.

Theodoni  
**VTILONEM & THEODONEM** filios fuisse persuadeor: sed ut alter in Italiam Gothis militatum abiuerit, **VACARVS** idè dictus, uti paullò post sumus explicaturi: maior Boicam solus tenuerit, quæ Arenpekio fratris prætereundi occasio. De Belgica expeditione, nihil allucet, nec quam de Theodone tertio eiusq; fratribus saltem coniecturam proferā habeo.

Theodericus  
 Rex an. 526.  
 obiit.

Rex Theodericus interim, annos plus decem ante maioris Theodoni obitum, vitæ finem fecerat. Ex quo statim tempore, adeo unius hominis virtus ad continendum tantum Gothorum imperium omnia contulit, regia nutare res omnes retrò labi, regno primum ad Athalaricum puerum & Amalasuentam matrem, quamquam ingentis spiritus feminam, inde ad Theodahatum delato, qui dubium ingratior

VTILO.  
 THEODO IV.  
 CARO.



gratior an ignavior, in cogendo ira versatus est, ut  
Iustinianum Imperatorem utraque causa ad infe-  
renda arma commoverit. Sub quorum initia Theo-  
dahatus morte sublatus, Vitigem, Theodibaldum,  
Araricum, Totilam, Teiam Reges deinceps succe-  
ssores habuit. Hos Belisarius & Narses continenter  
exercere multorum annorum bello, diu ancipiti,  
Gothis tandem exitiabili. Ea proximis quibus-  
que gentibus exuendi se se eorum iugo, domina-  
tisq; reiiciendi, visa occasio, nonnulla, ut Agathias Agath. lib. x.  
ait, ipsorum Gothorum voluntate. Cum enim ma-  
gnitudinem periculi animo aestimarent, & sibi non  
iam pro gloria & potentia in externos, sed pro ea  
quam patriam habebant Italia, pro libertate, pro vi-  
ta certamen esse cernebant, contractis aduersus in-  
stantem hostem undique in unum viribus, facile de  
cetero passi sunt, populos plerosque subditos, con-  
tineri rebus afflictis minus opportunos, aut in alio-  
rum potestatem concedere, Francorum praesertim,  
quibus delinitis illis opus erat, aut sua sibi sponte,  
qua cuique commodum consulere. Itaque  
Procopius, Carnos & Noricos Gothis ad usque mo-  
tum bellum paruisse profitetur, motu nimirum de-  
sciuisse significans. Vbi mihi Norici vocabulo com-  
plexus videtur, praeter priscum Noricum, Vindeli-  
ciae siue Rætiae partem Lyco fluuiio tenus, hoc est, o-  
mnem cis Danubium Boicam. Recentiores equi-  
dem à Procopio scriptores, rationem quam dico a-

X

pertè

WILLO.  
THEODO IV  
CARTH

Procop. lib. i.  
Καρίων, Νεργίη.  
Interpres deprauatè habet, Ca-  
rij Muricique.



pertè sequuntur, quo probabilius originem ab illius  
 æuo ducimus, ipsumq; in eam sententiam interpre-  
 tamur. Causam rei nullam admodum certam  
 scio; siue Nortgoiæ trans Danubium appellatio pro  
 Norico habita, citeriori tota provincia recepta est,  
 siue Boij Norico ante Rætiam occupato, dum in  
 hanc ex illo migrant, nomen qua imperium protu-  
 lerunt, siue demum unius interdum scriptoris insci-  
 tia atque temeritas, incuriosa sequentium creduli-  
 tate eualescit, & obiter etiam mendosè vitiosq; di-  
 cta, consensu in usum transeunt. Hactenus liquet,  
 cum Boij partem veteris Norici, recens verò totum,  
 ad ipsum Lycum tenerent, plerosque auctores Bo-  
 iorum Noricorumq; appellationes habuisse promi-  
 scuas. Reliqua Rætiae & Vindeliciæ à Lyco in  
 occasum, Alemanni occupauere, siue Sueui, Germa-  
 nici itidem sanguinis, potens & latè fusa natio; quæ  
 cum in Germania magna prope Boios ad orientem  
 coluerit, traiecto Danubio, eodem tenore in Roma-  
 nis provincijs confedit, & Lyci exinde fluminis al-  
 ueus, à tot iam annis, ratus & perpetuus utriusque  
 populi sermonisq; limes manet. Nec Alema-  
 norum una fuit conditio, pars immunis & sui iuris,  
 pars à Clodouei victoria Francis paruit, reliquos  
 Theodericus Gothorum imperio subiunxit, quos  
 tum rerum inclinatione adducti, Francis accedere  
 passi sunt. Et Boiorum populus ius à Francis  
 Gothicisq; Regibus bifariam, fluminis discrimine  
 petijt;

*Paul. diac. l. 3. c.  
 31. Noricorum si-  
 quidem provin-  
 cia, quam Bato-  
 ariorum populus  
 inhabitabat, ha-  
 bet ab oriente  
 Pannoniam, ab  
 occidente Suavi-  
 am &c.*

*De Alemanis  
 plenius Rer. Au-  
 gustan. Vind. l. 8.*



petijt; cuius distinctionis animaduersio, ad explicandam reliquam historiam, magnas utilitates habet. In Francorum fide mansisse apparet, qui in Germania magna trans Danubium restitere, his leges quæ extant, à Theoderico Clodouei filio datas interpretor: qui verò superato Danubio Gothicas prouincias, Noricum atque Rætiam, nouâ coloniâ insedere, hos in Gothorum auctoritate eo florente imperio fuisse necesse, & ijs quæ Procopius narrat, quæq; nos disseruimus, consentiens ac respondens est, labantibus rebus, sibi priuatim consuluisse, plenæq; libertatis gustum cœpisse existimo. Nec enim hac verbi modestia uti pœnitet; nihil in quantauis rerum probabilitate, quarum certus auctor, ista annalium paucitate & ieiunitate designari non potest, temere affirmaturi. Ad hos etiam, haud certè transdanubianos Paullus Aemilius respexerit, cum in Childeberto Theoderici fratre prodidit, Francicum imperium ad usque Boiorum fines pertinuisse. Hi demum Italico isto bello pro Romanis, aduersus Francos & Alemanos Gothorum auxiliares, steterunt, Francis sanè nondum obnoxij. Ad quos tamen postea, ditone omnes tandem Germanici nominis gentes complexos, reciderunt, uti loco exequemur.

Illud fortasse difficilem explicationem habeat, siquidem Arenpekius de numero vera narrat, cum Theodo milliaria tantum cohorte instructus venerit, quæ potuerint tam pauci tam citò, tantæ prouin-

Theodibaldus  
Boius Narsæi  
auxilio fuit,  
quod hoc ipso  
libro narrabitur.



cia, quantumvis vacua, & à prioribus dominis deferta, possessionem usurpare atque tueri. Visum credere, plures Boicos regulos Danubium una transisse, quorum memoria diuturnitate temporis paulatim effluerit, solius Theodonis nomen, quæ nobilitatis quæ virtutis opinione eximium, permanisse ad posteros. Accedunt suspiciones antea sparsim perstrictæ, plerisque popularium manus traicisse multò prius, non una occasione, quarum successiones præsentem fortunam sequutas, ad victores se tunc turmatim aggregasse verisimile: quin & in Germania constitutos, ad tam certam, tamq; opulentam & vicinam prædam, certatim magnis transmissis copijs accurrisse reat. Natæ videlicet res secundæ conciliare amicos, nec utique verendum vincentibus, ne societas in partem præmiorum ultrò venientium aliquando deficiat.

Verum enimverò res hortari videtur, quoniam de regione recens occupata tempus admonuit, eius situm atque naturam paucis exponere, & qui populi, quibus institutis, domi militiaq; olim habuerint, supra repetere. Ut gens Boiohemo cessit, extraq; se sylvam tenuit, fines ultra Danubium à septentrione in Germania magna, sylva ipsa Hercynia, hinc citra fluuium in meridiem effusa, ad alpes Italiae imminentes pertigit, ab ortu solis Anesum aut Anassus flumen, vernaculo sermone Ensum dicunt; Hunnos arcere, ab occidente Alemanos Lycus. Nam in ortu olim

Annal. Frac. sub  
Ludouico Pio  
scripti, An. 791.  
Prima castra  
pra Anesum po-



olim Boij ad Anassum usque, annalium fide, in meridien ad Italiæ limen Tridentinum agrum, ubi Paulus Boicum præsidium Bauzani sub Comite fuisse, manusq; cum Langobardo Tridenti Duce contulisse significat. Nunc utrimque secus est; sinibus longè mutatis, retroq; submotis, quo his tradendis sumus diligentiores. Regionem Paulus uniuersè Pannonia, Sueuia, Italia & Danubio circumseribit; cetera propemodum rectè, nisi quod permagnum trans alueum tractum, qui inter Danubium & Hercyniam medius, Lyci fere & Oeni ostiorum tenuis porrigitur, Danubio exclusum præterit. Neque id meo animo temerè; Boicum regnum sub Garibaldo designaturus, Boiorum ultra flumen rationem non habendam censuit, quod ij Francis, ut paullò ante dictum, contributi parerent, nec sui iuris essent. At ea antiquissima post Boiohemum sedes, iter & gradus ad citeriora fuit, Nortgoia, aut contractius Norca, & Palatinatus duplici argumento dicta, quod Aquiloni obuersa, qui Germanis Nortus est, quodq; sub Palatinis Boijs principibus, postea exortâ dignitatis specie, habita. Et manent nomina; non item Sudergoia vocabulum, meridianam plagam interpretè, quod à Danubio ad Italiam quondam usurpatum, nunc obsoleuit. Terra ad utramque ripam, præterquam qua aut montibus attollitur, aut asperatur saltubus, fertilitate inter paucas nobilis, nullius rei ad hominum victum necessariæ indiga;

X 3 mul-

*stia sunt. Nam is fluius inter Boiorum atque Hunnorum terminos medius currens, certus duorum regnorū limes habebatur. Paul. diac. l. 5. c. 36. Dum Dux esset in Tridentina ciuitate, cum comite Baioariorum, quem illi Grauiem dicit, qui Bauzanum & reliqua castella regebat, conflixit. Paul. lib. 3. c. 31.*



multis ad ornatum & voluptatem abundat. Frumē-  
 ti primum copia, quanta cum sibi satis, tum in exte-  
 ros plerumque populos redundat, itaque & Panno-  
 nicos exercitus, & ingrauescentem Italiæ annonam,  
 hoc subsidio proximis supra annis sæpe leuari vidi-  
 mus. Vini quoque multum, sed illis maximè locis,  
 quæ ab aliquot centum retrò annis Boico exuto, Au-  
 striæ & Tirolis nomina receperunt. Arbores frugi-  
 feræ, præter oleam, omne genus, campi herbidi,  
 magna vis pecoris, neque non syluis sua gratia, quic-  
 quid ferarum, quicquid auium, aut gustu placet aut  
 specie. Montibus omnis coloris marmor extat, erui-  
 tur stibium, sulphur, alumen, chalcanthum, ma-  
 gnes, molochites, quæq; vetus Norici gloria, æs at-  
 que ferrum, & valida supra hæc, multorum damna-  
 ta conuitijs, paucorum irretitis præterita oculis,  
 aurum & argentum, auri quidem quantum omni-  
 um Germanicarum fodinarum mereatur inuidiam,  
 Pol. ap. Strab. l. 4. in exhausta per multa sæcula fertilitate, Pölybio  
 quippe ante tot ætates celebrata. Soli diuitijs cer-  
 tant aquarum bona. Medius fertur Danubius, ille  
 fluuiorum Europæ maximus & altissimus, impor-  
 tandis exportandisq; mercimonijs maris prope vice,  
 amnes receptans utrimque frequentes, quibus regio  
 latè irrigatur, ratium plerosque patientes, nonnul-  
 los nauium, pars auri ramentis celebres, margaritis  
 quidam, orientem interdum magnitudine & colore  
 æmulantibus, omnes lectissimorum piscium incre-  
 dibili



dibili viae varietate. Lacus numero multi, ambitu & amœnitate spectabiles, quorum nauigatione & piscatu nihil aut iucundius aut usquam fructuosius. Fontium scaturigines alibi frigidae, alibi calidae, ad pleraque inueterata morborum genera salutare, tum naphthae præcellens species, petrolei nomine, in hos ipsos usus medicis laudata. Salis prouentus aqua terraeque uberes, & magnum inde vectigal. Sed qui populi Boicam regionem prius habuerint, quiq; postea accesserint, & quæ rerum imperiorumque conuersiones sequutæ sint, dicam quam quidem poterō breuiter, saltem qua annalium durat memoria, gnarus quantum alij supra vetustatis ex inanum scriptorum fabulis adijciant, opera, ut prudentiores existimare video, superuacanea. Germaniæ magnæ quam diximus trans Danubium Boicam oram, Narisci tenuisse crediti, incertum an eodem cum Nortgoia vocabulo, quod Romani non intellectū peruerterint. Origo in obscuro, neque de fine liquet, qui excidium fuerit oportet, aut in Boicum nomen transitus, quod equidem opinari malim: virtutem, non vanus auctor Tacitus affirmat, sermo & mores cum reliqua haud dubiè Germania consensere. Aduersa ripa à Lyco ad Oenum Vindelici Ratisque, hinc ad Anassum Noricis. Vindelicos Amazonum propaginem plerique putauere, Thracum alij, quos Amazones vi & armis domo eiecerint, utriusque sententiæ fides penes eius auctores

Tac. de mori  
Germ.

Hæc pleraque  
l. 1. & 2. rerū Au-  
gust. Vind. di-  
sputata uberius,  
laudatis aucto-  
ribus.



res erit, ego in diuersum iuerim, Vindelicos Ratorum familiam ab initio arbitratus, priuatam nuncupationem à confluentibus reperisse. Ratorum certè gente atque nomine plerumque censos, manifestū ac compertum habeo, quod multis itidem in hoc tractu minoris rei populis scimus contigisse; quorū designatione antiquitatis ignoratione, verum enim fatendum est, abstinemus, aliorum descriptiones in medio. Ratiā Tuscis conditi, ante Gallorum in Italiam aduentum imperio & gloria florentibus, Rato duce: in originis fidem patrij sermonis sonus mansit, per multa ætatum curricula. Postquam res eorum vilæ adolecere, domestica potentia, ut est fere hominum ingenium, in exterorum vertit iniuriam. Carpsere perpetuis incursionibus proximos Italiæ campos, tum Gallorum Sequanos & Helucios, & ipsos in Germania magna Boios, immani supra omnem barbaram feritatem, ceterum prouida crudelitate. Cum enim hostiles iræ, aut eorum qui arma ferunt, aut puberum, aut ut maximè progrediantur, infantium sanguine exsatiata soleant consistere, primis Ratis in mentem venit, quo hostium non messem aut herbam, sed prorsus semen tollerent, necdum natis, priusquam in communem lucem ederentur, eius spē occidione præripere, matribus nimirum, ne temerarium crederes, quin certum destinatumq; scelus scires, quos vatum monitu atque prædictione, matrum utero conditos à feminis digno-

digno-



dignoscebant. De Noricorum initijs quæ visa,  
 utiq; rem se se habere cultores eius terræ putant, ali-  
 bi perscripsimus. Si quem præterea Liuij & Po-  
 lybij auctoritatem huc trahere delectat, nihil refrā-  
 ger, Liuius, præcipuè quidem Rætis, sed & alijs al-  
 pium populis Tuscam esse originem indicat. Poly-  
 bius Transalpinos ab Alpinis loco differre, non ge-  
 nere, quod Danubio tenus remur interpretandum.  
 Eas sententias si coniungas, Ræti, Vindelici, Nori-  
 ci, inter se populares, Tuscis oriundi omnes sint;  
 nos neque affirmandum magnopere, neque refel-  
 lendum sumimus. Sub Regibus vixisse Nori-  
 cos ex Suetonio & Velleio doceri potest, exat Voc-  
 cionis Regis nomen, cuius soror Ariouisto nupta,  
 ipse bello ciuili Cæsari trecentos circiter equites au-  
 xilio misit. Instituta ritusq; & aduersus vicinos po-  
 pulos eadem cum Rætis inhumanitas. Postrema in  
 Histros incurio paullò ante Christum natum, qua  
 concitatis in se Romanorum animis, cum multæ  
 præteriti temporis iniuriæ accederent, à Silio victi  
 sunt. Mox Raticum Vindelicumq; bellum,  
 Tiberio & Druso ducibus sequutum. Vehemen-  
 ter autem visum memorabile, Romana arma prius  
 per omnem Africam circumlata, nisi qua immodi-  
 cis solis ardoribus, & vasta solitudine illa inuia, in A-  
 sia ad extremas orientis oras penetrasse, & Europæ  
 cum alia, tum fortissimas Gallorum atque Hispano-  
 rum nationes domuisse, quin eam quæ alterius pro-

S. l. 2. p. 91. 92.

Liu. lib. 5. Pol.

l. 2.

Suet. Tib. c. 16.

Vel. l. 2.

Cæs. bel. Gall.

l. 1. bel. ciu. l. 1.

Dio l. 54.

Hæc plenè per-

tractata in libris

terum Augusti

Y

pe

pe orbis instar crederetur, terruisse Britanniam, quā trans Raticas Noricasq; contiguas Italiæ alpes, Rætorum Noricorumq; populationibus toties laceffita & prouocata, conspecta sint. Magnitudinem belli multa produnt, gemini cum maximè tanti duces, qui legatorum præterea usi opera, urbibus & castellis variè oppugnandis, leuibus certaminibus, quo plus terroris hosti obijcerent, sparsim serendis, & instructa quoque acie progrediendo, omni bellorum arte, fortem manuq; promptum, ceterum rudem ad hæc populum, magna edita cæde vicerunt. Sed quantamcumque virorum virtutem, longè superauit mulierum, siue furor siue rabies, quamquam omne nomen infra facti horrorem est, quæ deficientibus telis, infantes humo afflictos, in ora Romanorum aduersa miserunt, vita illis nihil opus esse ratæ, qui liberam ultra animam ducere non possent. Extat Ouidij carmen, quo Augustum omnium propemodum gentium iam tunc victorem, in exspectatione belli sollicitum, Ratica arma timuisse neutiquam dissimulat. Et incredibile dictu, quantum ille parta victoria gauisus, quantumq; ad posteritatis memoriam ex ea gloriæ sperauerit. Itaque Horatio, principi poetæ, luculentis versibus, qui hodie leguntur, illustrandam demandauit, reuocato in huius unius argumenti gratiam, ad scribendi studium, longo intervallo intermissum. Creditum etiam, quod Rati Sextili victi, Alexandria eodem mense in potestatem

venerit,

Ouid. trist. 2.  
Ratica nunc præ-  
bent Thraciæq;  
armamentum.

Horat. lib. 4.  
oda 4. & 14.



venerit, utramque causam, æquè ac primum Consulatum valuisse, cur Sextilem præ Septembri, quo mense natus erat, Augusti nomine insigniri passus sit. Validissima iuventutis pars, ne bellum retentaret, quod animo agitare poterat esse suspicio, abducta, relictæ qui colendis agris sufficerent, nec reprehendendis armis pares essent. Regio in duas primo provincias diuisa, Rætiae Noriciq; nomine, totidem Præsides accepit, & idoneis locis, aduersus internos externosq; hostes, alarum & cohortium auxilia. Vrbes deinde diuersis temporibus complures siue veteres instauratæ, siue nouæ conditæ, inter quas Coloniarum dignitate aliquot, cum utraque provincia, ciuium Romanorum, militum, colonorum, negotiatorum, plena & referta esset, ex proxima quippe atque continente Italia immigrantium. Quarum hodie aut memoria clarior, aut vestigia supersunt, nomina indicabimus, quâ Boica quidem regio pertinet: reliqua Rætiae & Norici prosequi, neque huius instituti est, & nos de Augusta Vindelica colonia, principe Rætorum Vindelicorumq; à prima provinciae constitutione urbe, quæ ex antiquis monumentis obseruata eruere licuit, octo libris comprehensa olim explicauimus. Reginoburgum ergo primum, Boicæ per multas ætates caput, Tiberij monumentum, Augustæ nomen tulisse creditur. Cuius rei fides quamquam nobis nunquâ constitit, opinio omnium mentes peruasit. Iuuania,

Y 2 nunc

Tabulæ itinerariae autographū in Peutingerorum museo Augustæ visitur.

Theod. lib. 3.  
tit. 2. l. 1.

Notit. utriusque  
imp. Itinerar.  
Ant. Ptol.

nunc Salisburgum, Hadriani; Ouilabis aut Ouilia, ut in tabula itineraria perantiqua legitur, M. Aurelij Antonini Imp. opus, Lambachum interpretantur; huius Laureacum item, quæ proximè Ensum Lorcha est, magnæ quondam urbis tenuè nunc vestigium, nisi verius Aureliano tribuimus. Atque eæ liquidò coloniæ, extant enim inscriptiones, Colonia Hadrianæ Iuuauia, Colonia Aureliæ Antonianæ Ouil. & Colonia Aureliæ Laureacensis. Quibus alias alij, leuitate animi vereor, nullo certo testimonio nixi, addidere. Iuuauiam à iuuando dictam, assentior, & omen agnosco. Secundæ etymon non vidi qui explicaret, sed aliæ alibi quoque urbes ab animalibus nomina traxere. In postrema, qui Laureacum aut Lauriacum, quemadmodum in Theodosij codice perscriptum reperimus, à laureatis litteris deducunt, quid nisi ludibrium grammaticorum pueris debent? Nemo neget, nesciri modestius pleraque in hoc genere. A Romanis præterea Castra Regina, Augusta aut Augustana, Quintana, Batava, quibus Danubij ripa prætenta. Regina Reginoburgo nomen fecere haud dubiè, nam Reginobirgæ Theodonis, nullus vetustior paullò scriptor meminit. Regen fluius id loci manet, in castrorum nomen adoptatus, cuiusmodi ad Quintana Quintanica etiam amnis fuit. Et ut Castra Regina aliquot passuum millium interuallo Reginoburgo aliquando abfuerint, loco pro re nata moueri, vocabulūq; potu-



potuere trahere : exemplo in libello cui utriusque Imperij notitia nomen fecit, Præfectus qui ex castris etiam istis Reginis, Vallatum migravit. Bataua in notæ celebritatis urbem, prisca fere nominis retinentem, abiit. Augustanorum & Quintanorum obscurior memoria, sed nec ea ex omni parte exolevit. Introrsus, Oeni pontes, Oetinga, supra memorati. Terioli in alpibus, cuius præsidij appellatio, magnum paullatim terrarum tractum occupavit. Boiodurum, Artobriga, Abudiacum, Cambodunum, Inutrium, Parthanum, & plura ad eum modum, patriam originem præ se ferunt, Romanâ prima fronte eiurant. Verum utriusque generis urbium nomina, qua ex doctorum hominum scriptis, qua lapidum monumentis, accuratè colligere, & suæ vetustati asserere, atque cum nostræ ætatis rationibus aptè componere, notha & spuria, ex scriptoribus item, & lapidibus perperam lectis intellectisq;, inconsulta quorundam temeritate inuecta, discernere & rejicere, alterius erit operæ, nunc nobis ab instituto cursu usque eo non deflectendū. Vtraque postea provincia rursus bifariam secta, credo quod suspectæ Imperatoribus, in uno aliquo Præsidente tam validæ ex propinquo vires : Rætia primæ & Notitia Imp. secundæ, Noricum mediterranei & riparij cognomina accepit, Hadriani Augusti auctoritate, nisi Ren. August. l. 6, meæ me coniecturæ fallunt. Primæ Rætiae Curiam caput extitisse, secundæ Augustam Vindelicorum,

Y 3      osten-

Causæ, magni-  
tudo urbis, quâ  
ruinæ ostendūt,  
sedes Episcopi,  
Classis, Fabrica  
scutaria. Notit.  
Imp.  
Eugip. c. 21.

Sigen. de pro-  
vinc. iure l. 2. c. 5.

Dio lib. 55.

Hund. metrop.  
catal. episcop.  
Laureac. ms. &  
mixtim alij.

ostensum alibi. In ripario Norico principem digni-  
tatem Laureaco tribuimus, multis de causis, in me-  
diterraneo, Eugippium sequuti, Tigurinæ aut Ti-  
burniæ, quæ an Teurnia antiquorum, ambigimus.  
Quo verò tempore prouinciæ in hunc modum bi-  
pertitæ, eodem potestas & imperium, quæ ad Præsides  
olim utraque pertinebant, pari cautione inui-  
cem disparata & seiuncta sunt. Vt apud Præsides po-  
testas maneret, hoc est cognitio & curatio rerum  
prouincialium, nam his vocabulis homines eruditi,  
potestatem definiunt, Imperium, quod procurati-  
one rei militaris continebatur, alteri cuiuspiam, Co-  
mitis primo, deinde Ducis titulo, demandaretur.  
Et cum alarum cohortiumq; præsidio prouinciæ pa-  
rum tutæ viderentur, primus M. Aurelius Anтони-  
nus, quo imperante Marcomanicum immane bel-  
lum exarsit, Legiones induxit, secundam in Nori-  
cum, tertiam in Rætiam, ambas Italicas à se institu-  
tas. Hæ ad extrema Romanorum tempora ijs locis  
perstiterunt, sed immixtis barbararum gentium auxi-  
lijs, quæ in Notitia ordine annotata videre est.  
Christianæ pietatis splendorem, haud multò post  
Christi seruatoris mortem illuxisse, fama obtinet,  
et si alia aliorum sunt narrationes, ut in tanta vetu-  
state, perturbata multorum casuum iniquitate an-  
nualium memoria, accidere necesse. Aut Petri prin-  
cipis Apostoli, aut Marci Euangelistæ, aut Herma-  
goræ missu (Hermagoras autem Aquileiæ Episco-  
pus,



pus, Marci discipulus fuit) Laurentium quendam, cuius præter nomen, reliqua obscura habentur & incerta, Laureacum venisse, primaq; vera religionis fundamenta apud Noricos iecisse. Docuisse post hæc in prouincia Lucium ex Britannicis Regibus, Aruiragi nepote natum, qui Curia in Alpibus occisus est. Laureaci successisse plures Episcopos, deperditis fere nominibus, per magna enim annorum spatia, solos Ierardum & Euthereum memorari. Caro Imperatore Numeriano & Carino Cæsaribus, Maximilianum præfuisse, qui cognoscente Eiulasio Præsede, iugulum pro Christo in patria Celeiæ præbuit. Quirinus inde excepit, etsi alijs contra visum, successisse Quirino Maximilianum, sed nos temporum rationem ex Imperatorum nominibus iniuimus. Hunc magno consensu Philippo Imp. natum ferunt, cetera ita narrant, ut historiam duorum hominum, vitæ sanctitate mortisq; constantia iuxta illustrium, manifestò confundant, errore ex rerum nominumq; similitudine videlicet orto, qua summi itidem interdum scriptores decepti offenderunt. Nam quo nostris venia paratior, & ut exemplo uniuersum genus absoluam, Gregorius Nazianzenus ad eum modum, Cyprianum Carthaginis Episcopum, & Cyprianum ex mago Christianum Nicomediæ à Iustina virgine redditum, pro uno accepit. Quirini autem inter diuos relati plures, tum ex martyrum ordine duo fuisse, quorum prior Claudij Gothici

Martyrol. Rom.  
iv. Id. Octobr.  
Cuspin. in Austria.

Utumque Quirinum martyre  
martyrol. Rom.  
habet.

Greg. orat. in  
laudē Cypriani.



thici Imp-iussu, Romæ viii. K. Aprilis ferro interfectus, à Mario & Martha Persis in Pontiani cœmeterio sepultus, sacrae corporis reliquiae, post annos à perpeſſo supplicio propemodum quingentos, Boiorum Principum pietate ad Tegerenses deportatae, condito monasterio, insigni venerationis cultu hætenus habentur. Ante annos totidem & eo amplius, Metellus monachus, vitæ necisq; historiam, & multa quæ deinde rerum miracula consequuta sunt, operosissimo carmine, in quo sibi, sæculi vitio, molestas difficilesq; parodiarum, & similiter cadentium versuum leges præscripsit, complexus est. Alter Diocletiano imperante, pro Christi fide in Illyrico molari saxo alligatus, Prid. Non. Iunias in flumen præcipitatus, egregia Prudentij, poetæ haud paullò melioris, oda celebratur, corpus, cum barbari provinciam postea vastarent, ne prophanis manibus violaretur, primùm Romam deuectum, via Appia, loco quem catatumbas vetera martyrum acta appellant, inde Mediolanum, Angilberti Episcopi opera translatum, inq; S. Vincentij Ecclesia conditum, præcipua hodieq; religione colitur. Quantum undique inter duos discrimen, nimirum apparet, quos tamen miscuere vulgò, eoq; rei antiquitatis caligine iam antea perobscuræ, densiores multò tenebras induxerunt. Nunc quoniam Laureaco alteruter transcribendus est, de posteriore non ambigam, quem Sabariæ in proxima Pannonia occisum, quemq;

Errat Molanus, qui in notis ad martyrol. hæc ad Quirinũ Scianum refert, Metellusenim monachus in Quirinalibus, & acta translationis, planè ostendunt Romanum ad Tegerenses translatum esse.

prud. petisteph.

Morigia de rebus Mediolan.



quemq; Episcopum fuisse, prisca monumenta consentiunt, cuiusmodi de priore nihil cuiquam unquam proditum. Vnum obstat in speciem, Siscianum illum, haudquaquam Laureacensem Episcopum dicunt. At Siscia natum, alibi Episcopi munere functum esse, neque novum videri debet, neque alienum ab hac loquutionis formula; deinde, si quæ de Laureacensis diœcesis olim magnitudine in litteras relata sunt, admittimus, Siscia Sabariaq; ad eam ambæ pertinuerint oportet: excusari tertio loco poterat, aut sedem mutasse, aut duas simul tenuisse, ut utrobique fuerit Episcopus, verum id præter ætatis consuetudinem & disciplinam positum, fidem non mereatur.

His iisdem Imperatoribus in Christianorum sanguinem saevientibus, cum Aquilinus riparij Norici Præles Laureaci acerrimas quæstiones exerceat, & ad quadraginta victos eo nomine in carcerem cōieciisset, Florianus, quem Tribunum militum Cecie Norici oppido præfuisse ferunt, diuinitus incensus cupiditate quicquid pœnarum & cruciarum pro pietate exhauriendi, ut erant feracia huiuscemodi exemplorum illa tunc tempora, in medium progressus, ultrò se eius religionis cultorem profiteri institit, quam tanto irarum æstu persequerentur, palam quidem vociferans, Quem alium quæritis? Ecce ego Christianus sum, ite, nuntiate Præsidi, hîc me adesse. Ductus itaque, quod interrogatus in cō-

Z fessione

Martyrol. Rom.  
iv. Non. Maij.  
et auctores quos  
citât Baron, in  
notat.



fessione perfisteret, fustibus semel iterumq; acceptus, & scapulas ferro contractus, Anasso fluuio submersus est. Post illa, quamquam alta à Constantino ecclesiæ pax & tranquillitas reddita, rerum Laureacensium permultos iterum annos memoria excidit, adeò plerumque plus claritudinis aduersa, quam secundæ res conferunt. Iuliani imperio Sabionæ, quæ inter Brixentas in alpibus, citra Bauxanum sita, ad Boicam olim pertinuit, Cassianum Episcopum docuisse proditum est, quem Foro Cornelij postea puerorum stylis confossum, Prudentius versibus memoriæ commendauit.

Catal. episcop.  
Brixin. Baron. in  
notat. ad mar-  
tyrol. Id. Aug.  
Prud. peristeph.

Seuerini vita ab  
Eugippio scri-  
pta.

Ab Attilæ morte, cum in magna rerum conuersione & perturbatione, barbarorum glisceret ferocitas & audacia, Romani contra ignauia & inertia torperent, omnia plena luctus & terroris essent, Seuerinus multorum monachorum pater, vir vitæ sanctimonia excellens, quam miranda opera, supra hominis conditionem ab eo edita, & multa priusquam euehrent præcognita atque prædicta, comprobant, ex ijs regionibus quæ ad orientem solem vergunt profectus, Pannoniæ, Noricæ, Rætici, tamquã propitium & salutare aliquod sidus affulsit, sed præcipuè Noricæ, adeò ut Noricorum Apostoli nomen tulerit, quo elogio Romana Ecclesia illum adhuc prosequitur. Vitæ historia ab Eugippio grauitè cōscripta extat, ex qua multa quæ ad Ecclesiarum tunc temporis in his oris constitutionem pernoscendam

perti-



pertineant, possint defumī. Episcopi munus, quan-  
 tumuis rogatus, constanter detrectavit, sibi verò  
 sufficere dictitans, quod abdicata semel solitudine,  
 cuius longè maximo desiderio teneretur, diuino cō-  
 silio in hominum lucem protractus, tot præsens in-  
 feliciū populorum ærumnas cogeretur intueri.  
 Monachorum interim collegijs instituendis, mori-  
 busq; informandis, & vulgò omnium ordinum ho-  
 minibus, qua consilio qua auxilio subleuandis, in-  
 struendis, solandis, operam impendens. Laureaci  
 Constantinus agebat Episcopum, Tiburniæ an Ti-  
 gurinæ Paulinus. Valentinus ex Abbate Rætiarū  
 Episcopus, paullò ante mortem oppetierat, quem  
 Batauis officio aliquamdiu functum, at Arianorum  
 factione eiectum, reliquum vitæ in alpibus coluisse,  
 antiquorum monumentorum auctoritate testatum Sax. tomo 4.  
 habeo. Ceteris per prouinciam locis fere presbyte-  
 ros præfectos apparet, qua quoque conditione Ba-  
 taua pulso Valentino fuisse crediderim, quamquam  
 non nescius, presbyteros & Episcopos à plerisque in  
 hac historia imperitè confundi. Meminit Eugippius  
 presbyteri id loci, qui Seuerinum vaticinantem, &  
 quæ deinde euentura essent comminantem, scurrili  
 irrisu cauillatus, mox irruentibus barbaris, ad sacrū  
 baptisterium, quo confugerat, trucidatus, leuitatis  
 pœnas sanguine luerit. Quintanis Siluinus me-  
 moratur, post mortem semel obitam pluribus in-  
 spectantibus in vitam reuocatus. Iopia siue Iuua-  
 Z 2 uia,

Hund. in metrop. alij.

uiæ, Maximus, vir notæ sanctitatis, quem Seuerini vaticinio, & capessendæ fugæ hortatibus segnius parentem, Heruli urbe noctu capta patibulo suspensum necauerint, sodalibus supra quinquaginta, ut est ciuium narratio, præcipitibus de rupe missis, locus memoriam retinet, & cadauera religiosè condita, in æde quæ prius S. Amandi, nunc S. Margaritæ nomine dicta, asseruantur. Sed longior est Eugippij scriptio, quam quæ huc tota transferri debeat. Seuerinus Odoacre rerum in Italia potente mortuus est. Constantio Theodorus in Laureacensi sede suffectus, ad quem Symmachi Pontificis Maximi litteræ habentur, quarum exemplum infra scriptum proponimus.

Symmachus sanctæ Apostolicæ sedis Dei gratia Episcopus, Reuerendissimo & sanctissimo fratri Theodoro, sanctæ Laureacensis Ecclesiæ Archiepiscopo. Diebus vitæ tuæ pallij usum, quem ad sacerdotalis officij decorem, & ad ostendendam unanimi-  
tatem, quam cum Beato Petro Apostolo uniuersus grex dominicarum ouium, quæ ei commissæ sunt, habere non dubium est, ab Apostolica sede sicut decuit poposcisti. Quod, utpote ab eisdem Apostolis fundatæ Ecclesiæ, maiorum more libenter indulsumus, ad ostendendum te magistrum & Archiepiscopum, tuamq; sanctam Laureacensem Ecclesiam prouinciæ Pannoniarum sedem fore metropolitānam. Idcirco pallium, quod ex Apostolica  
cha-



charitate tibi destinauimus, quo uti debeas secundum morem Ecclesiæ tuæ, solerter admoneamus pariterq; volumus ut intelligas, quia ipse vestitus, quo ad missarum solemnia ornaris, signum prætendit crucis, per quod scito te & fratribus debere compati, ac mundialibus illecebris in affectu crucifigi. Vnderogo, ut cum de foris huiusmodi insigni indueris, intus in animo considera, quod hoc sit magis oneris quam honoris, atque cor tuum, Deo regente, ab appetitu istius sæculi sic tempera, ut & commissam exequi gubernationem sic studeas, ut adeptæ dignitati, cuius sublimaris officio, & probitate morum & viuacitate sollicitudinis, ac custodia integerrimæ fidei congruas. Quatenus tu ipse à remuneratore omnium bonorum Deo, & benedictionis gratiam, vitamq; æternam consequi merearis.

Hinc Laureacensis sedis, ab Apostolorum ætate, antiquitas asseritur. Et cum Symmachus Theodorum pallio secundum Ecclesiæ suæ morem uti commonefaciat, ostendit, contra quam quibusdam visum, Laureacenses eius decoris ornamento, quod mysticis significationibus undiquaque venerabile, maxima semper existimatione habitum, non tunc primum fuisse affectos. Speciem atque figuram Symmachus nimirum explicat, materiam, quæ lana & lino constat, Isidorus Pelusiota, grauis in primis & Isid. lib. 1. ep. 136. prudens auctor, pellem referre ouis, quam Domi-

Z 3 nus



nus oberrantem quæsiuerit, inuentamq; humeris sustulerit, quo Episcopi eo honore insigniti admonentur, se boni & magni pastoris imitatores esse debere, qui gregis infirmitatem sibi ultro subleuandam & ferendam proposuit. Incidit Theodorus in Theodonis aut Theodonum tempora, anno post Christum natum quingentesimo vigesimo quarto fato functus. Qui à Boijs necatum tradidere, quam inanibus coniecturis indullerint, inde æstimes, quod Vigilius Tridentinum adijcere non sunt verecundati, quem una cum Remedio aut Rhemedio, quo Vigilius amico usus est, annis totis centum priusquam Theodo de traijciendo Danubio cogitaret, vixisse comperio. De prouincia, & eius incolis, atque institutis, anteaquam Boij immigrarunt, ad necessitudinem rei satis dictum.

Vigilius æqualis  
S Ambrosij fuit,  
scripsit enim ad  
eum Ambros. e-  
pist. 24. l. 3. Vfu-  
ardus in marty-  
rol. Stilicone  
Cof occisum  
narrat. Rheme-  
dium à Thaurō  
Vigilij amicum  
reminat Pyrr-  
hus Pinc. de vi-  
tis episc. Trid.

Arenpek. alij.

Belisarius igitur & Narses, ut eo tandem redeun-  
tes, narrationem dudum intermissam repetamus,  
rem aduersus Gothos gesserunt, sicut belli confecti  
gloria penes Narsen manserit. Insigne decus,  
Gothos Italiæ dominatu deiectos, plerique nostro-  
rum in Theodibaldum Theodoualdamue Boium  
(perpetua est hoc genus nominum inconstantia)  
leuiter transtulere. Vnus ceteris audacior, cuius no-  
mini parcimus, quin peccata subinde pæne coacti  
proponamus, facere non possumus, Theodoualdam  
Theodone Magno natum, scripsit, haudquaquam  
aduersus Gothos, sed verò in Romanos Narsis hor-  
tatu

ANN. POS  
CHR. NAT  
DLII.

THEODIBAL-  
DVS.



tatu concitatum, occupatis multis cis Padum urbibus, Italiae Regem appellatum esse, addito etiam alicubi, quod nulla vel temeritatis confessione excusari queat, visas à se litteras bene multas, quibus Theodoualda nomen cum ea honoris adiectione præscripserit. Vanitatem hominis? Sed quam idoneus auctor Agathias, illorum temporum æqualis, opportunè refellat. Agath. lib. 1.

ANN. POST  
CHR. NAT.  
DLII.

THEODIBAL-  
DVS.

Cæso enim Teia, postremo ex Italicis Gothorum Regibus, anno, quod annalium fide constat, post Christum natum quingentesimo quinquagesimo secundo, cum gentis reliquis, Francorum Alemanorumq; fiducia, arma reprehenderent, Agathias aliquem Vacarum fuisse narrat, Burnum genere, virum grauem & bellicosum, inter Gothica auxilia ut apparet merentem, cuius tum mortui filius THEODIBALDVS, cum popularibus ad Romanos flexerit, & Ariminum istoc consilio venerit, concessisse eo Narseni quoque, quo nouum fœderatum coram exciperet, & auxiliarem manum liberali donatiuo ad reliqua belli confirmaret. Atque eius unum istud, antiquum, certum, explicatū testimonium extat. In quo, ne quid callidè dissimulem, Græci nonnulli codices Varnos habent, quo nos loco Burnos, utrumque interpretem sequuti legere maluimus. Est enim Varnorum, siue Varinorum, longè diuersa natio, cum Burni vernaculum Boiorum nomen proximè referant, & verò Theodibaldum Boico sanguini domestica memoria,

Interpretes  
Christoph. Per-  
sona & Bonau.  
Vulcanius.

ria, per manus olim propagata, sine controuersia asserat, vetustior quam ut ex istis libris manasse suspicemur, quo tempore neque ij latinè legebantur, neque Græci, à nostris certè hominibus, intelligebantur. Itaque in patris etiam appellatione differunt, quem Vacarum Agathias, nostri Theodonem dixerunt, quo minus dubitabile, eis de Græco scriptore nihil unquam suboluisse. Discrimen in eam sententiam accipio, Theodoni sanè nomen fuisse, Vacarum militari cognomento, aut quæ Germanici sermonis ratio, prænominis dictum esse, id enim verbum ad alacritatem pertinet. Qua Theodibaldus popularesq; Boij, virtutis existimatione fuerint, Narses ostendit, cum eorum amicitiam maximo bello aduersus numerosissimas ferocissimasq; nationes, profusa liberalitate, & omni officiorum genere ambiuit. Et sufficere tantæ gloriæ cumulus, animis quantumuis excelsis poterat, Romanum, Boicis demum subnixum auxilijs, debellasse, certam Gothis seruitutis confessionem expressisse, Francos Alemanosq; aut occidione cecidisse, aut Italia eiecisse, nam hæc consequuta sunt, si gloriam cum modo quidam habere scirent, quod cum minus sit, immoderata eius auiditate, illa quæ iam parta erat corrumpitur. Sed feras priores utcunque, mediocris leuitatis homines, laudem cuius pars Theodibaldo debebatur, uniuersam tribuunt. Alteri quid facias? siue causam, siue rem cum Agathia conferas, nihil omnium congruit:

Waker Diet.

ANN. PO.  
CHR. NA.  
OLY.



congruit: documento, quid de Theodibaldi fratribus, prouinciæ inter eos diuisione, Saxonis & Auaricis expeditionibus, atque alijs, quæ satietatem veriti, excutere super sedimus, hîc alibi, scriptori prænimis confidenti sit fidei. Me sententiæ, quam in effusam eius coniectandi an ariolandi licentiam, supratulisse memini, nunquam pœnitebit. Aegrè interim est, quædam inter hæc, ne utiquam etiam vana reor, tot undique nugis obsepta, cum neque certis præterea testibus constare, nec ullo sat plano indicio possint dignosci, inuito prætereundâ elabi, veræ estimatione, quæ prima in hoc scribendi genere.

Vacarus an Theodo, quo consilio in Italiam venerit, ipsum se aperit, Gothis nimirum domine genti opitulatû venit, & mirum quam quæ de Theoderico & Boijs disputauimus, omnia consentiunt. Filius iurisiurandi religione Regum interitu solutus, Teiæ enim nemo suffectus est, cursum prudenter mutare, quam uno cum Gothis naufragio inuolui maluit, aliorum in eâdem causâ auersatus perfidiam, qui pacis condiciones à Narse semel acceptas, sub primâ Francicorum auxiliorum occasionem, iterum exerce non dubitarunt. Aberratum est autem ab annalium nostrorum scriptoribus, in temporis etiâ ratione non nihil, qui Gothos à Theodibaldo, anno quarto aut quintodecimo post Teiæ obitum, Italia exactos litteris mandauerint, cum tertius à Teiæ morte, annus post Christum natû quingentesimus.

Aa

quin-

ANN. POST  
CHR. NAT.  
DLV.



quingagesimus quintus, Gothici belli fuerit ultimus.

Decimus exin, maximorum virorum Iustiniani Imp. Belisarij patricij, & Clotarij Francorum Regis morte funestus, Vtonem siue Vtilonem Theodonis filium Boijs abstulit, vigesimo septimo postquam regnare coeperat. Nominis monumentum Oetinga, quod Vtinum dicunt, fertur; parum mea sententia consideratè, siquidem eam appellationem tulisse cum Theodo pater Danubium transmisit, ex historia verum est.

Clarus per ea tempora Fortunatus Episcopus, cuius multa ingenij monumenta, carminum in primis libri celebrantur, cum voti damnatus, ex Italia in Galliam ad S. Martini tumultum religionis ergo proficisceretur, iter per Noricum & Boicam tenuit. Rei memoria tum apud ipsum extat, editis fluuio- rum quæ traiecit nominibus, tum apud Paulum. Et quod supra significauimus, Boios cis Danubium, neque tunc Francis, neque ijs qui Italia potiebantur paruisse, Fortunatus quoque subobscurè innuit, quo loco sub finem eorum versuum quos de S. Martino scripsit, libellum in patriam remissurus alloquens, permensi itineris mansiones retrorsus designat, posito quippe Augusta ad Lycum nomine, ita pergendum monet, si Boius non obstitit. Quæ cautione nihilo magis opus erat in Boica, quam in ceteris Gallia & Italia omnibus prouincijs, nisi Boij suo

Fort. epist. ad  
Gregor. Padu.  
Athesim. Brin-  
sam, Planem,  
Liquentia, Teli-  
amentumq; tra-  
nans, per alpem  
Iulampendulus  
montanum anfra-  
ctibus, Drauum  
Norico, Oenum  
Breconu, Licam  
Bauaria, Da-  
nubium Alamā-  
nia, Rhenū Ger-  
mania transiens  
etc.  
Paul. diac. l. 2.  
c. 13.  
Fort. versus ex  
vita S. Mart. su-  
pra citatus est.  
pag. 159.

ANN. POST  
CHR. NAT.  
DLXV.

ANN. POST  
CHR. NAT.  
DLXVI.



fuo sigillatim iure & arbitrato vixissent.

ANN. POST  
CHR. NAT.  
DLXV.  
ANN. POST  
CHR. NAT.  
DLXVIII.  
Anno quingentesimo sexagesimo octauo, Langobardi relicta Pannonia, quam vi & armis habuerant per annos duos & quadraginta, Italiam Alboino duce ingressi, Romanos pepulere, & regnum longè florentissimum in Cisalpina Gallia constituerunt.

Inter auxilia, præter complura gentium nomina, Sueui numerantur & Norici, Boij nimium, quibus quod Alboinus parto regno vicos habitandos contribuit, ij appellationes traxere quæ Pauli adhuc ætate, cum effluxissent anni circiter ducenti, perdurabant, neque nunc vestigia exoluisse, in Aquilejensium annalibus reperio. Itaque haud de nihilo est, quod à Paulo etiam proditum, Boios patrijs carminibus præter bellicas Alboini laudes, liberalitatem celebrare solitos. Et ab hoc principio, mutuis fere deinceps officijs inter utramque gentem certatum, si quæ, ut inter vicinos offensiones, nec ea atroces fuere, neque diuturnæ.

Pannoniæ possessio Hunnis cessit, lege dicta, quicumque Langobardos casus pedem referre cogeret, ut omnia bellorum dubia & incerta sunt, eo unde digrediebantur iterum receptus esset, Hunni moniti regionem statim traderent. Verum id quidem usu nunquam venit. Hunni siue Auares, nam duo sunt unius gentis vocabula, Anasso deinde tenus coluere, & quod fluminis tantum alueus distineret, occasionem sequuti, Boicam multis sæculis, qua iusto bello,

Aa 2 lo,

Paul. diac. l. 2.

c. 7.

Paul. l. 2. c. 16.

Ioan. Candidus  
rer. Aquil. l. 1.  
Paul. l. 1. c. ult.



lo, qua perpetuis excursionibus & latrocinijs, per omnia barbaræ & immanis crudelitatis exempla infestam habuere, sed vice crebrò relata, cum nullo accolarum manus sæpius confertæ, nec plura inuicem damna aut data aut accepta sunt. Prima hostilem impetum situ proxima Laureacum excepit, & urbes circa, fines ex improvisò inuasi, multi mortales necati, multi cum pecore atque alia præda capti, agri vastati, ædificia incensa, nulla denique res incolumis relicta cui ferro aut igni noceri potuit. Auctores sunt, Episcopum tanta calamitate admonitum, sedem ad Bataua transtulisse: quod siue tum statim, siue aliquot post annis contigit, uti magis credo, Hunnorum vicinia Laureacensem Ecclesiam disturbatam esse, dubitationem non habet.

Theodopertum Theodone tertio prognatum posthac, & Theffalonum Theodibaldi filium genti pariter imperasse, Theodoperto, Garibaldum aut Garioualdam ortum esse, illis annalibus proditum video, quorum mihi fides perpetuo suspecta est, eo placitum rem hæcenus in medio destituere. Nā dubia reliquorum isto loco, unius GARIBALDI illustre nomen, publicis auctorum monumentis posteritatis memoriæ asseritur, ignoratò tamen genere. Ego propior existimanti sim, superiores cum principes nullo propinquioris cognationis vinctulo attigisse. Itaque domestici scriptores, eo ferme modo quo de homine nouo & ignoto, qui in alienam possi-

Magni presbyt.  
chron. mf. & Io.  
an. Steindel. qui  
tamen hæc o-  
mnia ad an. 572.  
refert.

GARIBALDVS.

ANN. FO.  
CHF. NA.  
LXXVI



sessionem per vim & iniuriam inuolauerit, sermo so-  
 let institui, Garibaldum quendam, hac enim appo-  
 sitione usi, Boicam occupasse narrant, parum omni-  
 nò aptè, si pater, auus, maiores reliqui, eodem loco  
 Animus inclinatur, Gariwaldum Ducem credere, cui  
 Clotarium Francorum Regem, annum circiter  
 quingentesimum quinquagesimum quartum, uxo-  
 re Vuldotrada cessisse, Gregorius Turonensis me-  
 morat, cum Episcopi eâ Regi interdixissent, quod  
 fratris prius nepoti nuptam, cum defuncti mariti  
 magno patruo coniugij ius per sacras leges habere  
 negarent. Paulus Valderadam, Vachone Langobar-  
 dorum Rege editam, maritum Garipaldum nomi-  
 nat. Nam quod nuperus quidam, Garibaldo Boio  
 Alsuindam Martiam uxorem tribuit, Ilduino Mar-  
 tio Mediolani Duce, & Anicia Siluia Proba Tertulli  
 Consulis filia ortam, neque auctor placet, & ut ma-  
 ximè placeat, diuersa matrimonia esse potuere.  
 Verum instituti memores, coniecturam non urge-  
 mus, posuisse satis sit. Garibaldus ergo, qui-  
 cumque & undecumque fuerit, siue excitatus Rege  
 socero, siue virium fiducia, siue qua alia causa im-  
 pulsus, quod inter omnes conuenit, assumptis prin-  
 cipalis fortunæ insignibus, Boiorum se Regem di-  
 xit. De anno non una sententia; Arenpekium se-  
 quuti, ad eum qui post Christum natum quingen-  
 tesimus septuagesimus septimus numeratur, referi-  
 mus; neque ut eâ ratio multum aberret fieri potest.

Arenpek. etiam  
 Garibaldū Boi-  
 cam occupasse  
 scribit, non ta-  
 men quendam  
 adiecto.

Greg. l. 4. c. 9.

Paul. l. 1. c. 11.

Thom. Porca-  
 chius lib. 3. de  
 fam. Malaspina:

ANN. POST  
 CHR. NAT.  
 .LXXV.II.

Aa 3 Libe-



Liberis auāus, quibus Vuldotradam matrem fuisse, temporis rationi congruat, regnum affinitatibus firmare aggreditur. Sequenti anno, quod Longobardi, occiso paullò ante Clephone Rege, imperium Italicum in triginta Duces tribuissent, proximum ex ijs Euinum, qui Tridento præfectus, Boicam ditio-  
ne contingebat, generum legit.

Francis interea Reges fratres quatuor per tetrarchias dominabantur. Sigeberto natu minimo Mediomatrices, quod Austrasiæ regnum dicunt, sorte obuenerant. Is cum Fredegundis scelere, à sicarijs confossus occubuisse, Childebertum filium successorem habuit. Anno Childeberti secundo, Rupertus, homo summam generis nobilitatem, quam ad Reges referebat, virtute & sanctitate supergrediens, Vangionum egit Episcopum. Omnibus eius muneris partibus ita functus, ut magni plerique nominis viri, ex longinquis regionibus, famæ celebritatem sequuti venerint, siue de præcipuis Catholicæ religionis capitibus magno cum fructu disputantē audituri, siue rebus dubijs & afflictis, consilium solamenq; relaturi. Ea re cum Catholici insignes progressus facerent, ardebat inuidia Arianorum factio, sectatorum frequentia, & Beringerij Regij apud Vangiones Comitibus indulgentia, tum præpotens: hæc multa molita, perfecit, ut vir planè diuinus, indignis modis habitus, virgisq; per summam contumeliam cæsus, urbe pelleretur. Multis post annis Boios,

Vita extat ap.  
Sur.

ANN. POST  
CHR. NAT.  
DLXXVIII

ANN. POST  
CHR. NAT.  
DLXXX  
DLXXXV

DLXXXI



Boios, quod sequenti libro narraturi sumus, Christianam pietatem docuit, sacroq; lauacro tinxit. Constat ex vitæ historia, sub Childeberto Vangionum urbi præfuisse; sed cum Reges duo eodem Childeberti nomine extiterint, quorum prior Clodoueo Magno natus, superioribus annis Francis imperauit, fuere qui, ut omnem historiam peruerterent, Rupertum eo retulere; absurdè, cum Vangiones ad Mediomatricum regnum pertinuerint, Childebertus maior regiam habuerit Parisijs.

Langobardorum regnum, abdicato Ducum concilio, anno quingentesimo octogesimo aut quinto aut sexto, ad Flauium Autharim, Clephonis filium redijt: quem Garibaldo asciscendi huiusmodi obuenit occasio. Childebertus Chlodofindam sororem, Authari prius pactam, commutata derepente voluntate, Richaredo Gothorum in Hispania Regi, anno quingentesimo octogesimo nono, nuptum tradidit, leuitatis excusatione in religionem versa, qui Gothos pietate Catholica recens imbutos, Langobardis ab hac alienis, præferret. Langobardum, post tantam illatam contumeliam, quod Reges solent, omni conatu sumpsit euertendum: accedebat Mauritiij Imperatoris perpetuæ adhortationes, qui de vindicanda Italiæ possessione seriò cogitans, magnum putabat Francum in Autharim impellere. Autharis externa auxilia aduersus tantum hostem circumspectiunda intelligens, alteram Garibaldi fili-

am,

Herman. & Sigeb. an. 586. præferunt. Ratio tempor. sic habet. Langobardi Italiam duce Alboino ingressi an. 568. Alboinus regnauit, si ab ingressu cū Greg. l. 4. c. 35. nuncres, an. VII. si à regno cōstituto cum Paulo l. 2. c. 28. & Aim. l. 3. c. 17, ann. III. cum dimidio, obiit an. 574. Clepho regnauit sesquiannum, ob. 575, ut Herman. prodidit, 576. ut Sigebertus. Hinc x. annorū inter regnum sub Ducu concilio, quod an. siue 585. siue 586. Authari Rege creato desijt. Paul l. 3. c. 16. & seq.

NN. POST  
HR. NAT.  
LXXVIII.

DLXXX.

ANN. POST  
CHR. NAT.  
DLXXXV.  
DLXXXVI.

DLXXXIX.







faciem à summo permulsi. Erubuit ea re virgo & nutrici de hospite quæstæ est; anus ætate callidior, alumnæ monet, factum silentio premeret, Autharim illum haud dubiè sponsum esse, nullius alterius co-processuram, fuisse audaciam, bene habere, quod dignus profectò qui unus regno & regia virgine potiretur, erat enim celsus corpore, coma nitens, ætatis flore iuxta & forma conspicuus. Accepto commeatu legati domum redeunt, ubi ad utriusque regni fines ventum, cum Boij honoris ergo deductores additi, abitum pararent, Autharis in equum erectus, securiculam quam manu gestabat, quanto potuit connisu proximæ arbori inflictam fixam reliquit, adiiciens insuper, Sic ferire solet Autharis, quæ eum primum vox Boijs prodidit. Langobardicam affinitatem maximi Francorum motus, & Boici

ANN. POST  
CHR. NAT.  
DXC.

GVNDALDVS.

imperij conuersio sequuta; Childebertus Garibaldum proximo anno bello aggressus est. Et proinptu erat prætexere, pelli regno incubatorem, veros vterosq; ex Agilolfinga familia dominos reduci. Theodelinda huius calamitatis pericula declinata, ad maritum in Italiam, una cum fratre Gvndaldò proficiscitur. Autharis maxima frequentia obuiam properans, nuptias in campis Veronensibus, quibus Sardis nomen, apparatissima pompa, insigni omnium ordinum lætitia, Idibus Maijs celebravit. Oborta inter earum solemnia valida ventorum & tonitruorum tempestate, cum fulmen regij

Pàul. obscure, cum propter Francorum aduentum perturbatio Garibaldo Regi aduenisset. Discreta annales domestici.

An. siue 590 siue 591. variant enim Sigeb. & Herman.

Bb taber-



tabernaculi tignum disiecisset, ariolus ex Agilulfi Taurinorum Ducis familia, vetitas artes doctus, dominum clam monuit, id lætum illi ostentum, portendere mulierem quæ nunc Regi nuberet, breui in ipsius matrimonio futuram. Agilulfus inuidiam veritus, hominem grauitè increpans, mortem minatur, si ea de re verbum præterea faciat. Vaticinator nihil territus, ego quidem occidi inquit possum, fata mutari non possunt. Prædictionis fides euentu comprobata, ex admiratione memoriam meruit.

App. c. 34.

In Gregorij appendice, GRIMOALDVS & Gundoadus Theodelindæ fratres nominantur, domestici scriptores Gundoadi meminere, quem pater regno collegam ascuerit, Grimoaldi nomen non habent. Belli hunc fuisse exitum, in mira annalium nuditate, res loquitur, ut Childeburtus Garibaldo pulso, regnum THASSILONI asseruerit. Thassilo Theodibaldo natus esse, eo quem Narfi in Italia militasse diximus, creditur. GRIMOALDVS  
THASSILON

Paul. diac. l. 4. c. 7. Sigeb. & Herman. aliquot annis scrius hæc contigit. se insinuare videntur, initia enim Thassilonis cum expeditione Slaui perperam coniungunt.

Boijs principum ambitio atque contentio magno constitit: insinuauit se Francus, haud multò secus, quam Stefichori ad Himerentes de equite sermo habet, ius & æquum tuiturus, per beneficij speciem, quæ maximè regia ad fallendum via est, rerum interim suarum, & imperij proferendi primam rationem ducens. Et pactione inita, prouincia posthac proprios Duces ex Agilolfinga familia tenuit equidem, quin Thassiloni Regij nominis decus mansisse aliquan-



quantisper, ut sunt mollia rerum initia, ex Paulo comperimus, sed ijdem Francicis Regibus vixere obnoxij, acceptisq; ab his legibus, populum beneficiario fere iure moderati sunt. Cum superioribus temporibus Francici imperij ditio, quantum omnibus disquisitis vestigijs licuit adhuc pernoſcere, Danubium Lycumq; nunquam tranſcenderit. Garibaldum Chriſtiana ſacra coluiſſe, noſtri retulere, & fidem Theodelindæ filia præclara pietas comprobatur, neque opinari diſplicet, magnam fuiſſe novitatis invidiam, ab alienatis ea re, adverſarij commodo, procerum populariumq; animis, priſcæ Deorum ſuperſtitioni vulgò adhuc obſtrictis. Nam ne nunc quidem factum gratia ſequitur, primæ Chriſtianitatis gloria in Theodonem, qui ſecundo deinde loco regnavit, translata. Siue eius quod intra Garibaldi domum ſtetit, gentem nulla ex parte attigit, ratio non eſt habita, ſiue alienum ab Agilolfingorum familia, poſteri principis honore non dignati ſunt. Quæ victo & eiecto fortuna, incertum: ſunt qui regno iterum potitum aſſeuerant, poſtquā in Italia aliquamdiu exulauerit; falſò. nominis enim ſimilitudine errant. Quod eius nulla porrò teſtata fidei extet memoria, rebus perditis diutius non ſuperuiſſe crediderim. Gundoaldus filius, affinitatis ſuffragatione Aſtenſem apud Ligures Ducatum nactus, ex nobili ſcæmina liberos in ſpem alterius regni ſuſtulit, & Langobardis Boica ſtirps per mul-

tas Regum successiones dominata est. Sed hæc quidem posterius.

Paul. l. 3. c. 32.

Franci Boico bello defuncti, Langobardicum animo dudum conceptum aggressi, regione latè populata, pleraque in alpibus oppida, facta deditiōe nihil iam hostile rimentia, contra interpositam fidem excidēre, mortalibus omnibus in seruitutem abductis, nisi qui Agnello Tridentino, & Ingenuino Sabionense Episcopis deprecatoribus, sexcentis in virorum capita solidis redempti sunt. Ceterum Italici cœli impatientia per æstiuos menses morbis tentati, multis suorum amissis, cum Langobardi munitionum mœnibus conclusi pugnae copiam nō facerent, neque sine pugna victoriæ spes esset, nulla memorabili re gesta, domum redierunt.

Paul. l. 3. c. 36.  
Herman. Sigeb.  
Quod ex epist.  
17. l. 1. Gregorij  
Magni contra  
afferri potest,  
vim haberet, nisi  
constaret pleraque  
epistolas traiectas esse, &  
mense Decembri,  
ut relata, non scriptam  
verba quæ sequuntur ostendunt,  
*In hac quæ nuper expleta est paschalis solennitate.*

Autharis sexto anno à regno adito, nonis Septembris, florente ætate, imminatura morte, incertum cuius fraude, veneno extinguitur. Theodelinda interim, præcellens ad eò prudentiæ & moderationis specimen ediderat, ut re ad interregnum delapsa, imperium nouo exemplo, & fœminæ, & peregrinæ, omnium voluntate fuerit demandatum, facta simul optandi potestate, maritum quem vellet, quemq; tanto fastigio parem crederet, ex uniuerso Langobardorum numero. Illa exquisitis primorum sententijs, Agilulfum Taurinorum Ducem, Authari cognatione propinquum, bello fortem, & omnibus corporis animiq; virtutibus eo loco dignum, sibi

ANN. PO.  
CHR. N.  
DXCII

ANN. POST  
CHR. NAT.  
DXCII



ANN. POST  
CHR. NAT.  
DXCIII.

sibi coniugem, genti Regem legit. Vocato, craterem vini modicè libatum propinavit, quem ille accipiens, cum honore latus, se ad dextræ osculum venerabundus dmitteret, Regina verecundè subridens, Tu verò ori, non manui, osculum admoue Agilulfe inquit, & leuatum complexa exosculataq; consilium de Regno & nuptijs aperuit, quarum dies initio mensis Notembris omnium approbatione constituta, Agilulfus sequenti anno, mense Maio, publico gentis consensu, Mediolani Rex appellatus est.

At fœdam illustri coniugio notam Ioannes Boccacius in amatorijs narrationibus iuit inustum, ut ut flagitij dedecore erroris excusatione in speciem obducto. Verum qui uniuerso operi fabularum nomen præscripsit, quam sibi in singulis eius partibus credi non cuperet, nimirum ipse ostendit, neque nos fidem quam petenti negaremus, respicienti adhibebimus. Maximum unum omnium sine controuersia beneficium, Theodelinda apud Langobardos, atque uniuersam Italiam collocavit, cuius gratiam nulla annorum unquam diuturnitas obliteratura est. Cum Langobardi consue, aut in-

Boccac. Decamer. fab. 22.

Paul. l. 4, c. 6.

B b 3 sua-

ANN. POST  
CHR. NAT.  
DXCIII.

suadendo, orando peruenit, ut Catholicam pietatem pectore admitteret. Quod consilium quam multa & magna bona, publicè priuatimq; statim consequuta sunt. Rex ecclesijs quâ posset satisfactorius, plerasque possessiones ultrò largitus, Episcoporum existimationem, quæ contempta atque abiecta iacebat, ad aliquem dignitatis splendorem erexit, populares exemplo incitati, pristinam impietatem vulgò eiurare, ad ecclesiæ matris gremium, pœnitentia ducti, conuolare, aduersus res ministeriaq; diuina pariter affici. In qua causâ grauiter & prudenter, à consideratissimo scriptore, viro intantum laudando, in quantum virtus & doctrina possunt intelligi, Cæsare Baronio, Romanæ ecclesiæ Cardinali, obseruatum animaduerto, sic solere Deum, eligere infirma mundi, ut confundat fortia, tres fortissimas nationes, odio in nomen, siue Christianum, siue certè Catholicum, insignes, Francos, Gothos, Langobardos, à totidem regijs fœminis, Chrotilde, Ingunde, & Theodelinda, Burgunda & Franca illis, hac Boia, eodem propemodum modo, persuasus maritis Regibus, ad veræ religionis cultum esse retractos.

Card. Baron.  
an. 591.

Paul. 1, 4. c. 5.

Dialogos anno  
593. à Gregorio  
scriptos esse, o-  
fendit Baronius.

Gregorius Pontifex, virtutis & pietatis magnitudine cognomen nactus, libros de Italicorum patrū vita & miraculis, dialogorum forma conscriptos, eodem anno ad Theodelindam misit, sic æstimans, quæ fide & morum sanctimonia præstaret, eius animo



mo futurum id munus longè acceptissimum. Sed  
 extitere qui religiosissime fœminæ, per pietatis quo-  
 que speciem obrepentes, voluntatem à Gregorio &  
 Catholica simul ecclesia tantum non abalienarent.  
 Agitabatur à Iustiniani usque temporibus, nobilis  
 inter Episcopos controuersia, magnis utrimque a-  
 nimis, de tribus quibusdam capitibus à quinta syn-  
 odo Constantinopoli reprobatis, quæ Gregorius &  
 superiores aliquot Pontifices palam item damnaue-  
 rant: Id aduersarij contra Chalcedonensis concilij  
 decreta fieri, quamquam falsò criminati, Reginam  
 induxerunt, ut Constantium Mediolanensem Epi-  
 scopum, trium capitum damnationi assentientem,  
 eo nomine auersaretur. Gregorius exemplum veri-  
 tatis, legatos misit qui officij admonerent, & in hæc  
 ad eam, adq; Constantium, verba scripsit. Ad Con-  
 stantium quidem,

Quod autem dicitur filiam nostram Theodelin- Greg. lib. 3. ep. 23  
 dam Reginam, se se à communione tua hoc audito  
 nuntio suspendisse: constat per omnia, quia etsi pra-  
 uorum hominum verbis ad paullulum seducta est,  
 venientibus tamen Hippolyto Notario & Ioanne  
 Abbate, erit modis omnibus vestræ fraternitatis cõ-  
 munionem quæsitura. Cui etiã meas epistolas dire-  
 xi, quas fraternitas vestra sine dilatione transmittat.  
 Ad Theodelindam verò,

Quorundam ad nos relatione peruenit, ab ali- Greg. l. 3. ep. 4  
 quibus Episcopis gloriam vestram usque ad hoc  
 scan-

scandalum contra sanctam Ecclesiam fuisse perdu-  
ctam, ut se à Catholica unanimatis communio-  
ne suspenderet. Quod quantum vos purè diligi-  
mus, tantum de vobis fortius dolemus, quia vos  
imperitis stultisq; hominibus creditis, qui non so-  
lum ea quæ loquuntur nesciunt, sed vix ea percipere  
quæ audierint possunt. Dicunt enim piæ memoriæ  
Iustiniani temporibus aliqua contra Chalcedonen-  
sem synodum fuisse constituta, qui dum neque le-  
gunt neque legentibus credunt, in ipso errore ma-  
nent quem sibi de nobis ipsi finxerunt. Nos enim  
teste conscientia fatemur, de fide eiusdem sancti  
Chalcedonensis concilij nihil motum nihil esse vi-  
olatum, sed quidquid prædicti Iustiniani tempori-  
bus actum est, ita actum est ut fides Chalcedonensis  
concilij in nullo vexaretur. Si quis autem contra e-  
iusdem synodi fidem aliquid loqui præsumit vel sa-  
pere, nos eius sensum sub anathematis interpositio-  
ne detestamur. Cum ergo integritatem nostram, ex  
conscientiæ vestræ attestazione cognoscitis, super-  
est ut vos nunquam à Catholica ecclesiæ commu-  
nitione separeris; ne tot vestræ lachrymæ, tantaq; bo-  
na opera pereant, si à fide vera inueniantur aliena.  
Decet ergo gloriam vestram ad reuerendissimum  
fratrem & cœpiscopum meum Constantium, cuius  
& fides & vita bene olim mihi approbata est, sub o-  
mni celeritate transmittere, eiq; directis vestris epi-  
stolis indicare, ordinationem eius quam benignè  
sulce-

ANN. P.  
CH. NA  
DXCI



suscepistis, & quia ab eius ecclesiæ communione in nullo separamini. Quamuis in hac re me vobis superflue dicere arbitror, quia etsi quid in vestro animo dubietatis fuit, veniente filio meo Ioanne Abbate atque Hippolyto Notario, ex corde vestro arbitror fuisse sublatum.

Verum altissimè in Theodelindæ pectus descenderat, abrogari abolitione trium capitum, Chalcedonensi concilio, quod pro præclara animi pietate, piaculare facinus arbitrata, quintæ synodi mentionem vix æquis auribus admittebat, uti ex epistola quam Gregorius sequenti anno ad Constantium dedit, intelligimus, delectat enim sanctissimi Pontificis complura verba illustrandæ historiæ identidem inferere.

ANN. POST  
CHR. NAT.  
DCCIV.

Quod autem scripsistis quia epistolam meam Greg. I. 1. ep. 37. Reginæ Theodelindæ transmittere minime voluistis, pro eo quod in ea quinta synodus nominabatur, si eam exinde scandalizari posse credidistis, rectè factum est ut minime transmitteretis. Vnde nunc ita facimus sicut vobis placuit, ut quatuor synodos solummodo laudaremus. De illa tamen synodo quæ in Constantinopoli postmodum facta est, quæ à multis quinta nominatur, scire vos volo, quia nihil contra quatuor sanctissimas synodos constituerit vel senserit, quippe quia in ea de personis tantummodo, non autem de fide aliquid gestum est, & de his personis de quibus in Chalcedonensi concilio

Cc

nihil



nihil continetur, sed post expressos canones facta contentio, & extrema actio de personis ventilata est. Nos tamen sicut voluistis ita fecimus, ut eiusdem synodi nullam memoriam faceremus. Sed & de Episcopis quæ scripsistis, prædictæ filiæ nostræ Reginæ scripsimus.

Paul. l. 4. c. 7.  
Herman. Sigeb.  
qui quod Thaf-  
silonē tunc de-  
mam Regem  
constitutum fu-  
isse innuunt, ex  
temporum rati-  
one & domesti-  
cis annalibus  
refelluntur.

Anno quingentesimo nonagesimo quinto Thaf-  
silo Slauos, graues perpetuo & infestos vicinos, bel-  
lo aggreditur: quorum præter Zechorum nationē,  
quæ Sarmatiâ effusa, Boiohemum tenuit, Qua-  
rantanorum aut Carantanorum alia, Dalmaticis o-  
ris progressa, Norici partem ad Hadriaticum sinum  
vergentem insidens, Boicam premebat. Parta victo-  
ria, maximā omnis generis prædam domum retulit.

Paul. l. 4. c. 8.

Quadriennio post pax inter Romanos & Lango-  
bardos, allaborante maximè Gregorij hortatu The-  
odelinda, coijt, & gratiæ Reginæ à Pontifice, appa-  
ratissimis verbis in hunc modum actæ.

Greg. l. 7. ep. 42.

Quia excellentia vestra ad faciendam se pacem  
studiosius & benignè sicut solet impenderit, renun-  
tante filio nostro Probo Abbate cognouimus, ne-  
que enim aliter de Christianitate vestra fuerat confi-  
dendum, nisi quia in caussa pacis laborem & bonita-  
tem vestram modis omnibus monstraretis, unde o-  
mnipotenti Deo gratias agimus, quia ita cor vestrū  
sua pietate regit, ut sicut rectam fidem tribuit, ita  
quoque placita sibi vos semper operari concedat.  
Non enim excellentissima filia de sanguine qui ab  
utraque

ANN. POST  
CHR. NAT.  
DXCV.

DIG.

ANN. I  
CHR. P  
DC.

DCI



utraque parte fundendus fuerat, parvam te credas acquisisse mercedem. Ex qua re voluntati vestræ gratiam referentes, Dei nostri misericordiam deprecamur, ut bonorum vobis vicem in corpore & in anima, hic & in futuro compenset. Salutantes præterea paterna dilectione hortamur, ut apud excellentissimum coniugem vestrum illa agatis, quatenus Christianæ reipublicæ societatem non renuat. Nam sicut & vos scire credimus, multis modis est utile si se ad eius amicitias conferre voluerit. Vos ergo more vestro, quæ ad gratiam partium pertinent semper studete, atque ubi causa mercedis se dederit, laborate, ut bona vestra amplius ante omnipotentis Dei oculos commenderis.

ANN. POST  
CHR. NAT.  
D C.

D C.

Proximo, bis mille Boiorum in expeditionem aduersus Slauos ducti, Cacani Regis superuentu occisione cæsi, cladem superioribus annis illatam recepêre.

Paul. l. 4. c. 11.

D C.

Sexcentesimo primo, Theodelinda Modiciæ, quæ duodecim passuum millibus Mediolano abest, situ sub alpibus in primis amœno, & salubribus aëris per æstiuos calores temperato, regiam & templum condidit, Theoderici Gothi iudicium sequuta, qui prætorium ibi olim struxerat. Regia, præter ædificij splendorem, picturâ veteres Langobardorum historias referente nobilitata, templum diuo Ioanni Baptistæ sacrum, amplis vectigalibus locupletatum, atque omni aureorum & argenteorum ornamentorum supellectile cultum est, quorum

Paul. l. 4. c. 21.

C c 2 rum



Hæc formula  
desumpta est ex  
editione Ascen-  
siana.

Paul, l. 5. c. 6.

Hæc etiam ex  
Ascensiana editi-  
one.

rum adhuc partem superesse ferunt. Voto gentem Baptistæ uniuersam obligauit, hac forma, ad veterem pietatis sensum, à Rege. & regni primoribus nuncupato. Vt ipse sanctus Ioannes pro nobis interpellator sit, ad dominum Deum nostrum Iesum Christum, nos omnes unanimiter pollicemur, illi omni anno in die natiuitatis suæ, hoc est VII. K. Iulij, de nostris facultatibus transmissuros honorificè, ad oraculum eius, ut per illius interpellationem habeamus iuuamen domini nostri Iesu Christi, tam in bello quam in alijs locis omnibus, quocumque ituri sumus. Ratæ fuere preces, quamdiu cultus religio perstitit. Memoriam proditum, Constantem Imperatorem post hos annos sexaginta, Langobardis bellum illaturum, cum Tarentum traiecisset, deq; euentu sollicitus, hominem solitariam vitam agentem, vaticinij laude clarum consularet, unius noctis petita mora, numine salutato, responsum tulisse, Nunc quidem vinci neuiquam posse, Reginae exteræ factum obstare, collocasse eam in Langobardorum finibus Baptistæ basilicam, qui Deum perpetuis precibus appellet, sed futurum aliquando, ut templi neglectum, gentis exitium consequeretur, cuius prædictionis fidem res temporum successu firmavit. Theodelinda donationis tabulis horribilem sanctionem adiecit, quæ filij nomen habet, Regis mariti non habet, itaque marito demum mortuo perscripta sit oportet. Offert gloriosissima

ANN. 1  
CHR. 2  
DCII  
DCII



ma Theodelinda Regina, una cum filio suo Adalualdo Rege, sancto Ioanni patrono suo, de dono Dei, & de dotibus, chartulam suæ donationis, quam in suorum præsentia scribere fecit. Si quis quolibet tempore, hanc testem voluntatis suæ corruperit, in iudicij extremi die cum Iuda traditore damnetur.

ANN. POST  
CHR. NAT.  
DCIII.  
DCIV.

Anno sexcentesimo tertio, Theodelindæ Adalualdus filius Modiciæ natus: quem illi Gregorius insequenti, pace eius haud obscure opera iterum constitutâ, hac epistola gratulatus est.

Scripta quæ ad nos dudum à Ianuensibus partibus transmisistis, gaudij vestri nos fecere participes, propter quod, omnipotentis Dei gratia, & filium vobis donatum, & quod valde excellentiæ vestræ est laudabile, Catholicæ eum fidei nouimus sociatum. Nec enim de Christianitate vestra aliud credendum, nisi id studere vos, ut quem diuino munere suscepistis, Catholicæ rectitudinis auxilio muniretis, ut & redemptor noster familiarem te suam famulam cognosceret, & Langobardorum genti nouum Regem in timore suo feliciter enutriret. Vnde oramus omnipotentem Deum, ut & vos in mandatorum suorum via custodiat, & eundem excellentissimum filium nostrum Adalualdum in suo faciat amore proficere: quatenus sicut hîc inter homines iam magnus est, sic quoque ex bonis actibus ante Deum sit gloriosus. Illud autem quod excellentia vestra scripsit, ut dilectissimo filio nostro Secundino Ab-

Greg. l. 12. ep. 7.

Cc 3 bati,

bati, ad ea quæ scripsit subtiliter respondere debemus: quis vel petitionem illius, vel vestra desideria, quæ multis esse pro futura cognoscit, si ægritudo non obsisteret, duceret postponenda? Sed tanta nos podagræ nunc infirmitas tenet, ut non solum non dictare, sed nec ad loquendum possimus assurgere, sicut & præsentium portitores legati vestri cognouerunt, qui nos & venientes infirmos inuenerunt, & discedentes in summo vitæ periculo atque discrimine reliquerunt. Sed si omnipotente Deo disponente conualuero, ad cuncta quæ mihi scripsit subtiliter respondebo. Eam tamen synodum quæ piæ memoriæ Iustiniani tempore facta est, per latores præsentium transmisi, ut prædictus filius meus dilectissimus ipsam relegens, agnoscat quod falsa sunt omnia quæ contra sedem Apostolicam vel Catholicam ecclesiam audierat. Absit enim nos cuiuslibet sensum hæretici recipere, vel à tomo sanctæ memoriæ Leonis prædecessoris nostri in aliquo deuiare. Sed quæcumque à sanctis quatuor synodis sunt definita recipimus, & quæcumque reprobata sunt cōdemnamus. Excellentissimo autem filio nostro Adulaualdo Regi transmittere phylacteria curauimus, id est crucem cum ligno sanctæ crucis domini, & lectionem sancti euangelij theca Persica inclusam. Filiæ quoque meæ sorori eius, tres annulos transmisi, duos cum hyacinthis, & unum cum albulâ; quæ eis per vos peto dari, ut apud eos nostra charitas

ANN. P  
CHR. N  
DCX



ritas ex vestra excellentia conditur. Paterna præterea charitate persoluentes salutationis officium, petimus ut excellentissimo filio nostro coniugi vestro, pro nobis de facta pace gratias referatis, atque eius animum sicut consuevistis, ad pacem de futuro per omnia prouocetis, quatenus mercedem populi innocentis, qui in scandalo perire poterat, ante conspectum Dei, inter multa bona quæ agitis inuenire possitis.

Hæc Theodelindæ laudibus ex omni parte referata, testimonium sanctimonix antea relatis consentiens perhibent; tum ostendunt, eam, ut ad tria capita hæsitantem, Pontificiæ auctoritati præcipuam reuerentiam detulisse, neque se à Catholicæ ecclesiæ communione, huius offendiculi causa, unquam abiunxisse.

Gregorius paullò post, mense Martio rebus humanis eximitur: Adalualdus Iulio, patris voluntate Langobardorù Rex appellatur.

ANN. POST  
CHR. NAT.  
DCX.

Anno sexcentesimo decimo, Gisulfus Foroiulensis Dux, ab Auaribus oppressus, ex Romilda vesana salacitatis fœmina, filias pudicitix laude insignes reliquit. Quæ cæso patre, euersâ patria, captiua ducta, calamitosissimo suo tempore inuenerunt, quo virginalis decus, quod seruis corporibus viminus poterant, fortunæ ingratis ingenio tuerentur. Conditis enim sub mammillari strophio crudis pullorum carnibus, ut calore corruptæ immane fœterent, militum non effugere vim tantum & contumeli-

Paul. I. + c. 38.

meliam, quod morte tamen plerasque redemisse, celebrata veterum exempla sunt, sed cogitationem omninò voluntatemq; libidinis auerterunt. Spreta itaque venundata, pares & patre, & animo isto, nuptias reperere. Quatuor sororum duo nomina prodita, Appa & GAILA, totidem perierunt, cum matris, tenebris tanto dignius, adhuc extet: Vna Alemanorum Regi, altera Boiorum principi collocata, Chiomaris & Cammis meritò annumeretur. An Garibaldo, qui rerum apud Boios paullò post potitus, quod quidam scripsere, nisi de opinione certum nihil est.

Paul. l. 4. c. 7. &  
l. c. 6. 41.

Vno aut altero anno interiecto, Thassilo fato cecidit. Cui Paulus, cum primùm ad Boicæ gubernacula admotus, Regis nomen tribuit, sub finem Ducem appellat: nos sub eo Boiorum Principum maiestatem statu motam, & Francicis Regibus submissam esse, hoc quoque argumento persuademur.

Arenpck. l. 2. c. 3.

Mortuo Thassilone, GARIBALDVS filius successit. Quem qui, nomine ducti, eundem Theodelindæ patrem existimauere, rediisse in imperium, tamquā postliminio, neque vera scripsere, neque verisimilia, itaque magnis difficultatibus, nulla necessaria ratione implicati, ut se se aliquā expedirent, multiplicem historiæ caliginem, quod certos errores incertis coniecturis tuendo, fere fit, offuderunt, nam idem de Thassilone prius commenti, quo fabulam tuerentur, centesimum ætatis annum attigisse, scriptum

ANN. POST  
CHR. NAT.  
DCXL  
DCXLII

GARIBALDVS  
SECUNDVS

GYNDOR  
TVS.



ptum reliquere, cum res in eum modum quo à nobis narrata est, Pauli auctoritate potuerit constitui, qui Paul. l. 4. c. 41. Garibaldum disertè Thassilonis filium nominat, quod si quis superiori Garibaldo convenire posse existimat, nimium ineptus est. Novus princeps paternum decus æmulatus, Sclauos, Carantanos nimirum, bello sollicitans, ad Aguntum Norici oppidum primo congressu infelicitè pugnare: hostes successu læti & feroces, facta in Boicam impressione prædas egere, dum ille, collectis breui iterum viribus, inopinantes adortus, omni præda exutos, finibus victor pepulit. Quod unum Garibaldi operum posteritatis memoriam meruit. In Italia Gundaldus, Astensium Princeps, Theodelindæ frater, Paul. l. 4. c. 42. sagittâ veneno illita ex insidijs incerto auctore missâ, moritur. Sceleris suspicio regiam attigit, iactatum, cumulasse Agilulsi & Theodelindæ odium, quo Appendix Greg. c. 34. fauorem maximè debuerat, alliciendis Langobardorum vel ingenio, vel arte, vel fortuna voluntatibus, nimiam visam in homine peregrino tam prolixam popularitatem, cui si rerum nouandarum aliquando voluntas accideret, dominantes contra nitenti, pares futuri vix essent. Sed nobis quidem, de sorore præsertim, Gregorio toties laudata, tamq; magnificè, & illa haud minus extera, quæ se domestico tanto præsidio cur orbaret? animus fraterni paricidij facinus refugit credere. Gundaldo filios fuisse reperio, GVNDObERTVM, de Appendix Greg. quo

D d

quo

GAILA

ANN. POST  
CHR. NAT.  
DCXI.  
DCXII.GARIBALDI  
SECUNDVSGVNDObERTVM.  
TVS.

quo præter ipsum nomen, nihil extat proditum: & Charibertum siue Aripertum, variè enim appellatur, qui regnum apud Langobardos post multos annos primus Boiorum tenuit, ut sequenti libro narrabitur.

MARCI



MARCI VELSERI


RERVM

BOICARVM

LIBER QVARTVS.

THEODO  
TERTIVS.

REGINO-  
DRVDES.



Sanctius deinde sæculum aggredimur. Garibaldo eis paucos annos sublato, THEODO prudentia & animi magnitudine inclytus, quem Garibaldi filium fuisse, suspicari quam affirmare magis possumus, Boiorum principatum adeptus, ingens Euangelio ostium aperuit. REGINODRVDEN uxorem annales Childeberto Franco natam ferunt: quod nomen Francicarum rerum auctores inter Childeberti Theodeberti; Regum liberos, Theodebertum enim alij patrem maluerunt, omnino non habent, sed illa stirpe explicanda & aliis indiligentes, quo minus fides nostris hominibus demenda est. Reginodrudem ergo familia dudum Christiana ortam, tot illustrium Reginarum exemplo, marito amplectendæ veritatis auctore fuisse credimus: & supererant rei iuvandæ, Christianæ religionis igniculi à Romanorum imperio, per omnem provinciam. Accessit fama sanctorum Ruperti Episcopi, & magnorum mirabiliumque operum quæ illo administro divina virtute

Garibaldum nō diu imperasse, ex collatione temporis quo Thasilo Garibaldi pater obiit, quoque Theodo Boicæ peritus est, sit cōsequēs.

Ioan Steind. an. 623. Regentant appellat, filiam Hildeberti Regis: recentior quidam, Theodeberti.

Vita S. Ruperti ap. Sur. tomo 2. breuius ant lect. tomo item 2.

Db 2 con-



constabat patrari. Motus Theodo, summo viri coram videndi desiderio incensus est. Primos suorum mittit, qui honestissima legatione obnixè deprecantes inuitarent, Veniret, Boicam conspectu dignaretur, genti rectum fidei viuendiq; iter ingredi cupienti, docendo præiret. Rupertus expensa tum oratorum amplitudine, tum orationis æquitate, gnarus hoc genus consilia non nisi diuinitus immitti, Deum ante omnia laudibus ac gratijs veneratus, qui in tenebris sedentes æterna lucis radijs institueret illustrare, preces nihil auersatus, redeuntibus legatis statim presbyteros adiunxit, ipse paullò post subsequutus, Reginoburgi à Theodone, cū insigni procerum comitatu obuiam progresso, incredibili lætitiâ maximo applausu excipitur: primus in ea urbe à Boijs conspectus Episcopus, nam ante Boica tempora quoldam sedisse non ambigam, etsi memoria fere excidit, unius Lupi superat, sanctitatis famâ posteritati commendata. Quem qui Zenone imperante à Theodone primo, pietatis causa casum narrant, temporum rationem nullam habent. Neque ego exemplum quo Boij in Christianorum sanguinem unquam læuierint, ullum proditum reperio. Absurdus errant, qui Lupum hunc cum eo confundunt, qui Chetmarum Carantanorum principem Pipini ætate in fide instituit. Rupertus indito iciunio, Theodonem Christianæ fidei mysterijs erudit, eruditum & satis iam confirmatum, abdicato

Catal. Episcop.  
Reginob. præter  
Lupum, Pauli-  
num & Rharar-  
um habet. Sed  
Paulinus Tibur-  
nia an Tigurina  
fuisse Episcopu,  
supra ostensum  
pag 179. Ratha-  
riū post Ruper-  
tum vixisse, in-  
fide narrabitur.

ANN. P.  
CHR. N.  
DCXV



dicato impio pessimorum dæmonum cultu, salutari baptismate abluit. Nullus dies Boijs latior, certè æquè salutaris illuxit. Principis exemplum plerique optimates sequuti, & populi magna vis, nobilium ignobiliumq; promiscuè, una omnes voce, teste quibus animi gaudijs intus perfruerentur, Dei benignitatem effusè celebrantes, quæ ex tetra caligine incam claritatem, nihil tale promeritos euocasset. Annum quo res tam magna constituta, simulachrorum cultus publico Ducis præiudicio damnatus est, dubium reddit annalium inconstantia, nobis singulorum morientis æstimated, propior vero visa ratio, sexcentimum decimum sextum post Christum natum ascribentium, aberrantibus facile longissimè, qui in Regum nominibus lapsi, historiam ad superiores Theodones retraxere, ante annos octoginta circiter vita iam functos. Episcopus inde Principis hortatu secundo Danubio deuectus, multam præterea pietatis sementem fecit, Euangelio omnibus qui secus ripam colerent libero sermone annuntiato, ad inferiorem usque Pannoniam, ibi exscendens iter retrò pedibus tenuit. Laureaci plerique à vana Deorum superstitione ad nos traducti, multi varijs morborum generibus Christi nomine inuocato leuati. Hinc in interiorem Boicam digressus, ijs in primis locis potiori cura insistens, quibus impietatem hæcenus maximè grassatam animaduerneret, statuis inanum Deorum ubique disijcien-

Dd 3 do,

ANN. POST  
CHR. NAT.  
DCXL.

Hunc annum  
Arenpokus ha-  
bet, præter alios.

do, & veræ religionis capitibus diligenter exponendo, rudes populorum animos ad unius Dei intelligentiam erexit. At Theodo circumspiciens quæ essent ornandis atque prouehendis inijs bene positis, veritus ne non rectè stabilita breui dilaberentur, institit Ruperto, sedem sacrorum legeret firmaretq; ex qua ipse & successores Episcopi, subiectam prouinciam salubribus præceptis informatam regerent. Placuit Iuuauia, splendida olim Romani nominis colonia, tum afflicta superiorum temporum barbaricis motibus & vastitate, in ruinis & solitudine cubans, urbis verius cadauer. Magno studio & alacritate instauratam, mutato veteri vocabulo Salisburgum dixere, à præfluente Salza. Templum Deo & apostolorum principi Petro cum cœnobio positum, Rupertus dicauit, sacerdotibus sacerdotumq; ministris, & omnibus subinde rebus quæ ad diuinum cultum Christiano ritu peragendum opportuna, Ducis liberalitate fretus, ampliter instruens. Neque defuit Theodo conceptæ spei, largis subministratis vestigalibus, pro illius præsertim temporis sacrorum hominum parsimonia & moderatione. Aemulati factum posteriores principes, multas certatim regiæ munificentiae donationes adiecerunt, ut Salisburgenses paullatim ad tantum splendoris fastigium excreuerint, quantum rari alij ubiuis terrarum Episcopi supergressi. Extat donationum breuiarium, anno quo Carolus Magnus Boica potitus, ab Arnone Episcopo

Annot. Arnonis  
episcopi, tomo  
1. ant. lect.



scopo conscriptum, quod nos præclarum vetustatis monumentum rati, sæpe deinceps laudaturi sumus. Tunc contributa præter urbem atque agrum circa, sylvarum & pascuorum abundè, tum villæ coloni- æq; rusticæ varijs locis complures, Mansos appella- bant: Romani quidem cum mansis tributarijs octo- ginta quinque, formula veteres Italici sanguinis prouinciales significante, quos paullò incommodi- us habitos par est credere: Vineæ ad Danubium pro- pe Reginoburgum aliquot: Salinis, fornaces exco- quendo sali viginti, & decuma omninò vectigalium quæ fiscus id loci cogeret. Salinas tum primum in- uentas, quod vulgo fertur, ex hoc scripto intelligi non pòtest. Non illud item, quod magnos ali- oquin auctores, nec tamen vetustos habet, Vtonem & Theodibaldum fratres Theodoni fuisse, baptis- mate à Ruperto Oetingæ & Bauzani tinctos, Boicâ scilicet inter fratres veluti in trientes secta. Cuius rei neque in Arnonis tabulis, nec in Ruperti vitæ histo- ria, ubi sanè debebat, extat vestigium, quin Salis- burgum ad Theodonis ditionem pertinuisse, utro- bique palam est, quæ ex ista cretione Vtoni paruisset oportebat. Verum enimuerò homines non mali, & quod probitatem fere consequitur, minime suspica- ces, fidem habendo ei quem nos toties notauimus, in errorem perducti sunt. Cum Tonazano & Viso auctoribus nuntiaretur, certo extra urbem lo- co nocturna lumina apparere, suauissimosq; odores diffun-

p. Canis. de M.  
virg. l. 5. c. 23. 29.  
Mart. Eifengi.  
de facel. Oeting.  
c. 4. 5. & alij non  
pauci.

diffundi, & multa ad hæc diuinitus fieri prodigia, Domingus præcipuæ venerationis sacerdos, rei explorandæ missus, veritate compertâ, visa enim per tres continentes noctes quæ narrata erant, ligneam crucem solemni ritu consecratam solo defixit, & tuguriolo pro præsentī copia rexit. Rupertus Theodonis consilio atque ope usus, exciso latè nemore, Maximiliano martyri templum sacrat, per amplō monachorum collegio addito. An Maximiliani martyris reliquiæ id loci conditæ, an alia ostento causa, scribentium breuitas non expressit. Neque hîc se Principis beneficentia desiderari passâ, magnū terræ tractum, patentem quaquā versus tria passuum millia, attribuit: id vitæ scriptor ad Theodibertum filium retulit, credo qui patris factum ratum habuerit. Tonazanus & Vrsus religionē tacti, omne patrimonium transcribere, addictis monasterio Vurmario & Cislino nepotibus, litteris operam daturis, quibus Rupertus usum fructum ex semisse donati patrimonij, beneficiario iure postea reddidit. Ruperti etiam opus Veltenburgum monasterium creditur: ego quod asseuerem non habeo.

Paul. l. 4. c. 14.  
Hermā. Agilulfum an. 616. St.  
gebertus 617.  
obijisse putant.

Cum Agilulfus interea temporis in Italia viuendi finem fecisset, Langobardici regni nomen ad Adalualdum puerum, pro curatio ad Theodelindam matrem redijt, quæ magno ecclesiarum & religionis bono, eam per annos integros decem tenuit, quibus exactis, Adalualdus mente alienatus, regno pulsus, priua-



priuatus triennio circiter superfuit, uti quidem u-  
nus nobis Sigebertus indicio. De Theodelinda ni-  
hil præterea, neque quousque vitam produxerit  
comperio, sed eorum coniecturis accesserim, qui  
ante filij insaniam obiisse existimant.

Neque quo anno Theodo naturæ satisfecerit ex-  
ploratum, Episcopo superstite decessisse liquet. Mo-  
riturus THEODIBERTVM filium vocat, & principatu  
de manu tradito, suprema mandata adiicit, Obse-  
quatur Ruperto, rem Christianam propaganti o-  
mnibus auxilijs adsit, Salisburgensem ecclesiam suo  
exemplo charam habeat, quâ possit dignitate auge-  
at, ita felix fortunatumq; futurum imperium. Pari-  
tum est optimis monitis, filius statim a patris fune-  
re, primis suorum assumptis, diuinum hominem ve-  
nerabundus adit, & in vasta solitudine ad diui Maxi-  
miliani conuentum, amplis muneribus colit.  
Rupertus sub hæc, rationem secum putans, messem  
multam operarios paucos esse, quod quamquam  
Boij Christiana sacra vulgo admitterent, supererant  
plerique in veteris superstitionis cœno occæcatis a-  
nimis obstinatè hærentes, domum in patriam abiit,  
& euocata subsidiaria duodecim sociorum cohorte,  
Cunibaldo & Gisilario presbyteris, sanctissimis viris  
præcipuè ducibus, qui instruendis populis auxilia-  
rem præberent operam, Salisburgum reuertitur. Ibi  
Erendrudem neptem, nam perperam quibusdam  
soror credita, numerofo sacrarum virginum colle-

Ec gio.

Sigeb. Agilul-  
sum an. 617. 12  
mortuum, filiū  
annos 10. regna-  
se, 630. obiisse  
significat, itaque  
trienniopriuātū  
vixisse cōsequi-  
tur.

P. Cratepol. de  
sanctis Germ.  
Theodonē san-  
ctum cognomi-  
nat, coniecturā  
ut apparet, sine  
ullius scriptoris  
testimonio se-  
quutus.

Arno disertè ne-  
priam appellat.

THEODIBER-  
TYS.



Ioan. Steindel.

Nonnarum no-  
mine usus S. Hi-  
er6. ad Eustoch.  
de custodia virg.

gio præficit, ædificato à Reginodrude ad urbem monasterio, anno post Christum natum sexcentesimo vigesimo tertio, Nonnarum montem etiam nunc appellant, vocabulo ex ultima Christianorum antiquitate repetito, in quo liberaliter ornando Theodibertus patris pietatem adæquavit. Inde nouo sociorum comitatu fretus, omnem denuo Boicam circumiens, multos adhuc spicarum manipulos ecclesiæ horreo intulit, constitutis plerisque locis presbyteris, qui insolentes mutatæ religionis animos ad Christiana mysteria paullatim assuefacerent. Neque fieri potest, quin per eam occasionem ædes ædiculæq; sacræ multæ passim dedicatæ fuerint, sed memoria duarum præcipuè, Reginoburgi & Oetingæ manet, Mariæ vîrginis appellatione utraque. Quod in eam partem accipio, præ ceteris insignes habitas, tum tutelari Mariæ nomine, tum quod Deorum prius fana, (hoc enim consentiens vetustatis fama habet) Christiano ritu expiata & cōsecrata, veluti trophæa ex superstitione deuicta viderentur. Secundum ea se Salisburgum iterum recipit, & supernè monitus mortalium laborum finem, æternitatis præmium prope esse, discipulis vocatis multumq; flentibus, qui se inter tot Christianæ fidei tirones, tanto præsidio destitui vehementer dolerent, futuræ mortis diem prædicit, erectoq; Christi fiducia animo, Salisburgensem sedem & uniuersam Boicam Deo precibus commendat, simul

osten-

ANN. POST  
CHR. NAT.  
DCXXIIIANN. POST  
CHR. NAT.  
DCXXIII



ANN. POST  
CHR. NAT.  
DCXXIII

ostendit, quem ex sacerdotum numero sibi succes-  
sorem substitui cupiat, Vitalem videlicet, notæ san-  
ctitatis, & apud omnes ordines gratiosum hominē.  
Ingrauescente per quadraginta ieiuniorum dies  
morbo, festa Christi resurgentis luce, quæ in VI. Kal.  
April. incidit, sese ut potuit colligens, obita re diui-  
na, sacrorumq; mysteriorum percepto viatico, mul-  
tum de virtute hortatus discipulos, lenissimo sermo-  
ne paterno prorsus affectu, inter complorantium  
manus expirauit. Auditæ canentium voces, ange-  
lorum creditæ, & visi obuersari inter iusta funebria  
candidati hominum specie, quos, quod eo officio  
functi disparuere, angelos fuisse nemo dubitauit.  
Rupertus cælo receptus, Boicæ Apostolus & tutela  
habitus. De anno immodicus est tradentium dis-  
sensus, ut nulli fere duo conueniant. Nos deprehen-  
so festum paschæ diem, ab anno omninò quingen-  
tesimo quadagesimo quinto, ad annum septingen-  
tesimum sextum, bis, neque eo sæpius, ad VI. Kal.  
Apriles rediisse, sexcentesimo nimirum vigesimo  
tertio & vigesimo octauo, certum characterem se-  
quuti, de alterutro sic pronuntiamus, ut æstimata  
rerum gestarum magnitudine in posteriorem simus  
proniore.

ANN. POST  
CHR. NAT.  
DCXXVIII.

Aequales illorum temporum, Philo Romæ ortus,  
Laureacensis Ecclesiæ Archiepiscopus, & Erchen-  
fridus ex Laureacensi clerico Batauensis Episcopus,  
cui Othocarus Honorij Pontificis iussu successit.

Catal, episco-  
por. Laureacens.  
& Batau.

E c 2 Abbas



Eust. vita à Iona  
scripta, etsi qui-  
dam Bede tribu-  
unt, ap. Sur. t. 2.

Abbas etiam Eustasius, qui Luxouienti nobili in pri-  
mis monasterio post Columbanum præfuit, Christi  
amore incensus in Boicam per hos annos excurrit,  
multisq; idolorum cultoribus meliore religione im-  
butis, & relictis qui bene cœpta porro urgerent, se  
ad Luxouientem sexcentorum monachorum pro-  
curationem retulit. Sequutus monachus Agrestius  
nomine, ut inuito & dehortante magistro, ita læ-  
uo successu, homo tanto muneri per omnia impar,  
aliquamdiu apud Boios sine fructu versatus, ad A-  
quileienses abiit, & se cum illis coniunxit, qui ab ec-  
clesia Romana iamdudum apertè descuerant, uti  
Ionas Eustasij discipulus prodidit. Cuius præterea  
luculentum extat testimonium, Boioarios etiam  
tunc temporis, eosdem Boios esse habitos, ne cui su-  
spicari in mentem veniat, maiores ea de re unquam  
dubitasse. Ionam enim, vetustum supra nongentos  
ipso annos scriptorem, eius loci & ordinis, adde pe-  
grinum hominem, aut indulgisse ambitiosæ gentis  
vanitati, si qua fuit, sed agresti propemodum sæculo  
quænam esse potuit? aut dubia & incomperta testa-  
tò voluisse ad posteros transmittere, nec dici proba-  
biliter, nec credi potest.

Aimoïn. & app.  
Greg. inuit au-  
tẽ Arioaldus, ut  
est ap. Herman.  
ad. 626. Paul. I.  
4. c. 49. Gunde-  
bergã Rodual-  
do, qui post Ro-

Apud Langobardos eiecto Adalualdo, Arioaldus  
Taurinorum dux, regiæ affinitatis prærogatiua re-  
gnabat, Gundebergæ quippe Adalualdi sorori ma-  
trimonio iunctus. Hæc Theodelinde matris laudes,  
pietatem in primis æmulata, quod mater Modiciæ  
fecerat,



fecerat, ipsa basilicam Ioanni Baptista Ticini, auro  
 argento & omnis generis sacra veste magnificè in-  
 structam, ædificat. Neque de cetero virtutem im-  
 munem colens, grauissimarum ærumnarum casibus  
 variè exercetur. Pudicitia & pulchritudine iuxta in-  
 signem, Adalulfus inter principes Langobardos, de  
 stupro appellare ausus est, illa execrata flagitiosi ho-  
 minis impudentiam, in loquentis os expuit. Tum  
 Adalulfus ignominiâ, néque proderetur metu in-  
 census, odio amorem mutat, Reginam marito ultrò  
 deferre occupat, venenum parare, quo incautum  
 tollat, dotale regnum ad Tasonem Etruriæ Ducem,  
 res nouas molientem, transferat, cum quo secretæ  
 coitiones factæ sint. Leues plerumque Regum su-  
 spiciones, cum timor acuit, imperium præceps.  
 Creditâ calumnia, carceri Gundeberga mancipatur.  
 Clotarium Francum mouit calamitatis indignitas,  
 legationem ex postulat, mittit, quid ita visum fœ-  
 minam Reginam, Reges Francos propinquitate at-  
 tingentem indicta causâ contumelia afficere. Lan-  
 gobardus iure factum tueri, & verò se leniter intraq;  
 facinoris magnitudinem vindicasse: cum legatus  
 subintulit, facilem huius causæ proponi exitum, si,  
 qui mos gentis vulgo erat, placeat secretorum in-  
 certa armorum iudicio definienda permittere. Ac-  
 cepta à Rege conditio, neque Adalulfus reperire qui  
 abnueret, quamquam nulla spe, in causâ plena sec-  
 leris. Certamen Ariperto Reginæ amitino, propin-

tharim regna-  
 uit, nupsiſſe ait,  
 ſimilitudine no-  
 minis Arioaldi  
 falſus, ſuperio-  
 res enim veriora  
 ſcripſiſſe, tem-  
 porum ratio e-  
 uincit.

Propriè amiti-  
 nus, natus enim  
 Aripertus Gun-  
 doaldo Theode-  
 lunde fratre. Ai-  
 moïn, l. 4. c. 10.  
 conſobrinum  
 dixit.

Ec 3

quitatis dixit.



quitatis iure obueniebat, is vicarium, quod & ipsum fieri assolebat, producit, qui cum accusatore congressus, perfidiam in populi conspectu victor ultus est, Gundeberga pristinum dignitatis gradum tenuit. Aimoinus regio Francico genere ortam scripsit, ego rationem non reperio, nisi si Garibaldus avus illam cognationem attigit, cuius rei nulla de cetero indicia. Fredegario an Thoromacho, Francorum parentem appellanti, magis credam, parentum enim nomine cognati & affines uniuersè vulgò iam tum veniebant, ut cum Vuldotrada primis secundisq; nuptijs Francicis Regibus fuerit collocata, nepti parentis Francorum appellatio, hoc saltem sensu, congruerit. Arioaldo anno post Christum natum sexcentesimo trigesimo octauo extincto, Gundeberga Rothari Harodo nupsit, matrimonio viâ ad regnum rursus munitâ. Sed ut malo docta, eum prius sacramento adigit, maximi inter homines beneficij memoriam, perpetuo amore & cultu seruandam, nunquam positurum. Improbum animum verborum religione tenere frustra conêris, breui res vertit. Rotharis cæsis plerisque Langobardorum primoribus, cum & uxoris pertæsum esset, custodia conditam ad priuatæ vitæ modum cogit. Vbi illa magno & Christiano animo, à tanta fortuna in eam humilitatem iterum deuoluta, per annos propemodum quinque, sacris ieiunijs & orationibus tempus fere terens, magna constantiæ exempla edere perseverauit.

*Etia multo ante  
parētes sic usur-  
pati, Vopiscus  
Probo, Adole-  
scētem nobilem  
parentem Vale-  
riani.*

*Paul. Arioaldū  
12. an. regnasse  
ait, eo est conse-  
quēs an. 638. ob-  
iisse. Herman. 7.  
tantum an. falso  
tribuit. De Ro-  
tharismatrimo-  
nio append. c.  
69. 79.*

*ANN. POST  
CHR. NAT.  
DCXXXVIII*

*HYGIB  
TVS.*

*PICTAVD*



ueravit. Francus rursus auxilio fuit. Aubedo alijs de  
caussis missus, tactus miseratione Reginae, quam su-  
perioribus aliquot legationibus florentem vidisset,  
Rotharim officij admonet, Francos iniuriam, quæ  
& ipsos tangeret, non neglecturos, suum in Gunde-  
berga beneficium asserturos ostendit. Rotharis aut  
famæ reuerentia, aut metu flexus, uxorem publico  
reddit, & insigni comitatu ante omnium ora per di-  
uorum templa circumductam, maritali posthac af-  
fectu, regali honore habuit.

In Boica Theodiberto HVGIBERTVS filius suc-  
cessit, omnibus annalibus præteritus, siue ob impe-  
rij breuitatem, siue quia nulla res gesta insignem  
reddidit, siue quæ aliæ causæ. Nos uno, sed certo &  
locuplete teste Arnone nitimur, qui quæ Salisbur-  
gensibus patris & aui exemplo contulerit, distinctè  
perscripsit. Thassilonem & Grimoaldum qui-  
dam ad hoc ipsum æuum referunt, obscura nihilo-  
minus, & aliquanto incertiore memoriâ. Vt frater  
Theodiberti Thassilo, Theodonem Theodibertūq;  
Boiorum post principes, & Grimoaldum procrea-  
uerit, Grimoaldi filia PLECTRVDIS fuerit, quæ Pipino  
Heristallo nupta, Drogonem & alterum Grimoal-  
dum peperit, nobilissima & sapientissima fœmina  
ab Aimoino appellata, sancta gloriosa & illustris à  
Marcellino. Imago cū inscriptione Batauis in summa  
Stephani martyris æde, quam Brunonis Batauenfrū  
Episcopi ætate Plectrudis condidisse fertur, superi-  
oribus

Aubedonē Clo-  
tarij legatū ap-  
pend. nominat,  
quod ratio tem-  
porum verū esse  
nō patitur, Clo-  
tariusenim ante  
Rotharim Regē  
obijt.

Arno in annot.  
de Theodiberto  
loquutus subiū-  
git, Successor  
namque filius e-  
ius Huchbertus  
Dux, tradidit in  
pago Rotaga etc.

Arnold. Vion. l.  
4. c. 6. Thassilo-  
nem sanctū ap-  
pellat, & cū Tu-  
tilone monacho  
S. Galli, qui cir-  
ca an. 880. vixit,  
confundit.  
Catal. episcop.  
Reginob. in S.  
Emeramio, Stei-  
delan. 641. Schri-  
tou. & Hund. in  
catal. Batau. Ple-  
ctrudem filiā fu-  
isse dicunt Gri-  
moaldi, Bauarie  
& Campaniæ, si-  
ue Ducis siue Re-  
gis, cuius rei cu-  
perem testes ve-  
tustiores.

HVGIBER-  
TVS.

ANN. POST  
CHR. NAT.  
DCXXVIII

PLECTRVDIS.



magis memi-  
nere Schritou. &  
Hud. inscriptio  
hæc fuit, *Plestru  
du regina a dex-  
trintum, in Sesti-  
tu deaurato, cir-  
cumdata Savie-  
rite.*  
Diplom. memi-  
nit Brusch. in  
monast. S. Wil-  
librordi.  
Marcellinus præ-  
lbyter in vita S.  
Suiberti ap. Sur-  
t. 2.

tribus annis viscebatur, neque certo neque nullo Boicæ originis indicio, nunc vetustate temporis exolevit. Sed utcumque eas coniectura habet, pater sanè Hugibertus aliquis, non Grimoaldus fuit, id enim ex Pipini diplomate constat. Quod Marcellinus, qui illum per ætatem videre potuit, Lotharingæ siue Austrasiorum Ducissam nominat, Boiam fuisse nihil impedit, ut alterius tituli dignitas à marito fluxerit.

Apud Francos Austrasianæ Regiæ Dagobertus patris voluntate præerat: in qua clarus RODOALDVS Boius, principum Agilolfingorum sanguis, summis honoribus, annitente Arnulpho episcopo & Pipino Landisio, auctus, perpetuum aularum vitium æmulo- rum invidiam effugere non potuit. Superbè auarè & impotenter agere delatum, Regis indignationi obijciunt. Tum ille vitæ metuens, ad Clotarium profugit, ibi patre deprecatore filium placasse visus, responsum tulit, bene de cetero sperare posse, si quæ peccasse diceretur corrigeret. Fidem habuisse exitio fuit: statim à reditu, Treueris pro ipsis regij cubiculi foribus obtruncatur. Aimoinus maioribus clarum, auctor Gregorianæ appendicis, nobili Agilolfingorum gente natum scripsere, ut Aemilio, diligenti alioqui & cauto, extenui loco fortunaq; creuisse, fides utique nulla sit. Verum hoc facinus unius capite, illud plurium stetit. Dagobertus à patris morte novem annis regnauerat, cum orto inter

Auares.

RODOALDVS

ANN. 1.  
CHR. 2.  
DCXLVI

AGILOL

ANN. POST  
CHR. NAT.  
DCXLVI



Auares & Bulgaros forte tumultu, quod per interre-  
gnum utrique Regem ex suo corpore ambirent sub-  
legi, Bulgari victi patria regione pulsi, virorum ad-  
modum nouem millia, extremae necessitatis vi ada-  
cti, cum uxoribus & liberis sedes à Francis ipsis ho-  
stibus petunt. Rex se deliberaturum ostendit, inte-  
rim in proxima Boica hyemarent. Ibi sparsim per vi-  
cos hospitio exceptos, una omnes nocte incautos iu-  
bet opprimi, neque ex tanto supplicum numero  
praeter Alticeum quisquam superfuit, qui coacta se-  
ptingentorum circiter manu, ad Valduccum Slaui  
Venedorum Ducem fugiens, insidiantis perfidiam  
quaesit.

ANN. POST  
CHR. NAT.  
DCXLVIII.

Septimo exin Dagobertus è vita abiit, Rex famâ,  
quamquam inter manifesta flagitia, ambigua, & ut  
benefacta crederentur plura. Omnium eius operum  
maximum ad posteritatis commendationem fuit,  
veteres subditarum gentium leges, à Theoderico  
Clodouci filio conditas, à Childeberto & Clotario  
variè pro temporum ratione interpolatas, emenda-  
se, quas illustrium virorum Chladij, Chadoindi,  
Magni, Agilolfi usus opera, in melius nouatas, scri-  
ptoq; comprehensas edidit, singulis nimirum po-  
pulis singulas & proprias. Boica diu tenuere, quâ  
AGILOLFVM potissimum auctorem, cumq; ad Agi-  
lolfingos pertinuisse suspicamur, quomodo Lotha-  
ricum olim & Lotharingorum una natio, & ea-  
dem Carolingorum atque Carolorum stirps, etiam si

F f diuerso

Append. Greg. c.  
71. Aimoin. l. 4  
c. 24.

Vulgati Regio-  
nis codices per-  
peram habent,  
Rex ad Heiman-  
dum & Baioari-  
am recipere pra-  
cepit. Corrig. ex  
ms. ad hyeman-  
dum ad Bat. ne  
quis noui hinc  
Boiorum prin-  
cipem concin-  
ner, ut est inter-  
dam ingeniosa  
infortia.

Varij codices  
Boicarum legu,  
variè habet hae  
nomina. Chado  
indus Brunehil-  
dis legatus ad  
Regem Clotari-  
um nominatur  
append. Greg. c.  
40. & refreda-  
rius Dagoberti  
c. 78. Boijs leges  
à Dagoberto da-  
tas, Ottogertum  
fuit scribit l. 5. c.  
9.

RODOALDVS.

ANN. POST  
CHR. NAT.  
DCXLI.

AGILOLFVS.



Tac. de mor.  
German.

Suprap. 149.

Ducatus passim  
occurrit, regni  
nomen edit. Pa-  
ris. c. 2. tit. 10.  
Basil. post. tit. 11.

diuerso appellationis exitu, sic unus idem Agilolfus Agilolfingusq; videtur. Multa porro in his legibus de publico privatoq; iure, ad omnem æquitatis rationem egregia extant, sed ut alicubi priscæ quodammodo ruditatis situs, ab antiquissimo æuo, manifestis vestigijs hæserit. Quod Tacitus de Germanis absolute scripsit, & minora delicta & homicidia pecuniaria multa lui, hinc pecuniâ mutatum, nulla præterquam Ducis capitali cæde. Si quis Ducem suum occiderit, anima eius pro anima illius, mortem quâ intulit recipiat, & res eius infiscantur in publico, in sempiternum. Ceteroqui alix alias æstimationes, & leuiiores quidem reliquorum, cæso Episcopo, tunica ex plumbo ad modum corporis concinnata, auro expensa. Boius non bonis non vita excidere, nisi coniurationis proditorisue, aduersus aut Ducem aut patriam conuictus, quicquid præterea peccasset, pecunia anquirebantur omnia, qui iudicatum non fecisset, seruitutem temporariam ita adibat, ut opera fungeretur quadamtenus mercenaria, cuius æstimatio multam paulatim induceret. Duces ipsi ex nobilitate, quod apud Tacitum de Regibus est, neque ijs item infinita aut libera potestas. Lecti ex una Agilolfingorum familia, quod superiori etiam libro monuimus, siue Francicorum Regum auctoritate, siue populi comitijs, nam utriusque instituti ratio habita in legibus, & quod mirere, regni ducatusq; nomen mansit promiscuum. Lege cautum, ne regnum

à pa-



à pâtre transferatur in filium, Dum adhuc pater  
eius potest iudicio contendere, in exercitu ambula-  
re, populum iudicare, equum viriliter ascendere, ar-  
ma sua viuaciter baiulare, non est surdus, nec cæcus,  
in omnibus iussionem Regis potest implere. Ut  
verò Regum vicem Duces subiere, ita deinde ordi-  
ne Ducum loco Comites, Centenos Centurionum  
nomen excepit. Liberti utrobique non multum su-  
pra seruos. Et statis diebus coitiones, placita appel-  
labant. Controuersię quæ aliter definiri vix possent,  
armis diiudicata, quod sacrosanctum habitum, De-  
i; iudicium dictum reperio. Neque non plura ut-  
rimque contendat licet cui id negotium. Adiecta  
ex Christiana religione præclara pietatis erga Deum  
testimonia. Omnibus in primis ecclesijs asylius tri-  
butum, cum elogio: Nulla sit culpa tam grauis, ut  
vita non concedatur propter timorem Dei, & reue-  
rentiam sanctorum, quia dominus dixit, Qui dimi-  
serit dimittetur ei, qui non dimiserit nec dimittetur  
ei. Et pleraque ad eum sensum, de locis rebusq; sa-  
cris, de diaconis, presbyteris atque episcopis, de vir-  
ginibus Deo dicatis, de matrimonijs, de diebus fe-  
stis, de mortuorum sepultura, reuerentissimè cauta  
sunt. Iam quod crebræ per prouinciã profectiones  
religionis nomine instituerentur, ut calebant pieta-  
tis studia, peregrinantium quoque securitati pro-  
spectum: Nemo ausus sit inquietare vel nocere  
peregrinum, quia alij propter Deum, alij propter

F f 2 neces-



necessitatem discurrunt, tamen una pax omnibus necessaria est. Verum Dagoberti leges sunt in manibus, neque eas huc transferre necesse.

Aimoin. l. 4. c.  
9. & 24. append.  
Greg. & vita S.  
Virgilij, antiq.  
lect. to. 2.

Samus per hæc tempora Carantanis imperat. Seponum ciuitate ortus, mercaturam apud Slaus faciens, cum Hunni gentem superbo dominatu premerent, homo hospes, animum supra fortunam gerens, foedissimi iugi excutiendi indigenis auctor fit. Et re ipsius potissimum qua consilio qua virtute bene gesta, pulsus tyrannis, tanti beneficij præmium regnum tulit, quod per annos triginta sex, magna fortitudinis laude reuuit, numerosa ex multiplici coniugio relictæ sobole.

Tum præclarum & excellens sanctitatis lumen se se, Hunnorum etiam occasione, Boijs ex longinquo intulit. Fama percrebuerat, de Hunnica quâ feritate in homines, qua impietate aduersus Deum.

Emmerammi, siue Heimerammi vita extat ap. Sur. t. 5. scripta à Cyrino, siue Herede, siue Aribone, fuit enim trinomius, Frising. Episcopus, et si Sur. Reginob. falso nominat. Copiosè item de S. Emmeram. Meisinghedus & Arnolfus ant. lect. t. 2.

Ea excîtus Emmerammus Episcopus, sanctiori charitate incensus, sibi ex ultima Aquitania Pictonum urbe, quæ Augustoritum antiquis fuit, longam in Pannoniam profectionem indixit, si immânes animos ad mitiorem cultum & salutarem Christi religionem posset reuocare. Pluribus assumptis comitibus, passim per Germaniam, ut ferebat itineris ratio, de pietate verba faciebat, Vitalis interpretis usus opera, linguæ ipse imperitus. Vbi Reginoburgum ventum, ad THEODONEM rerum iam potentem, nam quo anno inierit, nihilo magis quam quo patre natus

THEODO  
QUARTVS



natus sit comperio, consilium aperit, constituisse Hunnos Christo lucrifacere, vel certè vitam in egregio conatu ponere. Bellum hīs cum Boijs tunc maximè erat, & latè ad Anassum vastati agri, excisæ urbes, intuta itinera. Quod caussatus Theodo, hominis alias moribus & sanctimonia captus, clementer reluctantem retinet, siue Episcopi siue Abbatis dignitate fungi mallet, Boijs eam potissimum operant impenderet, se hōspiti nulla in re defuturum. Emmerammum præ Ducis verbis res ipsa mouit, recentes in Christiana fide Boij, à simulachrorum cultu vix temperabant, maiores præsertim natu, ut est magna vis inueteratæ consuetudinis, lucem tenebris miscebant, liberis Christi dæmonumq; calicem promiscuè hauriendum propinantes: quod ergo hīc se propositi finem, mutato tantum gentis nomine, assequi posse crederet, manere inducit animum, & impietatis reliquas fibras altè actas, radicitus euellere. Iamq; illi uni rei intentus, triennium magno cum fructu in prouincia egerat, cum diuino spiritu afflatus, iter Romam religionis nomine adornat. Vt autem Theodonis filia, ex Sigibaldo primaria nobilitatis iuvene, ventrem ferebat, neque res diutius celari poterat, cum Emmerammum, de discessu cogitantem, supplices ad eunt, & ad pedes abiecti, opem miserandum in modum implorant, extrema promeritis nullam præterea effugij spem esse, nisi quam à Deo ipso interprete expectarent. Episcopi animum ad-

Ff 3 Iescen-

THEODO  
QVARTVS



lescentum misratio subiit, grauitè increpitis, criminis in se transferendi potestatem facit, & verò accepto com meatu, viam ingreditur. Constat omnia, quæ ex insequuta sunt, diuinitus ab illo præcepta fuisse; atque adeò præsignificata priusquam fierent. Vocato quippe Volfeto presbytero, & imperata se viuo silentij fide, subiungit, Si ob alienum aliquando scelus per durissimos cruciatus necatum audiret, ne in simulata culpa affinem crederet, quin infontem ea passum iam nunc sciret, & testari pergeret, apud sacri præsertim ordinis viros, ne quis mentito doctoris exemplo consternatus, rectum virtutis tramitem deserat. Trium dierum iter progressus, nulla manifesta de causa expectabundus substitit, miratibus comitibus. Vt interim stuprum fassa, absenti imputauerat. Pater ira intantum excanduit, ut vix ab amicis contineretur, quo minus eam stricto ferro in vestigio occideret. Vt mentis potens fuit, bonis exutam in Italiam exulatū mittit. LANTBERTVS frater, iuuenta feruidus, & sororis contumelia accensus, Emmerammum citato cursu insequitur, & ut Helfendorfi substiterat, loco nomen inter Ilaram & Oetum manet, breui assequutus, statis tertiæ horæ precibus, ante sacras reliquias lucernis ardētibus, unā cum clericis vacantem reperit. Mox productum acerbè irridens, Salue inquit Episcopo, salue affinis. Hæc nobis pro tot beneficijs debebatur gratia? sic principalem domum, & hospitij ius reuereri didicisti?

LANTBERTVS.



sti? Excusandæ innocentia præ Lantberti furore locus nullus fuit. Scipione quem manu forte gestabat, in astantis pectus ferociter impacto, satellitibus excarnificandum tradit. Per omnia membra sæuitum, oculi eruti, lingua, aures, nares, manus pedesq; & quæ honestè nominari non possunt amputata, nullo interim lethali vulnere, quo mortem inter summos dolores in longum traherent. Neque eo minus Emmerammus non vocem modo, sed & vultum & gemitus in potestate semper habuit, Deum laudibus & precibus continenter venerans, multis vicissim signis diuinitus editis, numinis in eum propensione comprobata. Et apparuere improvise via publicâ equites ignoti duo, eximia specie, qui de præcisis artubus multum sciscitanti, repertos asportauere, neque postea conspecti sunt. Visum sacro horrore astantes perfudit, nam & comites sub initium metu dilapsi redierant. Lacerum ergo semianimumq; corpus reueriti, Aschaimum deuehere properant, supremum spiritum in æde Petri Apostoli, honoris causa exhalaturum. Nouem passuum millibus progressis cum tria restarent, Emmerammus primùm eiulasse auditus, de curru depositus exspirauit, immensa simul lucis splendore perfusus, quæ morientis ore progressa, & recta in cælum lata, spectantium oculos in fulminis morem perstrinxit. In supplicij & mortis vestigio ecclesiæ posita: cadauer metu & veneratione attoniti, Aschaimi pro tempore condidere,

LANTBERT  
XV.



Meginfred. de S.  
Eminet. c. 14.

Ex catal. episc.  
Reginob. nā vi-  
ta scriptor. Aua-  
tes nō capessit.

Arnolf l. i. c. ii.  
& 12. de S. Em-  
mer. itē Megin-  
fred. c. 15.  
Baren. in marty-  
rol. ad an. 750.  
in Annal. ad an.  
702. retulit. Ve-  
rum monitus cō-  
sultusque per e-  
pistolam, epita-  
phio, quod an.  
752. praefert, po-  
torem fide ha-  
beendam esse re-  
scripsit.  
Laur. Hochuar-  
tus in catal. epi-  
scop. Reginob. l.  
i. c. 6 qui se fa-  
bulę à Iudæis  
narratę profite-  
tur testem auri-  
tum.

dere, postea Reginoburgum, monitu eorum qui si-  
bi per quietem imperatum dicerent, annuente prin-  
cipe, maxima celebritate, ad diui Georgij transla-  
tum est, hanc enim ille ecclesiam dum viveret fre-  
quentare solitus. Multa rursus toto itinere miracula,  
Lantbertus siue patris imperio, siue sceleris consci-  
entia & furijs actus, siue facti inuidiam non ferens,  
ad Auares profugus interijt, & ceteroqui manus E-  
piscopo intulisse, nulli impune fuit. Lantberti stir-  
pem numinis vindicta per annos amplius trecentos  
manifestè exercuit, neque quisquam ex eā, nisi de-  
misse suppliciterq; deprecatus, per tot ætates immu-  
nis. Quod ego, antiquissimo & grauissimo Arnolfi  
Comitis Chamenfis & Vochburgij testimonio ni-  
xus, ponere non sum veritus, cum is neptem in hanc  
ipsam familiam elocatam habuerit, & verò pœnarū  
exempla minutatim persequatur. Emmeramimum  
mortē functum x. Kal. Octobr. ex martyrum fastis  
constat, annus post Christum natum sexcentessimus  
quingagesimus secundus epitaphio proditus.  
Leue & ridiculum est quod deinde dicturi sumus,  
sed & ipsum ad claritatem eximium. Iudæos qui Re-  
ginoburgum olim frequentes incoluere, unum, ex  
omni diuorum numero, conatos esse à Christianis  
abstractum, ad se impudenter transferre, quod ne-  
scio an ulli præterea mortalium in isto animorum &  
religionis dissensu contigerit: nam nominis indicio  
de gente constare posse contendebant, id ab Amra-  
mo

ANN. POST  
CHR. NAT.  
DCXLII

ANN. PO  
CHR. NAT  
DCLX



mo fluere, Hebræa origine, cum & Moyſi pater ea appellatione fuerit. Vtq; nullus genti mentiendi modus, fabellam addidere, quod occiſi corpus aduerſo Danubio incredibili facilitate præter fluminis naturam ad urbem ſubuectum diceretur, Moyſæ legis volumen, quo Emmerammus uſus dum uiueret, tum unalatum, cauſſam fuiſſe miraculo, à Chriſtianis corporis reliquias ad cultum interuerſas eſſe, codicem ab ijs neglectum, ad ſynagogam rediſſe.

In Italia mortuo Rothare, Rodoaldus filius Langobardis imperauit. Rodoaldo interfecto, Aripertus ſufficitur. Aripertus Gundibaldo Aſtenſium Duce, Garibaldi Boiorum Regis filio prognatus, Regnum uiriſopibusq; inclytum, quod ſuperioribus annis cognatæ mulieres feliciter affectaſſe viſæ, primus Boiorum meliori ſexui vindicauit, firmum adeò & ſtabile, tamq; propenſis ſubditorum ſtudijs, tam nulla peregrinitatis inuidia, quamquam varijs de cetero in omnem partem exemplis, ut & ad poſteros tranſmiſerit, & ij caſuum varietate ſemel iterumq; ereptum, facile receperint, neque omninò alia extet familia, cuius plura in Langobardica regia ſtemmata numerentur. Religionis ſtudium proprium Garibaldi ſtirpis bonum, ad maiorum diſciplinam coluit, æ de Saluatoris nomine Ticini condita, quam ornamentis & reditibus honeſtauit. Nonno regni anno, poſt Chriſtum natum ſexcenteſimo ſexageſimo è vita diſcedens, filios adoleſcentes

Paul. l. 4. c. 49.  
Hermā. an. 647.  
obiſſe ſcribit,  
Sigebertus 646.  
Rodoaldum ad  
an 651. perueniſſe,  
quem Paulus  
etiam quinque  
annis regnaſſe  
auctor eſt, lib. 4.  
c. 50.

Ex Garibaldi Boiorū Regis maſcula ſtirpe, ſeptē apud Langobardos Reges fuerunt, Aripertus, Godebertus, Bertarius, Cunibertus, Liutbertus, Regimbertus, Aripertus: duo ex ſocruina, Adalodius, Garibaldus: quatuor afſinitate coniuncti. Authari, Agilulfus, Rodoaldus, Grimoaldus.

G g

PAR-

ARIPERTVS.

ANN. POST  
CHR. NAT.  
DCLXII

ANN. POST  
CHR. NAT.  
DCLX



Paul. l. 4. c. 53. &  
sequent.

PARTHARITVM & GVNDEBERTVM heredes reliquit.

PARTHAR-  
TVS.  
GVNDEBER-  
TVS.

Qui statim initio proditis male consentientium animorum indicijs, diuersas Mediolani & Ticini regias instituere. Et obsecundans dominorum affectibus aulicorum utrimque factio, dubias offensiones turbidis consilijs breui ad apertas inimicitias deduxere, ut iam res arma & aciem spectaret; cum Gundebertus Taurinorum Ducem ad Grimoaldum Beneuentanum, magnam fortitudinis apud Longobardos existimatione principem, auxilia aduersus fratrem petiit legat, sororis in id pacto matrimonio. Taurinus fraterno sceleri priuatam multiplicem perfidiam adiicit; munus quæ deferre iussus parte interuersâ, Grimoaldo propriam potissimum causam agere auctor fit, stultum esse pro alijs pugnare ait, cum pro te possis, occasionem simul ostendit, quando germanorum iuuenili vecordia res Longobardica palam pessum iret, ipse prouecta ætate, consilio inter primos & auctoritate pollens, regnum ne dubitaret inuadere. Rarò est qui se inuitus eò vocari audiat. Grimoaldus spem oblatam cupido animo sequutus, valida coacta manu, & conciliatis toto itinere popularium voluntatibus, opis ferendæ specie Ticinum properat. Ibi ut cum Rege congressurus erat, nouas fraudes Taurinus excogitat, utrumque seorsum conuentum monet, malum caueat, insidias ab altero parari, Regi etiam lorica dissimulanter sub veste ferre persuadet, idq; clam apud aduersariû in inui-

ANN. PO  
CHR. N.  
DCLX  
RODELIN

SOROR P.  
THARIT  
GVNDEBER



PARTHARITVS.  
GVNDEBERTVS.

in inuidiam quantum potest rapit, siue ut nutantem & facinus ex propinquo horrentem, periculi metu præcipitem impelleret, siue ut ea esset necessitatis aduersus insidiatorem in vulgus excusatio. Primo complexu Grimoaldus Regem, quod futurum prædictum erat, armatum sentiens, ferrum stringit, & doli, ut credi volebat, compertum, in vestigio obtruncat. Reginbertum filiolum suorum fide seruatum, tenerioris ætatis contemptus periculo subtrahit.

ANN. POST  
CHR. NAT.  
DCLXII.  
RODELINDA.

Partharitus occisi fratris nuntio consternatus, altero à patris morte anno, summa celeritate ad Cacanum Auarum Regem profugit, RODELINDA uxore & Cuniberto filio Mediolani relictis, ut in re subita. Caput malorum Taurinus non longum lætatus, ab infimæ sortis homine ex Gundeberti familiâ, ceruice luculenta plaga præcisa, sanctissimo tempore & loco, Paschæ festo die, ad baptisterium in templo, inter stipatores iacuit. Grimoaldus utraque regia uno eodem ictu potitus, Rodelindam & Cunibertum Beneuentum exulatum mittit, ipse regio nomine assumpto, superiorum regum sororem dudum pactam, uxorem accipit. De Partharito anxius, ad Cacanum mittit, profugum apud se esse ne pateretur, aut bellum exspectaret. Supplicis respectus barbaro nullus fuit, iret quâ vellet, gentem inuidia liberaret denuntiat. Prædicabatur singularis in Grimoaldo lenitas & mansuetudo, eam Partharitus aduersissimo suo tempore, extrema spe, experiri statuit.

SOROR PARTHARITI & GUNDEBERTI.

Parthariticum an. 1. m. 3. regnasse ait Paul. & Herman, itaque cōsequēs sit peruenisse ad an. 662, Sigeberrus annū tantum habet, Currebat autem an. 662. indictio 5. eo Grimoaldus in præfat. e. dicti 11. indictio nem sextum regni an. appellat.



Retrò ergo in Italiam reuersus, intimum amicorum  
Vnulfum Ticinum mittit, qui incolumitatis fidem  
pacisceretur. Ipse subsequutus, ut in Regis conspe-  
ctu fuit, cum se ad pedes abijceret, non permissus,  
osculo benignè & humaniter exceptus est. Tum  
Grimoalde inquit, seruus aduenio, qui cum alicubi  
inter paganos latère potuerim, redire, & tuæ me fi-  
dei testatæq; clementiæ, qui Christianus & pius ef-  
fes, credere malui. Rex bene sperare iussu, iusiuran-  
dum conceptis verbis dedit, & tutò, & cum dignita-  
te, apud se futurum, nunc corpus curaret, hospitium  
& victum de publico prolixè accepturus. Domum  
digressum, uniuersa ciuitas visendi salutandiq; stu-  
dio prosequitur. Nec Regem res clam esse poterat,  
& incēdebant animū domestici assentatores: Num  
eum aut supplicis aut hospitis, aut cuiusuis tandem  
comitatum videri, nisi regnum certè propalam re-  
petentis? Partharicum iam sine regno nec viuere, ne-  
que incolumi Grimoaldo regnare posse, aut facien-  
dum scelus, aut exspectandum, & quidem statim,  
trahendis consilijs in præcipiti periculo locum non  
esse. Credibilia visi afferre, & monere salutaria, ne-  
que diutius dubitatum, recentem sacramenti fidem  
post regni curam habendam. Quod serum diei esset,  
cædes reiecta in crastinum, interim missa lautia, ge-  
nerosa inprimis vina, quibus se incautus hospes in-  
gurgitaret, somno meroq; solutus opprimendus.  
Astabat inter mensæ ministeria paternus amicus, &  
mirum



mirum quam multa fidei documenta in una domo, qui se salutaturi specie ad aures demittens, insidias conscius detegit. Nihil eo mutatus Partharitus, præfenti ad omnia animo, vultum in lætitiā fingens, puero à cyathis clam mandat, ne sibi præter puram aquam ea cena misceat, & facile fuit conuiuas, in Regis etiam gratiam largius inuitantes, neque huius quidquam suspicantes, fallere, argentea quippe phiala fucum tegente. Rex successu ut existimabat lætus, auditus inter suos iacere, perpotaret heluo, cras sanguinem mero mixtum refusus. At verò res aliò cecidit, Vnuli sagacitas opportunum fugæ consilium in articulo expediuit. Is sibi lectum in Parthariti cubiculo clanculum sterni iusserat, inde omnibus à cena digressis, cum regij domum, ne certam prædā è manibus amitterent, iam armis cinxissent, solis Partharito & seruo à veste, in cuius fide plurimum ponebat, intrò vocatis, cogitata aperit, seruum manere, conclaue occludere iubet, ipse Partharitum ursina pelle in sui dissimulationem inuolutum, culcita & toralibus onerat, atque cum conuitio extra ianuam eijcit, fuste identidem succidentem mulctans ante se agit, mirantibusq; satellitibus quid hoc rei, Non ego furciferum ulciscar ait, qui mihi lectum ad temulenti Parthariti istius latus, crapulam toto pectore proflantis, strauerit? satis superq; hominis dementiam sequutus, me mihi & meis vindicabo posthac, neque domo ultra abduci patiar, iuramento per

G g 3 - regis



regis salutem addito. Fides habita, via ipsi & Partharito caput in seruilem speciem sarcina praeligato, data est. Atque Partharitus quidem, demisso ex moenibus fuge, ascitisque quos fors dederat comitibus, & conscensis equis ex pastu raptis, maturè elabatur. Asta illum ea nocte, referta veteribus amicis ciuitas, tum Taurinum excepit. Sed nulli in Italia loco satis confisus, alpibus traiecit ad Francos abiit. Seruus se thalamo in multam lucem tenet, foresque pulsantibus, & Partharitum Regis nomine inclamantibus, ut edoctus erat respondet, fessum ex itinere alto adhuc somno pressum jacere, quietem ne inuiderent. Extractum per eam altercationem aliquantum temporis, donec non ferente moram Grimoaldo, fores effractæ fallaciam aperuere; tum demum de heri fuga confessus est. Præcipitem igitur ad regiam raptum, summo certatim omnes cruciatu perire dignum clamant. Rex contra, ut narrantem audiuit, se pro domini capite nihil veritum suam salutem vilem habere, collaudatum inter familiares scribit, multa pollicitus, si pari se fide prosequeretur. Vnufso, qui ad Archangeli Michaëlis basilicam fugiens, perniciem vitare satis habebat, præter incolumitatem, bona quorum extaret ratio, cum egregio etiam virtutis atque prudentiæ testimonio restituit. Adeo luculenta facinora hostium plerumque ipsos animos præstringunt. Quin familiari postea sermone diuersos compellatos, ecquid esset cur exules in Parthariti comi-

ANN. POS  
CHR. NAT  
DCLXX.



comitatu palantes circumagi, quam regiam Ticini mallent colere, cum præsentem humanitatem nihil adulati, uterque respondisset, se verò, si ea sibi detur optio, mortem in domini conspectu suaviorem habituros, quam vitam alibi omni voluptatum genere circumfluentem, libero sermone nequaquam offensus, fidei atque constantiæ admiratione ultrò caprus, ad Partharitum ire, secumque quæ vellet ferre permisit.

ANN. POST  
CHR. NAT.  
DCLXX.

Nouem potestatis annis exactis, Grimoaldus moriens regnum ad puerum ex Ariperti filia susceptum, proauitum Garibaldi nomen referentem transiit, præterito maternæ claritatis discrimine Romualdo, ante regnum aditum ex Itta nobili puella captiua genito. Paullò ante excessum Franciscum fœdus nouauerat, quæ res Partharito suspicionem iniecit, ne amicitia authoramentum ipse fieret. Itaque ultra etiam Galliam, ad Saxones rerum in Britannia potentes, fugiturus, vix vela in altum dederat, cum vox à lictore audita, veheretur ne ea naui Partharitus? & aientibus nautis, responsum, cursum ergo inhiberet, extincto ante triduum Grimoaldo quem fugeret. In portum reuēctus, auctorem nuntij non reperit, eo certius creditum missum fuisse diuinitus, & visum spem blandientem sequi, quam euentus breui impleuit. In Italiam enim regrediens, ad fauces alpium primos Langobardorum, cum regis domus familia & magna de cetero multitudine, ipsum

Paul. l. 5. c. 33.  
Herman. & Sie-  
geb. an. 670. no-  
tant, quod & re-  
liq. histor. con-  
gruit.

Paul. l. 4. c. 47.  
Regem Francū  
Paul. l. 5. c. 32.  
Dagobertū no-  
minat, sed Chil-  
dericum fuisse,  
necesse est.



Paul. l. 5. c. 37. &  
c. 38.

Paul. l. 5. c. 34.

Paul. l. 5. c. 35. &  
36. Herman.

Rodericus in hist.  
stemmatum Lo-  
taring. diploma-  
ta Martini Du-  
cisan. 673. &  
679. scripta pro-  
fert, quibus Ber-  
tha Bauariæ Du-  
cissa eius uxor  
nominetur. Sed  
dubie fidei scri-  
ptori credere  
multa prohibet.  
qui præsertim  
hist. capit. 50. res  
Boicas ineptissi-  
mè tractauerit.  
Et Bauariæ sanè  
nomen nondū  
illo sæculo audi-  
tum: ne quis à  
Martino in di-  
plomata relatū  
sibi persuaderi  
patiat.

ipsum præstolantes reperit: quibus comitantibus Ticinum ingressus, puero facile exturbato, regnum inter omnium gratulationes, tertio mense à Grimòaldi obitu recepit. Vir ut corporis dignitate conspicuus, ita pietate & fide magnus, æqui & boni ante omnes retinens, quo nemo egentium magis misertus tenuitatem largius subleuauit, ut in summis eius laudibus unum fraternum dissidium, multorum annorum ærumnis expiatum, meritò excipias. Rodolindam coniugem cum filio, mox ab exilio reuocat, neque quidquam prius habens quam Deo liberatori & vindici, maximas quas posset gratias referre, egregium sacrarum virginum monasterium sanctæ Agathæ nomine eo loco condit, ubi Vnulfus olim consilio euaserat, uxor basilicam Mariæ virgini sacram extra urbis mœnia.

Octauo posthæc anno, superiorum motuum reliquis dudum tranquillitatis, festa pace florentem posteritatis cura subiit, regnum cum GVNIBERTO filio communicat: & longum res quieturæ videbantur, nisi barbarum iterum ab Alachi Tridentino Duce extitisset initium. Bauzano & proximis circum castellis Boicus Comes præerat, quocum Tridentinis, ut inter vicinos sit, forte aliquid controuersæ, & cum res conditionibus disceptari nequiret, ubi ad manus ventum, Langobardus prælio vicit. Cognatam gentem bello laceffitam, Reges agrè laturos suspicari poterat, tum autem recenti victoria, quæ & mode-

ANN. POST  
CHR. NAT.  
DCLXXVII

GVNIBERTVS



moderatos de cetero animos plerumque in insolentiam corrumpit, ad superbiam elatus, ab eorum imperio apertè desciscit; inde vindictæ metuens, Tridentum omni ope communit. Partharitus, quo subitum incendium inter initia opprimeret, celeriter accurrens, urbem obsidione cingit. Neque Alachis vicissim sibi deesse, ut regios omnium securos negligentius agere exploratum habet, portis repente effusus, castrorum munitione primo impetu proruta, cum tumultum terroremq; undique inijcit, ut præterquam fugę, obsessoribus spem nullam relinqueret. Rex salutem eadem via expedire coactus. Vetus Cuniberto cum Alachi amicitiaę usus intercedebat, cuius fructum eo potissimum tempore à se desiderari sentiens, hominem post tam atrocem iniustam regio nomini contumeliam, cum patre in gratiam tamen reducit. Postquam pace conciliata in potestate fuit, Partharitum compluries cœpit impetus, perfidiam morte vindicandi, cogitata ad rem statim collaturus, nisi filius identidem deprecator intercessisset. Qui ferum animum beneficijs mitigari posse nequicquam confidens, Brixiaę præterea, ciuitatis inter Langobardos opulentæ, Ducatum illi contribuendum à patre, inuito atque reclamante, & multum monente, impetrat. Prospiciebat quod res erat Partharitus, neque id quidem clam habens, expertaę calliditatis hostem, à filio in sui ipsius capitis perniciem opibus augeri, quarum fiducia regnum proxi-

Hh

ma



ma quaque occasione esset tentaturus, neque eo minus precum assiduitate fatigatus, cessit.

Paul. I. 3. c. 17.  
Herman. & Sigeb. in an. 687.  
consentiant.

Patris morte post decem annos insequuta, Cunibertus imperium continuat. HERMELINDA ex Anglorum Saxonum gente uxor erat, quæ Theodotis puellæ Romanæ inprimis nobilis formam, inter lauandum nudato corpore obseruatam, marito incautius prædicans, dissimulantis animum mala libidine incendit, ille moræ impatiens, caprata protinus occasione, virgini stuprum per insidias infert. Visum diuinum quas à patre domestici odij pœnas experierat, à filio ob externum antorem repetere. Alachis adolescentem mutua beneuolentiæ confidentia exarmatum nactus, scelus quod mente dudum conceperat, maturum ratus in apertum profert, duplicem in dominum inq; seruatorem molitus perfidiam. Primos se Aldo, & Grauso fratres, Brixia orti, præbuere duces, affluentibus deinde multis undique rerum nouarum studio. Et aberat commodum Cunibertus, instantis periculi iuxta ignarus & securus, cū Ticinum urbem & regiam improuisè adorti, vacuas occupant. Cunibertum quo res inexpectatio, & auctor is qui unus omnium minimè debebat, eo grauius perculit: regno in præsentia desperato, vitæ consulturus, in insulam lacus Larij, natura & arte communitam, refugit. Tyrannus dominatum flagitiosè partum, superbè & crudeliter habens, quoscunque Cuniberto amicos sciret afflixit, sacerdotes præ-

ANN. POST  
CHR. NAT.  
DCLXXXVII  
HERMELIN-  
DA.

Paul. I. 5. c. 38.



præsertim, aduersus quos singulari & eximio odio ferebatur, neque Damianum Ticinensem ipsum episcopum reueritus, virum vitæ sanctimonia & literis clarum, cuius diaconum Thomam sacræ benedictionis causa ad se missum, ludibrio & contumelijs excepit. Magnam sibi eo facto conciuuit inuidiâ, ecclesiastici ordinis hominibus metu ingenti incusso, quid porro sperandum exemplo videlicet admonitis. Accessit res dictu parua, momento non ite; Pecuniam forte annueranti, nummus manibus elapsus in terram deciderat, eum Aldonis filius puerulus ludens sustulit, cum Alachis, quæ pusionem nec animaduersurum nec curaturum crederet, in patrem iacit, abundare eum pecunia, qua se breui poriturum esse confideret. Infans domum vespere regressus, à patre per blanditiam de Rege interrogatus, audita refert. Cohorruit Aldo, quo verba spectarent satis intelligens, fratri quanto in periculo versentur significat, & vocatis amicorum certissimis, quid facto opus consultant. Vt conuenit, Alachim compositis dolis adeunt, quid ita domi totos dies otiosus desideat, certè quod de ciuitatis & populi fide dubitet non esse, neque quod à Cuniberto timeat, nihil illo lurcone desertius & contemptius, quin egrederetur, venatui cum nobili iuuentute indulgeret, sibi custodiam ciuitatis curæ fore, & verò polliceri, se cis paucos dies Cuniberti caput ad eum delaturos. Vt credula res est spes inimicum vindi-

Paul. l. 5. c. 39.

Hh 2 candi

ANN. POST  
CHR. NAT.  
DCLXXXVII  
HERMELIN  
DA.

candi tam prope admota, persuasus exijt: coniurati ad Cunibertum in insula latentem properant, ibi genibus aduoluti, anteaactorum veniam, quæ tum fortuna, celeriter impetrant, quo tyrannus in eos sit animo, quæq; ipsi aduersus illum consilia agitent docent. Fides data & accepta, manantibus utrimque lachrymis, die dicta Cunibertus Ticinum veniens, regnum haud maiori molimine quam amiserat, incredibili omnis ætatis & ordinis gratulatione recepit. Nuntius ad Alachim confestim excurrrens, per ludibrium narrat, præstitisse Aldonem & Graufonem quæ sponponderint, adesse Cuniberti caput, sed & corpus. Ille animo primò consternatus, ut se collegit, in conuitia & minas effusus, regiam armis repetere constituit, reliquarum undique ciuitatum studia, qua vi qua blanditijs colligens. Cunibertus valido item comparato exercitu, obuiam progreditur: castris utrimque metatis, in campis quibus Coronatæ nomen, aduersarium ad singulare certamen prouocat, bellum alterutrius morte dirimi posse monet, parcerent tot mortalium sanguini, ibi regnum fore ubi victoria fuisset. Aderat Alachi Tuscus, inter amicos habitus, qui ad idem cohortaretur, verum ille tergiuersari, hominem esse dicere Cunibertum, ut ingenio stupidum, & uni ventri per otium deditum, sic ubi res poscat, inter primos audacem, & incredibili corporis robore, meminisse cum in Ariperti aula adolefcētes ambo versarentur,

cum

Paul. l. 5. c. 40.



eum prægrandes oues extenso brachio villo apprehensas, terra solitum sustollere, se idem expertum nequiuisset. Tuscus confessionem ignauia aspernatus, ad Cunibertum transijt. Iamq; aciebus eo promotis, unde pedem sine prælio referre neutra posset, Zeno diaconus basilicæ Ioannis Baptistæ à Gundeberga conditæ, Regem adit, & pro eximio, quo eum prosequeretur affectu, supplex rogat, quandoquidem in unius capite omnium salus verteretur, neque dubium quin illo occiso, Alachis in ceteros extremæ crudelitatis exempla editurus esset, pateretur se potius regijs armis ornatum id discriminis subire, utili in utrumque casum consilio, siue cæsi, facilem fore iacturam, siue victoris, gloriam in dominum redundaturam. Abnuentem Cunibertum, amici circum flentes, insuetæ charitatis officio pæne inuitum uti coegere. Zeno non suæ fortunæ cultu instructus, è regio tabernaculo prodiens, ut statura corporisq; habitu compar erat, omnibus Regis speciem præbuit. Commisso prælio acerrimè pugnatum, Alachis insignibus fassus, in unum latus, longè fide quam ulla militari arte paratiorem obtruncat, caputq; conto suffigi & victoriam lætus acclamari iubet. Sed ut laxatis cassidis vinculis errorem conspectus aperuit, ira & pudore incensus, se verò fœdas de omni clericorum ordine pœnas aliquando victorem repetiturum vouet. Cunibertus contra desperatò prodiens, turbatas suorum mentes, impera-

Hh 3 tore

tore ut putabant cæso fugam circumspectantium, e-  
 rexit. Et cum pugnam iterandam appareret, ad Ala-  
 chim rursus misit, solus tandem congredetur, neu-  
 tri satis decorum, tot popularium millium sibi cæ-  
 dem imputari, quingenti incolumi & florenti im-  
 peraret, cui Deus victoriam annuisset. Probantibus  
 consilium familiaribus, Alachis, Quî possum ait,  
 qui inter inimica tela Archangelum Michaellem ob-  
 uersantem conspiciam, in cuius ego templo me Cu-  
 niberti sacramento obligavi? Apparebat conscien-  
 tiam sceleris iam ferre non posse, itaque confidenti-  
 or ex amicis unus, tu quidem inquit pauore oculis  
 præstrictis, cernis quod nusquam est, nam hæc olim  
 meditata oportuit. Nonnum atque atrox prælium  
 exarsit, quale irritatis in diuersum unius gentis stu-  
 dijs, inter fidentes sibi ambos exercitus, Rege hinc  
 viuo, quem mortuum luxerant, inde victoria iam  
 propemodum parva feroces. Res diu neutro incli-  
 nata stetit, donec Alachis pugnans confoditur. Sen-  
 sit utraque acies, neque Cuniberti deinde vis susti-  
 neri potuit, hostes passim fusi, magna strages facta  
 est, multos nandi imperitos, aut fessos & armorum  
 pondere grauatos, Abdua propinquum flumen hau-  
 sit. Tyranni corpus fœdè laceratum, capite cruri-  
 busq; truncatum, feris & alitibus ludibrium iacuit,  
 Zenonis diaconi, qui vicariam mortem oppetijset,  
 Ticini honestissimo funere, in vestibulo basilicæ  
 cui præfuerat conditum; quo pugnatum loco, mo-  
 numen-

ANN. POS  
 CHR. NAT  
 DCXCII.



ANN. POST  
CHR. NAT.  
DCXCII.

numentum victoria, monasterium Georgij marty-  
ris nomine, excitatum est. Annales annum sexcente-

Herman. Sigeb.

simum nonagesimum secundum ascribunt. Re-

Paul. l. 6. c. 6.

bus pacatis, Cunibertus ingenij humani more, vete-  
ris iniuriæ memoriam præ recenti beneficio reti-  
nens, Aldoni & Graufoni insidias comparat. Ferunt  
rem monstri similem, quam ego ut à Paulo prodi-  
tâ inuenio referam, magis ne præterijssè videar, quam  
quod in eum modum gestam narranti fidem accom-  
modandam existimem. Regem dum familiarium u-  
ni cogitata aperit, muscam in fenestra forte visam  
cultro petijssè, quæ ictu corpore vitato, pede præci-  
so auolauerit. Aldonem sub idem tempus ad regiam  
cum fratre tendentem, obuium habuissè hominem  
pede altero mutilum, enixè monentem ne perge-  
rent, certæ à Cuniberto neci destinati. Tum illos  
formidine attonitos, sese in proximam Romani  
martyris ædem coniecisse. Regem re intellecta, fi-  
dem accusasse eius cum quo uno consilium contu-  
lisset, Regis illum rursus appellasse conscientiam,  
quod post eum sermonem habitum nusquam digres-  
sus, neminem profectò mortaliū alloquutus fue-  
rit, neque id Rex infitiri poterat, nec omninò quis  
iudicium supplicibus fecisset suspicari, donec spe  
impunitatis facta, ipsi professi, se ab homine igno-  
to, utente genu tenus crure altero ligneo, de præsen-  
tis exitij periculo admonitos, saluti consuluisse, re-  
ditum in memoriā muscæ, & intellectum dæmo-  
nicum



nicum utrumque spectrum fuisse, fratribus ignotum esse.

Hund. in metrop. & m. de monasterijs Boicis.

Ex actis horum sanctorum, quae extant in monast. Rot.

Id olim fieri solitum annotavit Molan. in natal. sanct. Belgij die 25 Martij.

Dum haec in Italia geruntur, Emmerammi apud Boios fama magis indies magisque clarescente, Theodo Princeps caedis noxiam, cuius poenitentia dudum caperetur, aliquam expensurus, Georgij martyris adicula adiecto monasterio, quo loco lucum olim Deorum religione sacrum fuisse memorant, ampliat. Petri Apostoli & ipsius Emmerammi nomine indito, primus Apollonius Abbas, anno post Christum natum sexcentesimo nonagesimo septimo praefectus est.

Tum Marinus atque Anianus pietatis etiam professione inclyti, ad radices alpium propter Oenum flumen mortem oppetiere. Qui quo tempore Martinus Pontifex Constantis Imperatoris scelere in Chersoneso occubuit, ecclesiae statu magnopere perturbato, peregre ad Boios venientes, ibi se, discretis uterque sedibus, in solitudinem abdiderant, sicut neque tamen de rebus diuinis quærentes aditu arcerent, & ultro sæpe progressi, religionis causa ad populum multo cum fructu verba facerent, Marinus Episcopi, Anianus Archidiaconi munere functus. Episcopatus nomen siue intercidit, siue quod magis opiner, nullum certum fuit, gentibus docendis quorundam olim exemplo generatim destinato. Omni virtutum laude eximij, cibi praesertim potusque abstinentia, veterem Aegyptiorum patrum morem reuocabant, ieiunio bis admodum

ANN. POST  
CHR. NAT.  
DCCXVII



modum singulis hebdomadis, præter Dominicam diem, aquæ hauſtu, & olerum cum pane ac ſale eſu, ſoluto, quantum vitæ trahendæ nimirum ſufficeret, ſolennior aliqua & ſanctior lux, pauxillum calei & lenticulæ nonnihil adiiciebat. Tenuere inſtitutum ad Leontij imperium, per quadraginta circiter annos, cum barbaros tota prouincia populabundos vagantes, ſpes prædæ ad iſtas latebras adduxit. Vandalos fuiſſe memorant, qui Slaui, hoc eſt Venedi de proximo fuerint oportet, nam eoſdem Vandalos appellare, vetus & vulgatus error eſt. Marinum ad aram ſacrificantem, numen ſemel iterumq; apertè monuerat, pergeret alacriter, palmam prope eſſe, quâ ipſe & Anianus, ut parilem vitam vixerant, eandem die munerandi. Latrones ergo eum in exſpectatione mortis pronis genibus orantem naſti, ad vultus orisq; grauitatem primo territi, aliquantum reſtitere, breui reditum ad ingenium, & cum reculæ obuiæ cupiditati nulla ex parte ſufficerent, veriſimile autem videretur, hominem ſenem percipue exiſtimationis, argentû alicubi occulere, multa minati promere iubent, Marinus, ſi diuitias inquit quæritis, æternum manſuras quærite. Illi ſermonem ad pietatis ſtudium vocantem nihil morati, inſtare, Chriſti nomen eiurare, & quoniam habitatorum latè tota regione fuga facta erat, quæ quis quibus locis defodiſſet indicaret, ſe ad ſcrutanda abdita alpium ducem præberet, nihil eius viciniæ vi-

Crantius etiam  
hiſtoriam quam  
de Slauiſ & Venediſcripſit, ap-  
pellauit Vandalicam.

I i rum

ANN. POST  
CHR. NAT.  
DCXCVI

rum id ætatis latere posse, renuenti mortem per extremos cruciatus paratam sciret. Intentatum periculum, animum diuinitus incensum amplius inflammavit, neque se Christum negare, neque viuum ex ea mouendum sede responderet, quam sibi perpetuam legerit. Tum nudatum verberatumq; & seruilem in morem tortum, igne necant. Auditus inter medios flammarum globos, multa Deum expansis manibus precans, pro his etiam quorum scelere occidebat. Anianus morbo tenebatur ne magistro adesse posset, de cuius obitu ut cognouit, iam lætus & exultans, eucharistia percepta, ea ipsa luce quæ fuit xvii. Kal. Decembr. inter orationes & gratiarum actiones animam, futuri securus, nulla externa vi adhibita exhalauit. Aliquot post annos Pipino & Carolomano rerum potentibus, specie per visum Priamo presbytero oblata, corporum reliquiæ detectæ, & conditæ ecclesiâ, curante Tollusio Episcopo, in pagum quem Aurisium appellant, multis miraculis insignes translatae sunt. Posterorum pietas monasterium adiunxit, quod à præfluente amne Rota nomen reperit. Nos cum inde historiam testatis litterarum monumentis, quæ adhuc extant, eo quo narrauimus modo descriptam, hauriremus, animaduertimus scriptorem, qui Marianum & Anianum ante annos paullò minus ducentos à Boijs cæsos prodidit, quod superiori libro memorauimus, neque rerum, neque temporum rationem quam debebat ma-

Supra pag. 152.

ANN. PO  
CHR. NA  
DCIC.

LIVBERTV

REGINBI  
TVS.

DCC.

DCCII  
ARIPARTV

DCCII



ANN. POST  
CHR. NAT.  
DCIC.

LIUTBERTVS.

REGINBERTVS.

DCC.

DCCCL.

ARIPERTVS.

DCCCL.

maximè, ullam habuisse.

Anno undeseptingentesimo Cunibertus naturæ  
fatisfecit, eo maius sui desiderium Langobardis re-  
linquens, quod LIUTBERTI filij ætatem, ne ea impe-  
rio nondum matura, rebus nouandis locum præbe-  
ret, verebantur. Pater Ansprandum testamento tu-  
torem dederat, virum genere & virtute præstantem,  
regno, quantum humanis consilijs prouideri pote-  
rat, firmanientum, ceterum euentu dispari. REGIN-  
BERTVS enim Taurinorum Dux, quem Gundiberto  
Rege natum, patre occiso ante annos quadraginta,  
vitam miseratione infantia emeruisse supra dictum,  
occasionem repctenda paternæ hereditatis, cui co-  
gitatione semper imminebat, demum obuennisse ra-  
tus, regno vi inuasit, octauo mense à Cuniberti  
morte, Ansprandum in Nouariensi agro acie con-  
gressum fudit. Et rebus humanis anno à victoriâ ad-  
huc vertente ereptus, eius fructum ad ARIPERTVM  
filium transmisit. Qui superstitie Liutberto, omnia  
incerta & infida sentiens, bello redintegrato, sequen-  
ti Ansprandum atque auxiliares copias, magna ite-  
rum pugna ad Ticinum superat, Liutbertum, quod  
inguine faucibus viuus in potestatem venisset, cogna-  
tionem nihil reueritus, balneo inclusum necat. An-  
sprandus se ex fuga Larij lacus insula tuebatur, ubi  
obsidionem parari intellexit, inde elapsus per Ræti-  
cas alpes in Boicam abiit. Victor hac præda frustra-  
tus, in necessitudines versus, Sigibrando filio oculos

Paul. l. 6. c. 17.  
Sigeb. hunc an-  
ascribit, Her-  
manni postrema  
editio sequentē.

Pag. 235.

Paul. l. 6. c. 18. &  
sequent. Sigeb.  
octauum men-  
sem in an. 700.  
incidisse confir-  
mat.

Hæc Herman.  
ad an. 702. Si-  
geb. ad 701. re-  
fert.

Vita S. Boniti  
Aruernensis Su-  
rij to. I.

Ii 2 eruit,

eruit, Theuderadæ uxori & Auronæ filiæ, nasum au-  
resq; fædo vulnere præcîdit, obiecta matri spes re-  
gni, & voces in eam sententiam muliebri leuitate in-  
solentius fusæ, ipsum insulæ oppidum, quod rece-  
ptum hosti præbuisset, solo æquatum. Vni Liutpræ-  
do parsum liberorum minimo, permissio paterni exi-  
lij errores, ingens ut in aduersis leuamen, comitari.  
In memoriam credo regrediebatur Aripertus, eorū  
quæ sibi eadem ætate & propemodum caussa, à Gri-  
moaldo contigerant: diuino interim haud dubiè  
nutu, regno successor destinatus, seruatus est. Ex

Paul. l. 6. c. 56.

Liutberti propinquitate PETRVS supererat, quem PETRVS  
priusquam sacris initiaretur, gentile aliud nomen  
habuisse, sit verisimile: huic Spoletum relegato, &  
ædem Sabini martyris religiosè frequentanti, re-  
sponsum aliquando redditum, consideret, futurum  
ut rediret in patriam, & Ticinensem ecclesiā rege-  
ret. Oraculi fidem cum res longo post tempore cō-  
probasset, Sabino posito templo honorem habuit,  
& Episcopi munere sanctissimè functus est, insigni  
animi corporisq; castimonia & integritate, tum  
nullo non virtutis genere, atque miraculis diuinitus  
editis inclytus. Nec prætereundum erat hoc Boicæ  
originis cælo receptum sydus, peregrè splendens,  
domi adhuc opinor ignotum.

Boijs post Theodonem THEODIBERTVS præfuit, THEODIBERTVS  
an frater, quæ quorundam sententia, parum liquet: TVS SECVN-  
DVS.

Arnolf. l. 1. c. 1.  
de S. Emmer.

Theodonis posteritatem non regnasse, id constat;  
lege



ANN. POST  
CHR. NAT.  
DCCXII.

lege autem ex Agilolfingis suffici necesse erat, non qui defunctum proxima consanguinitate contingeret, sed fide & prudentia præstantem. Theodibertus Ansprandum humaniter receptum, benignè aliquamdiu habuit. Decimo demum fugæ anno, siue continentibus supplicis precibus victus, siue hominibus innocentis sortem ultrò miseratus, siue pium ratus indignam Liutberti necem armis ulcisci, siue sibi amplum, reges regno per scelus parto deijcere, meliores imponere, nec præ eo quod ius & fas posceret, Boicam in Ariperto originè respectās, infestis copijs in Italiā venit. Langobardo cū exercitu obuio, incitatis utrimq; animis, statim acie cōgredi, & rem fortunæ semel inclinandā dare placuit. Acriter pugnantibus nox superuenit, & apparebat Boios de victoria concedere, nisi Aripertus signo receptui datō, castra ipse sua pernicioso errore præteruectus, Ticinū refugiens, suorum animos fregisset. Mirum quam eo facto verfa derepente in contrarium omnia, Langobardi se ducis exemplo pro victis gerere, Boijs audacia crescere. Accessit vecors aliud iuxta ac calamitosum, nec pro pristina Ariperti industriæ fama consilium, quod voluntates popularium turpi fuga offensas, hostes de proximo instare animaduerneret, turbatus præcipiti metu, melioris euentus spem omnē præcidit, seq; ad Francos prorepturus, auro ex regia gaza quantum potest onerat, grauem eo, gurges fluminis, quod nando traijciendum erat, haurit. Fra-

Theodonē hūc signare videtur, *Disio scilicet vir illuster, cui filii in regnum non successerant.* Et si ordine perturbato, Theodonem ad quem S. Rupertus venit, post hunc nominet, atque eum ipsum cum illo ad quem S. Corbinianus, confundat. De Theodiberto & Italica expeditione Paul. l. 6. c. 35.



ter GVNDEBERTVS fugæ comes, in Franciam perue-  
nit, reliquum ætatis in exilio cum tribus filiis actu-  
rū. Natu maximus REGINBERTVS, Aurelianensis ci-  
uitatis præfecturam regum benignitate gessit; ulti-  
mus ex Garibaldi Boiorum Regis stirpe surculus,  
cuius saltem auctorum monumentis extet prædita

GVNDEBER-  
TVS,REGINBERTVS  
CVM DVOBVS  
FRATRIBVS.

Hermā. Ariperti  
mortem in hunc  
an. 712. confert,  
quod reliquæ  
temporum rati-  
oni consentane-  
um est, si quidem  
an. 702. iniit, &  
per decennium  
regnavit, quot  
ann. Ansprandū  
exulasse Paul. au-  
ctor est. Sigeb.  
Aripertum an.  
701. iniisse, no-  
vem ann. regnas-  
se, 710. obiisse  
scripsit. Regino  
hactenus con-  
sentit, Anspran-  
dum novem tã-  
tum annis exu-  
lasse.

memoria. Ariperti cadauer postero die repertum,  
certam victoriæ fidem asseruit. Et verò obseruatum,  
Boici sanguinis apud Langobardos imperium, quo  
ceperat nomine, eodem desisse, nec virtute quidem  
impari. Nihil quippe ambigas, Aripertum, quâ reli-  
gionis, liberalitatis, iustitiæ, prudentiæ opinione vi-  
xit, si regnum omninò ipsum, non aditum item exi-  
tumq; spectes, in præstantissimis regibus numerare.  
Grandi iustitiæ documento, ciuitates dissimulato  
habitu per noctem circuire solitus, omnium de se  
deq; ijs quos iuri dicundo præfecerat rumores aucu-  
pabatur. Prudentia prope altiore, externos legatos  
nullo apparatu, non vino, non epulis lautioribus, vi-  
les ipse pelles indutus, contra quam Reges solent,  
excipiebat, ne domum ij reuersi, famâ Italicæ opu-  
lentiæ populares ad eius soli cupiditatem extimula-  
rent, quam Gallis alpes traijciendi aliquando caus-  
sam extitisse scire poterat. Ansprandus regno  
fine controuersia potitus, tres non amplius menses  
superfuit. Morituro Luitprandus filius, assiduus u-  
triusque fortunæ socius, multum ea re lætanti, sub-  
legitur. Hic gratiam relaturus familiæ, cuius benefi-  
cio

VNTRVD.

THODO  
QUINTVS.



WNTRYDA. cio regnaret, GVNTRVDAM Theodiberti filiam, ma- Paul. l. 6. c. 43.  
trimonio sibi adiunctam, in regij fastigij communi-  
onem vocat. Neque tot tamen vinculis pax diutius  
contineri potuit. Paulus Luitprandum fere initio Paul, l. 6. c. 58.  
regni narrat, pleraque Boiorum castella intercepisse:  
offensionis causas quas non explicat, ad finium cō-  
trouersias, mortuo iam Theodiberto, pertinuisse  
crediderim.

THEODO. Theodibertum Theodo rursus excepit, quintus Vita S. Corbini-  
anap. Sur. to. 5.  
nostra quidem sententia; sextum numerent oportet, qui à Danubij traiectu tres ordine Theodones  
posuere. Grimoaldo Theodiberti fratre natum, Gli-  
sonotham uxorem habuisse, ijdem magis suo arbi-  
tratu, ne quid unquam ignorent scilicet, quam an-  
tiquis testimonijs confirmant, nobis in incerto re-  
linquitur, quod & verum esse, & aptè ad continuan-  
dam stirpem fictum potest. Eo palam errant, cum  
Theodibertum ante septingentesimum annum ob-  
ijisse produnt, nam Paulus Ansprandum à Theodi-  
berto reductum scripsit, quod decimo aut duodeci-  
mo eius sæculi anno contigisse, vetusti annalium au-  
ctores consentiunt. Magna apud finitimos prin-  
cipes potentiae fama fuit Theodo, armis virisq; vali-  
dus, tum egregia trium adolescentum filiorum in-  
dole felix. Moribus ipse ad omnem virtutis laudem  
compositis, pietate in Deum nulli maiorum secun-  
dus, primus Boiorum religiosam peregrinationem  
ad Apostolorum limina instituit. Romam venisse Paul. l. 4. c. 46.

Grego-



Anast.in Greg. 2.

Bedain capit. an.

688. Ceadualia

& an. 709. Con-

redum Romam

venisse narrat.

Idem habet hist.

ecclef. l. 5. c. 7. &

c. 20. Vbi Huu

præterea & Of-

fam adiungit.

Aribo, Heres i-

dem & Cyrinus

dictus, vitam S.

Corbin. scripsit.

tertius post ipsū

Episcopus.

Vua S. Corb.

Cæf l. 7. de bel.

Gall.

Falsus est Otho

Eni l. 5. c. 24.

Corbinianū ad

tempora Pipini

Regis referens.

Gregorio secundo Pontifice indictione decima

quarta, ab Anastasio annotatum est. Quo paullo an-

te Anglici reges eadem de causa venerant, & exem-

plum valuisse putandum, ne in Italia propemodum

vestibulo positus, ab extremis Britannis isto officij

genere vinceretur. Domi provinciam in quatuor

partes tribuit, uni ipse præerat, ceteras filijs procu-

randas cessit, THEODIBALDO, aut Theodoaldo ni-

mirum, GRIMOALDO & HVGIBERTO singulas: nam

qui quartum siue Theodebertum, siue Theodonem

adijciunt, neque quem sequantur habent, & ab Ari-

bone abeunt, quo nullus qui hodie extet, hæc certi-

us scire potuit, Aribo enim patrem provinciam, se

inter & liberos, in quatuor partes diuississe scripsit,

quæ ad istorum rationem quinquariam fuerat

partienda.

Corbinianus ea ætate pietatis studijs apud Gal-

los floruit. In Melitonensi agro natus, quem nomen

à Meloduno Senonum urbe, ut est apud Cæsarem,

corruptè traxisse suspicor, monasterium ad sancti

Germani ecclesiam condiderat, ubi cum annos qua-

tuordecim vixisset, crebrescente sanctimonie fama,

quotidianis omnium ordinum adibatur concursi-

bus, qua consilium & orationes poscentium, qua

munera inter egenos partienda afferentium, nam &

Pipinus Heristallus Equitum magister, cuius maxi-

ma secundum Reges apud Francos auctoritas, mise-

rat hominem ex suis primarium, qui Corbiniani

precibus

ANN. POST  
CHR. NAT.  
DCCXVI

THEODIBAL-  
DVS,  
GRIMOALDO  
HVGIBERTO  
SECUNDVS



precibus illum submissè suppliciterq; commenda-  
ret. Vt exquietis tranquillitatisq; portu, quem se-  
cessu petierat, in medios iam hominum negotio-  
rumq; æstus videretur reuectus. Offensus ea re, & in-  
terpellantium frequentiam impedimentum ad be-  
atiorem vitam interpretatus, Romam abit, solum  
aliquem ad diui Petri basilicam angulum à Pontifi-  
ce impetraturus, quo cum suis latitans, vita sanctè  
instituta, uni Deo vacaret. Votis ad Apostoli ædem  
factis, sese ad pedes Pontificis abijcit, copiosa orati-  
one rationem itineris, quidq; quas ob causas peti-  
tum venisset prosequens. Gregorius, ab homine  
quantumuis diserto, in quam partem rogabatur fle-  
cti non potuit, in aliam ultrò motus est; animadu-  
erso enim, quam mirifica contentione omnibus pie-  
tatis exemplis exercitus, pura & simplici mente in  
Deum ferretur, cum ea exterius accederent admini-  
cula, quibus omnis & ætas & sexus caperetur, insi-  
gnis oris facundia, morum incredibilis candor, fa-  
ciles suauesq; congressus, intellexit eum altius eue-  
ctum, & in hominum concilia quæ fugiebat remis-  
sum, egregios & uberes fructus esse laturum. Nec  
mora, promotum per sacrorum ordinum gradus, E-  
piscopum creat, addito honoris causa pallio, & sa-  
cra benedictione amplissima formula, quâ exercen-  
dæ dignitatis ubicumque terrarum fieret potestas.  
Pontificis imperium detrectare non ausus, contra  
quam sperarat, nouum in Galliam onus inuitus &

K k coa-

ANN. POST  
CHR. NAT.  
DCCXVITHEODIAL-  
DVS  
GRIMOALDVS  
HVGIBERTVS  
SECUNDVS

coactus retulit. Ita verò gessit, ut priorem sanctimoniam opinionem miracula diuinitus edita exaugerēt, illumq; vulgò etiam, sed apud pios præcipuè, in magna admiratione & laude ponerent, supplices & munera indies copiosius circumfluere. Quo homo ab omni ambitionis & auaritiæ specie longè abhorrens, ad repetendum Melodunense latibulum compellus est. Ibi septennio circiter actò, res eodem rediit, tanta virtus nullis parietibus cohiberi poterat, famâ quo studiosius pressa, magis magisque erumpente, & adeuntium coitiones fiebant iam prope turmatim. Romam ergo quo prius animo, sed clam deuio & infueto alio itinere, regredi cogitat, ne si recto, consilium emanaret. Hæc in Germaniam deflectendi causa. Ut ad Boios venit, quos Noricorum nomine Aribo appellat, plerorumque ruditatem miserans, officij delati memor, verba de rebus diuinis sæpe utiliter in publico fecit. Rumor breui Theodonem attigit, qui quoscumque sacerdotes comiter excipere solitus, peregrini Episcopi desiderio magnopere incensus, eum ad se vocat, & coram omnia supra quam sermonibus celebraretur expertus, quibus potest precibus contendit, Boicam de cetero sedem legat, sibi, ne obtemperasse aliquando pœniteat, curæ fore. Assensus exprimi non potuit, muneribus itaque onustum dimittit. Nec de Theodone quidquam post illam diem, quod extet, proditum. Ab eo ad Grimoaldum filium ventum,



tum, cui pars prouinciæ in Italiam vergens obtigerat, regiâ Frisingæ constituta. Non minori ibi siue principis siue popularium gratulatione acceptus, ad primum virtutis doctrinæq; gustum, maiori etiam contentione ut subsisteret rogatus est. Grimoldus omnibus modis blandiendo, supplicando, hereditate quin inter liberos pollicitâ, insistere, ne se abiens desereret. Cum nihil exoraretur, nec inuitum retinere placeret, amplis item donato muneribus, comites additi, qui ad Italiæ fines honorificè deducerent, simul Venusticæ vallis reliquisq; circa populis, ipso inscio imperarent, Româ reuertentem obseruare, ad regiam reducendum. Nox euntes inter aspera alpium in campis ad syluam, Breonum regione oppresserat, cum equum clitellarium incustoditum ab urso raptum dilaniari contigit; tum Corbinianum sarcinam quæ prius iumentum fuerat, urso imponi iussisse ferunt, paruissè belluam, syluestri ingenio deposito, vicaria opera toto reliquo itinere functam. Illustre visum miraculum, dignum inter multa, quod posteritatis memoriæ imaginibus additum repræsentaretur. Inde Tridentum Ticinumq; progressus, traiecto Pado iter per Hetruriâ Romam tenuit. Vbique signa, quæ quam Deo charus esset ostenderent, edita. Liutprandus Rex eunti redeunti q; quantum maximum potuit honorem habuit, ut neque ad genua accidere, neque se eius orationibus perquam demissè committere,

Kk 2 infra

infra Regium fastigium putauit. Romæ Gregorius appellatus, de concilij sententia perstitit respondere, non placere Episcopum priuatam & residem in monasterio vitam ducere, neque munus, quod omnibus precibus orabat, abdicare, quin feliciter coeptum, pari cura prosequeretur, & eo rediret ubi plurima bonæ frugis spes esset. Adiecta insuper certa & dilucida sacrarum litterarum testimonia, quibus hæc ipsa confirmabantur. Auctoritate & argumentis victus, cum aliquot dies Pontificis beneuolentiæ dedisset, accepto commeatu quâ ierat reuertitur. Vt Tridento Maias, Boicæ tum ditionis primum ab Italia castellum, venit, castellanos non fefellit, iussus subsistere dum Grimoaldum consularent. Ille interim occasionem sequutus, sancti Valentini Episcopi corporis reliquias veneratur. Valentinus enim Batauis olim pulsus, latiori successu in Alpes delatus, ecclesiam Maijs condidit, in qua mortuum humauere, ibi tunc Corbinianus supplicauit. Et montanam proximam regionem per otium lustrans, solo syluis frugibusq; læto capiebatur, auio in primis loco delectatus, cui incolæ Camina nomē fecerant, Timone & Finaliamnibus utrimque irriguo, de quo iam tunc mercando, & exstructo tuguriolo rebus diuinis destinando, cogitabat. A Grimoaldo reuersi nuntiant, principem in summa eius expectatione esse, sibi adducendi negotium delegatum, quod ut ipso volente propitio exequere-

Arenpek. l. 2. c. 17. Maias Meraniam, quæ ad Athesim est, interpretatur.

Supra pag. 179.

VILIDRYDES



rentur, venerabundos rogare. Doluit latere non potuisse, cum verò dissimulandi locus nullus restaret, inuitus assensus est. Theodibaldus Corbiniano

PILIDRVDES.

Romam profecto, fato concesserat, PILIDRVDE uxore relicta, Franca origine, forma & nobilitate prestante; quam Grimoaldus adamatam, sprete fama, & calcata fraterni thori reuerentia, iustæ coniugis loco domi habebat. Ut rescivit Episcopus, auersatus scelus, præmittit qui semel diceret, se in principis conspectum neutiquam venturum, quamdiu probum illud ei hæreat, graui addita inter cetera Pauli <sup>1. Cor. 6.</sup>

Apostoli verbis comminatione, neque adulteros neque fornicatores regnum Dei possessuros. Prope fuit ut procax fœmina veterem Herodiadis tragediam repeteret, & recentia Alpeidis in Lambertum, Geilę in Chilianum exempla erant ante oculos, nam <sup>S. Lambertus passus an. 609 S. Chilianus an. 698.</sup> constitit agitata esse id genus consilia, non ignaro periculi Corbiniano, apertè professo, se Ioannis factum imitantem, nisi quod Herodes uxorem fratri viuenti tulisse creditur, eiusdem exitium non perhorrescere. Pergebat nihilo minus ablegatis amicis monere obtestari, tantum piaculum quamprimum à se amolirentur, variè ostentata spe veniæ ad meliorem mentem redeuntibus, & quæ pœnarum supplicia peruicaces breui manerent. Quadraginta dies contentio tenuit. Mollitis tandem animis, affuere ad pedes Episcopi ambo coniuges, humi passis brachijs strati, peccatum confessi detestatiq; & didu-

K k 3 cturos

Ortho Fris. Ec-  
clesiam S. Bene-  
dicti dedicatā  
fuisse scripsit, sc.  
quod monachi  
benedictini in-  
colerent.  
Arenpek. l. 2. c.  
18.  
S. pag. 175.

Eturos incestum matrimonium, & quæ præterea iu-  
beret omnia facturos polliciti. Cruce signatos expi-  
piatosq; subleuat, multa monens quam in posterum  
viuendi rationem orando, ieiunando, pauperibus  
largiendo, insisterent. Cibum inde una capientibus,  
Caminæ mentio iniecta, Grimoaldus facile in rem  
præsentem venire persuadetur, & amœnissimū terra-  
rum tractum pretio à dominis redemptum, ecclesiæ  
S. Mariæ virginis Frisingæ, quæ Episcopo sedes de-  
stinata, contribuit. Arenpekjus Christianorum ba-  
silicam à Maximiliani martyris ætate id loci stetit  
prodidit, Maximilianum autem Cari & filiorum  
imperio vixisse, supra dictum. In Camina Corbinia-  
nus templum sanctorum Valentini & Zenonis me-  
moriam celebrædificat, vitem circa & frugiferas ar-  
bores serit, opimum etiam de proximo agrum, Cho-  
ries nomine, coemit, erogata pecunia quam à Pipi-  
no Heristallo dudum dono acceperat. Illud prisca  
interim seueritatis exemplum edit, quod quam à  
nostrorum morum remissione abit, tam vereor ne  
parum fidem inueniat; Vt mensa assederat, sollempni  
formula bene epulis precatus, principem cani panis  
frustum animaduertit proijcere, tum sella indigna-  
tus exsiliens, quæq; parata erant propellens, argento  
humi voluto se se foras proripit, indignos sacra be-  
nedictione clamitans, qui canes ea dignos crede-  
rent, sibi constitutum & cibo & cura illius domus  
de cetero abstinere. Pilidrudi diuortium ægrè feren-  
ti,



ti, cum ira & libidine succensa omnem nocendi adi-  
tum quæreretur, plana & prompta visa occasio, & Gri-  
moaldum iritatum erat verisimile, tum illa urgere,  
nihil iam reliquum, tentatam à præfule principis pa-  
tientiam atroci & insignita iniuria, quam quo ani-  
mo ferat, multum multumq; referre, si segni & re-  
misso, omnibus appariturum alibi nomen imperij,  
alibi vim & potestatem esse, secus, si maiestati pares  
iras gerat, & principalem dignitatem unius exteri  
hominis sanguine sanciat. Nihil motus Grimoaldus  
fœminæ vocibus, misit qui abeuntem clementer  
sustinerent, ipse cum proceribus statim insequutus,  
nullo non officij genere satisfaciens, vix placatum in  
palatium reduxit. In colle ad urbem ecclesia  
Stephano martyri sacra iam tum stabat, quam Cor-  
binianus orationis causa visere solitus: eo cum ali-  
quando, siue valetudine ipse occupatus siue nego-  
tjjs, reliquum clerum matutinas Deo laudes dictu-  
rum ablegasset, montem subeuntibus, canentium  
chori clarius clariusq; ab ecclesia auditi, & mirifici  
splendores tecto fenestrisq; emicantes visi, intro-  
gressis, lumen quidem evanuit, suauissimus verò latè  
odor diffus, tertio demum die remisit. Episcopus  
certior de ostento factus, clerici enim, qui sacro hor-  
rore perculsi pars ante vestibulum, pars illo vix supe-  
rato exanimis conciderant, ut sibi quisque redditus  
ad eum recurrere, animum ad locum adiecit, & mo-  
dicas quas incoletet ædes ecclesiæ coniunxit. Aegrè  
ferre

ferre visum famulitium, ob aquæ præsertim inopiam, nam difficiles in tantam tumuli altitudinem quotidianas subuectiones querebatur. Miseratus ergo vir sanctus, solus circumiens, se qua mons in meridiem vergit, humi abijcit, suppliciterq; aliquamdiu orans, terram scipione quo nitebatur effodit, ibi tanta aquarum vis erupit, ut & colentium usibus largè sufficeret, & toto abundè cliuo deflueret, quamdiu ille quidem vixit, mortuo, per annos amplius quinquaginta, ut temporis ratio rescribere postulat, nam in Aribone quadraginta sunt, aruit, donec relato Frisingam corpore, quo miraculum esset testatus, se iterum ostendit, adhuc perennis. Nec eo minus Mariæ virginis templum dignitate præstabat. Quo ad vespertinas forte preces tendenti, rusticana mulier, veneficij iam antea delata, fit obuiam, comitabantur viri aliquot onere graues. Interrogata nihil dissimulat, munera ferri Principis liberalitate in se collata, quod filiolum dæmonum præstigijs prope perditum, excantatione saluum & incolumem reddidisset. Rarò alias Corbinianus sic visus excandescere, equo se præcipitans, fœminæ in os inuolat, & fœdè mulctatæ dona adimit, inter egenos ad urbis portam partienda, Grimoaldo, fidem Deo toties mutatam exprobrat. Pilidrudes, ut eam venefica cruentata facie flens atque lamentans adiit, furienti ipsa propior, humile & abiectum Grimoaldi ingenium aspernari, hanc dicere unam esse Corbiniani

ANN. PO.  
CHR. NA.  
DCCXXI



niani confidentiam, se certiori via manifestarium inimicum ulturum. Ninum ministrorum fidissimū vocat, rem ferro expedire imperat. Et patratum fuisset facinus, nisi Episcopus clam monitus, tectum ea nocte mutasset. Adest summo mane sicarius, domum armatis cingit, Episcopum in cædem deposit, nec multum tamen quæsitum reperit. Aedibus vastatis, dedecore & ignominia oppletus, ad dominam reuertitur. Corbinianus ad Christi præscriptū Matth. cap. 10. persequentes fugiens, prouincia excedit, Maias una cum clero profectus, huius enim castelli imperium ad Langobardos reciderat, inter ea quæ Liutprandum Boijs abstulisse supra dictum, Principi simul per certum hominem denuntiat, pœnas morte persoluedas exspectaret, & Pilidrudem ea ruina collapsuram sciret, quam ultrò innocentibus strueret. At Grimoaldus muliebris flagitij agebat ignarus, neque de Episcopi abitu adhuc cognouerat. Nuntio excitatus, propere ablegat qui orent, deprecantur, obtestentur, omnia faciant, ut quibus possint precibus, quacumque conditione, reditum euincant. Nequicquam. Responsum, Iezabelis cauendas insidias. Designata Pilidrude Iezabelis nomine, quæ itidem prophetas olim feralibus odijs persequuta. Nec morata vindicis numinis ira se exserere. Carolus Mar- Annal. Fuld. Herman. Aim. l. 4. c. 52. tellus Francorum Princeps, anno post Christum natum septingentesimo vicesimo secundo, traiecto Danubio in Boios mouit. Scriptores, ut nuda fere

L l est

ANN. POST  
CHR. NAT.  
DCCXXII.



est omnis eo saeculo historia, nec causam expeditionis, nec euenta tradunt: nisi quod duro & difficili bello Francum victorem defunctum esse conuenit. Pace constituta, sequenti statim anno rebellatum, & rebelles iterum victi. Tum gaza ingens de Boijs parata, Pilidrudes cum Sonichilde nepte, inter victoriae praemia abducta. Ita Gregoriana appendicis scriptor auctor est: nam in Aimoino Plestrudis nomen, assuto etiam glossemate, perperam pro Pilidrude legitur, quod utique Aemilium, diligentem scriptorem, neque cum tamen solum, fefellit. Aribo Pilidrudem Carolum in Galliam sequutam scripsit, post fastiditam, eo miseriarum recidisse, ut quo diuturniore supplicio scelerum poenas expenderet, dignitate & bonis exuta, vitam per extrema quaque ducens, veluti piacularare ostentum a fello circumuectaretur, in Italiam tandem incertis erroribus delatam, infelicem ibi animam exhalasse. Et liberos paterna hereditate excidisse, matris fortuna per varias arumnas aetatem pressos. Infans qui magico carmine lustratus visus reualefcere, exspirauit. Grimoaldus coniuratorum factione percussus, Ninus foeda & infami morte, dum aluum leuat lancea traiectus, perire. Et vindicta haecenus constitit. Domestici annales Grimoaldi mortem in annum septingentesimum siue octauum siue nonum referunt. Ex Theodonis filijs Hugibertus supererat, solus iam Boicæ potens. Cui benignè & humaniter reuocanti, Corbini-

Aimoin. ad Da-  
nubium usque  
accessit, illoq;  
transmeato, fi-  
nes Baugareses  
occupauit. Sub-  
acta regione illa  
eum thesauris  
multis, & cum  
matrona Plestru-  
de (quondam u-  
xore patris sui Pi-  
pini) et nepte sua  
Sonichilde, re-  
greditur. glossē-  
ma videntur ver-  
ba quæ parêthe-  
seos nota inclu-  
sa, absunt enim  
ab appendice  
Gregor. c. 108.

ANN. POST  
CHR. NAT.  
DCCXXIII

DCCXXVIII  
DCCXXII



binianus non difficulter paruit, summo quo merebatur honore ab eo habitus; sacri lauacri fœdere cōiunctos fuisse, Aribro prodidit, credo quod Principis liberos Episcopus tinxerit. Mortem ut ex propinquo imminere animo præsensit, tam quidem certè & distinctè, ut diem, & omninò horam familiaribus notaret, Erimbertum fratrem ad Liutprandum Regem legat, orat auctoritatem interponat, qua Maiensium prædiorum possessio Frisingensibus sit perpetua, mortui cadauer, quod S. Valentino dudum commendauerit, inibi condi patiatur. Alium ex discipulis ad Hugibertum mittit, qui in eandem sententiam, cadauer Maias deferri roget. Octauo post die, lotus rasusq; sacram vestem induit, sacrificium offert, & mysterijs perceptis domum redit, ubi cum vinum poposcisset, vix gustato, fronteq; cruce signata, extremum spiritum, nulla cum doloris significatione, reddidit. Funus à ministris Frisingæ ad D. Mariæ curarum. Apparuit Deo cordi esse supremam morituri voluntatem non negligi. Totos triginta dies continens imber, inter vehementes procellas depluit. Tum Hugibertus corpus exhumari mandat, quo viuus iusserat deuehendum. Integrum repertum est, per omnia suauiter dormienti, quam aut mortuo aut ægrotanti similis, & fuere in magna hominum ad spectaculum confluentium turba, qui viuere crederent, moto, calidus de naribus sanguis fluxit, quem fictili exceptum, in castello quod ho-

Ll 2 spiti-

spiritum proxima nocte præbuit, terra condidere. Maijs Langobardicum præsidium, insidias à Boijs veritum, funus non nisi ostenso Liutprandi diplomate admisit, tum quoque loculo scrutato, stragula sudariumq; capitis ut euoluere, cadauer spirantis habitu conspectum, & integer iterum sanguis naribus manauit. Accessere alia tum in itinere tum Maijs miracula. Vt ad S. Valentini humatus, triduo post in tempesta nocte in ea ipsa ecclesia visa candidissima funalia tanto splendore exardescere, ut diem vincere crederentur, & iucundissimus odor fusus est. Annus septingentesimus tricesimus annales numerant. Ratharium aduentitium Episcopum, hac ætate Reginoburgi egisse, quam ante Emmerammi tempora, quod quidam prodidere, verius est, cum Arnolfus Hugibertum Grimoaldi successorem, monasterio S. Emmerammi fundum, Pirchin vvanchnomine, sub Rathario dono dedisse scripserit, id verò nisi ad hanc rationem, profectò fieri non potuit.

Arnolf. de S.  
Emmer. l. i. c. i.

ANN. POST  
CHR. NAT.  
DCCXX.

MAR-



MARCI VELSERI

269

RERVM

BOICARVM

LIBER QVINTVS.



T verò Bonifacius, supra eos qui rem Christianam in Germaniâ unquam tractauere, siue fama nominis, siue pietatis profectu, longè omnes emicuit, gentem quippe ingenti animi conatu uniuersam aggressus, quod ceteris abundè magnum per partes facere. Anglis parentibus apud Britannos orto, puero Vinifrido nomen fuit. Qui cum se Deo totû dedisset, ex monacho sacerdos, in Frisiam traiecit. Inde Romam ad Gregorium secundum Pontificem veniens, potestate donatus sacram doctrinam ubiuis gentium explicandi, in reditu Boios attigit: sed tum quidem progressus, præcipuam Toringis, Hassis, Frisijs operam impendit: credo Corbinianum Boicę suffecturum existimans. Interiecto haud multo tempore, Romam reuocatus, nominis asperitate honoris causa in Bonifacium versa, Episcopus renuntiatur. Populos quorum nomina posuimus, & cōfines circa, incredibili successu docuit, ut iam nec ipse, neque quos secum habebat presbyteros, tantæ

Vita extat apud  
Surium tomo 3.

Ll 3 Chri-

ANN. POST  
CHR. NAT.  
DCCXX.

Christianorum multitudini pares essent. Suppetias ergo domo petit, quod Britannia religiosorum hominum illa ætate scaturigo haberetur & seminariū: nam hæc quoque temporis diuturnitas immutat. Inde tum viros tum fœminas, virtutis atque doctrinæ laude præstantes, euocat. Ex quibus Vilibaldus & Vinibaldus, Valturgis & Cuniburgis, apud Boios claruere. Gregorio secundo Pontifice mortuo, anno post Christum natum septingentesimo trigesimo primo, tertius eadem appellatione successor, Bonifacium Archiepiscopi dignitate, misso sacro pallio, honestauit. Tum ille se primum, anno siue proximo, siue proximum sequenti, ad Hugibertum, graui de causa contulit. Vix obierat Corbinianus, cum infaustum nomen Erenuolfus, homo hæreticus, primus cuius memoria inter Boios extet, si his quoque pestibus annotandis operæ pretium facimus, flagitiosa impiorum dogmatum labe serendâ grassari cœpit. Bonifacius, ut erat acri in diuinum cultum studio, propere accurrens, ne virus latius serperet, auctorem sceleris, maturè ex sacrorum canonum præscripto damnatum, ab ecclesiæ communionem reijcit, simul populum salutaribus concionibus admonitum, in viam reuocat. Quinquennio post Romam tertio repetit, Francis, Britannis, & iam Boijs magno numero comitantibus. Pontifex illum benignè & humaniter, ceteri admiratione virtutis, rerumq; gestarum magnitudine perculsi, vene-

ANN. POST  
CHR. NAT.  
DCCXXXL

DCCXXXII  
DCCXXXIII

DCCXXXIII



venerabundi exceperunt. Honores qui maximi haberi potuerunt, habitus, sacræ reliquiæ petenti prolixè concessæ, addita discedenti munera alia, & Pontificis nomine litteræ, quibus auctoritas & reuerentia apud Germanicos populos amplissimis verbis augebatur. Epistola ad Boios & Alemanos in hæc verba concepta. In qua quæ nomina quibus sedibus conueniant, difficulter coniectes, nisi quod Viuilum an Viuilonem, Laureacensibus & Batauensibus præfuisse constat, cetera Alemanicas spectare inde scias, quod Bonifacius Boicas vacantes reperit.

Dilectissimis nobis Episcopis, in prouincia Boio-aria & Alemaniæ constitutis, VVigoni, Luidoni, Rudolto & Viuilo seu Addæ, Gregorius Papa.

Catholica sanctorum patrum auctoritas iubet, ut bis in anno pro salute populi Christiani, seu exhortatione adoptionis filiorum, synodalia debeant celebrari, ut caussarum canonicarum exhortatio provenire possit, atque ut necessitas uniuscuiusque poposcerit, pia educatio agatur. Vnde secundum Apostoli doctrinam, admoneo & hortor vos charissimi per misericordiam Dei, ut dignè ambuletis vocatione qua vocati estis, ut ministerium vestrum perfectum sit coram domino. Opportunum est namque vos nosse, fratrem ac coepiscopum nostrum præsentem Bonifacium, nostram agentem vicem, cum digno ac debito honore pro Christi nomine suscipere, & ministerium ecclesiasticum cum fide Catholica

Hæc nomina  
variè leguntur.  
Que verò Viuil  
& Addæ synoni-  
mia sit, acutio-  
res conijcient.

Ephes. 4.

ANN. POST  
CHR. NAT.  
DCCXXL

DCCXXII.  
DCCXXIII.

DCCXXVIII.

tholica, secundum morem & normam sanctæ Catholicæ & Apostolicæ Dei ecclesiæ, cui, misericordia Dei præueniente, præesse videmur, sicut Apostolica auctoritate à nobis destinatus est, ab eo suscipientes, dignanter teneatis, & gentilitatis ritum, & doctrinam vel venientium Britonum, vel falsorum sacerdotum & hæreticorum, undecumque sint, renuentes ac prohibentes abijciatis, & ut populum vobis à Deo commissum pijs admonitionibus edoceatis, & à sacrificijs mortuorum omninò abstineatis, & iuxta quod fueritis à prædicto nostro confacerdote edocti, ita Catholicam & Apostolicam doctrinam tenentes, domino Deo saluatori nostro placeatis, & in quo vobis loco ad celebranda consilia conuenire mandauerit, siue iuxta Danubium, siue in ciuitate Augusta, vel ubicumque indicauerit, pro nomine Christi parari esse inueniamini: quatenus cognoscamus per eius mandatum de vestro conuētu, ut in die aduentus Christi Iesu, cum fructu boni operis ante eius tribunal assistere mereamini, dicentes: Ecce nos & pueri, quos dedisti nobis domine, non perdidimus ex eis quenquam. Vt & vos dominicam vocem audire mereamini, Venite benedicti patris mei, percipite regnum, quod vobis paratum est ab origine mundi.

If. 8.

Matth. 25.

Arenpek. l. 2. c. 23. & manufer. plerique. Stein- del an. 740. quidam 735. habet.

Hugibertus sequenti anno vita functus, VTILO-  
NEM, siue Otilonem aut Odilonem, incompertum  
an ex se natum, ceterum ingentis spiritus principem,  
succes-

ANN. POST  
CHR. NAT.  
DCCXXXIX  
VTILO  
SECYNDVS.



successorem habuit. Erenuolfo quamuis represso, multæ adhuc eius generis pestes tota prouincia volitabant: pars se Episcopos mentiri, pars presbyteros, alij alia, ut cuique commodum fingere, ecclesias peruertere, populum, vulgus enim nouando in primis capitur, seducere. Sedes sacræ per Boicam habebantur quatuor, Laureacum siue Bataua, Salisburgum, Frisinga, Reginoburgum. Sabionæ ratio non habita, quod Langobardicum imperium respiceret. Nuenburgum Reginoburgo credo accensa. Verum eæ nec continentibus Episcoporum successionibus, nec certa finium descriptione satis constitutæ. Soliti præterea Pontifices Romani legare homines persæpe exteros, magna & excellenti virtute, Corbinianos & Bonifacios puta, qui Episcoporum munere ubique liberè sine exceptione fungerentur. Fraudatoribus dolo obtegendo utraque causa seruiebat, posterior maximè, quo peregrini & ignoti facilius irreperent, Pontificiam missionem credulis persuadebant, si qui præsertim Britanni, fuci eiusdem cum apibus patriæ consortes essent, quod ipsum superior Gregorij epistola innuit. Vtilo tantam & tam latè patentem, tamq; perniciosam improbitatem coercendam ratus, Bonifacij opem implorat. Is Roma reuersus, commodum apud Luitprandum Ticini hærens, statim vocatus affuit, & omni Boica perlustrata, impuros nebulones profligauit, populum prauis opinionibus corruptum, Chri-

M m stianis

ANN. POST  
CHR. NAT.  
DCCXXXIX  
VTILO  
SECUNDVS.



Catal. episcop.  
Salisburg Hun-  
dij & aliorum.

Catal. Batau-  
Seritouini &  
Hundij, qui ta-  
men, quod Vi-  
uilonem à Gre-  
gorio 2. an. 722.  
Episcopum con-  
stitutū scribunt,  
errant.

flianis mysterijs ab ipsis iterum rudimentis institu-  
it. Multum ei rei operæ multumq; temporis impen-  
sum. Vt fructus responderet, & ne res ad hanc ali-  
quando perturbationem relaberetur, placuit sedi-  
bus quorum nomina posuimus, quod vacarent ple-  
raque, Episcopos, Vtilone & optimatibus volenti-  
bus, præficere, tum iurisdictionem, descriptis diœ-  
cesium limitibus distinguere. Salisburgensibus post  
Rupertum & Vitalem, deinceps Ansologus, Sauo-  
lus, Ezius, Flobargis præfuerant, Abbates omnes  
monasterij Petri Apostoli, quod Rupertus in ea ur-  
be instituit: tunc quoque Ioannes inde datus est.  
Frisingensibus Erimburtus, Corbiniani nuper de-  
functi frater. Reginoburgo, Boiorum regiæ, Gau-  
baldus siue Garibaldus. Laureacensis & Batauensis  
Episcopatus coaluerant paullatim, Philoni & Bru-  
noni unus Theodorus successerat, Theodoro Viui-  
lum siue Viuilonem Gregorius non ita dudum sur-  
rogat, quem excisa ab Hunnis Laureaco, sub Hu-  
giberti demum mortem, sacra sacerdotesq; in Bata-  
ua transfulisse auctores habeo. Bonifacius de Viui-  
lo, qui unus legitimus in Boica esset Episcopus, ni-  
hil mutauit, diœcesim perinde ac reliquas descripsit.  
Visum Pontifici actorum rationem per epistolam  
reddere, quæ cum exciderit, capitum argumenta ex  
rescripto intelligimus.

Reuerendissimo & sanctissimo fratri Bonifacio  
coepiscopo, Gregorius seruus seruorum Dei,

Docto-



Doctōris gentium egregij & beati Pauli Apostoli  
 vox est, dicentis: Diligentibus Deum, omnia coo- Rom. 8.  
 perantur in bonum. Agnoscentes itaque in syllabis  
 fraternitatis tuæ, quia de Germaniæ gentibus, quas  
 sua pietate Deus noster de potestate paganorum li-  
 berauit, & ad centum millia animas in sinu sanctæ  
 matris ecclesiæ, tuo conamine & Caroli Principis  
 Francorum, aggregare dignatus est, sed & in Boio-  
 ariorum prouincia quæ à te acta sunt agnoscentes,  
 datori omnium bonorum domino Deo nostro, ex-  
 tensis ad cœlum manibus gratias retulimus: quia ia-  
 nuam misericordiæ & pietatis in illis partibus He-  
 sperijs, ad cognoscendam viam salutis aperuit, & mi-  
 sit angelum suum, qui præparauit viam ante te. Igi-  
 tur quia indicasti perrexisse te ad gentem Boioario-  
 rum, & inuenisse eos extra ordinem ecclesiasticum  
 viuentes, dum Episcopos non habebant in prouin-  
 cia, nisi unum nomine Viuilum, quem nos paullo  
 ante ordinauimus, & quia cum assensu Vtilonis Du-  
 cis eorundem Boioariorum, seu optimatium pro-  
 uinciæ illius, tres alios ordinasses Episcopos, & in  
 quatuor partes illam diuisti, id est in quatuor paro-  
 chias, ut unusquisque Episcopus suam habeat paro-  
 chias: bene & satis prudenter peregisti frater, quo-  
 niam Apostolicam præceptionem ex nostra vice  
 implesti, & sicut tibi præcepimus, ita egisti. Itaque  
 non desinas frater reuerendissime, docere eos san-  
 ctam Catholicam & Apostolicam Romanæ sedis

Hinc palam est,  
 Viuilum non à  
 Gregorio 1, sed  
 à tertio ordina-  
 tum esse, quod  
 paullo post iterū  
 diserte dicit.

M m 2 tradi-

traditionem, ut illuminentur rudes, & viam salutis teneant, per quam possint ad æterna præmia peruenire. Presbyteros autem quos ibidem reperisti, si incogniti fuerint viri illi à quibus fuerint ordinati, & dubium est eos Episcopos fuisse qui eos ordinauerunt, si bonæ actionis & Catholici viri sunt ipsi presbyteri, & in ministerio Christi omniq; lege sancta educati, ab Episcopo suo benedictionem presbyteratus suscipiant, & consecrentur, & sic ministerio sacro fungantur. Illi verò qui baptizati sunt per diuersitatem & declinationem linguarum gentilitatis, si tamen in nomine sanctæ trinitatis baptizati sunt, oportet eos per manus impositionem & sacri chrismatis confirmari. Nam Viuilus Episcopus à nobis est ordinatus. Hic si aliquid excedit extra canonicam regulam, doce & corrige eum, iuxta Romanæ ecclesiæ traditionem, quam à nobis accepisti. De concilio verò, ut iuxta ripam Danubij debeas celebrare, nostra vice, præcipimus fraternitati tuæ Apostolica auctoritate, te ibidem præsentari. Et in quantum tibi dominus vires dederit, prædicare verbum salutis non cesses, ut religio Christiana in nomine domini crescat & multiplicetur. Nec enim habebis licentiam, frater, pro incepti laboris utilitate in uno morari loco, sed confirmatis cordibus fratrum & omnium fidelium, qui rarescunt in illis Hesperijs partibus, ubi tibi dominus aperuerit viam salutis, prædicare non desistas. Et ubi locum inuenieris,

ANN. 1  
CHR. 1  
DCC.



ris, secundum canonicam regulam Episcopus ordina ex nostra vice, & Apostolicam atque canonicam traditionem eos tenere doce. Ex hoc enim magnū mercedis prēmium tibi preparabis, quoniam omnipotenti Deo facies plebem perfectā. Non pigeat dilectissime frater, itinera carpere aspera & diuersa, ut Christiana fides longē lateq; tuo conamine extendatur, scriptū namque est, Arcta & angusta via est quæ <sup>Matth. 7.</sup> ducit ad vitam. Operare itaque frater opus bonum quod cœpisti, ut in die Christi Iesu merearis dicere, Ecce ego & pueri quos dedisti mihi, non perdidi ex eis quenquam. Et iterum, Domine, quinque talenta <sup>Matth. 25.</sup> dedisti mihi, ecce alia quinque superlucratus sum. Ut subsequenter merearis audire vocem domini dicentis, Euge serue bone & fidelis, quia super pauca fuisti fidelis, supra multa te constituam, intra in gaudium domini tui. Data iv. Kalend. Nouembris, imperante domino pijsimo Augusto Leone, Imperij eius anno xxiii, sed & Constantini Imperatoris eius filij anno xx, indictione viii.

ANN. POST  
CHR. NAT.  
DCCXLI.

Anno septingentesimo quadagesimo primo, <sup>Annal. Fuld. alij.</sup> Martellus Francorum Princeps obiit: bello longē quam pacis artibus clarior, Saracenicæ in primis geminæ victoriæ aliorum operum fastigia supergressē, una in Aquitania, altera Narbonensi prouincia parata. Aemilius Narbonensi Luitprandum Langobardum, Lantfredum Alemanum, simul & Otilonem Boium, quem Odillonem ille nominat, cum popu-

M m 3 la-



larium quemque copijs affuisse narrat, & egregiam adueisus barbaros nauasse operam, diuisis inter se partibus, pulso hoste, amplissimis verbis collaudatos, cum muneribus domum remissos esse. Quæ do-

*Amilius Aegi-  
rius Romag.  
Archiep. anteq.  
Martellu liberos  
numerat. Sed  
tabulæ Roto-  
mag. ecclesiæ id  
nomen non ha-  
bent.*

*In Aim. l. 4. c. 38.  
Gripho fratri-  
bus maior legi-  
tur, librarij vi-  
tio, fuit enim o-  
mnium minimus.*

nesticis annalibus præterita. Iusta uxore nati Martello Carolomanus, Pipinus, Hiltrudis: Sonichilde Gripho, ut Aimoinus quidem auctor. Qui quod Sonichildem siue Suanahildem, Vtilonis nepotem dixit, an rectum & genuinum eius vocis sensum sequutus assequutusq; sit, ignorata stirpe parum comperio, & fere ambigo. Hereditatem creuere Carolomanus & Pipinus, illi Austria an Austrasia & Turingia, huic Burgundia, Neustria, Prouincia celsit: Vt Boica Carolomanum respexerit. Gripho excludi pro indignissimo habuit, mater præterea, saucium adolescentis animum magis incendens, paterni testamenti iniuriam vi & armis vindicare extimulat. Lauduno ergo præcipiti consilio occupata, fratribus pari temeritate bellum indicit. Nihilo illi segnius excipiunt, & urbe obsidione statim cincta, breui potiuntur. Parsum fraternæ necessitudini & ætatis lubrico, ratione enim ducta ab expeditione quam mater capta fuit, Gripho duodeuigesimum vitæ annum nondum attigerat, Nouocastrum ad Arduennæ saltum asseruandus mittitur. Sonichildes hac spe deiecta, priuignorum odio aliam molitur machinam, Hiltrudi, ostentatis Vtilonis nuptijs, traiecto clam fratribus Rheno, fugere persuadet.

*Thoromach. l.  
6. Hiltrudis  
quoq; filia eius,*

Neque

ANN. P.  
CHR. N.  
DCCXI  
THASSI  
IACVNI

DCCXL

HILTRUDIS



ANN. POST  
CHR. NAT.  
DCCXLII.  
THASSILO  
SACVNDVS.

DCCXLIII.

Neque Boius nobilissimam virginem, benignè ex-  
ceptam, sibi despondere cunètur. Altero anno  
stirps virilis ex nouo matrimonio fuit, cui THASSI-  
LONEM parentes dixerè nomen. Apparebat Carolo-  
manum & Pipinum iniuriam inultos non laturos:  
sed Aquitanicum & Alemanicum bellum, Gripho-  
nis calamitatem consequuta, vindictam distulere.  
Vtroque victores defuncti, anno septingentesimo  
quadragesimo tertio, coactis quam maximis potue-  
re copijs, in Boios mouent. Vtilo, quo fidem face-  
ret, se Francis nulla ex parte obnoxium agere, existi-  
mationem simul aucturus, Ducis nomen ponit, Re-  
gis assumit, & ad fines armatus occurrit. Confede-  
rant exercitus in Lyci utrimque ripa, ut sermones  
conspèctusq; mutui ex propinquo essent, ne manus  
mox confererent, fluminis alueus distineret. Prior  
Francus, post segnem aliquot dierum moram, Bo-  
iorum conuitijs irritatus, noctu pluribus agminibus,  
locis inobseruatis raptim traijcit, eâdem celeritate  
castra inuadit, omnia clamore, tumultu, trepidati-  
one complet, nec pugna in tenebris constare, nec  
fuga sine magna cæde explicari potuit, Francis vi-  
ctoria, multo tamen sanguine venit. Vtilo amisso  
exercitu, paucis comitantibus, ægrè se ultra Oenum  
eripuit.

Carolus, cui Magno postea cognomen fuit, in  
Boica per hæc tempora Pipino, ex Berta siue Bertra-  
da coniuge, natum esse, auctores sunt, humiles illi  
quidem

Martelli facien-  
te consilio nefa-  
rio nouerca sua,  
fraudulenter per  
manus odalium  
suorum Rhenum  
transiit, & ad  
Odilonem Ducem  
Bavaria per-  
uenit. Ille verò  
eam ad coniugiū  
copulauit, contra  
voluntatem Gel-  
confilium fratris  
suorum, Thassi-  
lonem an. 742.  
natum scribit A-  
renpek. l. 2. c. 23.  
& alij. Steindel  
habet an. 743.

Annales pleri-  
que domestici  
de Regio Vtilo-  
nis nomine cō-  
sentiant.

Annal. Fuld.  
Franc. anon.  
Reg. Aimoin.  
Mar. Sigeb. &  
omnium copio-  
sissimè Thoro-  
mach. qui Oe-  
num fluuium Li-  
gne nominat.

HILTRIDIS



quidem & obscuro, qui tamen sectatores reppererint. Longa par somnio narratio, quam inter Gallicas & Italicas vernaculas etiam fabulas legere memini, sed mutatis locorum appellationibus, ut id decus aliter atque aliter ad se quisque trahit. Ego de Carolo plurimum Eginhardo credam, qui natalium ignoratorem ultrò fassus, cum anno decimoquarto noni sæculi, ætatis septuagesimo secundo obiisse scripsit. Vnde fit, ut cum omnis de originis loco asseueratio dubia atque incerta maneat, tum cum genitum oporteat, priusquam pater Vtilonem vicerit, anno qui Thassiloni natalis fuit. Neque si Boica alicubi locorum nomina, ad Pipinos & Carolos utcumque alludunt, Carolum ibi editum conficitur. Sed magnorum virorum ortus vel falsò vendicare, si minus virtutis, claritatis amor est.

Zacharias Pontifex eodem anno, Bonifacio potestatem quam à decessore acceperat, firmavit, novisq; accessionibus ampliavit. Partem epistolæ à Zacharia Non. Nouembr. datæ infra scripsimus.

Epist. Decret.  
tomo 2. sed confusus  
indict. numerus, Baron.  
x. habet.

Suggestisti etiam nobis, per alia tua scripta, quod in Boioaria unum reperisses falsum sacerdotem, qui & affirmabat, quod à nobis fuisset Episcopus ordinatus: & tua fraternitas hoc optimè egit, dum ei nō credidit, quia falsus homo omnia falsa suggestit, & falsum reperiens, sacerdotio suspende. Sic enim auctoritate beati Petri Apostolorum principis tibi præcipimus, ut quemcumque reppereris à sacris canonibus

ANN. P.  
CHR. N.  
DCCXI

DCCXI



bus deuigare, nulla ratione patiaris sacrum ministe-  
rium attrectare. Et quia si deberes in Boioaria pro-  
uincia ius habere prædicationis sciscitasti, an non,  
quam à decessore nostro habuisti concessam : Nos  
denique, auxiliante Deo, ea quæ tibi largitus est de-  
cessor & prædecessor noster, non minuimus sed au-  
gemus; & non solum Boioariam, sed & omnem Gal-  
liarum prouinciam, donec te diuina iusserit superes-  
se maiestas, nostra vice per prædicationem tibi in-  
iunctam, quæ repereris contra Christianam religio-  
nem vel canonum instituta, spiritualiter stude ad  
normam rectitudinis reformare.

ANN. POST  
CHR. NAT.  
DCCXLIV.

Proximo anno pax iterum conuenit, Hiltrudis ut  
videtur opera, hinc fratres hinc maritum exorantis,  
ne paricidalibus propemodum odijs, affinitatis vin-  
culum diducere pergerent, si qua sit eius connubij  
culpa, suam esse, se belli causam, aut in sororem fra-  
tres iram verterent, aut eidem condonarent, puero  
saltem deprecatore. Vtilo, se Franciis minorem fas-  
sus, ad Ducis nomen ex prisco fœdere redijt.

Annal. Fuld.  
Herman. ult. ed.

DCCXLVI.

Anno septingentesimo quadagesimo sexto Car-  
rolomanus, pro egregia in rem Christianam pro-  
pensione, cuius multa iam documenta dederat, lu-  
culenta præsertim duo, coacto statim à patris morte  
sacerdotum concilio, & ædificato ad Fuldam amnē  
incredibili magnificentia Saluatoris nomine cœno-  
bio, auctoritatem interposuit, quo Virceburgensis  
& Eistadiensis Episcopatus, instante Zachariæ iussu

Annal. domes-  
m.

Herman. Lamb  
Marian. alij.

N n Boni-



Catal. Episcop.  
Eistad. Hund  
parte 1. geneal.  
Boic.

Catal. Episcop.  
Eistad. Hund

Mf. codex de vi-  
ta Vinibaldi sic  
habet, Ottonem  
Ducem inquisi-  
uit, protinusq;  
ab illo magno in-  
sceptum fuerat  
honore, magnūq;  
ab illo donatum  
erat donorum...  
dignitate, in re-  
gione, in posses-  
sionibus, atque in  
alijs pecuniarū  
opulentia.

Meminit huius  
controuersia,  
præter vitam S.  
Bonifacij, Gra-  
tian. de conse-  
cr. dist. 4 c. 86.  
item Burcard. &  
Iuo.

Bonifacio, constituerentur. Huic Vilibaldus, illi Burcardus, Britannici ambo generis, præfecti. Eistadiensis Suigerum Hirsbergensem Comitem, volente & consentiente Vtilone, quod Boica usque eo pertingeret, multa liberaliter adeò cōtulisse ferunt, ut eius usque adhuc auctor habeatur & conditor.

Frater Vilibaldi Vunibaldus, Heidenheimi virorum monasterium, Valturgis soror scēminarum excitauit: summa omnes virtute & vitæ sanctimonia. Vunibaldum Vtilonis gratia floruisse, & opibus subleuatū esse, ex vetusto vitæ scriptore didicimus. At verò Carolomanus rerum humanarum indices magis pertæsus, abdicatā, inq; Pipinum omni principali potestate tanslatā, se monasticæ tandem vitæ addixit. Soractes illum mons primum, post Cassinum habuit.

In Boica iam tunc Virgilius & Sidonius pietatis docendæ causā versabantur, quorum sequentibus temporibus virtus & dignitas magnopere inclaruit. Virgilio Hibernia patria, quæ Sidonio fuerit, non est proditum. Is grauis cum Bonifacio disceptatio inciderat, de sacerdote qui latinitatis ignorance, in sacra baptismatis formula peccare solitus: re ad Pontificem delata, aduersus Bonifacij sententiam, in hæc verba rescriptum est.

Reuerendissimo ac sanctissimo fratri Bonifacio coepiscopo, Zacharias seruus seruorum Dei. Virgilius & Sidonius viri, religiosi, apud Boioariorum pro-



prouinciam degentes, suis apud nos litteras usi sunt, per quas intimauerunt, quod tua reuerenda fraternitas eis iniungeret, Christianos denuo baptizare. Quod audientes, nimis fuimus conturbati, & in admirationem quandam incidimus, si habetur ut dictum est. Retulerunt quippe, quod fuerit in eadem prouincia sacerdos, qui Latinam linguam penitus ignorabat, & dum baptizaret nesciens Latini eloquij, infringens linguam diceret, Baptizo te in nomine patris & filii & spiritus sancti. Et per hoc tua reuerenda paternitas considerauit rebaptizare. Sed sanctissime frater, si ille qui baptizauit, non errorem introducens ac hæresim, sed pro sola ignoratione Romanæ locutionis infringendo linguam, ut supra fati sumus baptizans dixisset, non possumus consentire ut denuo baptizentur: quia (quod bene tua cōpertum habet sancta fraternitas) quicumque baptizatus fuerit ab hæreticis, in nomine patris & filij & spiritus sancti, nullo modo rebaptizari debeat, sed per solam manus impositionem purgari debeat. Nam sanctissime frater, si ita est ut nobis relatum est, non amplius à te illis prædicentur huiusmodi, sed ut patres sancti docent ac prædicant, tua sanctitas studeat conseruare. Deus te incolumem custodiat reuerendissime frater. Data Kalendis Iulij, Imperante domino pijssimo Augusto Constantino à Deo coronato, magno Imperatore, anno vicesimo sexto, imperij eius año quarto, Indictione decima quarta.

N n 2

Griphe

Sic est to 5. Cōcil. Seco. 2. epist. Decret. sed Imperij an. vi. pro reponendus videtur, ut an. 28. Constant. Indict. 4. conueniat.



Aimoin. l. 4. c. 58. Griphonem in custodia per- mansisse scribit, usquequo Caro- lomanus Romā profectus est. Fluviorum no- mina Fabric. o- rig. Saxon. l. 1. Ocrum & Mus- saham habet.

Annal Franc. a- non. & Fuld. A- im. l. 4. c. 61. Su- nithgerum ha- bet.

Epist. integrā in- tra S. Bonifac. & libi extat.

Gripho custodias elapsus, indignatus se ne ceden- te quidem Carolomano, in imperij partem vocari, ingenio iuxta atque ætate ferox, anno quadragesi- mo septimo Saxones concitaturus profugit. Coacto exercitu castra ad Ouacræ aluetim locat. Pipinus in- sequutus, Saxonum legatos ad Missaham flumen obuios habet, quorum interuentu pugna abstine- tur. Suspiciosum visum Griphoni, nec hospitum di- utius fidei credere, nec se fratri ausus, & omnia post regnandi ambitionem habens, anno sequenti, subi- tario ex popularibus collecto milite, valebat enim gratia apud plerosque Francorum, Lantfredo & Sui- gero auxiliantibus, sese magna vi improuisus in Bo- ios intulit. Facile fuit incautos imparatosq; oppri- mere. Hiltrudem omnia alia à fratre expectantem, in deditionem accipit. Vtilo, siue provincia abfuit, captante mulieris solitudinem Griphone, siue se fu- ga tutatus est.

Discordia inter Bonifacium & Virgilium interim gliscebatur, improbis pessimorum hominum rumori- bus excitata auctaq; : tanto nimirum facilius, quod Moguntiaci unus Episcopus, alter apud Boios, pro- culagerent, suffundit enim vires calumniæ longin- quitas. Bonifacius Zachariæ questus, responsum si- bi honorificum, in aduersarium asperum abstulit. Ceterum Pontifex se Virgilium euocaturum, coram de causa cogniturum ostendit. Caput epistolæ, quæ Kalendis Maij hoc año ad Bonifaciū data, sequitur.

Inti-

ANN. POST  
CHR. NAT.  
DCCXLVII

DCCXLVIII



Intimatum est etiam à sanctitate tua, quod Virgilius ille (nescimus si dicatur presbyter) malignatus aduersum te, eo quod arguebatur à te, erroneus esse à Catholica doctrina, seminare odium inter te & Vtilonem Ducem Boioariorum, dicens quod à nobis accepisset licentiam, ut unius defuncti ex quatuor illis Episcopis, quos tua illic ordinauit fraternitas, diocesim obtineret. Quod nequaquam verum est, quia mentita est iniquitas sibi. De peruersa autem doctrina, quam contra dominum & animam suam locutus est, quod scilicet alius mundus, & alij homines sub terra sint, aliusq; sol & luna, si conuictus fuerit ita confiteri, hunc accito concilio ab ecclesia pelle, sacerdotij honore priuatum. Sed & nos scribentes prædicto Duci, euocatorias de prænominato Virgilio mittimus litteras, ut nobis præsentatus, & subtili indagatione requisitus, si erroneus fuerit inuentus, canonicis decretis condemnatur. Qui enim seminant dolores, metunt eos. Pro Sidonio & Virgilio supradicto presbyteris, quod scripsit sanctitas tua agnouimus: & illis quidem ut decebat comminando scripsimus, tuæ autem fraternitati credulitas plus quam ipsis admittetur. Si autem Deo placuerit, vita comitante ad sedem Apostolicam eos, missis litteris ut prælatum est, euocabimus. Docuisti enim eos & non susceperunt, & factum est illis sicut scriptum est in libro Sapientiæ, Qui docet fatuum, quasi qui conglutinat testam arenâ. Non

Hæ litteræ intercederunt, si eas tamē Zachar. ut in animo habebat, scripsit, dubium enim sit ex sequentibus.

Eccli. c. 12.

N n 3 ergo

ANN. POST  
CHR. NAT.  
DCCXLVII

DCCXLVIII

ergo ad iracundiam prouocetur cortuum frater, sed in sapientia ubi tales repereris admone, obsecra, increpa, ut conuertantur ab errore ad viam veritatis. Et si conuersi fuerint, saluasti animas eorum: si verò in malitia perseuerauerint, mercedem laboris tui non perdes.

Disceptionis exitum non comperio. Fit verisimile, aut purgasse se Virgilium Pontifici, siue coram siue per litteras: aut cognitis inuidorum utrimque fraudibus, nam quâ Virgilius animi probitate & vitæ sanctimonia fuit, quæ Bonifacio renuntiata, neque dixisse neque fecisse potuit, ultrò, quod inter bonos solet, in gratiam esse reditum. Sanè Bonifacius toto deinceps septennio superfuit, neque istius tamen dissensionis præterea vestigium apparet. Quod quidam coniecere, non abnuerim, Virgilium de terræ specie acutius quam pro vulgi captu disputasse, globosam esse, & viuere è contraria parte, qui aduersis vestigijs stent contra nostra vestigia, quos antipodas vocemus, hos perinde ac nos sole & luna lustrari: ea ignoratione audientium perperam accepta detortaq; longè alio sensu ad Bonifacium perlata, offensionum præbuisse sementem.

An. Fuld. Her-  
man. Aimoin.  
alij.

Anno undequingagesimo, Pipinus se bona & integra fide cum Vtilone in gratiam rediisse approbavit. Iniuriam sorori illatam ulturus, cum Gripho sibi iam prouincialium voluntates adiunxisset, & repugnaturum appareret, maximas florentissimasq; in  
Boi-

ANN. POST  
CHR. NAT.  
DCCIL.

ANN. P.  
CHR. N.  
DCCIL.



Boicam copias duxit. Vt primum fines intrati, versa rerum facies, potior belli pars nominis fama, & solo terrore confecta est, hostes imbecillitate sua circumspecta, animis mox concidentes, ne pedem quidem conferre ausi, omni cis Oenum prouincia decedunt, fluminis obiectu se & coniugia liberosq; tuentur. Substitere Franci, contractis nauigijs traiecturi. Boij semel perculsi, oratores de pace cum muneribus mittunt, ipsi imperatis obsidibus sacramentum nouant. Prouincia tanta celeritate recepta, documento fuit, inanem & caducam esse, non sua vi nixam, occasionibus imminuentem potentiam. Pipinus sororem cum Vtilone restituit, Tassilonem simul puerulum Ducem appellat. Nec aduersus Griphonem quidem fratrem exuens, duodecim in Neustria comitatibus donatum, & ipsum Ducum loco habet. Nequam animus nullis beneficijs flectitur. Ad Valfarium Aquitanum, qui Francis bellum indixerat, recta abit. Vt tibi nihil profectum, ne ullam alieno a Pipino gentem intentatam relinqueret, profectio- nem ad Langobardos parans, in alpibus valle Mauriena interceptus, occisus est.

Anno quinquagesimo secundo, Merouea in Gallia stirps regnare desijt, deiecto, inq; monachum tonsio Childebarto, Meroueorum omnibus nominibus postremo & ignauissimo, qui tantam contumeliam tacitus ferre potuerit, se tam luculenta hereditate, sine maiori ullo motu, sit passus exui. Pipinum

Thorom. l. 8. v. copiosè, ubi Oenum Igni vocat, propius ad vernaculum sonum In.

Arenpek. l. 3. c. 23. an. 748. perperam habet, alij 749. cōsensu. Thassilo hinc principatus annos numerare solitus De Griphone scriptores Francici passim, cuius mors in an. 751. incidit.

De anno dissensus est, quidam 751. malūt, quod res eo anno coepta, sequenti perfecta est.

num

ANN. POST  
CHR. NAT.  
DCCIL.

ANN. POST  
CHR. NAT.  
DCCIL.



num suffectum, & Pontificis auctoritate Regem appellatum, Bonifacius unxit. Quod Vtilonem quidam eius consilij auctorem scripsit, id verò hariolari est: neque quisquam ad regnum, qua plana & directa via, monitore eget, multi petiere per præcipitia. Childericum, siue in Medardi monasterium Sueffionum urbe compactum, siue Emmerammi Reginoburgi, siue Nouientum in Triboccis, siue Germani aut Dionysij ad Parisiorum Lutetiam, variè proditum. Vxorem fœminarum cœnobio ad Cochelum Boicæ lacum conclusam. Ego in tanto dissenso, nihil mea fide affirmatum volo.

Irenicus l. 12.  
Arnold. Vion l.  
4. c. 12. 15, & man-  
uscripti.

Catal. episcop.  
Treuir & Abba-  
tum monast. S.  
Maximini.

Catal. Reginob.  
Cratopol. perpe-  
ram pro Erhar-  
do Eberhardum  
habet.

Garibald. inije-  
an. 739. Hidul-  
phus abdicauit  
an. 753. quæ res  
Erhardo Reginoburgum veni-  
endi occasio  
fuit.  
Arnolf. de vita  
S. Emmer. l. 1.

Quinquagesimo tertio, Hidulphus Treuironum Episcopus, monasticæ vitæ desiderio tactus, magistralu ultrò abiit. Fratres Erhardum & Albertum habuit: quos Neruios alij, alij Noricos hoc est Boios, quidam, quibus si verum amamus rectius credimus, Scotos dixere: sanctitate præstitisse satis conuenit. Hidulpho sufficiens Erhardus, Reginoburgum aufugit, ibi editis miraculis & vitæ innocentia clarus, monasterio quod viuo latibulum præbuit, inferius appellant, mortuus humatur. Albertus Romanam religionis causa profectus, & redux defunctus, eodem cum fratre sepulchro conditur. Episcopos fuisse, uti non pernego, sic profectò Reginoburgensibus nemo rectè annumeret. Ante enim Garibaldum, quod isti ponunt, temporis ratio referre non patitur, posteriores autem Arnolfus ordine recenset,

ANN.  
CHR.  
DCC

ANN. POST.  
CHR. NAT.  
DCCCLII.

DCC



ANN. POST.  
CHR. NAT.  
DCCLIV.

cenſet, nec inter eos iſta tamen nomina. De Velipholaꝝ ſive VVolſlaico, quem Erhardo & Alberto ſubijciunt, in neutram partem liquet. Sequenti anno commentariolus perſcriptus eſt, quem in S. Emmerammi monaſterio autographum extare aiunt, cum epilogo, Scripſi ego ipſe Vhicterbus, quamquam peccator, Epiſcopus, iam ſenex, puto nonagenarius, aut ſupra, dolentibus membris & caliginantibus oculis, hoc non quaſi potens, ſed pro ſtudio charitatis quam circa te habeo. Quia volebam, dum ſæculi dignitatem regis, vitam æternam nunquam perdas. Pax tibi & vita à Domino augeatur. Amen. Et fiat fiat. Tertio anno regnante Pipino filio Carli Rege Francorum, in menſe Iunio, in diebus decem ſcripſi hunc libellum, hoc eſt anno DCCLIIII. à natiuitate Chriſti, ſeptima indiſtione.

Exat Wieberti nomen, cum Wera, Burgardo, Abeto & Wbaldo coepiſcopis, in epiſt. quâ S. Bonifacius ad Athelbaldum Regem Merciorum ſcripſit an. 745. quam Baro. analibus inſeruit.

ANN. POST.  
CHR. NAT.  
DCCLIII.

Vhicterbū verò ubi uis terrarum potius quam Reginoburgi extiſſe Epiſcopum, eadem rationes euincunt. Neque illos mirari deſinam, qui non expenſa tam diſtincta notatione temporum, Garibaldum Vhicterbo ſucceſſiſſe, nugari adhuc pergunt.

DCCLV.

Anno ſeptingenteſimo quinquageſimo quinto, Bonifacius impiorum latronum ſcelere in Friſia trucidatus, ſpiritum Deo iam olim deuorum, ſanctè reddidit. Quem cum vita multis & præclaris exemplis acta, bonis omnibus commēdaſſet, tum multo magis mors, pro religione conſtanter adita, & quæ mortem diuinitus prodigia cōſequuta ſunt, in æter-

Vita S. Bonif.

O o na



Fere ex priuatis  
monasteriorum  
annalibus, mss.  
alijs, & Hundij  
metrop.

Alt-aich, anno fa-  
quercus.

Max. sermone  
utrum Dijs di-  
canda sint signa:

na laude posuerunt. Quod si qui nunc demum, vir-  
tutem quam venerari debebant, ieiunis & ineptis ca-  
lumnijs incescere pulchrum existimant, unum asse-  
quuntur, ut importunum irreligiosæ mentis mor-  
bum aperiant, Bonifacij memoria, supra omnem iu-  
diciorum aleam, Boicæ semper sancta erit. Neque  
non fructus eius doctrinæ constitit, nunquam pie-  
tas culta impensius. Quod ipsum pleraque mona-  
stera per id tempus posita indicant, post tot sæculo-  
rum etiam ætates, & structurę dignitate, & vestiga-  
lium magnitudine adhuc miranda. Princeps Vti-  
lo Altachium utrumque condidit: superius & infe-  
rius ad nominis distinctionem appellant. Fama ma-  
net, nec à nominis ratione, nec à vero abhorrens, ste-  
tisse ijs locis ad Danubij ripam prægrandes & anno-  
sas quercus, Deorum superstitioni dicatas, quas vi-  
ctimarum sanguis sæpe resperferit, Boios, postquam  
gentilem errorem excussere, excidisse, ecclesijs Chri-  
stiano ritu substitutis. Nam Maximus Tyrius, ex  
Platonis schola philosophus, altissimam olim quer-  
cum pro Ioue Celtico cultam scriptum reliquit.  
Vtilonis item opus Manseum ad lacum, Niderbur-  
gum, Pfaffenminster, & quæ quorundam sententia,  
Osterhoua. Quibus ædificandis Pyrminij sanctissi-  
mi hominis consilium sequutum, Pyrminium siue  
Meldensem siue Metensem Episcopum ferunt. At  
fidem tabulæ ecclesiasticæ neutrobi firman: eo  
Meldis aut Mediomatricum urbe, siue natum, siue  
pro-



profectū, siue utrumque nomen corruptū esse, quā  
in earum alterutrā Episcopum extitisse, magis cre-  
dam. Is peregrinis monachis comitatus, Martelli  
temporibus in Germaniam veniens, monasteria cō-  
plura priusquam Boicam attingeret constituit: am-  
pla & opulenta in primis duo, Murbaci ad montem  
Vogasum unum, cui Viuarium peregrinorum no-  
men ex re inditum, alterum in Acronij lacus insula,  
qua olim Tiberium pro arce bello Vindelico usum  
esse, Rhenanus ex Strabone conijcit, Augia diues ab-  
opum magnitudine dictum est. Quod verò Martel-  
lo patrono uteretur, Theobaldi Sueuorum Ducis  
factione inde pulsus, multis post annis primum a-  
pud Vtilonem gratiæ locum tenuit. Vtilonis eti-  
am ope monasterium ad Iseniscū amnem Iosephus  
Episcopus, Erimberti in Frisingensi ecclesia succes-  
sor, condidit. Pipinum auctorem Altenminster  
laudat. Altoni Scoto, cui cœlitum honorem posteri  
habent, Pipinus terrarum tractum, syluis vastum &  
horridum contribuit, Alto succisis extirpatisq; ar-  
boribus, ad hominum cultum purgauit. Sed  
Lanfridi, Valdrami, Elilandi, illustrium fratrum, in  
hoc genere monumenta, non tam laudem & admi-  
rationem habent, quam fere est ut fidem vincant,  
quippe quibus maximorum hodie Regum compa-  
rata munificentia, tenuis sæpe & modica videatur.  
Sunt qui Valterio Bliantij Comite natos, Valterium  
cum Martello ex Gallia venisse tradant: alij Antorfa

Priuilégiū The-  
oderici Regis,  
qui inijt an. 720.  
Datū mense Iu-  
lio die 12. an. re-  
gnij, sic habet.  
*Venerabilis Vir  
Perminius, gra-  
tia Dei Episco-  
pus, nostris tem-  
poribus, cum mo-  
nachis suis, Deo  
inspirante, pro  
Euangelio Chri-  
sti peregrinatio-  
ne susceptis, mo-  
nasterium Viro-  
rum in eremo Sa-  
sa, quæ Vosagen  
appellatur, in pa-  
go Alfacensi, in  
loco qui vocatur  
Viuarium peregre-  
norum, (qui ante  
se appellatus est  
Murbach) in al-  
lodio fidelis ho-  
stri Ebrohardi  
Comitis, cui ipsius  
adiutorio, Deo  
donante conatus  
est construere.  
Hinc, quod qui-  
dam negant, cer-  
tò confirmatur,  
Pyrrinium siue  
Perminiu Martel-  
li ætate venis-  
se in Germaniā.*

O o 2 & Loy-



& Loyſæ Comites aliquanto probabilius exiſtimâr, nam peregrinitatis fidem, potentiæ æſtimatio de- trahit. Octo per omnem Boicam ſparſere monaſte- ria, quorum genuina, ut adhuc fecimus, ponemus nomina, dura quantumuis & aſpera, ne ijs inflecten- dis molliendisq; ſpeciem ita commutemus, ut rebus ſua natura perſpicuis, non neceſſariæ tenebræ per e- legantiæ colorem obducantur. Origines diſtinctè excutere, aliam hîſtoriam poſtulet. Beuren, Schlech- dorf, Vellſesprun, Polling, ſuperſunt poſt annos paullo minus octingentos, ſive à primo ortu incolu- mia, ſive reſtituta: Siuerſtat, Sandau, & Stafelſe, Co- chelense, ad cognomines utrûque lacus, perierunt. Bonifacius templa dedicavit, cœnobîa legibus ad Benedîctinam normam inſtituit. Prioribus mona-

Arenpek. l. 2. c.  
21.

Tegerenſis mo-  
naſterij annales  
privati copioſè,  
quos qua ratio-  
ne corrigendos  
cenſeam, expli-  
co.

chi, poſtremis tribus virgines transcriptæ, Coche- lenſi Gailſuindis, trium fratrum ſoror præſecta. Monasterium ad lacum Tegerenſem per eadem tempora conditum, quod cetera quam latè Boica patet, ſplendore & dignitate multis modis ſuperat, foſſa & propugnaculis in regiæ ſpeciem cinctum, nam & Abbas miniſtris ex equeſtri nobilitate, Prin- cipum more utitur, & verò Principis aliquando no- men ab Imperatoribus tulit. Condidere Adalbertus & Otkarius Tegerenſes Comites, ſive Grimoaldo Duce, ſive patre Hartvvico Burgundo, matre Boia nati, duplex enim hîc quoque fama eſt. Veruſtorum

Monasterij Annalen  
-vol. 2. 1. 00



diplomatum fide haftenus liquet, illustri genere or-  
tos, quod Reges propinquitate attingeret, cetera fe-  
re obscura sunt. Romam religionis causa profecti,  
cum omnia hostium incursionibus vasta, urbem lu-  
ctu & pauore oppletam reperissent, commoti ho-  
mines militares, qui primam pietatem interpreta-  
rentur, sacrorum sedem inultam indefensamq; non  
relinquere, sese Romanis duces eosdem vindictæ, &  
socios periculi præbuere. Nec mora, hostes aggressi,  
secundis aliquot prælijs, egregia virtute, ingentem  
gloriam pepererunt. At hæc narratio quorundam  
temeritate in vanitatis suspensionem traducta est,  
qui, quod sæpe queri necesse habeo, ornandi studio  
colorem fuco mentiti, nec rerum nec temporum ra-  
tioni consentanea assuerunt. Zachariam nominant,  
quo ego Pontifice Romam nec captam, nec omni-  
nò oblessam legere memini: operam de qua quæri-  
mus, ecclesiæ sub Gregorio tertio præstitam sentio.  
Antequam iniret Zacharias, Trasemundus Spoleta-  
norum Dux, Langobardicum imperium detrectans,  
ad Gregorium profugerat, neque repetitus dedeba-  
tur. Indignatus Luitprandus, Romanum agrum cū  
infesto exercitu inuasit, oppidis aliquot captis, ur-  
bem obledit, augustam S. Petri basilicam, quod  
mœnibus non contineretur iniuriæ expositam, spo-  
liauit. Pepercerant superioribus sæculis victores  
Gothi, religione quantumvis Ariani tacti, quo in-  
dignius in Catholicis visum facinus. Obsidione so-

Ottonis 2. pri-  
uil. Germani  
fratres, & illu-  
stris comites.  
Henrici 6. pri-  
uil. Comites Ot-  
toboni & Alber-  
tus regali proja-  
cia exorta.

O o 3 lura,



Anastasi. in vita  
Greg. 3. & Zach.  
is plerique sub  
exitu Greg. ge-  
sta, principio  
Zach. refert, &  
quod parum at-  
tentos lectores  
fessellit. Episto-  
las Greg. habet  
Baron. an. 739.  
& 740.

Metell. Quiri-  
nalib. oda 20.  
de Zach. Reci-  
tantur super hac  
sua scripta, Data  
quondam tibi pre-  
sul Bonifacii pie  
martyr, Eano-  
stram quoque  
firmant ratione.  
Zachariam rem  
sub Gregorio ge-  
stam descripsisse  
suspicio, & Me-  
tellum ad lapi-  
dē, ad quem ple-  
rique alij, impe-  
gisse.

luta, & Rege digresso, Trasemundus, Romanorum  
quā auxilio qua consilio subnixus, id enim Anastasi-  
us indicat, sese diuersis itineribus in Spoletanorum  
fines inferens, uniuersum Ducatum breui recepit.  
Redit Luitprandus, pluribus exercitibus Romanos  
aggreditur: ut priori quidem bello Gregorius ad  
Martellum scripserit, persecutionem & oppressio-  
nem gentis Langobardicæ, iam sufferri non posse,  
posteriori epistolam ita orsus sit, Nimia fluctuamus  
tribulatione, & lachrymæ diu noctuq; ab oculis no-  
stris non deficiunt. Horum igitur alterutro, & su-  
periori maximè, Comites Boios Romanis opitula-  
tos existimo. Nam Zacharias à Langobardis itidem  
laceffit, rem precibus & legationibus, inermis cō-  
fecit. Quod si extarent litteræ à Zacharia ad Bonifa-  
cium scriptæ, quas Metellus poeta ante annos am-  
plius quingentos legit, & in quibus omnem ordine  
historiam, dissimulat tantum nominibus, descri-  
ptam fuisse significat, haberetur temporis coniectu-  
ra procliuior, & omnino confirmatior. Nunc quod-  
cumque id tandem, magna factum sequuta gratia,  
Pontifex egregij muneris loco, S. Quirini corpus  
petentibus concessit, quod in Tegeresi ecclesia san-  
ctè adhuc colitur. Reuersos, ardens adeo religionis  
studium subiit, ut posthabitis quæ apud mortales  
ceteroqui prima sunt, monachorum instituta, in  
monasterio quod ipsi condiderant profiterentur.  
Nam id antiquitus à viris cum dignitate & potentia  
princi-

ANN. PO.  
CHR. NA.  
DCCLVI

DCCLVI



principibus, tum omni antea cta ætate militari fortitudinis laude florentibus, scimus factitatum, sapius quam nunc aut soleat, aut pro ista temporum remissione & segnitie prope sit credibile. Maior fratrum Adalbertus, Abbas dictus, centum quinquaginta monachis præfuit. Sorore Adalberti Vtonatus, auunculorum pietatem tam religioso sæculo pro viribus æmulatus, Ilmunster ad Ilmun an Ilmonem amnem instituit: quod collegium dudum antequam hæc scriberemus, Monachium ad virginis Mariæ translatum est. Tot ergo tantarum molitionum & impensarum sacra ædificia, viginti fere annorum curriculo, intra unius provinciae fines excitata, & annuis immensis redditibus instructa, fidem pietati quam laudauimus astruunt: nec enim eorum ullum aut annum septingentesimum undequadragessimū præuertit, vel sexagesimum eius sæculi subsequutum est.

ANN. POST  
CHR. NAT.  
DCCLVI.

Septingentesimo quinquagesimo sexto, Pipinus Astulfum Ticini obsidione cinxit, pœnas Langobardicæ perfidiæ ab eo exacturus. Ibi Thassilonem prope puerum in castris & procinctu habuit. Sigbertus gratiam tum inter eos reconciliatam scripsit: verum ut credamus non impetrat, cum nec inimicitiae prius fuerint, nec per alterius ætatem etiam esse quiuerint. Sequenti, Thassilo primoribus Boiorum comitatus, Francorum conuentum Compendij adiit, se suaq; Pipino in clientelam, quam Vafaticum

Vtonem quidam Alberti & Otkarij fratrem, quidam sororiū dicunt, quos Metell. sequitur. Sed in vetusto Tegerensiu codice Albert. & Otkar. Vtonis auunculi diserte nominantur. Vto ipse Metello od. 23. Audon est.

Ticinesi obsidioni quidam ann. 755 assignat, nos annates Francie. & Fuld. sequimur. Thorom. l. 6. *Reu Pipinus cum nepote suo Thassilone Boiorum Duce, partes Italiae usque ad Ticinum iterum accessit, &c.* Aimoin. l. 4. c. 64. Annal. Frac. Ado. Fragmentum chron. ms. Thassilo Dux Genis



*Foroariorum, in  
Suisitico se com-  
mendans per a-  
nno, sacra menta  
iuravit multa et  
innum. et abilia,  
reliqua sancto.  
in m. martyrum  
n. et n. impendi,  
et fidelitatem  
promissi Regi Pi-  
pino, et suprad-  
icti fides eius, do-  
mino Carolo et  
Carolomano, si-  
cuius fides, ve-  
ram de ueritate  
per iussu fides  
Casalae domo  
fuerit debet.*

*Et  
De fide. l. 4. tit.  
13. & ibi Cuiac.*

*Largiter errant  
quia annos sex  
decem tribuit. an-  
nal Frac. sub Lu-  
dou. scripti &  
Huld. consenti-  
unt, Thasilonē  
fuisse an. 763.  
Carolus bello  
Aquitanico in-  
terfuisse, ijdem  
habent, & Ann.  
l. 4. c. 65.*

laticum veteres annales appellant; solemnii gentis  
more tradidit, sanctissimo iuramento interposito, se  
unipsum filiorumq; fore potestate, neque officio un-  
quam decessurum. Eadem fuit procerum formula.  
Et sacramenta deinde ad tutelarium diuorum cor-  
pora, Dionysij, Rustici, Eleutherij, Martini, Ger-  
mani repetita. Qui siue testes iurisiurandi bona &  
integra fide culti, siue eo violato, periurij aliquando  
vindices essent atque ultores. Decimum quintum  
annum agebat Thassilo, cautum verò feudorum le-  
gibus, quæ quamuis post hæc tempora perscriptæ,  
ad antiquissimas consuetudines conformatae sunt,  
ne minor sacramentum præstare cogatur, priusquã  
ætatem doli capacem attigerit, quam iurisconsulti  
anno decimo quarto exacto definiunt. Fœdus sex-  
ennio sacrosanctum perstitit, Boius Francis Saxoni-  
co atque Aquitanico aduersus Vaisarium bello affu-  
it, cum Carolus Pipini pari ætate filius Aquitanico  
tirocinij quoque rudimenta poneret. Anno  
sexagesimo tertio, cum Niuernensi conuentu ite-  
rum expeditio in Vaisarium pararetur, incertum  
quare mutatus, exercitum per valetudinis simulati-  
onem deserit, & ut primum in patriam reuersus est,  
defectionis consilium palam nudat, conceptis ver-  
bis professus, se verò in Pipini conspectum posthac  
non rediturum. Gallici scriptores, & fidei neglecti,  
& propinquitatis ius violatum obijciunt, tum bene-  
ficia, quæ ab ineunte ætate multa in eum Pipinus  
con-

ANN. P.  
CHR. N.  
DCCLX

DCCLX

ANN. POST.  
CHR. NAT.  
DCCLXII



ANN. POST  
CHR. NAT.  
DCCLXIV.

DCCLXV.

contulit, odiosè exprobrant, quod unum maximè parerat, offensionis causas non aperiunt: altum & acerbum equidem vulnus fuerit oportet, quod cicatricem aliquando visum ducere, plenæ curationis fidem nunquam implere potuit. Vt Pipinum ea cura incessit, Francorum concilium postero anno Vormatiæ cogit. Ibi fixum omnibus & destinatum, desertorem ferro ulcisci: sed dubij erat discriminis, grauibus duobus bellis, tanto præsertim locorum interuallo, uno eodem tempore implicari, Boijs ergo dilatis, cum Aquitano debellari placuit. Proximo, Vtilo fatis concessit. Sunt qui Osterhouæ ferant cum uxore conditum, & monumenta monstrantur. Alij Gengenbachi extra Boicam obijisse produnt. Ego illis credo, qui in monachum tonsum, Alachium inferius incoluisse, & ibi sepultum scribunt. Quo tempore filius Pipino sacramentum dixit, patrem religiosam vitam professum, ditionem abdicasse, verisimile sit, neque ex in quidquam principis iure egisse comperio. Thassilonem ab Vtilonis morte, Pipini iussu & voluntate imperasse, annales habent, ut in gratiam redijisse necesse sit: quam quibus officijs, post apertas & professas inimicitias, emeruerit, veteres scriptores, qui quidem extant, nihilo magis quam quæ fuerint prima offensionum initia, explicant. Siue Vtilo, contentionum caput, odia morte expleuit, siue Vaifarij arma, uti prius proferendo bello, ita nunc sanciendo fœderi causam

P p præ-

Annal. Franc. & Aimoïn Regino  
superiorem an-  
num habet.

Arenpelt. l. 3. c.  
30.

Ioan. Steind.

Vitus Ebersper-  
genf.



præbuere: reliquum enim ætatis Pipini Vaifaricus armis omne exercuit, hoc, anno post Christum natum septingentesimo sexagesimo octauo occiso, ille paullò post vita etiam functus est.

ANN. POST  
CHR. NAT.  
DCCLXVIII

Pag. 222.

De Samone superiori libro dictum, humili loco natum, Carantanis Dagoberto Rege imperasse, strenuè & fortiter. Impar successorum virtus, ne tam splendido quidem exemplo excitari potuit. Pipini

Mss. & vita S. Virgilij to. 2. ant. lcc.

æuo principatus Boruto obtrigit, qui Hunnicis iterum armis pressus, imbecillitatis conscientia Boios implorat. Cum aduersus perniciosissimum hostem, omnia in celeritate essent posita, auxilijs propere submissis, Hunni facile pulsi sunt. Sed grande victores operæ statuere pretium, petito Francicorum Regum nomine imperio gentis, quæ se suis viribus tueri non posse fateretur. Procliue fuit armatos à percussis impetrare quæ vellent. Idem fœdus, obsides

Al. Cacatius.

Al. Chetumarus & Chetmarus.

imperati, inter quos Karastus Boruto genitus, & Chetimarus fratris filius. Borutus utrumque institui, & Christiano ritu tingi voluit. Dubium an religione seriò tactus, an quo victoris populi animos obsequio demereretur. Mortuo Boruto Karastus successit, Francorum voluntate Carantanis petentibus redditus. Quo intra tertium etiam annum extincto, Chetimarus Pipino auctore Dux appellatus est. Eum Lupus sacerdos, infulam quæ in Chimo lacu incolens, ex sacro fonte susceptum crudierat: tum sanctis monitis abeuntem prosequutus, inprimis

mis



mis hortatur, Salisburgensem ecclesiam venerari pergeret, inde sacrorum doctrinam & ritus peteret, Maioranum presbyterum adiungit, Salisburgensis monasterij alumnum, sibi sanguine proximum, eadem coram usque instillaturum. Religiosè paritum, Chetimarum annuis deinde obsequijs animum sacræ sedi obnoxium testatus est. Nam insigni sanctitatis laude Salisburgenses ferebantur, quæ nedum vicinos, sed magnis etiam terrarum spatijs diffitos, in amorem atque admirationem raperet. Extat Alcuiniani Albini in eam sententiâ epistola, quam excipimus, eo libentius, quo luculentius & grauius est huius viri testimonium, qui omnis tum doctrinæ princeps citra controuersiam habitus.

Sanctissimis in Christo fratribus Iuuauensis ecclesie, humilis leuita Albinus, in Christi charitate salutem. Audiens laudabilem in Christo unitatis vestræ conuersationem, multa animus meus lætitia gauisus, multoq; anhelabat desiderio præsentialiter ordinem videre vestrum, & me ipsum humilideuotione vestris sacrosanctis commendare orationibus. Sed quia hoc usque prohibuit variarum euentus rerum, & prolixa terrarum longinquitas, meæ paruitatis litterulas in hoc officium dirigere curauim, ut desiderium cordis mei in apicibus cognoscatis, quod & olim pio patri Aquilæ Pontifici, Germano meo, pastori vestro iniungere studui, cupiens spiritali præsentia unus esse ex vobis, & unum esse

P p 2 vobis-

Alc. ep. 20. to. 1.  
ant. lect.

ANN. POST  
CHR. NAT.  
DCCLXVIII.

Act. 3. &amp; 4.

Ioan. 1. &amp; 6.

Num. 16.

vobiscum, ut vestra me sanctitas à terrenis leuaret cupiditatibus, & in cœlesti vobiscum collocaret desiderio. O quam felix est vita monachorum, Deo placabilis, angelis amabilis, hominibus honorabilis. Qui hac feliciter viuit inter homines, haud dubium feliciter regnat inter angelos. Hanc primitiua per Apostolos in Iudæa initiauit ecclesia, quibus omnia communia fuisse leguntur, & nemo aliquid suum esse dicebat. Hoc non solum in sæculari substantia setuandum esse arbitror, sed etiam in desiderijs spiritualibus, ut omnes unum concupiscant, & obedientiæ bonum magis exsequantur, quam propriæ voluntatis affectum. Si Christus suam non venit facere voluntatem, sicut ipse in euangelio testatur, sed patris, quanto magis monachus suam non debet facere voluntatem, sed Christi, nec segnis in opere Dei, sed studiosus, nec tantum considerare quid iubeatur, sed quomodo perspiciatur quod iubetur. Nec ullatenus murmurationis malum crescat in aliquibus. Si aliqui ex populo Dei in eremo propter murmurationis perierunt peccatum, quanto magis monachus monasterij, spiritali plectatur vindicta, si murmurationis malo mentem insolescere non metuit. Quapropter, cum gratiarum actione accipiat, quod ei pastoris cura præuiderit sufficere. Sit enim sanctæ pacis concordia inter sanctos, vitæ castitas in adolescentibus, morum grauitas in senibus, feruor operis in iuuenibus, nec quisquam se canonicis



nicis horis vel regularibus psalmodijs subtrahat. Melius est cum angelorum cœtibus Christum laudare, quam torpentem segnitia somno delectari, vel vigilando inania exequi desideria. Et non solum verba sanctæ lectionis resonent in ore, sed intima cordis compunctio sequatur verba legentis vel cantantis. Et nullatenus horis competentibus sacræ scripturæ lectio recedat de manibus, quia diuersæ nunc hæreses, sicut audistis, catholicæ fidei puritatem maculare nituntur. Quapropter armate vosmet ipsos scientia veritatis, sententijs euangelicæ auctoritatis, ut resistere valeatis contradicentibus veritati. Quomodo pugnat inermis? vel quomodo docere potest qui discere noluit? Spiritales sunt diuitiæ, sapientia in corde ut Salomon ait, thesaurus desiderabilis requiescit in ore prudentis. Sanctæ fidei veritatem diligenter discite, & agnitam cordis recondite thesauro, & spe firmissima vos retinete ad dominum, & charitate feruentissima illum amate, honorate & laudate, quia hæc est pars optima, quam Maria elegit, sedens secus pedes domini, quæ non auferretur ab homine in æternum. Sed tanto ardentius post hanc vitam amatur Christus, quanto perspicacius eius intelligitur bonitas. Sed non est opus meæ paruitatis vos admonere de singulis, dum habetis sacrę institutionis libros notissimos, & pium patrem pastorem vestrum præsentem, qui vos viua voce melius admonere poterit, quam mea series litterarum.

Prouerb. 21.

Luc. 10.

P p 3 Ta-

Tamen, ut debitam vobis ostenderem charitatem, paucis vos apicibus appellare studui, ad cognoscendam in vos meae dilectionis fiduciam. Praefato itaque patri cum omni humilitate obedite. Ille habet rationem reddere sollicitudinis suae pro vobis, & vos obedientiae vestrae in illum aequaliter rationem reddere habetis. Ille pro vobis in magno positus est periculo: vos pro illo magna charitate intercedere studete, ut mercedem pro vobis habeat apud Deum, & vos requiem cum illo habeatis in regno Dei. Filiorum eruditio laus est magistrorum, profectus gregis merces est pastorum. Diuina auxiliante gratia custodite vos fratres, in omni castitate, humilitate, concordia & charitate, onera vestra inuicem portantes. Omnis sermo malus & impudicus & impatiens & inutilis ex ore vestro non procedat, sed quae sunt sancta, pia & iusta, & vestrae condigna sanctitati, ad exhortationem audientium loquimini. Et semper Deus honorificetur in ore vestro, & quae ad pacem pertinent veram, tota sectamini intentione, & Deus pacis erit vobiscum.

Aquila Pontifex, quem Albinus germani nomine dignatum, Iuuauensium pastorem appellat, Iohannes est Episcopus, Salisburgensi sedi à Bonifacio, cum Boicas dioeceses distingueret, praefectus. Amat quippe Albinus hos ingenij lusus sectari, Carolum fere Davidis, & alios item saepe alijs effectis nominibus compellans. In Aquila plana & manifesta ratio,  
cum



cum Euangelicæ historiæ scriptorem Ioannem illa volucris designet. Eâdem figurâ sequens epistola ab Albino ad Ioannem ipsum scripta est.

Charissimo germano Aquilæ antistiti, Albinus <sup>Epist. 33.</sup> salutem.

Si mihi gerulus gratus occurrisset, sæpius tuæ scripsissem dilectioni, ut litteris implerem quod verbis non potui, & charitatis dulcedinem, lingua tacente, apices monstrarent. Hoc dedit Deus absentibus in solatium, ut per chartas loqui potuissent, & necessaria proferre in cor alterius, dum animus graui carcere corporis circumseptus, suæ naturæ velocitatem explicare valet, indices litteras fraternus amor sibi inuicem dirigeret. Quid de gloria sanctorum dicendum putas? Vbi hulla tarditas sarcinæ corporalis piæ voluntati obsistit, quin quod placeat impleat. Quid est hoc sæculum nisi miseria, & velut umbra fugax, & seducens delectatio? Festinemus tota mentis intentione ad illam requiem, quam nullus dolor perturbat. Ascendamus per gradus charitatis ad illam ciuitatem, in qua Deus solus Rex regnat in æternum, in qua tota beatitudo sine ulla miseria viget & valet. Vt ad illam peruenire mereamur, eodem auxiliante Rege, nos inuicem exhortemur, & velocior charitatis cursu, tardiorē admonitionis sedulitate trahat. Tum etiam fraterna diligentia socordiam castiga, vel tuæ sanctitatis precibus iacentem releua, ut fraternæ dexteræ ducatu, non lassescat in via veritatis, qui huc usque se voluebat

f. non valet.

bat

bat in sæculi cœno. Veniens veniebam ad sancti Amandi protectoris nostri dulcissimas mansiones, quærens amatorem meum, ut eius dulcissimo eloquio refrigerarem animam meam: sed quia necdum de nido Iuuauensi auis optata euolauit, misi hanc inuitatoriam obuiam illi chartulam, ut nostram agnosceret prosperitatem, vel suam nobis præsentiam designaret. Fidelis amicus diu quæritur, vix inuenitur, difficile conseruatur, cuius dulcedo omnes sæculi superat iucunditates. Quid diuitiæ sine amicis? Auarus aurum quærit, & quid in auro nisi species vana? Nónne unus panis esuriēti melior est, quam mons aureus? Aurum prodesse potest danti, non possidenti. Ideo demus diuitias in præsentem, ut in futuro possideamus illas, num pauperis manus gazophylacium est Christi. Nullus melior custos diuitiarum est quam Christus. Proficientem te, charissime frater, diuina auxilietur gratia in æternum.

Vt visum hæc tantę vetustatis monumenta Salisburgensi ecclesiæ asserere, haud ab re duxi, verbis quoque ipsis, ut ab Albino tradita perscriptaq; sunt, referre. Neque vereor ne quis plus iusto à rerum ordine declinatum existimet. Celebris Salisburgi S. Amandi ædes, dulcissimæ appellationis nomine ab Albino designatur, in qua S. Maximi & sociorum cadauera condita fuisse, libro tertio narrauimus. Ioannes verò Episcopus, Pipino adhuc viuentem defunctus, Virgilium successorem habuit. Comes Sardonius,

pag. 180.

Ex catal. Salisburg. & Batau.



donius, Batauenſi cathedra poſt Viuilonem potitus eſt. Virgilius, etſi omnem paſtoris & curam & laborem gnauius obiens, qua tamen erat animi demiffione, ut Epifcopi nomen dignitatemq; reciperet, toto biennio reſuſtatus, vix tandem, continuis prouincialium Epifcoporum precibus perſuaderi potuit. Interim vicaria Dobdæ cuiuſdam opera uſus, in ijs quæ honori & ornamento Epifcopis magis, quam oneri cenſentur, nam in hunc cum finem ſecum adduxerat. Epifcopus appellatus, Dobdæ Chimenſis inſulæ procurationem contulit. Neque de cetero quidquam antiquius habuit, quam ſacra, ſacrorumq; ſplendorem aſſerere. Ingentis, & poſteris quoque admirabilis molis baſilicam, plurium annorum opere exædificat, Pontificiam cathedram, quæ ad D. Petri monaſterium adhuc fuerat, ibi collocat, Ruperti ſimul & Cunibaldi & Giſilarij corporum reliquias religioſe transfert, ut loco nimirum reuerentia accederet, tum ſibi ſucceſſoribusq; Epifcopis tanquam ſpeculum, quod ante oculos ſitum ſemper inſpicerent, proponeretur. Sæpe à Chetimarō euocatus, recurrentibus identidem armorum motibus impeditus, venire diſtulit, ſed præſtanti virtute legatos in Carantanos miſit, Modestum Epifcopum, Vatonem, Reginbertum, Gozarium, Latinum præbyteros, Richardum diaconum, & clericos præterea aliquam multos, qui Chriſtianam religionem per omnem prouinciam ita procurarent,

Vita S. Virg.

Cum an. 1181. S.  
Virgilij ſepulchrum detegeretur, imago depicta cum carmine reperta eſt.  
Virgilius templū conſtruxit ſchemate pulchro.

Vita S. Virg. c. 3.

Varie hæc nominantur in antiquis codic. ſcripta extant.

Qq

ut



ut ne quâ à sanctorum patrum decretis, præcepto-  
rumq; traditionibus discederent. Ecclesiæ Mariæ  
virginis in Soluensis oppidi ruinis & Liburnia, tum  
aliæ alibi positæ. Latinus, qui Salisburgum redierat,  
post Modesti obitum iterum ac tertium remissus est,  
tum Madalous & Varmanus etiam presbyteri. Re-  
crudescente verò à Chetimari morte bello, sacerdo-  
tibus eiectis, prouincia Christianis sacris per aliquot  
annos caruit, donec postulante qui prouinciam de-  
inde tenuit Valtunco, Virgilius denuo Heimoniem,  
Reginbaldum, Maioranum, Gozarium, Erchen-  
bertum, Reginardum, Augustinum & Guntarium,  
nec enim piget tot nominum asperitatem ascribere,  
pluribus commeatibus submisit. Barbaricæ tandem  
superstitioni radicitus extirpandæ, & confirmandæ  
pietati, cuius fundamēta isti iecissent, se ipsum itine-  
ri accingit. Mira omnium ordinum gratulatione ex-  
ceptus, agris, vicis, oppidis tota prouincia lustratis,  
concionibus ad populum passim habitis, ecclesijs  
dedicatis, & clericis ad sacros ordines lectis atque in-  
itiatis, ad Hunnorum usque fines, ubi Drauus Da-  
nubium illabitur peruasit, tam crebrâ tamq; splen-  
dida ubique virtutis & sanctitatis impressa relin-  
quens vestigia, ut eum omnis Carantanorum poste-  
ritas Christianæ fidei doctorem & Apostolum con-  
celebret. Atque hæc certis annorum spatij dig-  
gerere, suscepti operis ratio admonebat, sed negli-  
gentia commentariorum unde haurienda fuere pre-  
mimur.

ANN.  
CHR.  
DCC

DCCL

LXIV

CVNTH

THE

QVIN

DCCL



mimur. Haftenus liquet, in Pipini & Caroli tempora, quæ siue exequuti, siue mox exequuturi sumus, incidisse.

ANN. POST  
CHR. NAT.  
DCCLXX.

DCCLXXI.

LVITPVGA.

GVNTHERVVS.  
THEODO  
QVINTVS.  
DCCLXXII.

Pipinus Carolum & Carolomanum filios reliquerat, uterque Rex appellatus est. Berta mater, Langobardicas nuptias maiori conciliatura, anno septingentesimo septuagesimo in Italiam proficiens, iter per Boicam tenuit. Minore sub finem sequentis in ipso ætatis & fortunæ flore rebus humanis erepto, imperij summa ad unum Carolum deuoluitur.

Thassiloni LVITPVGA uxorerat, Desiderio Langobardo Rege nata, ea GVNTHERVVS prius, THEODONEM anno septuagesimo secundo perierit. Theodonem Hadrianus Pontifex salutari lauacro abluit, cum parentes Romam religionis opinor causa adijissent. Nam qui Thassilonem in Caroli comitatu coenisse pertendunt, præterquã quod duos annos interijciant oportet, mihi haud temere persuadent, siue Boium, quo erat in Francos animo, sui ipsis tam prolixam potestatem fecisse, siue Carolum eius opera Langobardico bello usum, qui Desiderij filiam in matrimonio haberet, quod tamen utrumque sit consequens, ex Ticinensi enim obsidione Carolus Romam profectus est.

Ado, Reg. Aim.  
l. 4. c. 62.

M. S. Emmez.  
Steind. alij.

Domestici annales, Carantanos eodem anno à Thassilone victos atque subactos memorant. Rem tantam, nam ea ingens fuit Boicæ potentia accessio, verbo strictim significasse satis habentes. Valtuncū,

Ioan. Steind.  
m. S. Emmez.  
& alij.

Qq 2 quem



quem Boijs volentibus regnasse, Virgilij amicitia ostendit, prius obijisse, in dubium, apud me quidem non venit.

Boiorum inde concilium Prid. Id. Octobr. Dingoluingam indictum. Alium prius conuentum Aschaimi actum, sunt qui scripserint, cuius ego nulla adhuc satis certa detego vestigia. Affuere Dingoluingæ Episcopi, primo loco Manno Nuenpurgensis ecclesiæ, quæ postea Episcopos habere desijt, diocesis magna pars Augustanæ Vindelicæ coniuncta & inserta est. Alimus Sabionensis post hunc. Quo fit, ut Sabionam in Thassilonis potestatem cum bona foceri gratia concessisse, & Boicæ rursus contributam fuisse existimem. Habuit illa à Cassiano, quæ puerorum stylis confossum narrauimus, complures Episcopos, inter quos Ingenuinus & Constantius sanctitatis fama claruere, reliquorum nuda tantum nomina, atque ea sæpe incerta, supersunt. Alimum Virgilius Salisburgensis: hunc Vifericus Batauenis sequitur, qui Sidonium & Antelmum decessores habuit. Reginoburgo Simpertus, Garibaldi successor venit. Vltimus Heres, Frisingensis post Erimbertū & Iosephum Episcopus, idem Aribo & Cyrinus, unus tribus nominibus appellatus: nisi verius unum idem nomen, trium linguarum interpretatio est. Nam hoc quoque non præter institutum enucleabitur. Erbon & arbon, maioribus heredes dictos, qui nobis erben sint, eo Otfridum, Germanicorum

scri-

3. pag. 178.  
Catal. Episcopo-  
rum Sabionen-  
sium sic habet. S.  
Cassianus, S. In-  
genuinus, S. Co-  
stantius. Vrsus.  
Pigencius. Pro-  
iechus. Matur-  
ninus. Marcel-  
lus. Valerianus.  
Agnellus. Anri-  
hanus. Antoni-  
us. Laurentius.  
Ioānes. Alimus.



scriptorum antiquissimum, Vvarbon voci erbon, tanquam similiter cadenti, in carmine opposuisse; accreuisse mediam i, ex prisca saculi consuetudine, quod crebrum vocalium interiectum, contra quam hodie fit, nostri olim aucuparentur. Aribonem itaque, Latine nil nisi heredem esse. Quod is ipsum scilicet respexit, utroque vocabulo in Corbiniani vita coniuncto. Quin longius progressus, cum in syllabo Hebraicorum nominum, qui siue Hieronymo, siue Bedæ auctoribus tribuitur, Cyrinum cum heredis interpretamento reperisset, quam verè, sacræ linguæ gnari sciunt, hac quoque elegantia, ut tum sentiebant, delectatus, se sub finem vitæ S. Emmerammi Cyrinum dixit. Vnde nemini adhuc suspicari in mentem venit, eam ab Aribone scriptam: nec nobis quidem fortasse suboluisset, nisi lectione Arnolfi admonitis, à quo cum Cyrinum eundem Heredem esse didicissemus, facile fuit & Aribonem componere, & tot diuersorum nominum causas inuestigare atque eruere, ipsius præsertim Cyrini indicio, qui Iosephum siue Ioleppum, decessorem suum diserte nominat, at Iosephum Frisingæ ante Aribonem sedisse, ex illius ecclesiæ tabulis comperimus. Abates præterea tredecim Dingoluingæ præsto fuere: qui quibus transcribendi monasterijs, parum ex antiquis monumentis liquet, neque sine his bene recentiorum fidei creditur. Reliquorum procerum nomina non sunt prodita. Acta, siue actorum fra-

Qq 3 gmenta

Oftrid. l. 4. 6.  
Ioh then adaler-  
bon, Sid tho the-  
san VVarben.

Cap. 39. Ego A-  
rifo Heres, licet  
indignus, ipsius  
Frisingensis sedis  
Episcopus.

Hebræis ioresli  
heres est. Sed Cy-  
rini etymologiæ  
color ex Græco  
sermone peti po-  
test, siquidē Iu-  
risconsulti here-  
dem tanquā he-  
rum dictum cō-  
tendunt. Instit.  
de her. qual. &  
differ.

Arnolf. Comes  
epist. ad Burcar-  
dum Abbatē. Co.  
2. ant. lect. Inge-  
stus fideliter do-  
mesticiis clarissi-  
mi patroni nostri  
Emmerammi  
martyri, dudū  
à quo lam, qui se  
Cyrinum & He-  
redem nominat,  
Frisingensis Ec-  
clesiæ Episcopo, ut  
puto rectè feri-  
puit.



gamenta verius, magnæ navis laceras tabulas, ex veterimis membranis, priscam pietatem venerati, huc transferemus, mutato nonnihil ordine; hinc enim initium ducendum esse, res opinor loquitur.

*Quidā xxi. habent, scriptorū errore. Membr. xxi. Recl. Cū Thassilo an. 749 Dux appellatus fuerit. Pro sub discōsulem fort. leg. sub die Cal. Id. Ocl. incidit. Etsi barbaro æuō, interdū diem & consulem, indefinitē sci- mus posita.*

DE CONCILIO, quod Dux Thassilo apud Dingoluingam celebrauit.

Regnante in perpetuum domino nostro Iesu Christo, in anno vero xxiiii. regni religiosissimi Ducis Thassilonis gentis Baioariorum, sub die consulem, quod erat ii. Id. Octobr. atque anno ab incarnatione dominica DCCCLXXII. Indict. x. Diuina præfatus inspiratione, ut omne regni sui prænotatus Princeps collegium procerum coadunaret, in villam publicam Dingoluingam nuncupatam, ut ibidem tam regulare moderaret in sancto habitu cœnobium virorum & puellarum, quam Episcopales moderaretur obsequias, insuper gentis suę institutiones legum per primatos imperitos, uniuersa consentiente multitudine, quæ reperit diuturna vitiata, & quæ videbantur abstrahendo euellere, & quæ decretis placerent componenda, instituerentur. Inter tot verò collegia sacerdotum, deuolutis Episcoporum & Abbatum in præsentia paginis, regularis ordines vitæ, atque canonum normas, vel decreta patrum, nullis comprobare quiuerant testimonijs, ut monachis parochi commendari deberent, vel publica baptismatis obsequia, nisi forte pro periculo mortis, & nihil eorum impleant commorandi nego-

*primates & peritos. diuturnitate,*

*parochiæ.*



negotio. Excepto. vicissitudinis villarum propria. <sup>Exceptio</sup>  
 rum singulis annis obediēcialibus curis commissio,  
 ab Abbate proprio fuerint determinata. Vnde ab u-  
 niuersis Abbatibus facta professio, ut minimè titulis  
 popularibus se ingerere depellerētur, & hæc omnia, <sup>deberent.</sup>  
 cui commissæ sunt plebes, sub potestate Episcopo-  
 rum permanerent, sicut in sanctis synodis, vel de-  
 cretis priscorum patrum, perarata comprobatur cō-  
 scriptio. Ab Episcopis verò simili modo, & nihilo-  
 minus prælatis ponderauerunt sententijs, ut erga e- <sup>prolatis.</sup>  
 os charitatis gererentur curæ, ita ut canonica aucto-  
 ritas confirmat, & spiritualis concordia declarat.  
 Hoc peracto concilio, & ab uniuersis uno ore con-  
 firmato, it si quis de eadem institutione deuiare præ- <sup>ut si quis.</sup>  
 sumpserit, à collegio eorum alienetur, usque iterato  
 examine, id est publico synodo. <sup>publica.</sup>

HAEC SVNT DECRETA quæ constituit sancta syn-  
 odus, in loco qui dicitur Dingoluingen, Domno  
 Thassilo mediante.

De die dominico ita constitutum est, ut tali ho-  
 nore habeatur, sicut in lege scriptum est, & in decre-  
 tis canonum, & si quid præsumpserit frangere con- <sup>si quis.</sup>  
 tra legem, aut decreta canonum, tali pœna subiace- <sup>pœna.</sup>  
 at, sicut ibi scriptum est. De hereditate quæ tra-  
 dita est ad ecclesiam, ita constituit, ut quisquis here-  
 ditatem suam ad ecclesiam ante donauerat, aut po-  
 stea donauerit, si quid mutare voluerit, chartam su-  
 am habeat ita scriptam, ut locum & tempus & per-  
 sonam

sonam habeat, aut tribus testibus fidelibus & nobilibus testificetur. Si sacerdos non habeat chartam nec testem, ut prædiximus, tunc sicut in lege Baioariorum, & iudex iudicat, sic defendat. De eo

viuentes sint, ita  
constituit. Con-  
stitutio autē ex-  
cidit.  
sanctimoniales,  
Hic quoque ali-  
quid excidit.

quod Episcopi iuxta canones, & Abbates monasteriorum iuxta regulam viuentes, ita constituit. De eo quod sanctæ moniales, quæ in seruitio Dei sunt, ita constituit; Vt nullus ausus sit in coniugium & in matrimonium ducere. Aut si quis ausus fuerit, contra decreta canonum, ita componat, sicut canones decreuerunt.

Hæc manca &  
corrupta sunt, ut  
etiam sequentia  
pleraque.

De eo quod ius ad legem quam habuerunt in diebus patris sui, nobiles & liberi & serui eius, ita donauerunt, ut firma fieret. De

dare vellent.

eo, quod ut si qui de nobili genere de hereditate sua dare ad sanctuarium Dei, in sua potestate esset, nec mutaret, in perpetuum.

Adel-schalk, no-  
bilis minister.  
Were-gelda &  
Were-geldus, æ-  
stimationis pre-  
tium, Pecunia.  
Rom. tit. 4. c. 17.  
pretium tuum,  
id est VVrigel-  
dum tuum. Vbi  
perperam Witel-  
dū legitur, Grat.  
siue Pal. 17. q. 4.  
c. 26. ex conc.  
Trib. etiam VVi-  
rigeldum habet,  
ubi vetust. edit.  
pro voce nō in-  
tellecta, Renal-  
dum præferunt.  
quæ in pacto  
scribentur.

De eo quod ut serui Principis qui dicuntur Adelschalhe, ut suam habeant VVeregeldam, iuxta morem quem habuerunt sub parentibus, & ceteri minores VVeregeldi iuxta legem suam, ita constituit.

De eo quod parentes principis, quodcumque præstatum fuisset nobilibus intra Baioarios, hoc constituit: Vt permaneret & esset sub potestate uniuscuiusque relinquendum posteris, quam diu stabiles fœdere seruassent apud Principem, ad seruiendum sibi, & hæc firma permaneret, ita constituit.

De eo ut nullus hereditate sua priuetur, nisi per tres causas, quas in pacto scribentur: propter homicidium, hoc est ut quisquis hominem



hominem Principis sibi dilectum occiderit, ob iniuriam Principis, & ad calumniam, hominem componet secundum legem, tunc priuetur hereditate sua.

De eo, quisquis mulierem nobilem acceperit in coniugium, & non præsciuit, ita constituit, ut iterum libera esset, dimittat seruum, & postea non redigatur in seruitium, sed esset libera.

De eo, quod etsi quis de quocumque reatu accusatus ab aliquo, potestatem accipiat cum accusatore suo patificare, si voluerit, antequam pugnam quæ VVehardinc vocatur, permittat.

De eo, quisquis de nobili genere deprehensus fuerit de illis *iiii.* causis, de quibus supra diximus, si ille hereditate sua portionem pro illius criminis reatu perdat, uxor autem illius, suo iure non priuetur, ita constituit.

DE COLLAUDATIONE quam Episcopi & Abbates in Baioaria inter se fecerunt, pro defunctis fratribus. In Christi nomine, Notitia, qualem convenientiam gentis Baioariorum Episcopi & Abbates inter se fecerunt: quorum nomina infra perarare stylo decreuimus. Id est, Mannō Nuiuenpurgensis ciuit. Epf. Alim, Virgilius, Vyserich, Sinterpreht, Herēs, Episcopi.

Opportunus, Vvolfspreht, Adalpreht, Ato, Vto, Lantfrit. Albune, Ruothart, Ernest, Reginpreht, Volchanhart, Perhkoz, Sigido, Abbates. Ut eorum quis de hac luce migraret, unusquisque superstitum Episcoporum vel Abbatum, pro defuncto, in domo sua Episcopali vel cœnobio c. missas

R r speci-

Secunda & tertia causa cur quis hereditate priuandus, videtur excidisse. quisquis seruus mulierem.

fort. Wehrdinc, pro Wehrding.

illis *iii.* causis, de quibus supra diximus, ille hereditatis suæ.



psalteria.

speciales, & eodem numero psalterio cantate faciat: ipse verò de propria persona sua xxx. speciales missas compleat, vel à religiosis sibi met subiectis, implere omnino prænотatum faciat numerum, presbyteris siue monachis, cum de hoc sæculo migrauerint, Episcopus seu Abbas, uno presbytero vel uno monacho, xxx. missas speciales, totidem psalteria faciant celebrari.

## DE POPVLARIBVS LEGIBVS.

sic constituit.

Prænотatus Princeps, uniuerso concordante collegio, hic constituit. Vt nullus à prouinciæ suæ mancipium limine venundare, vel proprium vel fugitiuum, præsumpserit. Et si quis hoc decretum non obseruauerit, Vveregeldo suo culpabilis remaneret. Vt nullus furtiuam rem, tam in equis & alijs quadrupedibus, quam in reliqua supellectilia extra finem Baioariorum venundare, vel machinis diabolicis extra minandi, insidijs tegi, ut si quis hoc præsumpserit, xl. sol. componat in publicum. Vt quis domum, tam liber quam seruus, altius effoderit, & ibi occisus fuerit, sine compositione in sua damnatione permaneat. Si autem supellectilia abstulerit de eadem domo, & eo fugiente in curtem vel extra curtem, hic cui damnum intulit consequitur, & interfecerit, pari subiaceat sententia. Similiter qui liberum vel mancipium suum furauerit, & cum comprehendere minimè quierit, & ibidem interfecerit reum, superior permaneat sententia. Sed tamen ea genera triū homi-



homicidiorum, debita signa vicinis suis, & his qui assistunt, insignet. De pugna duorum, quod

Insegnare Ital.  
docere.  
An VVehrdinc.

Vvehadinc vocatur, ut prius infortiantur quam parati sunt, ne forte carminibus, vel machinis diabolicis, vel magicis artibus insidiantur.

Qui supra prædictæ pugnae, quod chamfvvic diximus, peracto iudicio, se simili vindicta erigere contra querentem præsumpserit, sacramentum quod ante id dicitur, iuret in ecclesia, cum tribus nominatis sacramentalibus.

dicimus.

De eo quod Baioarij Stapfaken dicunt, in verbis quibus ex vetusta consuetudine paganorum idolatriam reperimus, ut deinceps non aliter,

Formula iuramenti sacramē.  
extat leg. Aleman, tit. 6.

nisi indicat qui querit debitum, Hæc mihi iniuste abstulisti, quæ reddere debet. Reus verò contra dicat, Nec hoc abstulisti, nec componere debeo. Iterata voce requisito debito, dicat, Extendamus dexteras nostras ad iustum iudicium Dei, & tunc manus dexteras uterque ad cælum extendat.

ita dicat.

Ut nullus furtiuam rem suscipere, vel intra terminum abscondere præsumat, qui hoc fecerit, xl. sol. componat. Ut hi qui Ducali manu liberi dimissi sunt, ad eadem cogantur iudicia quæ Baioarij Vrtella dicunt. Ut hi qui in ecclesia libertatem conqui-

debes.

abstuli.

vice.

rebant, deinceps, tam ipsi quam eorum posteritas, in secura libertate permaneant, nisi forte sibi ipsimet insolubile, damnum inferant, quod componere minimè quiuerunt.

Vrtheil, sententia.

Qui ex eis occidentur, pretium eorum his soluatur ecclesijs, ubi liberi dimissi

Qui ex eis occidentur, pretium eorum his soluatur ecclesijs, ubi liberi dimissi

R r 2 sunt.



sunt. Liberi qui ad ecclesiam dimissi sunt liberi, vel per chartam acceperunt libertatem à Rege, si occidantur, lxxx. sol. componantur ecclesie, vel filijs eorum, in dominico xl. sol. compon. Si ancilla libera dimissa fuerit per chartam aut in ecclesia, & post hæc seruo nupserit, ecclesie ancilla permanet. Si autem libera Baioario seruo ecclesie nupserit, & seruale opus ancilla contradixerit, abscedat, si autem ibi filios vel filias generauerit, ipsi serui & ancillæ permaneant, potestatem exinde non habeant. Illa autem mater eorum, quando exire voluerit ante annos lxx. liberam habeat potestatem, si autem lxx. annos induerit opus ancillæ, & parentes eius non exadomauerint eam ut libera fuisset, nec ante Comitem, nec ante Ducem, nec ante Regem, nec in publico malo, transactis tribus Kalendis Martis, post hæc ancilla permaneat in perpetuum, & quicumque ex ea nati fuerint, serui & ancillæ sunt. Qui furtiuam, quod zougenuht dicitur, super furem comprobare nequiverit, furtiuo compon. more. Qui resisterit domum suam, quod selisuchen dicunt, qualem rem querenti resistebat, talem compon, In publico xl. sol. Qui manum immisionem resisterit, quod hantelod dicitur, xl. sol. soluat in publico, & ipsam rem querenti reddat. De his qui supradictis homicijs debita morte in furto reperti, Vt si quis huius interfecti parentelæ, eum qui suo scelere captus est, vindicare tentauerit, à propria alode.

Baioaria.

ancillæ.

exundi.

Exadomauerint, hoc est, liberali causa vindicauerint, & ex domo eduxerint.

Mallum & Placitum conuictus est.

K. Martijs, quæ solemnes apud Francos, agendis conuentibus zeugenzucht. selbluochen.

homicidij. reperti.



alode alienus efficiatur. Et si quis signum, quod  
 est sigillum, inhonorauerit, vel huiusmodi iniun-  
 ctā minime impleuerit, prima vice arguetur, secun-  
 da xli. sol. compon. iiii. suum VVeregeldum: iiii.  
 extraminetur ab acto officio. Ut si quis iudici-  
 um furti in bina vel terna reprehensione nō damna-  
 uerit, & eum diabolico lucro dimiserit, ut per illum  
 quasi conparticeps, pauperum spolijs ditarentur, tot  
 sceleris quod commiserint ante oculos Dei & ange-  
 lorum efficiatur, & nihilominus cuius fraudem fe-  
 cerit, quasi proprium componat debitum. Ut si  
 quis in virtute coniunctus, à coniuge propria adul-  
 terina separatus fuerit, eiusq; ex cognatione coniu-  
 gis, propter eandem dimissione quæ eum persequi  
 tentauerit, à proprio alienetur patrimonio. Ut  
 nullus post tonsuram, capillos usu populari nutrire  
 præsumat: nec velata, relicto velo, sæcularem habi-  
 tum sumat. Ut si quis vel qua in hoc vitio reperti fu-  
 erint, aut corripiantur, aut excommunicentur.

Concilij acta & decreta hætenus. Quæ quan-  
 tumuis rudia, & plerisque locis obscura, nec nobis  
 satis intellecta, tamen mutari religio prohibuit, ne  
 antiquitate consecratis manus attulisse censeremur:  
 qui enim hoc genus monumenta, suavi & Latino  
 sermone interpretari maluerit, eos multo labore  
 quæsitam eruditorum lectorum gratiam, non tenu-  
 isse animaduertimus, quod sibi quisque ipsi credere,  
 quam alienam fidem sequi malit. Porro multa

R r 3 in ijs

Alode, prædium  
 iure transcipi, op-  
 ponitur bonis  
 beneficijs, si-  
 ue feudalibus.

Extraminetur  
 ab acto officio.  
 Depellatur ma-  
 gistratu quem  
 gerebat.  
 & reum  
 ditaretur, tot  
 scelerum quot  
 reus efficiatur.  
 cui fraudem.

dimissione quæ



in ijs sunt, quæ Thassilonem, ut est insatiabilis humanus animus, quamquam opum & potentia magnitudine, atque regia cognatione, Francicorum Ducum facile primum, altiora iam tum spirasse ostendant, viam ad eos conatus munientem qui postmodum erupere. Nec regni vocabulum de nihilo interiectum, nam concilia conuentusq; cogere, & leges condere, Regum nimirum apud Francos munus, à quorum etiam initijs annorum numerus iniri solitus; quod sibi Thassilo propalam utrumque sumpsit. Principis idem & Ducis nomen promiscuè ferēs, Principis tamē libentius & crebrius usurpauit, quod Ducis magis obnoxia appellatio haberetur. Itaque Leo Ostiensis, Herchempertum in Langobardica historia auctorem sequutus, Archisum memorat, cui Adalperga altera Desiderij filia matrimonio iuncta fuit, eadem de causa abdicato Ducis titulo, qui superioribus omnibus suffecerat, primum se Beneuenti Principem nominasse, & ab Episcopis unctum, corona usum esse, diplomatis sacratissimo palatio, quod reges solent, ascripto.

Leo chron. Cassin. l. i. c. 10.

Omnium script. consensus.

Carolus anno septingentesimo septuagesimo tertio, ab Hadriano aduersus Langobardos euocatus, in Italiam venit, Desiderium, quod sui copiam extra munitiones non faceret, Ticini obsedit. Sequenti, deditiois necessitatem expressit, & regnum Langobardicum, quod supra ducentos annos in Italia steterat, ad Francos transtulit. Rex cum coniuge capti-

ANN. POST  
CHR. NAT.  
DCCLXXIII.

DCCLXXIV.



captius ductus, Adalgisus filius fuga Constantino-  
polim euasit. Boio & Beneuentano socii calamita-  
tem miserari licuit, Carolum virtute & fortuna flo-  
rentem, palam laceffere, neuter tum aulus est, et si  
ingentes de cetero spiritus alerent. Sedangebatur  
inprimis Luitpurga, ferox & vindictæ cupiens fœ-  
mina, quæ sororis prius iniuriam, cui Carolus anno  
postquam uxorem duxit repudium renuntiauerat,  
nunc patrem de regio culmine ad tantam humilita-  
tem deiectum, indignissimè passa, virum nec nocte  
nec interdiu conuiuiscere sinebat, donec paulatim  
animum, à Francis antea etiam alienum, in consilia  
traxit, quorum temeritas, Desiderio nulla ex parte  
opitulata, Boiorum fortunam ad Langobardicæ  
modum depreffit. Quod quidam, fidem & au-  
thoritatem veterum nihil reueriti, Thassilonem Lā-  
gobardis à Carolo præfectum, atque adeò Regem  
appellatum prodidere, eos perspicuè ineptire, ne-  
que tam vana, quam absurda & stulta scribere com-  
pertum, qui dictis refutentur dignos non habeo.

Virgilius basilicam Salisburgi absolutam, viii. K.  
Octobr. dedicauit, & corpus S. Ruperti, de priori  
sepulchro exemptum, una cum sociorum presbyte-  
rorum corporibus, honoris causa in eam intulit.  
Arenpekius Thassilonem eodem anno, quem regni  
eius vigesimum septimum perperam habet, concili-  
um Prid. Id. Octobr. coegisse narrat: nobis id unum  
videtur, quod ante biennium, veteris exemplaris fi-

Sangall. de vita  
Carolil. 2. c. 26.  
hoc repudium  
inter causas bel-  
li Langobardici  
numerat.

Ioan. Steind.  
Magnus presb:  
& vita S. Virg.  
Hund, funda-  
menta an. 767.  
iacta, templum  
intra an. 12. ab-  
solutum, 13. de-  
dicatum scribit.  
Nos vetustiori-  
bus credimus.  
Aren. l. 2. c. 35.

de

ANN. POST  
CHR. NAT.  
DCCLXXIII.

DCCLXXIII.

Steind. Catal.  
Batau.

deretulinus. Septuagesimo quinto, Vifericus  
Batauenſis Episcopus morte functus, Valdericum  
ſucceſſorem habuit.

ANN. POST  
CHR. NAT.  
DCCLXXV.

Ado, Reg. Ann.  
Fuldenſ. & Frac.  
Vita Caroli M.  
mon. Egoſim.  
Eginh. Siegb.  
Ann. l. 4 c. 72.

Carolus triennio poſt, Ibanalarabi Saraceni acci-  
tu, florentiſſimum exercitum duobus itineribus in  
Hiſpaniam duxit: pars cui ipſe præerat Pompelo-  
nem, munitam ſub Pyrenæis montibus urbem cœ-  
pit, muros, ne qua unquam obſequium exuendi o-  
raretur fiducia, ſolo tenus deiecit, victricia arma per  
omnem prouinciam circumtulit. Ibero deinde va-  
do traiecto, auxilia Boiorum, Langobardorum, ce-  
terarumq; fœderatarum gentium, quorum longe  
maximus erat numerus, alia via progreſſa, ad Cæſar-  
auguſtam recepit. Ibi explicato agmine, & oſtenta-  
ta obſidione, ciuitatem opulentiſſimam & poten-  
tiſſimam ſic terruit, ut datis obſidibus, & pacto grâ-  
di auri pondere, ultrò ſe imperata facturam pollice-  
retur. Ingens expeditionem ſequēbatur gloria, ni-  
eam vulnus in reditu acceptum, hebetatam immi-  
uiſſet. Longo agmine exercitus inter arcta Pyrenæi  
ducebatur, ubi ad ſummum euasum, Vaſcones, te-  
cti opaco nemorum, verticem inſidebant, ij primos  
taciti tranſmittunt, ad ſarcinas & impedimenta ex  
inſidijs conſurgunt, poſtremos ſumma vi inuadunt,  
loco & armorum leuitate ſuperiores, Francos in ſub-  
iectam vallem agunt præcipientes, ut magna cædes  
adita, eorum qui reſtitere nullus ſuperfuerit, impe-  
dimenta direpta ſint, Neque Carolus anguſto præ-  
ruptoq;

DCCLXXVIII.

Eginhard.



ruptoq; saltu, aciem vestigio temporis in pugnam  
obuertere, nec, ingruente nocte dilapsis cum præda  
latronibus, cladem postea ulcisci potuit. Cecidere,  
præter promiscuum vulgus, Eghartus regiæ mensæ  
præpositus, Anselmus Palatij Comes, & Britannici  
litteris præfectus Rutlandus, bellandi virtute inter  
primos illius æui, sed veras laudes monstrosæ fabu-  
lofitatis scriptores deterunt. Iidem NAAMANVM Bo-  
iorum Ducem desideratum tradunt: princeps Tur-  
pinus, Naamani cadaver in Galliam reuectum, in  
campis Aylis ad urbem Arelatem, à se conditum as-  
seuerat, cæmeterio, quod multa præterea millia cœ-  
perit, eorum qui tunc cæsi sint. Campi lapidei ad  
Rhodani ostia, quorum crebra est apud veteres geo-  
graphos, nec ea fabularum immunis mentio, leui-  
bus ingenijs fingendi materiam præbuere. Sed si ta-  
men Naamani Boij nomen his auctoribus recipi-  
mus, quo propendeo, quando inaniter excogitan-  
do causa non fuit, in eo saltem offensum, quod gen-  
ti imperasse creditus, eo ipso tempore quo Thassilo  
præerat, confortis si quis unquam impatiens: cuius  
auspicijs auxiliares copias in Hispaniam duxisse, &  
se, fortiter agendo, in Caroli amicitiam insinuasse,  
posterorumq; memoriam emeruisse, magis ex vero  
sit. Nam etymon quoque, si quis huius argumenti  
tenuitate capitur, vernaculo sermone submissionis  
notam continet. Atque hæc quidem foris. Do-  
mi alius interim luctus Principalem domum func-  
stauit.

Turp. c. 30. & ex  
eo Vincent. l. 25.  
c. 13. & 21.

Plin. l. 3. c. 4. So-  
lin, c. 8. Mela l.  
2. Strabo l. 4 ci-  
tatis Aeschylæ  
versibus.

Nah-man, ad  
verbum, post-vi-  
rum veritas.



Mc. de monast.  
Boior. Annales  
Chremsmunt.

stauit. Maior filiorum Thassilonis Guntherus, Laureaco sub brumam venatum egressus, in raræ magnitudinis aprum forte incidit, propter fontem & piscinam, quam hinc nomen traxisse aiunt: comitibus per syluam dilapsis, animum solitudine nō despondens, venabulo obiecto, feram strenuè excipit, & luculento vulnere conficit: ipse vicissim à dolore & furore percita conlauciat, ambo in eodem vestigio corruunt. Ibi canis latrantis indicio repertus, magnæ indolis adolescens, miserandum suis in tam tristi exitu præbuit. Spectaculum. Pater quantum maximum potuit sepulturæ honorem habuit, templo cum monasterio magnificentissimè excitato, & amplissimis redditibus instructo, quod à præfluente Chremsa nomen traxit. Valdericus, Virgilius & Simpertus Episcopi dedicarunt, Hadrianus Pontifex, Agapiti Prænestini martyris corpus, Roma honoris causa dono misit. Veteres tabulæ dedicatio- nem in annum Thassilonis tricesimum, Theodonis primum, indictione prima conferunt. Quo cum plerique annales refelluntur, de superiori anno contentientes, tum apparet, Theodonem fratris morte non dubium heredem, mox à patre collegam, in partem dominatus ascitum esse. Sunt verò in antiquitatis memoriam iniurij, qui leui suspitione nixi, quod diploma de monasterij constitutione (istis orationem appellare placuit) Guntheri nomen non habet, id ex omni narratione contendunt expun-  
gen-

Exat Frisingæ  
liber magnus  
tradition, scri-  
ptus an. 1187. in  
quo etiā an. 30.  
Thassil. cum 1.  
Ind. cōparatur,  
& ad eandē rati-  
onem an. 25. cū  
Ind. 11. Item an.  
26. cum Ind. 13.  
ubi intelligere li-  
cet priorem par-  
tem anni 26. cō-  
currere cū Ind.  
12. posteriorem  
cum 13. Quod  
verò in eodem

ANN.  
CHR.  
DCC



gendum. Propensus in religionem & sacras ceremonias Thassilo, Salisburgensi etiam sedi multa ipse contulit, multa ut subditi conferrent indulgit, quæ ab Arnone diligenter annotata sunt. Matseum præterea, Thierhauptum & Chiemseum virginum, nam duplex est, monasteria condidit: pleraque antea condita vectigalibus auxit, sic ut horum quoque vulgo auctor habeatur. Fert enim & urbium & monasteriorum sæpe ratio, ut modica initijs, auctibus æstimentur, & consula temporis diuturnitate memoria, posthabitis conditoribus, eorum nomina celebrent, quorum maximè ope creuerint. Quidam multa extra Boicam adiiciunt, de quibus nobis minus liquet: tum intra non pauca, quæ certiores commentarij, Thassilone recentiora esse euincunt. Siue qui huic tribuunt omninò errant, siue quod priusquam monasteria ædificarentur, ecclesiæ ijs locis steterint, in quas ille munificus: excusatione cum probabilitatis, tum aduersus scriptores humanitatis plena.

ANN. POST  
CHR. NAT.  
DCCXXC.

Anno eius tricesimo secundo, Adaluncus, Hiltipaldus, Kerpaltus & Otakirus fratres Schlierseum instituerunt. Eodem Principe, annus in incerto est, Scheftlarium VValchericus, Garsium Boso, Au Baldunus & Robertus presbyteri condidere. Hæc Arno Garoz & Avvam nominat. Apud quem Zottinge quoque cellam (monasteriorum ea antiquitus appellatio) à Guntrio Comite, in S. Stephani honorem tum constru-

libro comparatur anni Thassilonis 11. 12. 27. 32. cū Indictionib. 11. 12. 1. 12. alterutros numeros viciatos, manifestum est.

Extat dipl. in cod. ms. Fris. quod etiā HUNDIUS retulit. Datum, *Sub die Cōsul: quod fuit* xiii. Calend. Februar. Indict. xii. Regnante Domino Thassilone Anno xxxii. Sed mendosus interscriptus numerus, in Indictio reponenda est.

St 2 etiam,



Arno in annot.

Arenpek. l. 2.  
c. 34.Ioan. Steindel,  
& Magnus pre-  
sbyt. Arenpeki-  
us ab utroque  
diuersus videtur.Meminit huius  
translationis in-  
certus auctor,  
qui de inuent. S.  
Valentini scri-  
psit, Surijs to. 4.  
Sedis Thassilo-  
nem cum patre  
Grimoaldi per-  
peram confun-  
dit.Ex vita S. Corb.  
ab Arbone scri-  
pta c. 39. & se-  
quent.

ctam, & cellulam ad Caofftain, ubi fratres mani-  
bus laborare scribit, reperio: vocabulis locisq; mihi  
quidem adhuc ignotis, nisi si Zotinge Oetingam ex  
Arenpekio interpretamur, & Caofftain Kopffstein  
est. Per hæc tempora, nam ne de anno planè  
constituam, scriptorum dissensus obstat, quorum  
alij ad annum septuagesimum septimum, quidam  
ad octogesimum quartum reuocant, per hæc igitur  
tempora, corpus S. Valentini Episcopi, quod Lan-  
gobardi Maijs Tridentum transtulerant, Tridento  
ad Bataua, agente Thassilone, ut quæ viuo debeba-  
tur, saltem mortuo sedes redderetur, delatum, in  
crypta ante fores ædis maximæ, inter duos muros  
conditum est. Arenpekus reliquias Viuilonis  
quoque Episcopi, quem sancti honore dignatur,  
Laureaco Bataua deuectas scribit. Aribonem  
de S. Corbiniano cura coquebat, cuius corpus Fri-  
singa abesse eo indignius rebatur, quod satis com-  
pertum haberet, eum Maijs ob unam Valentini ve-  
nerationem sepeliri voluisse, nunc conditione mu-  
tata, nihil esse cur longinquo & deserto loco diutius  
inhonori iaceret. Synodo coacta, post triduanum  
ieiunium & continentes preces atque sacrificia, pio-  
rum plerique per somnū moniti sunt, relationem à  
Deo probari. Tum prouincialium Episcoporum &  
Thassilonis ipsius usus consilio, honestissimos eccle-  
siastici ordinis viros Maias legat. Quibus ad tumu-  
lum peruigilantibus, noctu ingens fragor, in toni-  
trui

ANN. I  
CHR.  
DCCLX



trui morem, sereno cœlo auditus. Mane corpus à venerabundis exhumatum, integrum & incolume viuido colore apparuit, ut hominis magis somno, quam morte, ante tot præsertim annos depositi, speciem ferret. Feretrum subiere viri religiosi, tanta alacritate, ut pedibuseuntes equitatus honori & custodiæ additus, ægrè assequeretur. Cum alia per viam signa edita, tum illud insignem admirationem habuit, ut pompa eo loco substitit, quo Corbiniani sanguinem conditum supra diximus, qui crucem præferebat, hastile terræ fixurus, vasculum forte imprudens pertudit, inde liquidissimus iterum sanguis, colore à recenti nihil differens, fluxit. Res digna existimata, cuius memoria exstructâ ecclesiâ seruaretur. Frisingam appropinquant, Thassilo cum Episcopis & apparatissimo omnium ordinum comitatu obuiam processit, ibi sacrum pignus ædi Mariæ vîrginis inter sacros hymnos illatum est.

Pag. 267.

Atrox interea odij Luitpurga, quæ patre inulto vitam omni exitio acerbiores duceret, quod Carolus Romam religionis nomine proficiscens, Germania excessisset, vindictæ occasionem obuennisse existimans, maritum ad rebellandum, nullo causæ emolumento impulit. Vix enim animum nudauit Thassilo, cum Hadrianus Pontifex, gliscens incendium veritus, interq; initia restinguendum ratus, sequenti statim anno, Formosum & Damasum, utrumque Episcopum, legatos in Boicam mittit: Ca-

Sigebert an. 780

Annal. Fuld.

Reg. Sigeb. Ann.  
Fuld. Franc. &  
msl.

S f 3      rolus

ANN. POST  
CHR. NAT.  
DCCCLXXI.



rolus Richolfum Diaconum, & Eberhartum pincernarum præfectum adiungit. Hi Thafsilonem, sacramenti quod Pipino & filijs dixisset admonitum, facile ad officium reuocant, ita ut fide & obsidibus acceptis, vim abluturam, Vormatiam ultrò veniens, se Carolo præfens sisteret, iururandum etiam nouaret, & sacramenti sanctitati duodecim delectorum obsidum pignus adijceret, rata fore promissa, tum aduersus Carolum, tum eos qui in Caroli fide essent. Et obsides quidem, Simpertus Reginoburgensis Episcopus Carisiacum paullò post adduxit. Idem annus Vilibaldum Eistadiensem Episcopum Non. Iulij abstulit, Vunibaldo fratre & Valtpurgi sorore longè ante defunctis: omnibus cœlestes honores decreti. Eistadiensem sedem Gerochus tenuit. Octogesimo secundo Aribo Frisingensis Episcopus satis concessit, Atto sublektus. Chimensis virginum ecclesia K. Septembr. dedicata est. Tertio, S. Emmerammi magni operis basilica Reginoburgi à Simperto absoluta. Hildegardis Caroli uxor è vita abiit. Quam ut domi pernobilem, Sueuam origine fuisse satis constat, sic sunt qui Andecisij in Boica, matre Regarda Andecensi Comite natam esse contendunt. Fidem adhibere Theganus vetat, à quo Imma, Gotofridi Alemanix Ducis proneptis, Hildegardim peperisse, planè traditur. Anno octogesimo quarto Virgilius, Episcopus inæstimabilis sanctitatis & meriti, id enim à vitæ scriptore tributum

Ioan. Steind.  
Catal. episcop.  
Eistad. Vunibal-  
dum an. 760.  
Valtpurgim 776  
obijisse narrant.

Catal. Frising.

Ioan. Steind. A.  
remp.

Anna! Fuld. alij.  
Eginhardus.

Brusch. de mo-  
nast. Hund. in  
geneal.  
Theg. de gestis  
Ludou.

ANN. POST  
CHR. NAT.  
DCCLXXII.

DCCLXXXII.

DCCLXXXIV.

ANN.  
CHR.  
DCCLX



butum elogium, posteritas consentiens approba-  
uit, leni morbo v. K. Decembr. decessit. Multa &  
mirifica, eaq; salutaria plerisque signa, ad mortui ca-  
daver sunt edita, verum ego nullum uni beneficio  
antetulerim, quod Carantanis Christianæ fidei my-  
sterijs erudiendis viuis præstitit. Gregorius nonus  
Pontifex, diuorum numero post aliquot sæcula pu-  
blicè ascripsit. Salisburgensibus iuxta Rupertum,  
patronus & tutela colitur. Bertricus successer,

vix toto anno superstes, sedem morte vacuam Arno-  
ni tradidit; cuius primum opera & illustri apud Ca-  
rolum Leonemq; Pontificem gratia, Archiepisco-  
patus dignitas in eam commigravit. Tum Sim-  
pertus quoque è vita discedens, triste sui Regino-  
burgensibus desiderium reliquit. Et verò tot con-  
tinuata præstantissimorum antistitum funera, iram  
diuini numinis, haud paullò certius quam quæuis  
prodigiosa monstrorum facies denuntiabant, cum  
his tantis columnibus, ruina qua Thassilo non mul-  
tò post præceps concidit, validè sustineri potuerit &  
fulciri. Male cum Carolò facta gratia, tanquam  
ruptis compagibus, subitò dissiliit, Luitpurgæ rur-  
sus impulsu, satis credo: etsi veterum annalium hîc  
quoque mira est ieiunitas, neque nos recentium ex  
ingenio copiam moramur. Thassiloni illud perin-  
commodè accidit, quod anno septingentesimò o-  
ctogesimo quinto, Saxoniâ post diuturnum bellum  
subactâ, Francica cura liberati, toto dein pectore in

Chron. Magni  
presb. Ioan.  
Steind. Catal.  
Salisb. alij Vita  
Virg. corruptè  
habet an. Dccc  
Lxxx. 4. K. Dec.  
reponendum an.  
DCCLXXXIV. 5. K.  
Dec.  
Annal. Hein.  
Steronis an. 1233  
to. 1. ant. lect.  
Catal. Episc. Sa-  
lisb.

Catal. Reginob.  
habet Simpertū  
inisse an. 751.  
sedisse an. 32. fit  
itaque cōsequēs  
obisse an. 784.

Annal. Fuld. Re-  
gino, Sigeb. alij.

res

ANN. POST  
CHR. NAT.  
DCCLXXXII.

DCCLXXXIII.

ANN. POST  
CHR. NAT.  
DCCLXXXV.

DCCLXXXIV.



res Boicas incubuerunt. Carolus sub exitum sequentis anni in Italiam profectus, Romam octogesimo septimo peruenit. Ibi Arno Episcopus &

Annal. Franc.  
Reginó, Aimo-  
m. Steindel. A-  
renpek. Mss. alij.

Henricus Mansensis Abbas, Hadrianum Thassilonis nomine adeunt, ut pacem iterum communis pater conciliet rogant. Nec detrectauit operam Pontifex. Vt verò copiosa oratione Carolum persuadere aggressus est, statim sibi eo labore supersedendum intellexit, respondente quippe Rege, nihil sibi pace antiquius vel antehac fuisse, vel nunc quoque esse, cuius rei luculenta dederit testimonia, quæ nihil opus commemorare, se multa expertum, quo Thassilonem religione fœderum in officio cōtineret, quod frustra fuerit, culpam certè præstare non debere. Quin ipse Hadrianus, pacis condiciones nunc coram inter præsentis diceret, eas se, pro veneratione qua Apostolicam sedem semper prosequutus sit, recepturum polliceri. Tum tergiuersari legati, neque se ea mandata domo afferre, neque sine mandato rem tantam, qua Principis obstringatur fides, spondere. Apparebat magis moram bello, quam id quod prætexebatur quæri. Iratus itaque Pontifex, Thassilonem, quiq; eius partes sequantur, diro anathemate percellit, nisi sanctitatem sacramenti, quo Pipino prius nexi, nunc Carolo teneantur, per omnia ratam habeant. Simul eum per hos ipsos legatos seria admonitione obtestatur, etiam atque etiam quo progrediatur cogitet, nam si porrò peruicacia & perfidia animo

ANN. POST  
CHR. NAT.  
DCCLXXXVI.  
DCCLXXXVII.



NN. POST  
HR. NAT.  
DCCLXXVI.  
CCLXXVII.

animò indulgere pergat, se Carolum & Francos,  
Deo & S. Petro auctore, iam nunc crimine soluere,  
cædes, incendia, rapinas, quæq; alia mala bellum se-  
mel motum consequantur, in ipsius caput recasura,  
ipsum omnium scelerum supplicia luiturum. Lega-  
tis dimissis, Carolus loca sacra veneratus, benedicti-  
one à Pontifice accepta, in Germaniam reuertitur.  
Ibi indicto Vormatiam conuentu, proceribus cum  
reliqua Italici itineris acta narrat, tum de subdola  
Thassilonis legatione, manifestis indicijs ab Hadri-  
ano deprehensa, adijcit. Re quantumuis compertâ,  
placuit tamen ire qui Thassilonē adhuc percunctarē-  
tur, quid illi tādē animi, ecquid pareret postremis  
Pontificis monitis, iusiurandum vel nunc respice-  
rēt, & se concilio, imperium coram accepturus, si-  
steret. Cum nihil pro sano responderetur, officium  
armis & metu visum repetere. Bello ergo decreto,  
maximus trium exercituum apparatus fuit, quibus  
Boica quacumque Francis adiri posset, (cum à tergo  
Hunni clauderent) peteretur. Rex primum in cam-  
pis Lycatibus ad urbem Augustam castra posuit;  
Thuringi, Saxones, quiq; Franci ad orientem co-  
lunt, Pferingam in Danubij ripa tenuere: Pipinus  
Caroli filius, Tridenti patris iussu substitit, copias I-  
talicas quas ducebat, Bauzanum præmisit. Postquā  
se Thassilo undique tanquam indagine cinctum cir-  
circumspexit, nec domi quæ sperarat præsidia repe-  
rit, Boijs Franco fidem semel datam, quod ius fasq;

Quod quidam  
scripsit, Boicam  
à Thassilone  
Carolo cum sce-  
pro traditâ, cui  
homo inscul-  
ptus, vere rex  
ingenio esse. O.

T t inde



tho Frif. l. 1. c. 5.  
6. de Frid. &  
Gunt. l. 1. Regna  
per gladiū, pro-  
uincias per vexil-  
lum, Epifcopa-  
tus per fceptū  
tradi. o. ſendunt.

*Conditur hac fo-  
nea, quem pie  
Chriſte bea.  
Thaſſilo Dux pri-  
mum, poſt Rex,  
monachus ſed ad  
imū. Idibus in  
ternū deceſſerat  
qſte Decembriu.*

Annal. Franc. &  
Fuld. Reg. Sigeb.  
Eginh. Aimoin.  
Et præcipuè Mſ.  
anonymus, quē  
Theodulphum  
ſuſpicamur. Ae-  
miliius inter cauſ-  
ſas odij Luitpur-  
gæ fratrem Adal-  
giſum caſum  
perperam recen-  
ſet, Adalgiſus e-  
nim hoc quidē

inde ſtaret, non mutantibus, neque ullis artibus in  
defectionem trahendis, ſerò intellexit, quam non  
ſuarum virium hæc eſſet concertatio. Caroli clemē-  
tiam tentare unum ſupererat, cui, in caſtra veniens,  
peccatum ſaſſus, nec quidquam quod imperaretur  
detrectans, ſe ſuaq; permiliſit. Carolus, quanquam  
iure irafci poterat, hominem cognatum pœnitentia  
ſatisfacere paſſus, veniam dedit. Clientelæ ſacramē-  
tum iteratum, & tredecim obſides, inter quos The-  
odo filius, præſens pignus fidei toties irritæ, traditi.  
Thaſſilonem Regem appellatum, domeſtici anna-  
les habent, & tumuli quoque carmen affirmat: ſed  
nec quo tempore, nec per quam occaſionem, ſat  
planum proditur. Ego ambitionem diu agitatam,  
demum in apertum exiſſe cenſeam, cum Francico  
imperio palam excuſſo, manifeſtè rebellatum eſt,  
cuius rei Regium ipſum nomen quædam veluti teſ-  
ſera, ut aptè Eginhardus in Caroli vita ſcriptum re-  
liquerit, bello celeriter & excitando & finiendo, ho-  
ſtis qua ſuperbiam qua ſocordiā cauſſam præbuiſſe.

Luctuoſus rei Boicæ annus ſubſequitur. Effe-  
rator in dies Luitpurga, acuebat enim iras petita  
obtentæq; veniæ indignitas mirum in modum, ma-  
ritum uſque muliebriter inculpate, mollitiem igna-  
uiamq; obijcere, qui ſeruitutem ſub umbra fœderis  
pati paratus, nullo vindiçtæ, ne libertatis quidem  
deſiderio angeretur. Neque ille perpetuis coniugis  
querelis, ut erat uxorius, diutius repugnare ſuſti-  
nens,

ANN. POST  
CHR. NAT.  
DCCCLXXXVIII



nens, iam noua consilia coquebat. A quibus populares vehementer abhorrere, proximo tumultu expertus, eo descendit, ut nec Hunnorum inimicissimæ Boijs gentis opem aduersus Francos implorare dubitaret. Quamquam minus hoc, illud altioris indignationis, & impotentissimi animi indicatiū, quod admonitus periculi, quo obsides & Theodonem imprimis inuolueret, auditus profiteri, se facile decem etiam Theodonum capita, si totidem dentur liberi, infirmando Francico fœderi impensurum, quo ut se teneri patiatur, ne propriæ quidem salutis aspectu adduci possit, nam ut nunc res habeat, mori quam viuere utique satius ducere. Ab Hunnis auxilia prolixè promissa, nulli in tempore fuere usui. Cum enim Carolum Thassilonis cœptum non falleret, quod dicta factaq; eius multa, quæ non nisi ab inimico & irato proficisci possent, emanassent, nihil moratus, concilium Ingelhemum indixit: Franci, Boij, Langobardi, Saxones, ceteriq; prouinciales conuenere. Thassilo accitus, nihil adhuc parati habens, se iudicio necessariò exhibet. Ibi Boiorum potissimum testimonijs premitur. Obiectum, quo tempore superiori anno Regi fidem iureiurando astrinxerit, aliud ore promptum, aliud pectore habuisse conditum, nam & suos monuisse, qui conceptis tum verbis una iurarint, mentem eodem modo iniuratam gererent. Additum de pactione cum Hunnis inita, de insidijs amicis Regijs structis, de vocibus ad violationem

anno, sed Thassilone demum Principatu exuto, victus & casus est.

T t 2 fœ-



fœderis spectantibus, non perplexè iactis. Quorum omnium Luitpurga fons & caput sit. Aemilius Vitechindum Saxonem, acerrimum Francici nominis hostem receptum, frustra adijcit, Vitechindus quippe ad Normanos, hoc est Danos profugit, itaque Normanos absurdè Noricos interpretatus, eosdem Boios censuit. Cum nullum accusationis caput negaretur, concilium præterea in memoriâ rediret, exercitus ante annos viginti quatuor Pipino Rege, ab eo deserti, quod ipsum (Heriscilz Francorum leges appellant) capitale haberetur, reus confessus, maiestatis omnibus sententijs, acclamatione damnatus est. Intercessit Carolus. Lenem animum respectus vicissitudinis sortis humanæ subijt, & miseratione Principis nuper florentis, longè supra eos qui nunc de ipsius capite iudicarent, tum propinquitatis etiam maximè ius valuisse, proditum. Accidentem ad genua, neque iam quidquam excusantem, quam rebus ipse suis conditionem dicat, quod porro vitæ genus instituere cogitet, interrogat. Ille cœnobio condi suppliciter orat, actæ ætatis delicta inter monachorum choros lachrymis piaturus. Assensum. Habitu una cum filio attonsus mutat. Laurissa utrumque accepit, monasterium in Rhénensi pago, ut tum loquebantur, à Cancore Comite, ante annos amplius viginti ædificatum: nam qui Laureacense ad Danubium malunt, quod Thassilonem struxisse aiunt, nominis similitudine decepti erant.

Nun-

*Heriscilz sue  
Heriscilz, scilicet  
exercitus. Leg.  
Franc. l. 4. c. 73.  
& capit. Car. l. 3.  
c. 70. Quicumque  
abique licet  
ita vel permissio  
ne Principis, de  
hoste reuerfus fu  
erit, quod scilicet  
Franci heriscilz  
dicunt, volumus  
ut antiqua con  
stitutio, id est ca  
pitale sententia,  
erga illum puni  
endum custodia  
tur.*

*Monach Ego  
lism. Monachi  
ambo facti sunt,  
in Olro monaste  
rio, ubi S. Boni  
faciunt requiescit.  
Nimirum Lau  
rissa in insula  
Alden-munster,  
Sed S. Nazarij*



Nunquam fidem habuisset Carolus, quantumlibet monacho, in Boica ad Hunnorum fines degenti. Enginhardus disertè, euocatum, non permissum redire narrat. Et sepulchrum Laurissæ visitur. Neque illi aduersus magnorum auctorum testimonia audiendi sunt, qui pugna victum, captum, obiectu ignitarum peluium cæcatum tradunt. Reliquum vitæ tam religiosè Aimoinius egisse scripsit, quam lubentia animo monasterium ingressus sit: dubia apprimè & ancipiti sententia, sed quam domestici annales opportunè in commodiorem partem interpretantur, nimirum eluisse benefactis superiores maculas, & propitiando numini assiduam ad eò operam nauasse, ut mortui etiam monumentum signis diuinitus edictis illustratum claruerit. Quod, quoniam se religioni lubens multumq; precatus mancipauit, et si serò, atroci & difficili suo tempore, profectò ab Aimoinij oratione non abhorret; nec à cetera quidem Thassilonis pietate, nisi qua illum odium in Francicum nomen transuersum egit, discrepat. Exitus Agilolfingorum imperij is fuit, anno ducentesimo octogesimo postquam Theodo primùm pedem in Boica posuit: stirps inter Germanicas sine controuersia vetustissima & nobilissima, in cognomine Theodone Thassilonis filio extincta est. Carolus paucos Boiorum qui cum Thassilone senserant, exilio multat. Luitpurgam monasterio inclusam, magis conijcere, quam vetustis testimonijs confir-

nomen pro Bonifacij reponendum, ex annal. Laurisheim. cōstat.

Aim. l. 4. c. 30.

Vion. l. 4. c. 6. & 27. Thassilonē sub vestelaica ita vixisse scribit. ut sanctorum catalogo post mortē ascribimur. Theodonē presbyterij honore fuisse decoratū. Sed fides apud eos auctores est, quos ille nō nisi recentiores nominat.

T t 3 mare



Multa in hac  
caussa Aemilius  
imperitè, multa  
perturbatè, mul-  
ta absurdè, sed  
omnium caput  
est, quod Boios  
eosdem Auares,  
eorumque con-  
sanguineos Hū-  
nos esse dixit.

mare possumus. Aemilius prius mortuam, quam  
maritus monachum indueret, scriptum reliquit;  
unde haustum, non satis comperio. Sanè nec veri  
speciem obtinet, & ille cetera laudatus scriptor,  
multa sibi in Boicis imperitè permisit, haud dubiè in  
nulla historiae parte negligentius versatus. Bellum  
interea Hunni, pro eo ac cum Thassilone & Luit-  
purga conuenit, summa ope parauerant, neque ar-  
ma, quæ non tam Boiorum gratia, quam prædæ spes  
& cupido induisset, illis celeritate oppressis, exuen-  
da, quin iam Franco accola, acrius etiam exercenda  
rati, ingentibus simul duobus exercitibus in Forum  
Iulium & Boicam impetum faciunt. Vtrobique re-  
iecti. Boijs victoriam celsisse in campo cui Iboræ  
nomē, Grahamanum & Odoacrem Regios legatos,  
cum auxiliaribus nonnullis Francis affuisse, Regino  
auctor est. Hunnis ea res rabiem magis quam auda-  
ciam incendit, contumeliæ enim visum propius, ab  
ijs victos esse, quibus se auxilio venisse dicerent.  
Collectis iterum copijs, irarum pleni redeunt, &  
vindictam popularium superbè profelsi, primo cō-  
cursu à Boijs & Francis, haud maiore momento quā  
antea pelluntur. Ibi cædes omnia obtinet, si quos  
fuga hosti armato eripuit, plerosque Danubius, tra-  
nare conatos merisit.

Ado, Aimoin.

CAROLVS magno tumultu leui opera compresso,  
Boicam adit, Reginoburgi recentem prouinciam  
ordinat, descriptamq; Comitibus, hoc est ludicibus  
regen-

CAROLVS  
MAGNVS



regendam tribuit, leges veteribus addendas proponit, quas ex membranis supra laudatis, subiicimus. Pag. 310.

CAPITVLA QVAE DNS KAROLVS SERENISSIMVS AD-  
DERE IVSSIT.

Vt bannum ipsius quislibet irrumperet, componere debeat. Vt ecclesia, viduæ, orphani vel minus potentes, pacem rectam habeant, & ubicumque infractum fuerit lx. sol. componatur. Vt raptum, vel vim per collecta hominum & incendia, infra patriam, nemo facere præsumat, & qui hoc commiserit, lx. sol. in bannum nostrum compon. Similiter & qui iulsionem regiam in hostem bannitus irrumperit. Hæc capitula in alsiduitate, reliqua autem reseruata sunt Regibus, ut ipsi potestatem habeant nominatiuè demandare, inde exire debent. De dineralibus, Vt si quis eos \* Regi componantur. Similiter de his qui per chartam in ecclesia iuxta altare dimissi sunt liberi, cum xl. sol. compon. Regi. Hi verò qui per chartam ingenuitatis dimissi sunt liberi, ubi nullum patrocinium, & defensionem non elegerint, similiter Regi compon. cum xl. sol. Vt clericum nemo recipere audeat sine consensu Episcopi sui; & si cum aliquis acceptum habet, quando licentia ipsius Episcopi fuerit, aliter non faciat, nisi cum eius præsentia, perscrutandum si dignus fuerit, deducatur.

Erant in eodem ms. codice alia etiam Cap. quibus præscriptum, In lege Salica mittenda sunt.

Quæ quod priuatim ad Boios non spectarent, nō vñum exscribere. Eorum verò quæ hic proponuntur, nonnulla in collect. Capitulor. à Pithæo editor. extant l. 3. c. 22. 23. 24. append. 2. ad l. 4. c. 2. lib. 5. c. 138. 139. 140. 141.

cos occiderit.

nisi ut ad eius præsentiam.

HAEC CAP. NOSTRA MISSI NOSTRI COGNITA FACIANT OMNIBVS IN OMNES PARTES.

Vt



Si Francus. Defi-  
deratur alterum  
membrum, Si  
Baioarius.

infidelis,

ut simil,

Senior pro do-  
mino.

in illorum.

hæc.

Vt nullus ad mallum vel ad placitum infra patri-  
am arma, id est scutum & lanceam portet. De la-  
tronibus, Quicumque post missam sancti Ioannis  
latroni mansionem dedit, si Francus est, cum XII. si-  
milibus Francis iuret, quod latronem, cum fuisset,  
non sciret, licet pater sit, fratres, aut propinquus. Si  
hoc iurare non potuerit, & ab aliquo conuictus fue-  
rit, quod latronem in hospitio suscepisset, quod &  
ipse latro & infideles iudicetur: quia qui latro est, in-  
fidelis est noster & Francorum, & qui illum suscipit,  
similis est illi. Si autem audiuit quod latro fuisset, &  
tamen nescit firmiter, aut solus iuret, quod nunquã  
eum audisset, nec per veritatem nec per mendaci-  
um, eum latronem esse, aut sit superatus, si de illo la-  
trocinio postea victus fuerit, aut similiter damne-  
tur. Vt nullus comparet caballum, bouem, iumẽ-  
tum, vel aliud quid, nisi illum homines cognoscant  
à quo venditur, aut de quo pago est, vel ubi manet,  
aut quiseius senior. De aduentitijs, Vt cum Missi  
nostri ad placitum nostrum venerint, habeant ob-  
strictẽ quæsitum quanti aduentitij sunt ad illorum  
missatico, & de quo pago sunt, & nomina eorum, &  
qui sunt seniores eorum. Similiter direximus Mis-  
sos in Aquitaniam & Langobardiam, ut omnes fu-  
gitiuos & aduentitios ad nostrum placitum addu-  
cant. Quicumque ista capitula habet, ad alios  
Missos ea transmittat qui non habent, ut nulla excu-  
satio de ignorantia fiat, & hoc missi nostri ante nati-  
uitatem



uitatem Domini omnibus cognita faciant. In pri-  
 mis omnium iubendum est, ut habeant Ecclesias e- Ecclesiæ earum.  
 orum iustitias, tam in vita illorum qui habitant in  
 ipsis Ecclesijs, quamq; in pecunijs & substantijs eo-  
 rum. Ast ut omnes Episcopi potestati, vel secun- Hæc manca & corrupta.  
 dum regulam canonicam doceant & regant eorum  
 ministeria, tam in monasterijs virorum quamq; pu-  
 ellarum, vel in forensis presbyteris, seu reliquo po- forensibus.  
 pulo Dei. Vt viduæ & orphani & minus potentes,  
 sub Dei defensionem & nostro munde burdo pacem defensione.  
 habeant, & eorum iustitia. Episcopi cum Comi- iustitiam.  
 tibus stent, & Comites cum Episcopis, ut uterque  
 pleniter suum ministerium peragere possit. Vt la-  
 trones vel homicidæ seu adulteri vel incestuosi, sub  
 magna distractionem & correctionem sunt corre- distractione & correctione sint.  
 pti, secundum eo VVaba iuriorum velle. De re- secundum Baio-  
 bus proprensus, Vt ante Missos & Comites nostros ariorum leges,  
 & Iudices veniant, & ibi accipiant finitiuam senten- Aut aliquid si-  
 tiam, & in antea nullus præsumat alterius rebus pro- mile.  
 prendere, nisi magis suam causam quærat ante Iudi-  
 ces nostros, ut diximus, & ibi recipiant quod iustum  
 est. Et si aliquis voluerit dicere, quod iustè ei non  
 iudicetur, tunc in præsentiam nostram veniant. A- veniat.  
 liter verò non præsumat in præsentiam nostram ve-  
 nire, pro alterius iustitia dilatandum. Quod non  
 amplius de illis iustitijs Missi nostri ad præsens modo  
 faciant, nisi de temporibus Thassilonis seu Luitpir-  
 gæ: exceptis illis qui aui & genitoris nostri \* vel ad hiatus videtur.

V u                      nos

marcam. Huc  
Reginonis verba  
pertinent, Ca-  
rolus Rastibonā  
venit, ibiq; mar-  
cas & fines Ba-  
variorum dispo-  
suit.

nos venerint. Et marca nostra secundum quod or-  
dinatum vel scaritum habemus, custodiant, una cū  
Missis nostris.

Arno Notitiam siue descriptionem prædiorum  
Salisburgensium, cuius auctoritate non semel usi su-  
mus, isto etiam anno, volente, ut ait, Carolo, colle-  
git.

Atque hæc nos nunc quidem habuimus, quæ pri-  
scis monumentis eruta, & in certos annos tributa  
descriptaq; de rebus Boicis, à prima gentis origine  
ad Agilolfingos pullos, memoriæ mandaremus.  
Quibus sicubi leuior & incertior aliqua alicui cōie-  
ctura intermixta videbitur, nam coniecturis inter-  
dum, tanta rerum temporumq; caligine, sanè niten-  
dum fuit, is meminerit, nos neque eas præstare un-  
quam induxisse animum, & æquos tamen iudices  
de illis ipsis ferre posse. Hac interim fidei conscien-  
tia conquiescere, quod nihil toto opere, pro certo  
non arbitrario à nobis pronuntiatum confirmatūq;  
usquam est, cuius grauis & locuples ex antiquitate  
auctor non queat excitari. Id enim consilium, ma-  
gno popularis auræ detrimento, redimere tam non  
piguit, ut etiam fuerit studium. Te nimirum MA-  
XIMILIANE Princeps, & secundum te cordatos le-  
ctores alios, quibus nihil ex vano haustum placere  
possit, non turbam spectauimus.

Hæc



*Hæc priorum nominum errata, lector monitus corriget.  
Cetera, facile sua sponte.*

Pag. 73. Tollisto-Boij. l. Tolliste-Boij p. 122. Boionium gentilem. l. Gentilem.  
p. 179. Constantinus. l. Constantius. p. 233. Gundibaldus, l. Gundaldus. p.  
eâdem in orâ. Godebertus, Bertaritus. l. Partharitus, Gundebertus. p. 296. Ni-  
uermensi. l. Niuernensi. p. 308. in orâ. Constantius, Vrsus. l. Constantius,  
Præconius siue Procopius, Constantius, Vrsus. p. 310. in orâ. THEODO QVIN-  
TVS. l. SEXTVS. Aimoinus & Aimoinius, scriptum promiscuè.

Verum hoc quoque indicandum. Extare locum l. 2. Rhetoricor. ad C. Herennium,  
quem Turnebus cladem vetustatis persensisse merito ait, *Quasi si quis ad O-* Turneb. *Adver-*  
*lympiacum venerit cursum, & steterit ut mittatur, impudensq; illos dicat esse,* l. 20. c. 25.  
*qui currere ceperint, ipse intra carcerem stet, & narret alijs, quomodo Ladæ*  
*Boius cum Sicyoniis cursum arant.* Hunc nos, omnibus interpretibus depositum  
conclamatumque, etsi Boius, aut Boieus, uti quidam legere maluerunt, Boi-  
ca respicere videbatur, quod nihil sani erui posse consideremus, scientes præ-  
terijisse.

340



AVGVSTAE VIND.  
ANNO MDCII.

P.H. 09934

Morici Velsen

Perum Positorium



